

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + Ne pas utiliser les fichiers à des fins commerciales Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + Ne pas procéder à des requêtes automatisées N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + Rester dans la légalité Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse http://books.google.com

3 3433 07580253 2





NKI Miracl







SOCIÉTÉ

DES

ANCIENS TEXTES FRANÇAIS

MIRACLES DE NOSTRE DAME



Le Puy, typ. et lith. de Marchessou fils, boulevard Saint-Laurent, 23

MIRACLES

DE

NOSTRE DAME

PAR PERSONNAGES

PUBLIÉS D'APRÈS LE MANUSCRIT DE LA BIBLIOTHÈQUE NATIONALE

PAR

GASTON PARIS & ULYSSE ROBERT

TOME VII



PARIS
LIBRAIRIE DE FIRMIN DIDOT ET Cie
56, RUE JACOB, 56

M DCCC LXXXIII

S



Publication proposée à la Société le 24 février 1876.

Approuvée par le Conseil le 9 mars 1876, sur le rapport d'une commission composée de MM. Meyer, Michelant et de Queux de Saint-Hilaire.

Commissaire responsable:

M. Michelant.

XXXVII

MIRACLE

DE

LA FILLE D'UN ROY

PERSONNAGES

·~~··

Le roy La royne

LA ROYNE

LE PREMIER SERGENT D'ARMES,

LOTHART

LE DEUXIESME SERGENT, AUBERT

Anne

Françoise

PREMIER CHEVALIER

DEUXIESME CHEVALIER

LE MESSAGIER

LE CONTE DURIAUME

YSABEL, LA FILLE DU ROY

Usére

DIER

GABRIEL

LE MAISTRE DE LA NEF

L'OSTESSE

L'EMPEREUR DE CONSTANTINOBLE

L'escuier

LE MENAGIER

PREMIER CHEVALIER, TESTU GO-

BAILL

DEUXIESME CHEVALIER, GRAIN DE

PAILLE

LE CONTE DURIAUME

LE ROY DE TURQUIE

LE ROY DE HONGRIE

LE ROY DE TARTRES

LE ROY DE CERCES

LE ROY D'ARABIE

La fille a l'empereur

PREMIER SERGENT, LOTHART

DEUXIESME SERGENT, AUBERT PREMIER MENESTRIER

MICHIEL (LE CERF BLANC)

LE RELIGIEUX

NOSTRE DAME

PREMIER ANGE

DEUXIESME ANGE

Cy conmence un miracle de Nostre Dame de la fille d'un roy qui se parti d'avec son pére pour ce qu'il la vouloit espouser, et laissa habit de femme et se mainteint com chevalier et fu sodoier de l'empereur de Constantinoble et depuis fu sa femme. 221 a

LR ROY

JAME, s'a Jhesu Crist pleust Q'un enfant donné nous eust Depuis qu'assemblames ensemble, Mais qu'il vesquisist, il me semble De moy n'eust en verité 5 Plus riche homme en crestienté; Et vous diray raison pour quoy: D'un royaume seigneur me voy A qui grant demaine appartient Et grant noblesce en li contient, 10 Si que s'un enfant nous donnast Qui après nous le possessast, Certes quant je trespasseroye, Puis qu'oir de mon corps laisseroye, Ce me seroit a grant confort, 15 Et si en prendroie la mort En plus grant gré.

LA ROYNE
Certes quant je sui a secré,
Mon treschier seigneur, que me voy

35

45

50

Seule, souvent di : Diex, pour quoy 221 b
Ne me donnez vous un enfant
Qui fust ce regne possessant
Quant moy et le pére venrons
Au point que trespassez serons?

Et souvent grant piéce demeure
En ce penser, et puis je pleure
Grant piéce la.

LE ROY

Dame, ne vous vault riens cela.
N'en arons point s'il ne li plaist,
Si que laissons ester ce plait.
Alons men, alons a l'eglise,
Si orrons le divin servise
Et un sermon c'on y doit faire;
En ce ne pouons nous meffaire.
G'y vois: dame, ne detriez,

Venez y, et la Dieu priez

Et sa mére devotement.

Sus, biaux seigneurs, sus, alons ment

Jusqu'a l'eglise.

LE PREMIER SERGENT D'ARMES Sire, nous ferons sanz faintise Vostre conmant, c'est bien raison. Arriére sanz arestoison,

DEUXIESME SERGENT

Arriére, arriére!

Se ne voulez que je vous fiére, Alez en sus, faites ci voie, Ou vous sarez, se Dieu me voie, Que ceste poise.

le ceste poise. La royne

Damoiselles Anne et Françoise, Au moustier avec moy venez, Et mon livre avec vous prenez Et l'apportez.

ANNE

Tout ce de quoy vous m'enortez, Chiére dame, tantost feray. Preste sui: avec vous iray Ou vous voulrez.

55

221 C

FRANÇOISE

De faire ce que vous direz, Dame, ne sui je point rebource. Vezci vostre livre en sa bource, Qu'en mon braz port.

LA ROYNE

C'est bien : alons men sanz deport, 60 Car moult desire la venir A temps pour le sermon oir.

Dieu graces! je vien bien a point: Le sermon n'est encore point Conmencié. Ci me vueil seoir. 65 Or pensez de vous pourveoir De place aussi.

ANNE .

Voulentiers: je me serrai cy, Je n'y voy miex.

FRANCOISE

Et je lez vous; n'est ici lieux 70 Pour moy plus bel.

LE SERMON

Ave Maria, gratia plena, Dominus tecum, Luce primo. Ces paroles sont paroles euvangeliques et angeliques. Euvangeliques, car en l'euvangile sont recitées; angeliques, car de l'ange sont a la vierge benoite pronuncées. Voir est que de Jhesu Crist nous tenons une orison, des apostres une autre et de l'ange Gabriel une autre. De Jhesu Crist nous tenons la patenostre, et ceste nous disons a Dieu le pére par manière de orison; des apostres

nous tenons la credo, et ceste nous disons par manière de confession; et de l'ange la salutacion qu'il fist a la vierge benoite, et ceste disons nous par manière de loenge et de salutacion. Et pour ce que nous puissons empetrer grace, saluons ceste dame du salut que l'ange li fist, et devotement lui disons les paroles proposées au con-221 mencement de nostre briéve colacion, qui sont Ave gratia, etc. Ce glorieux euvangeliste saint Luc nous reconmandant le conmencement de nostre salut, dit ainsi : Gabriel l'ange est envoié; et sur ceste parole dit saint Bernart: Mais Gabriel archange, message du hault secré, est envoié de la haulte profundité a la vierge saluer et honnourer. Es quelles paroles appert assez que cest archange entendoit a faire quatre choses principalment ou conmencement de nostre salut: premiérement de lignie divine les entrailles de la vierge raemplir et feconder, espousailles par aliances de mariage traitter, les offices de la court imperial declarer, et par don de sauvement les choses données habonder et doubler. Je dy premiérement que cest archange entendoit de lignie divine les entrailles de la vierge raemplir et feconder, c'est a dire et entendre faire planteureuses, a ce que vierge fust faite mére du fil de Dieu. Dont a celle heure que l'ange la salua elle se troubla en sa parole, pensant quelle estoit ceste salutacion, dont l'ange li dist : Marie, ne te doubtes point, tu as trouvé grace par devers Dieu. Dont Origines dit: L'ange met devant a Marie la convenable souffisance de son concevement, et quant il dit Ave gratia plena; après il li exprime du concevement la consequence, disant: Dominus tecum; et si pronunce honneur en habundance: Benedicta tu in mulieribus. Et qui est plus convenable a concevoir lè filz de Dieu que celle qui est plaine degrace? ne qui est plus digne concepcion que du seigneur de tout le monde? ne qui est plus grant honneur ne meilleur que de estre beneite entre les femmes, c'est a dire sur 222 toutes femmes? Nulle. Et tout ce fu fait a ce que la ma-

leiçon de Eve fust muée en la beneiçon de Marie. Dont saint Augustin dit u premier sermon de l'anonciacion : Mes fréres, nous avons ouy les conmencemens de nostre ioie, les enditemens de nostre liberté, et fenist ainsi : Gabriel, di a la vierge : Ave gratia plena, a ce que Diex ait pitié de la maglinité Eve. Et ainsi nous appert le premier point, c'est assavoir que Gabriel vint pour les entrailles de la vierge de lignie divine raemplir et feconder. Secondement je dy qu'il vint pour espousailles par aliance de mariage traitter. Dont Bede en espousant saint Luc sur ce pas: Ne timeas, Maria, dit ainsi: L'ange n'est pas a Marie venu pour li par le devin de decepcion decevoir, ne pour son entière et inviolable virginité ravir et avoir, mais pour la coupulacion de pure condicion entre nature divine et nature humaine demonstrer et faire savoir, ne il n'est pas venu conme menistre de serpent, mais conme legat de celui qui punist le serpent; mais aussi conme en espousailles sont faites aucunes arres de don, de l'espoux declaracion et du douaire determinacion, aussi fu ici faicte arre de don : quoy? planté de grace; l'espoux fu le seigneur, le douaire beneiçon. Et ces trois choses dit Gabriel par exprès: l'arre fu quant il dist gratia plena, l'espoux quant il dist Dominus tecum, le douaire quant il dist benedicta tu in mulieribus : celui qui t'a creée t'a ja devant toutes eslevée, celui que tu as a enfanter t'a ja raemplie. Conment l'ange traictant les 222 b divines espousailles apparut a la vierge, escoute que dit saint Augustin en un sermon de ceste feste qui se commence: Vidi portam Domini clausam, etc.: Je Marie, pucelle de Judée, de la lignie de David engenrée, estoie en ma maison, et quant je fu parcreue je fu espousée a mari et si fu plaisant a autrui sanz adultére avoir fait, mais au gré saint esperit fait, homme juif a mari ay eu, mais avec ce a Dieu homme ay pleu. Joseph mon espoux ygnora ce que mon seigneur Dieu m'ama, cuida que par adultère fusse encainte pour estre mère: li estant en cele

222 C

ignorance me vint par divine ordenance Gabriel l'archange message visiter, disant conme sage: Plaine de grace, Dieu te sault, avec toy est Diex de la hault. De ce salut il me troubla, en saluant ennorté m'a. Et après dit il ailleurs: Mes chiers amis, esjoissons nous, amont noz cuers eslevons, la vierge Marie aourons et graces li rendons; car par elle sommes appellez de teniebres a lumière, de mort a vie, de corrupcion a incorrupcion, d'essil a heritage, de pleur a joie, de desert au royaume des cieulx, et de grace a gloire. A laquelle gloire nous maint par les merites de Marie li péres et li filz et li sains esperiz, qui est unus Deus benedictus in secula seculorum. Amen.

LE ROY

Dame, sanz plus d'arrestoison Faire, a l'ostel m'en vois de ci; Je lo si faciez vous aussi. Qui me voulra veoir me voye. Avant, seigneurs: faites me voye,

Delivrez vous.

PREMIER SERGENT
Tantost, chier sire. Arriére touz!
De ci vous convient destasser,
Si que mon seigneur de passer
Puist avoir voie.

DEUXIESME SERGENT
Savoir vous fas, se Dieu me voie,
Qui arrière ne se traira
Je tien qu'il s'en repentira

A brief parler.

LA ROYNE

Ains que de ci m'en pense aler, La mére de misericorde Par qui maint ont a Dieu accorde Vueil deprier devotement.

80

75

85

222 d

Royne du hault firmament,	90
Qui le fruit de vie portastes,	
Qui, vierge, homme et Dieu enfantastes	
Et qui vierge fustes après	
L'enfanter, dame, a mes regrès,	
Que ci vous pence a descouvrir,	95
Deigniez voz oreilles ouvrir	•
De pitié, royne des cieulx,	
Et aussi de voz tresdoulx yeulx	
Qui plain sont de misericorde,	
Si com l'escripture recorde,	100
Regardez qu'a vostre plaisir	
Qu'avenir puisse a mon desir,	
C'est que l'eure je puisse voir	
Qu'enfent je puisse concevoir.	
Mais je croy, selon mon propos,	105
Que Dieu m'a de tel bien forclos,	
Pour c', espoir, que n'en sui pas digne;	
Si ne say je, vierge benigne:	
Car ce que je soloie amer	
M'est maintenant sur et amer,	110
Et si voy ma:complexion	
Muée et ma condicion:	
Pour ce d'estre grosse doubte ay,	
Mais de certain pas ne le sçay,	
Car telle chose onques n'apris;	115
Si vous requier, vierge de pris,	
De cuer que ma proiére oiez:	
A vo doulx fil pour moy proiez	
Que je puisse lignie avoir	
Telle que vous et vo doulx hoir	120
En puissiez estre louez, dame,	
Et que le sauvement de m'ame	
Y puist estre, et non autrement.	
Damoiselle, sus, alons ment:	
Il en est temps.	125

1 5o

ANNE

Treschiére dame, sans contens Vostre voulenté faire vueil Du tout en tout, point ne m'en dueil Ne droit n'est pas.

FRANÇOYSE

130 Nous vous suiverons pas a pas,
Treschiére dame, a brief parler;
Ne vous lairons pas seule aler,
Ne droit n'est mie.

LE ROY

Or ça, venez avant, m'amie;
Seez vous ci decoste moy.
Que vous semble, par vostre foy,
De ce sermon?

LA ROYNE Il m'a semblé et bel et bon, Mon chier seigneur, sachiés de voir;

Mon chier seigneur, sachiés de voir

140 Et si vous fas bien assavoir

Qu'avenu m'i est une chose

Dont parler hardiement n'ose

Encore, sire.

LE ROY

Et qu'est ce, se Dieu vous gart d'ire?

Celer ne le me devez pas:

Dites moy qu'est c'isnel le pas,

Je vous em pri.

LA ROYNE

Je le vous diray sanz detri,
Puis qu'a le savoir vous taschiez;
Enfant ay conceu, sachiez;
Au sermon l'ay sentu mouvoir;
Si ay je fait autre foiz, voir,
Par avant, mais je ne l'osoie

Dire pour ce que ne savoie

11
155
160
165
170
175
!

Sire, briefment?

LE ROY

Briefment? sachiez certainement 180 Je ne pense plus sejourner: En l'eure me vueil attourner

Du chemin prendre.

LA ROYNE

S'il vous pleust, chier sire, attendre

205

210

185 Qu'acouchie me laississiez Et que vostre hoir vous veissiez, Il vaulsist miex.

LE ROY

Dame, j'ay fiance que Dieux De tant que plus tost me verra

223 b

Pelerin de tant me fera 190 Plus tost grace et a vous aussi; Et pour ce vueil partir de ci. De riens ne vous desconfortez Pour l'amour du fruit que portez.

Seigneurs, avecques moy venez 195 Et compaignie me tenez

En ce voyage.

PREMIER CHEVALIER Mon chier seigneur, de bon courage Feray ce que vous conmandez.

Quant est pour moy, point n'atendez

A mouvoir, sire. DEUXIESME CHEVALIER

Ne pour moy, car je vous puis dire Je suis tout prest; riens ne me fault. En moy n'ara il nul deffault,

Je vous promet.

LE ROY

Damoiselles, je vous conmet Et vous pri, vueilliez regarder-A la royne bien garder; Et de l'enfant songneuses estre Pensez quant Dieu l'ara fait naistre,

Je vous en charge.

ANNE

Mon chier seigneur, de ceste charge Feray tout ce que je pourray, Tant que, se Dieu plaist, n'en seray

Mie reprise. 215

FRANCOISE

De tant aussi qu'en sui aprise, Mon chier seigneur, y mettray peine: C'est droit que de faire me paine Vostre vouloir.

LE ROY

Ici ne vueil plus remanoir. Vous, sergens, devant moy irez: Jusqu'au port me convoierez. Et puis retournerez arriére. Dame, a Dieu! faites bonne chiére.

223 c Ne scé se jamais vous verray,

Mais au mains je vous baiseray. Je m'en vois sanz plus detrier; Or faites Dieu pour moy prier, Et s'en priez il me souffist.

A Dieu vous conmans qui vous fist 230 Sanz plus ci estre!

LA ROYNE

Mon chier seigneur, le roy celestre Vous soit doulx et misericors Et vous vueille en ame et en corps Par sa grace et par sa bonté En vostre regne a sauveté

Brief ramener!

ANNE

Laissiez, dame, ester le plourer, Car nul bien faire ne vous peut. Je scé bien que pitié vous meut Et amour v met achoison, Mais ne passez pas de raison Les bonnes, dame.

LA ROYNE

Anne, je vous jure par m'ame, Quant de moy l'ay veu partir, Je cuiday bien qu'en deux partir 220

225

235

240

245

265

270

223 d

Deust mon cuer pour s'amistié, Tant me prist de lui grant pitié A celi pas.

Françoyse

250 Je croy bien et si ne doubt pas
Qu'il vous fist mal au departir,
Car cuer humain ne peut mentir
Ou vraie amour est et habite,
Mais fait son devoir et s'acquitte
Envers ce qu'il aime, c'est voir,
Soit de douleur ou joie avoir,
Dame, ou il fault.

LA ROYNE

De plourer deporter me fault; Mais je depri a nostre dame Que ce soit au prouffit de s'ame. Et certes touzjours prieray Pour li, n'en doubtez, et l'aray En souvenir.

ANNE

De ce ne peut que bien venir En verité.

LE ROY

Seigneurs sergens, bien acquitté Vous estes d'avec moy venir : Ne vous vueil plus ore tenir; Vous a la royne en irez Et si la me saluerez

Assez de foiz.

PREMIER SERGENT

Mon treschier seigneur, par noz foiz,
Ce qui vous plaist dire ferons,
Et si la vous saluerons

275 Benignement.

224 a

		-	AW
246	•	м	UI

Voir, et si gardez bien, conment Qu'il voit, que vous aussi faciez Son vouloir et ne la laissiez

Seule point estre.

DEUXIESME SERGENT

Nous penserons de peine mettre 280 De faire ce que conmandez. Sire, a Dieu soiez conmandez Et a sa garde!

LE ROY

Alons men, alons: il me tarde

Que hors de ce lieu ci me voie. Je tien que vezci nostre voie:

Que vous en semble?

PREMIER CHEVALIER

C'est voir; par ci nous fault ensemble Aler, chier sire.

PREMIER SERGENT

Alons a la royne dire 290 Conment le roy saluz ly mande Et conment aussi nous conmande

Avec ly estre.

DEUXIESME SERGENT Ne la fault pas en oubly mettre. Avant! ci plus ne nous tenons. 295

Chiére dame, a vous revenons: Le roy, que Dieu en bien avoie Et gart de mai. nous y envoye, Qui moult de foiz salut vous mande Et par exprès se reconmande 300

En voz priéres.

LA ROYNE

Ces nouvelles ay je bien chiéres A oir, seigneurs: bien veigniez.

224b

Desormais vueil que desveigniez
305 Mes sergens pour la seue amour,
Et qu'avec moy faciez demour;
Telle est m'entente.

LE PREMIER SERGENT N'y a nul de nous qui ne tempte A faire tout vostre plaisir, Chiére dame, de grant desir

Et sanz desroy.

DEUXIESME SERGENT

Aussi nous a chargié le roy,

Aussi nous a chargié le roy, Ma treschiére dame, ce point, C'est que nous ne vous laissons point,

315 En verité.

LA ROYNE
Or donc, en ma neccessité
Vous deux telement me servez
Qu'un grant bien avoir desservez,

S'il chiet a point.

Premier sergent

320 Nous ne nous en fainderons point,
Dame, conment qu'il en doie estre,
Qu'en vous servir ne vueillons mettre
Et cuer et corps.

LA ROYNE

Pour ce que vous venez de hors,

Je vueil bien, c'est assez raison,

Qu'ailliez chascun en sa maison

Vous aisier ce jour tout entier

De ce dont vous avez mestier;

Mais demain revenez bonne erre,

Sanz ce que vous envoie querre:

Sanz ce que vous envoie querre : M'entendez vous?

DEUXIESME SERGENT
Chière dame, non ferons nous,
En bonne foy.

LA ROYNE

Damoiselles, conseilliez moy Chascune selon vostre sens: Sachiez que si grant douleur sens Par les reins que le cuer me fent; Avis m'est que me muir, ce sent,

Se n'ay secour. Diex! les reins, Diex! Ha! royne et dame des cielx, Tresdoulce vierge, que feray?

Si grant engoisse n'enduray Onques mais jour.

ANNE

Ma chiére dame, sanz sejour Cy endroit plus ne vous tenez, Mais en vostre chambre venez : Vous travailliez certainement.

Faites, faites, venez vous ent

Tantost de ci.

LA ROYNE

Puis que le conseilliez ainsi, Alons: sur vous m'apuieray.

Doulce mére Dieu, que feray? Trop sanz d'angoisse et grant ahan.

Ami Dieu, sire saint Jehan, Priez a Dieu le debonnaire Qu'il me giet hors de ceste haire, Conment que soit. Diex! que feray? Certes je croy que je mourray

En ceste place.

FRANÇOISE

Hé! sire Diex, par vostre grace Delivrez ceste dame brief Du mal qu'elle sueffre si grief, Et li ottriez qu'elle voie Son enfant né sur terre a joie,

T. VII

224 C

335

340

345

35o

355

3**6**0

Tout sain de corps.

PREMIER SERGENT

Aubert, d'aler a court m'acors, Il en est maizhuy temps et heure. Ne faisons pas si grant demeure Qu'il faille c'on nous viengne querre;

370

Alons men a la court bonne erre,

Car temps en est.

Deuxiesme sergent Alons, Lotart, je sui tout prest.

Egar! bien tost sommes venuz:

Des gens ma dame n'a ci nulz,

Homme ne femme.

375

PREMIER SERGENT
Par aventure que ma dame
A ses damoiselles attraictes
Et se sont en chambre retraictes
Toutes ensemble.

LA ROYNE

38o

Mes amies, voir, il me semble C'om me rompe, bien dire l'os, Les reins au travers et le dos Au lonc. Diex! ne scé que je face. Dame des cieulx, par vostre grace

385

Jettés me hors de ceste paine Qui tant me gréve et tant me paine.

Diex! les costez!

DEUXIESME SERGENT
Lothart, la royne escoutez:
Oy l'ay fort crier sanz faille;
Je tien pour vray qu'elle travaille

390

A mon cuidier.

PREMIER SERGENT Le benoist Dieu li vueille aidier, Si qu'elle soit briément delivre D'enfant sain de corps qui puist vivre Et en bons meurs si amender 395 224 d Qu'après son pére succeder Puist et ses genz en paiz tenir, Si qu'en la fin il puist venir De grace a gloire! Chière dame, d'umble memoire 400 Depriez la vierge Marie, Et je tien tost serez guerie Par delivrance. LA ROYNE Anne, de toute ma puissance Ly pri que me face secours. 405 Diex! or revient mon mal le cours; Certes je me muir, bien le voy. Dame des cieulx, confortez moy Contre ce mal qui si m'angoisse, Car plus si merveilleuse angoisse 410 Ne puis porter. FRANÇOISE Or pensez de vous conforter, Dame: voz griefs maux sont passez; De ce qui est fait vous passez : Demandez quel enfant avez. 415 Je scé bien que ne le sçavez Encore mie. LA ROYNE Quel enfant ay je eu, ma mie? Dites me voir. FRANÇOISE

Pour verité vous fas scavoir

Qu'une fille avez, chiére dame,

225 a

430

440

Qui sera une vaillant fame, Se Dieu plaist, ou temps a venir. Or pensez de vous esjouir

De sa naiscence. 425

LA ROYNE

Loée en soit la Dieu puissance Qui li ait la grace donnée Qu'elle soit de bonne heure née! Car je sçay bien il vault miex estre De bonne heure que de bon estre. Mais, mes amies, sanz songier, Pour Dieu, pensez de moy couchier

Isnellement.

ANNE

En l'eure sanz delaiement. Vezci vostre lit prest, ma dame. 435 Françoise, aidiez moy, par vostre ame A la couchier.

FRANÇOYSE

Sa! de vous me vueil approuchier, Car li servir m'est grant delit. Ore puis qu'elle est en son lit, Laissier la convient reposer Sanz li riens qui soit proposer, Je le conseil.

LA ROYNE

Anne, je vous conmet et vueil Qu'aiez de cest enfant la cure, 445 Et que par vous ait nourreture Telle conme a tel enfant fault; Et gardez qu'il n'y ait deffault Par vous, m'amie.

ANNE

De ce ne vous souciez mie, 450 Ma dame: j'en feray autant Con s'elle estoit mon propre enfant, 225 b

455

460

470

475

480

Je vous	promet.
---------	---------

LA ROYNE

Ainsi la vous baille et conmet.

Or la portez sanz detrier La derrière, afin que crier

Ne l'oie, que certainement Je sui malade tresgriefment.

Vous deux ci plus ne la tenez:

Alez, et santost revenez

Yci a moy.

Anne

Dame, a voz grez faire m'ottroy.

Françoise, alons.

Françoise

Ce que voulez vueil : or soions

D'aler isnelles.

isnelles. 465

Premier sergent

Damoiselles, quelles nouvelles?
D'aler un po vous deportez.

Qu'est ce qu'entre voz braz portez?

Le sarons nous?

ANNE

Oil, Aubert, mon ami doulx:

Ma dame en l'eure est agistée De ceste fille qu'achetée

De ceste fille qu'achetee

A moult, tant a griefs maulx eu.

Certes j'ay telle heure veu

Que cuiday qu'elle trespassast

Et que jamais ne respassast Des maux qu'avoit.

DEUXIESME SERGENT

Ore Diex santé li envoit

Et de touz ses maux la garisse!

Et est il point de la norrice

Nulle monneste?

Françoise

Ne doubtez : elle est toute preste, Et si savons bien en quel lieu. Anne, alons men. Seigneurs, a Dieu

485 Demourez ci!

ANNE

Alons, Françoise, car aussi N'avons mestier de sejourner. Devers ma dame retourner Bien tost nous fault.

LA ROYNE

Diex! que feray? le cuer me fault! 490 E! roine de paradis, De mes mesfaiz, de mes mesdiz, De quanque puis avoir meffait Soit en parler ou soit en fait, Par vous me soit de Dieu par don 495 Remission faicte et pardon, Et encore vous suppli, dame, Que vueilliez en corps et en ame Garder mon chier seigneur le roy, Qui si loing est alé pour moy 500 Et pour ma porteure aussi, Et que par vous briefment ici Puist revenir, dame des cieulx. Je me muir voir : ha! sire Diex, A l'ame de ce povre corps 505

225 C

Soiez doz et misericors, Si qu'en paine perpetuelle Ne soit, mais en gloire eternelle Vous puist veoir!

ANNE

D'estre plus ci n'ailleurs seoir, Françoise, nul mestier n'avons:

LA FILLE D'UN ROY	23
A ma dame nous en ralons	
Bonne aleure.	
Françoise	
Alons, dame, c'est bien droiture	
Que d'elle aions et eure et soing,	5 ı 5
Car ore en est plus grant besoing	
C'une autre foiz.	
Anne	
C'est la cause pour quoy g'i vois	
Plus tost, Françoise.	
Françoise	•
Or entrons ens sanz faire noise,	520
Et sachons s'elle dort ou veille.	
Savoir vueil s'il est riens que vueille.	
Chiére dame, dites nous voir,	
Est il rien que vueilliez avoir?	
Egar! je ne scé s'elle m'ot:	525
Ne me respont de chose mot	
Que li enorte.	
Anne	
Regarder la vueil. Elle est morte,	
Françoise, en bonne verité.	
Ha! sire Diex, par vo bonté	53o
Vueilliez pitié de s'ame avoir	
Et en voz sainz cieulx recevoir,	
Car certes je puis pour voir dire	
Trespassée est conme martire	
La vaillant dame.	535

225 d

HVXXX

Françoise

E! lasse, dolente, par m'ame, Or ay je bien a plourer fort Pour vous, ma chiére dame! A! mort, Que tu es d'oultrageuse emprise, Qui si tost ceste dame as prise! 540 Bien nous as mis en grant tristesce Et nous ostes joie et leesce.

Diex! que ferons?

Françoise, quant plouré arons Et replouré et fait dueil grant, 545 Si nous faura il estre engrant De penser a un autre affaire, C'est con pourrons de son corps faire Qu'il soit en terre.

FRANÇOISE

Voir, le cuer de deuil si me serre 550 Que je ne scé que vous en die. ll nous fault autre compagnie: Je lo qu'appellons les sergens Qui nous conseilleront quelx gens 555

Nous fauldra prendre.

ANNE

Sa! mes amis, sa! sanz attendre Venez avecques nous plourer La royne, et pour li orer :

Elle est passée.

PREMIER SERGENT

Dites vous qu'elle est trespassée? **560** Elas! vezci froide nouvelle! Se Dieu vous aist, damoiselle, Est il ainsi?

ANNE

Creez moy; tenez, vez la ci:

Vous dy je voir? 565

DEUXIESME SERGENT Ha! chiére dame, huy recevoir Vueille Diex vostre ame en sa gloire Com la plus vaillant femme, voire,

C'onques nasquit!

Françoise

226 a

570 Amen! que s'encore vesquist Nous trestouz en vaulsission miex.

			•	
LA	FIL	LE.	D'UN	ROY

XXXVII

25

600

Or est ainsi : je eroy que Diex Ne le veult pas. ANNE Seigneurs, je tien s'isnel le pas Estoit de ceste chambre ostée 575 Et la derriéres fust portée Que bon seroit. PREMIER SERGENT C'est voir, mais il la convenroit Ordener tout en l'eure, dame, Avant que d'omme ne de femme 580 Aions empesche. Françoise Je conseil dont c'on s'en depesche Sanz tarder point. DEUXIESME SERGENT Faites qu'elle soit mise a point, Et je vous vois quatre hommes querre 585 Qui de ci l'osteront bonne erre, Puis qu'ainsi est. ANNE Alez: vous trouverez tout prest Au revenir. DEUXIESME SERGENT Seigneurs, sanz vous plus ci tenir 5do Avec moy touz quatre venez. Sa! je vien : vous quatre prenez Ce corps, seigneurs, en la manière Qu'il est, deux devant, deux derriére; Sus voz espaules, moy sivant, 595 L'apportez, et je vois devant, Ou sera mis. ANNE

Je croy qu'il est bon, mes amis, Que vous li faciez compagnie Et nous aussi, n'en doubtez mie,

226 b

Se le suivez-

PREMIER SERGENT

Nous irons, mais ne vous mouvez:

N'en est mestier,

Françoise

Si est, s'on le porte au moustier

605 De ci endroit.

PREMIER SERGENT

Porté y sera il tout droit,

Car la venront touz les seigneurs,

Parens, amis, et les greigneurs

De ceste terre.

ANNE

610 Alons y donc, alons bonne erre;
Françoise, s'orrons le service,
Et pour prier que Diex propice
Soit a son ame.

Françoise

Puis qu'il vous plaist, soit, alons, dame;

Je sui assez de vostre accort.

Je te doi bien maudire, mort,

Certes, et j'ay raison apperte,

Car recouvrer ne puis la perte

Jamais que m'as a ce cop fait;

Pour ce dy qu'en toy n'en ton fait

N'a que douleur et mescheance,

Ne nul n'y doit avoir fiance S'il ne foloie.

Le roy
Seigneurs, avoir devons grant joie
625
Et graces rendre a Dieu aussi
De ce que nous nous veons ci
Et que de la mer sommes hors
A la sauveté de noz corps,

XXXAII	LA FILLE D'UN ROY	27
	Ou moult avons esté penez	
	Par tempestes et malmenez,	63o
	Et y soufiert maint grant ahan.	
	Ore vezci Jherusalem:	
	Il nous convient premiérement	
	Au temple aler devotement	
	Prier Dieu sa grace nous doint,	635
	Et touz noz pechiez nous pardoint,	
226 C	S'arons assez.	
	Premier chevalier	
	Mon chier seigneur, devant passez,	
	C'est raison: nous vous suiverons	
	Et aussi que ferez ferons	640
	En Dieu priant.	
	Le roy	
	Je voys sanz estre detriant.	
	Cy devant m'agenoulleray	
	Et de cuer Dieu y prieray	
	Voire tout bas.	645
	DEUXIESME CHEVALIER	
	Loing de vous ne me tenray pas:	
	Je me vueil agenoillier ci	
	Et prier Dieu de moy merci	
	Ait par sa grace.	
	PREMIER CHEVALIER	
	Agenoullier en ceste place	65o
	Me vueil aussi, je n'y voy miex.	
	Nous qui avons, biaux sire Diex,	
	Volu delessier nostre terre	
	Pour vous venir ici requerre	
	Et prier par devocion,	655
	Vueillez a nostre entencion	•
	Encliner, c'est nous pardonner	
	Noz pechiez et nous ramener	
	Telement, Dieu misericors,	
	Qu'a sauveté puissons des corps	660

680

685

690

226 d

En nostre pais retourner Et noz ames, sire, aourner De grace. Amen!

LE ROY

Sus, biaux seigneurs, sus, alons men:

Offrir vois et baisier en l'eure.
Alez, seigneurs, alez, j'ay fait,
Et puis en nostre hostel, de fait,
Irons disner.

PREMIER CHEVALIER

670 Diex, qui pour nous en croiz pener Te laissas en ce pais ci,

Vueilles de m'ame avoir merci

Par vo puissance!

DEUXIESME CHEVALIER
Sainte croiz, dont la remambrance
Voy ci dessus cest autel estre,
En qui Jhesus le roy celestre
Souffri mort et son costé fendre,
Vueillez me garder et deffendre
De l'ennemi et de ses laz,

Que dire ne me face laz Au derrain jour!

LE ROY

Alons men disner sanz sejour, Que m'entente est de retourner En mon pais sanz sejourner,

Se diné ay.

PREMIER CHEVALIER
Chier sire, or soit fait sanz delay,
Car de ce pais ou nous sommes
Ne savons le vouloir des hommes

Ne le courage.

DEUXIESME CHEVALIER
Non, et si sommes en servage

De gens qui sont conme chiennaille; Si est bon que tost on s'en aille Hors d'entour eulx.

LE ROY

N'y serons plus n'un jour ne deux, Que si tost que dinez serons, C'est m'entente, nous penserons De retourner.

695

ANNE

Seigneurs, sanz plus ci sejourner, Puis que ma dame est mise en terre, Retourner nous en fault bonne erre; Raison y a, que je regarde: Ses biens me sont bailliez en garde De par mon seigneur de Duriaume, Qui conmis est en ce royaume

700

705

Garder et tenir en arroy

Jusqu'a tant que viengne le roy; Si m'en fault estre curieuse

Et de la fille aussi songneuse

Faire nourrir.

PREMIER SERGENT

C'est voir: sanz nous plus ci tenir, A l'ostel alons touz ensemble: Ne sommes pas trop, ce me semble,

710

Pour le garder.

DEUXIESME SERGENT Voir est: or alons, sanz tarder.

Ceens soit Diex!

715

Françoise

Certes, or doy je bien des yex Plourer et moy en dueil remettre, Quant ci ne pourrez mais plus estre, Vaillant dame, courtoyse et sage.

227 a

735

750

227 b

720 Ha! je ne scé qui ce damage `Réstaurera.

ANNE

Plus vaillant dame ne sera Jamais certes, doulce Françoise, Plus benigne ne plus courtoise

725 Qu'elle a esté.

PREMIER SERGENT
Certes vous dites verité;
Mais puis qu'estre autrement ne peut,
De tel dueil souffrir vous esteut,
Et vous et vous.

Françoise

Je croy bien; mais, mon ami doulx, Quant me souvient de l'amistié Qu'avoit en moy, par grant pitié Pleure sanz faille.

DEUXIESME SERGENT
Ainsi fault que chascun s'en aille
En terre dont il est venuz:

De ce pas n'eschappera nulz Qu'il ne li faille trespasser Ce monde et par la mort passer Jusques au jour du jugement

Que Diex qui ne fault ne ne ment
Touz noz corps resuscitera
Et lors a chascun rendera
Selon ce qu'ara desservy:
Les pecheurs qui ne l'ont servi

745 En enfer sanz fin mis seront,
Les justes sanz fin gloire aront;
Ainsi le croy.

Ainsi le croy. Anne

C'est article de nostre foy : N'y a plus fors que de bien faire. Ore penser vois d'autre affaire,

11AXXX	LA FILLE D'UN ROY	3 1
	C'est de visiter la fillette	
	Qui si joune est orselinette:	•
	Il appartient.	
	Premiër sergent	
	Alez, dame Anne : il esconvient;	
	Car la mére en voz mains la mist	755
	Et a la garder vous conmist	•
	Et dottriner.	
	Anne	
	C'est voir. Dieu me vueille donner	
	Grace de le si savoir faire	
	Qu'il puist a tout le monde plaire!	760
	A Dieu! a Dieu!	,
	DEUXIESME SERGENT	
	Alez: nous garderons ce lieu	
	Tant que venrez.	
	LE ROY	
	Biaux seigneurs, vous que me direz?	
	Ainçois que plus d'aler m'avoie	765
	Est il bon qu'un message envoie	
	A ma compaigne la royne,	
	Qui li die nostre convine	
	Et qu'elle ne s'esmaie point,	
	Que nous sommes touz en bon point,	770
	La Dieu mercy?	
227 C	PREMIER CHEVALIER	
	C'est raison de le faire ainsi,	
	Chier sire, et si est temps assez,	
	Combien qu'a ja quatre ans passez	
	Que de vous n'a nouvelle eu,	775
	Pour ce que vous n'avez peu,	
	Ce sçay je bien.	
	DEUXIESME CHEVALIER	
	Cartee Would li force grant hien	

790

800

8o5

227 C

Et grant joie, je n'en doubt pas, 780 Envoiez y isnel le pas.

Pour Dieu, chier sire.

LE ROY

Je li vueil une lettre escripre. Querez moy tantdis un message Qui vueille faire ce voiage,

Je vous em pri.

DEUXIESME CHEVALIER
Querre le vous vois sanz detri,
Mon seigneur chier.

PREMIER CHEVALIER
Pour vous mains, chier sire, empeschier,
Enque et papier vous bailleray,

Tenez, et en sus me trairay, Sire, de vous.

LE ROY

Cy me vueil seoir, ami doulx, Tant que ma lettre soit escripte, C'est fait, elle est bien et biau ditte:

795 Clorre la fault.

DEUXIESME CHEVALIER Chier sire, vezci Musehault, Que j'ay trouvé en celle voie. Il dit que ci a vous l'envoie Messire Duriaume le conte.

Or li demandez a brief conte Oue dire veult.

LE ROY

Sa! mon ami, dire t'esteut Que tu viens querre.

Le messagier

Mon redoubté seigneur, bonne erre Le sarez : vezci une lettre Que vous present de par mon maistre Et seigneur, le conte Duriaume;

Il estoit en vostre royaume	
Quant vous laissay.	
Le roy	
Lire la vueil si com je say.	810
Elas! bien doi estre esperdu!	
Certes, or ay je tout perdu,	
Ce puis je dire.	
Premier chevalier	
Qu'est ce la? qu'avez vous, chier sire?	
Dites le nous.	815
Le roy	
Je doy bien plorer, seigneurs doulx:	
Nous n'avons mais point de royne,	
Trespassée est. Ha! Katherine,	
Sur toutes autres bonne et belle,	
Con ta mort en moy renouvelle	820
Dueil grant et fort!	
DEUXIESME CHEVALIER	
Sire, il vous fault prendre confort	
Et vous demener autrement:	
A roy n'appartient nullement	
Faire tel dueil.	825
Le messagier	
Non; car il n'est mie si seul	
Conme il cuide, par ma coquille;	
Car d'elle au mains a une fille	
Qui a ja bien quatre ans passez,	
Et ce li doit souffire assez	83o
Pour joie avoir.	
PREMIER CHEVALIER	
Par foy, mon ami, tu dis voir:	
La voulenté Dieu li doit plaire	
Et prendre en gré, non pas desplaire,	
Chose qu'il face.	835
Le roy	

Fort seroit que ne me coursasse

T. VII

•		
4	4	
	23	

228 a

De sa mort, seigneurs, vraiement; Car je l'amoie chiérement, Qu'elle afferoit bien a amer; Si ne m'en devez pas blamer, 840 Que certes ne scé sa pareille. Diex de s'ame avoir merci veille! Messagier, fay tost, si t'en vas: Di a mes gens que trouvé m'as, 845 Et qu'il ne leur soit pas a grief, Que je seray a eulz bien brief, Au Dieu plaisir. LE MESSAGIER Mon chier seigneur, de grant desir Feray ce que me conmandez. A Dieu soiez vous conmandez 85o Trestouz ensemble! LE ROY Seigneurs, bon est, si con me semble,

Tant qu'en mon royaume venons :

855 Avançons nous.

DEUXIESME CHEVALIER
Chier sire, il ne tenra qu'a vous:
Alez si tost que vous voulrez,
Touzjours emprès vous nous arez,
N'en doubtez mie.

Que de cheminer nous penons

Anne

860 Ay je bien demouré, m'amie?
Oil voir, mais je n'en puis mais:
Ma fille ay baignié pour huymais
Et mise a point.

Françoise

A estre aise ne fauldra point

865 Tant conme en serez gardianne.

Mais que je puisse mon seigneur

895

Veoir en face.

XXXVII

227 b

228 a

LE ROY

Seigneurs, je ne vueil point c'on face De ma venue grant monneste, Ne je n'en quier ja faire feste, Car le cuer point ne m'y encline, Puis que j'ay perdu la royne, Á qui Dieux vueille courtois estre. Alons nous en nostre hostel mettre

Tout simplement.

PREMIER CHEVALIER
Sire, alons, puis que tellement
Vous plaist a faire.

DEUXIESME CHEVALIER

Pensons d'achever cest affaire :

Avançons nous.

Anne

Mon chier seigneur, bien vegniez vous Et vostre compagnie toute! Onques mais n'oy joye sanz doubte 'Si grant que j'ay.

LE ROY

Anne, m'amie, je ne sçay
En quel maniére me contiengne,
Que la lerme a l'ueil ne me viengne,
Quant de la royne ay memoire,
Qui ci n'est, mais en la Dieu gloire
Soit l'ame d'elle.

Françoise

Certes, elle estoit bonne et belle, Et grant joie de vous feist S'elle vesquist et vous veist

Cy revenu.

Le roy Ne m'est pas si bien advenu. Nient moins loez en soit Diex, puis

905

900

910

915

920

Et songnieux du bien de ce regne, Se merveillent conment tant regne

Le roy ne tant est en veuvage,

950

XXXVII

228 h

980

Ly qui deust par mariage Aucune noble dame avoir. De qui venir nous peust hoir Qui le royaume succedast 955 Après sa mort et le gardast En pais et les gens du pays; De ce sont il touz esbahiz Conmunement. DEUXIESME CHEVALIER Je le croy bien certainement, 960 Ne m'en merveil. PREMIER CHEVALIER A ceci respondre vous vueil: Je conseil pour le conmun bien Que li alons monstrer, combien Que ne sçay se riens en fera, 965 S'il prent femme grant bien sera, Tant pour ligniée d'elle avoir Conme pour faire son devoir Envers ses gens. DEUXIESME CHEVALIER C'est bien dit. Soions diligens 970 Et pansons de nous avancier De li ceste chose nuncier Sanz plus attendre.

LE CONTE

229 a

Je li pense bien faire entendre, Alons, mais que devant li soie.

Chier sire, se Dieu vous doint joie,
Dites nous a quoi vous tendez:
A marier trop attendez,
Si conme a vostre peuple semble
Et aussi a nous touz ensemble
Qui ici sommes.

DEUXIESME CHEVALIER
Sire, par le gré de voz hommes
Estre pieça le deussiez,
Afin qu'un hoir nous laississiez
Qui tenist après vous la terre
Et qui nous deffendist de guerre,
S'estoit mestier.

LE ROY

Biaux seigneurs, mentir ne vous quier: Sachiez femme n'espouseray, Se telle n'est con vous diray: 990 Que semblable soit a ma femme Trespassée, dont Diex ait l'ame, De maniére, de senz, de vis; Car je li juray et plevis Que ja femme n'espouseroie 995 Ne ma compaigne n'en feroie, S'elle n'estoit de sa samblance. De son sens et de sa vaillance: Et se de telle savez point, Mené m'avez jusqu'a ce point 1000 Que la prendray.

LE CONTE

E! dia, sire, je vous diray:
D'une chose ci nous parlez
Qui ne se peut faire, or alez,
C'on vous puist trouver une fame
Ressamblant de touz poinz ma dame,
De façon et de meurs aussi.
Deportez vous de ce point ci,
Car on n'en pourroit recouvrer.
Et ou la pourroit on trouver?
Je ne sçay, voir.

29 b

LE ROY

Et je vous fas bien assavoir, Puis que serement en ay fait

Et veu, je le tenray de fait Conment qu'il aille.

LE CONTE

Puis qu'il vous plaist, vaille que vaille : Je m'en tenray.

PREMIER CHEVALIER

Or nous traions ça: j'en diray A vous deux ce que bon m'en semble.

1020

Autre foiz vous et moy ensemble L'avons nous de marier point, Dont il nous dist tout autel point Con maintenant response avez, Et dès lors nous deux, ce savez,

1025

Envoyames par mainte terre Pour demander et pour enquerre S'on peust femme recouvrer C'on peust ressamblant trouver.

A la royne trespassée;

1030

Longue saison a ja passée,

Et n'ont riens fait.

DEUXIESME CHEVALIER C'est voir, je le sçay bien de fait; C'est chose aussi qui ne peut estre. Brief, il nous y fault conseil mettre

1035

Par quelque voie. LE CONTE

C'est voir : il fault c'on y pourvoye ; Ce seroit a nous grant meschief S'il mouroit et fussions sanz chief Et sanz hoir venu de son corps.

1040

A mettre y conseil bien m'acors, Ains que plus tarde.

PREMIER CHEVALIER Seigneurs, vezci que je regarde: Sa fille est assez sage et belle,

LA FILLE D'UN ROY	41
Et si est ja grant damoiselle;	
De meurs ressemble et de faiture	1045
A sa mére miex que painture.	•
Qui li conseilleroit a prendre,	
En feroit il ore a reprendre	
Trop grandement?	
DEUXIESME CHEVALIER	
Je croy que non, certainement,	1050
Mais que Dieu ne s'en coureçast,	
Et qu'aussi dire on li osast.	
Qui li dira?	
Le conte	
Je sui celui qui le fera	
Hardiement, par sainte croiz.	1055
Ralons nous en a li touz troiz,	
Si orrez conment parleray.	
Sire, sire, je-vous diray:	
Nulle part trouver ne pouons	
Femme pour vous, et si avons	1060
Fait cerchier jusques oultre mer,	
Qui que nous en doie blasmer;	
Et puis qu'avoir ne voulez femme	
S'elle ne ressamble ma dame	
Et qu'en touz cas soit sa pareille,	1065
Je vous lo, mais que Dieu le vueille	
Et sainte eglise s'i consente,	
Que vostre fille, qui est gente	
Damoiselle et assez d'aage,	
Prenez par loy de mariage;	1070
Car plus n'en savons qui ressemble	,

IIVXXX

229 C

LE ROY

La royne, si qu'il nous semble Qu'ainsy le fault.

Seigneurs, ains que par mon deffault Mon regne sanz hoir demourast

1075

Ne qu'estrange roy s'i boutast, Je feroie ce que vous dites; Si croi je c'onques mais n'oistes Parler de fille femme a pere.

Nonpourquant vous jur par saint Pére, Puis que des gens de ce pais Sui de ceci faire envais, Je le feray. Lothart, bonne erre Faites, ma fille m'alez querre

229 d

1085 Ysnellement.

LE PREMIER SERGENT Sire, je feray bonnement Ce que me dites sanz deffault.

Ma dame, au roy venir vous fault Sanz plus ci estre.

YSABEL

Alons, de par le roy celestre, Lothart amis.

> LE PREMIER SERGENT A faire n'ay mie trop mis, Sire, vostre voulenté plaine. Vezci ma dame que j'amaine Con dit m'avez.

1095

1090

LE ROY
Lothart, bien faire le savez
Et plus grant chose, bien le voy.
Or ça, fille, parlez a moy:
Je vous vueil dire mon secré.
Par le conseil et par le gré

Des barons touz de ce pays
D'espouser vous sui envais,
Si sera fait.

LA FILLE Se Dieu plaist, pére, ja tel fait

Un moys ou deux aie d'espace, Et tandis, ains que ce temps passe, M'ordeneray.

LE ROY

1 140 Il me plaist, et je si feray D'autre partie.

LA FILLR

Or faisons a tant departie;
Je m'en vois, sanz plus esloingnier,
En ma chambre et y besongnier
Pour m'ordenance.

LE ROY

C'est bien dit, fille : or t'en avance .

Et t'en delivre.

LA FILLE

A Dieu! brief en seray delivre.

E! Diex, ou a pris ce courage

Mon pére, qui par mariage

Me veult avoir et prendre a femme?

Ce me semble si grant diffame

Qu'a touzjours reprouche en aray.

Conseilliez moy que je feray,

Vierge qui sanz pechié nasquites

230 b

Et sanz pechié aussi vesquites

Tant conme fustes en ce monde,

Vierge sur toutes pure et monde,

Ne consentez ja qu'il appère

1160 Oue je soie femme mon père;

Que je soie femme mon pére;
Car miex voulroie mort souffrir
Que mon corps a ce faire offrir,
Tant me semble estre a mon propos
Chose orrible, se dire l'os,

Je mette sanz fin m'ame en paine.

Pour ce, sanz plus terme ne jour,

1180

1185

Conseillier m'en vueil hui ce jour A ma maistresse.

ANNE

Bien veignez vous, ma dame, qu'est-ce? 1170 Egar! vous plourez, pour saint Pére. Vous a fait chose vostre pére

Qui vous desplaise?

LA FILLE

Certes, bien doy estre a mesaise, Ma chiére maistresse et ma mére,

Et en pleurs et tristeur amére

Le cuer avoir.

ANNE

Pour quoy, dame? dites me voir, Je vous en pri.

LA FILLE

Je le vous diray sanz detry, Mais avant vous me jurerez Que sur ce me conseillerez

Loyaument a vostre pouoir, Ne qu'a nulz ne ferez savoir

Rien que vous die.

ANNE

Dame, de ce ne doubtez mie. Voulentiers vous conseilleray Et vostre secré celeray,

N'en doubtez point.

230 c

Vezci qui trop me trouble et point.

Mon pére a juré par son ame
Qu'avoir me veult et prendre a femme.
Ne scé qui ceci li enorte;
J'ameroie miex estre morte
De mort soudaine.

1190

ANNE

Diex! quelle voulenté le maine,

1210

1225

Qu'il veult sa fille avoir a femme? Certes, il vous vauroit miex, dame, C'onques née ne feussiez

Que ce qu'a mari l'eussiez. Il ne tent pas a grant vaillance : C'est contre loy et ordenance

De sainte eglise.

LA FILLE

Pour Dieu, m'amie, en quelle guise

1205 De ce fait ci m'eschapperay?

Conseilliez moy que je feray,

Pour l'amour Dieu.

ANNE

Dame, ci entour ne scé lieu
Ou a secré vous puissiez mettre,
Qu'il ne vous y sache tost estre,
Et la vous pourra aller querre
Par force. Ainsi n'ara que guerre
Entre vous deux.

LA FILLE

Or acroist de tant plus mes deula.

Puis qu'ainsi est, a brief parler,
De ce pais m'en vueil aler
En aucune estrange contrée.
Or me gart Diex d'estre encontrée
D'omme nul qui me recongnoisse.

Ha! pére, conme en grant engoissè

Anne

Dame, de ce point ne doubtez, Puis que ce pais ci guerpir Voulez et vous ailleurs tapir,

Mon cuer mettez!

Certainement je vous suivray, Avec vous mourray et vivray. Mais je lo qu'ainçois deffaçons Nostre estat, et robes façons 230 d

Dont vestues serons conme hommes, Car se l'en scet que femmes sommes, Nous pourrons avoir vilenie, Et si ne l'amenderons mie A nostre vueil. LA FILLE Anne, ce que voulez je vueil : Or le faisons donc sanz attendre. 1235 Et qui sceust un homme ou prendre Loyal, qui avec nous venist Et compagnie nous tenist, Bien le voulsisse. Dame, je ne sui pas trop nice: I 240 Je croy qu'un tost en trouveray Que tout maintenant querre iray. J'ay pensé ou le trouveray. Attendez me ci : ne feray Point de demeure. I 245 LA FILLE C'est bien dit : alez en bonne heure, M'amie chiére. ANNE Je vous truis bien a point, Usére: En secré vueil parler a vous. De vous me fi, mon ami doulx, 1250 Et si vous aime, par ma foy; Voulrez vous venir avec moy Ou vous menray? USÉRE

Ne demandez pas se g'iray, Mais me prenez tout a delivre,

Car avec vous mourir et vivre Me seroit bel.

ANNE

C'est bien : suivez me donc ysnel. Sa, tenir vous vueil par la main.

1260 Dame, vezci que vous amain
Usére, qui nous conduira
Et voulentiers nous servira
Et nous gardera loyaument,
Et nous celera bonnement.

231 a

1265

1280.

1285

Ferez, Usére?

Usére escuier

Oil certes, ma dame chiére, A mon pouoir vous garderay; Mais, s'il vous plaist, de vous saray Que voulez faire.

LA PILLE

Je vous diray tout nostre affaire:
Pour Dieu, celez nous, doulx amis.
Mon pére est en ce vouloir mis
Qu'a force me veult espouser.
Certes, j'ay bien a doulouser
Et je ne m'y puis assentir.
Pour ce de ci me vueil partir
Et aler ou Dieu me menra.
Anne avecques moy s'en venra,

Et s'il vous plaist, vous si ferez, Nous deux femmes gouvernerez, Mon ami doulx.

Usérr

Ma chiére dame, puis que vous Vous voulez tant fier de moy, Je vous convenant, par ma foy, Sauver a mon pouoir la vie, Qui qu'ait du fait contraire envie, N'en doubtez pas. 2.31 b

Anne

Usére, or tost isnel le pas En ma chambre en alez bonne erre Les garnemens a homme querre, Telz qu'ilz y sont, rouges ou pers.

1290

Or alez et soiez appers

De revenir.

Uskar

Je ne m'y quier gaires tenir; Je seray plus tost ci que la. Sui je tost revenuz? Or ça, Je croy que me sui bien prouvé. Vezci tout quanque j'ay trouvé

1295

De garnemens.

ANNE

Monstre ça; c'est voir, pas ne mens. Tenez, vestez cesti, ma dame, Et ostez cel habit a femme Qu'avez vestu.

1300

YSABEL

A! femme, que devenras tu? Je voy bien qu'il fault que compére L'outrageux vouloir de ton pére. Vueillez m'aidier, biaux sire Diex. Certes a po j'amasse miex Qu'a mon naistre je fusse morte, Tant ay dueil et me desconforte

1305

De cest affaire.

ANNE

Dame, autre chose nous fault faire. · Puis qu'abituées nous sommes Et vestues con fussions hommes. Partir nous fault sanz faire noise. Souffrez: vezci venir Françoise; Tenir la vueil pour un po lourde; Entendre li vueil faire bourde.

1310

1315

T. VI1

	.
	20

MIRACLE DE

IIVXXX

	Françoise dame, bien vegniez;	
1320	Il fault que ceens vous tegniez,	
	Nous deux menons ma dame esbatre	• '
	Aux oisiaux sauvages abatre.	
	Qui d'elle vous demandera	
	Quelle part alée sera,	
1325	Hardiement et sanz debat	
	Dites qu'alée est par esbat	
	Faire voler.	
	Françoise	
	Ne la laissiez pas trop fouler.	•
	Alez, par tout bien garderay	
1330	Sanz mouvoir tant que vous verray	
	Cy retourner.	
	Anne	
	Alons men sanz plus sejourner	231 C
	Ici endroit.	
	Usére	
1335	Prenons ce chemin ci tout droit,	
	Je n'y voy miex.	
	YSABEL LA FILLE	
	A vous me conmans, sire Diex:	
	Vueillez nous garder de tristesce	
	Et nous mener par telle adresce	
_	Que combien que soions veues,	
1340	Ne soion d'ommes congueues	
	Nul qui nous voie.	
	Ame	
	Il me semble par caste voie	
	Qu'entrer nous convient en ce bois.	
	Je ne scé, par m'ame, ou je vois,	
1345	A brief parler.	
-	Usére	
	Par ailleurs ne nouons aler	

Si con me semble.

231 d

LA PILLE	
Sachiez de paour toute tremble :	
Je ne voy chemin ne sentier.	
E! mére Dieu, de cuer entier	135
Vous pri que vous nous regardez	
En pitié et que nous gardez	
Les corps d'annuy.	
Anne	
Sachiez toute esbahie suy:	
Je voy que ci le chemin fault.	135
Adviser ensemble nous fault	
Que nous ferons.	
LA PILLE	
E! mére Dieu, conment pourrons	
Eschaper de ceste forest?	
Car plus vois avant et plus est	1360
Sanz chemin de grans arbres plaine	
Et de ronces par my sanz plaine;	
N'y a riens vuit.	
Annr	
Si nous y fault jesir ennuit.	
Nous pourrons bien, c'est tout certain,	1365
Touz trois avoir et froit et fain,	
Dont moult m'esmay.	
Usere	
Je vous diray que je feray :	
De ci m'en iray esprouver	
Se pourray aucun lieu trouver	1370
Ou l'en nous vueille herbergier	,
Et donner aussi a mengier	
Pour nostre argent.	
Anne	•
Amis, vous dites conme gent.	
Alez, nous vous attenderons	1375
Ici, ne ne nous mouverons	/-
,	

Jusqu'a tant que vous revenrez:

Cy toutes deux nous trouverez, Je vous promet.

Usére

Dame, a cheminer donc me mett.

Dieu me doint grace que je truisse
Chose dont esjoir vous puisse
Au revenir.

ANNE

Tandis qu'il nous fault ci tenir,

Ma dame, a genoulz nous mettons:

A Dieu prier noz cuers jettons

Devotement.

LA FILLE

Il me plaist, Anne, bonnement:
Cy endroit m'agenoulleray
Et Dieu de cuer y prieray.
Vray Dieu, qui es en trinité
Une essance, une deité,
Qui homme a ton semblant feis
Et en paradis le meis

1395 Terreste, ou pouoit a delivre,
En santé, sanz mort touzjours vivre,
Mais de ce lieu pour son meffait
Fut chacié et mis hors de fait,
Et après pour li pardonner

1400 Son meffait voulz ton filz donner,
Lequel de nostre humanité
Voult par ardeur de charité
Sa haulte deité couvrir
Pour nous des cieulz l'entrée ouvrir,

1405 Sire Diex, si conme c'est voir,
Vueilles de nous pitié avoir,
Qui ci sommes en desconfort
Et en adversité si fort
Que nous ne savons ou aler,

1410 Ne ne trouvons a qui parler,

232 a

232 b

Ne n'avons de quoy nous repaistre.

E! vierge, mére au roy celestre,
Qui tresor es de toutes graces,
Qui les desconfortez solaces

Et les desconseilliez conseilles,
En pitié regarder me vueilles

Et de male temptacion
Garder et consolacion,
Telle conme mestier nous est,
Ci endroit en ceste forest

Nous envoier.

Usére

Or ne me scé j'ou avoier,

Ne quel chemin tenir, par m'ame.

E! mére Dieu, tresdoulce dame,

Qui les desvoiez ravoiez,

S'il vous plaist, aucun m'envoiez

Par qui je puisse estre adrescié

Et celles aussi qu'ay laissié,

Si qu'avoir puisse sanz deffault

Ce que pour leur vivre leur fault,

Dont soufraitte ont et grant besoing.

D'aler par ci prendray le soing

Quoy qu'il m'en viengne.

DIEU

Gabriel, garde ne conviengne
Que te die plus d'une foiz: 1435
Fay, si t'en vas la en ce bois;
Cel homme qui seul est avoies
Au port de mer et raconvoies,
Et a ses dames le ramaines
Et conme homme entre elles te maines 1440
Et y habites.

GABRIEL

Ce que vous comandez et dites, Sire, tresvoulentiers feray. A li vois, plus n'attenderay, Ce chemin ci.

1445

Usére

E! sire Diex, je vous mercy: Je voy ça un homme venir. Ne me vueil plus ici tenir, Mais encontre li vueil aler.

1450

Chier sire, pourray je parler Deux moz a vous?

GABRIEL

Que vous plaist il, mon ami doulx?
Dites bonne erre.

Usére

Sire, pour Dieu vous vueil requerre
Et pour la doulce mére Dieu,
Que se vous savez aucun lieu
Près de ci ou a vendre truisse
Chose nulle dont vivre puisse,
Adressez m'y.

GABRIEL

Pour ce que pour Dieu, mon ami, Et pour sa mére m'en requiers, T'adresceray de ce que quiers. Sanz plus ci estre avec moy viens, Et ne te souffres mais de riens:

Je tien que Diex t'aidera.

As ta veu celle nef la?

De vivres y a grant largesce,

Et s'apreste d'aler en Gresce.

Se passer vouloies ce port,

1470 N'i a fors d'aler sanz deport

232 C

Parler au maistre.

Usker

Sire, a retour me convient mettre Ains que plus avant aler puisse, Et que ma compagnie truisse; Si vous pri que ne me laissiez, Pour Dieu, mais que me radressiez

1475

Ou me trouvastes.

GABRIEL

Ne fault ja que plus t'en debates:
Pour l'amour la dame des cieulx
Et pour Dieu te feray le miex
Que je pourray, n'en doubtes pas
Or t'en viens après moy le pas;
Je vois devant.

1480

ANNE

Dame, Usére voy la avant
Venir et un autre avec li.
Je me doubt que n'aions annui
Et que le roy envoyé n'ait
Aucun ame qui trouvé l'ait,
Si vous vient querre.

LA FILLE

Anne, fuions nous ent bonne erre
Aval ce boys.

1490

1485

ANNE

Il nous attainderont deux foiz
Ains que gaires avant alons.
Nient moins monstrons leurs noz talons
Pour savoir s'après nous venront
Ou s'il nous feront ou diront
Riens de contraire.

YSABEL

Après moy venez sanz retraire; Devant m'en vois.

232 d

Usére

D'aler plus avant en ce bois,
Mes amis, pour Dieu ne vous chaille:
Retournez, retournez sanz faille.
Se de nous en riens vous boutez,
En grant folie vous boutez;
Paour de nous, pour Dieu, n'aiez,

Ne de rien ne vous esmaiez,

Mes chiers amis.

LA FILLE

Avecques nous vous avons mis, Usére, pour estre no garde, Et un homme avec vous regarde Que n'ay point apris a veoir.

De quoy nous peut il pourveoir? Faites m'en sage.

Usére

Je vous dy que c'est un message
1515 Qui nous peut avoir grant mestier.
Trouvé l'ay de cuer si entier

Et si m'a si bien assené Qu'a un port de mer m'a mené Ou est une nef belle et grant,

1520 Qui d'aler en Gréce est engrant, Chargiée de biens et de vivres; Ne dites pas que je soie yvres: Se voulez, nous vous y menrons Et du maistre savoir pourrons

S'aucunement pourrons avoir De ses vivres pour nostre avoir.

Qu'en dittes vous?

ANNE

Je sui d'accort, mon ami doulx, Car aussi mestier en avons, Et avecques ce ne savons

1530 Et avecques ce ne savons Que ailleurs en puissions trouver;

·	
LA FILLE D'UN ROY	57
Et puis qu'en pouons recouvrer,	
Alons en querre.	
Ysabel	
Alons: aussi voulray requerre	
Le maistre que pour li donner	r 535
Du mien il nous veuille mener	
En ce pais ou veult aler.	
Avançons nous, sanz plus parler,	
D'aler tost la.	
GABRIEL	
Or entendez a moy: vezla	1540
Le maistre, ce vous fas savoir.	·
Je vous dy qu'il vous fault avoir,	
Se voulez parler du passage,	
Un homme parlant son langage,	
Car il n'entent ne bien ne mal	1545
Le langage de ci aval,	
Ne grain ne goute.	
La pille	
Que ferons nous donques? Sanz dou	bte
N'en scé que dire.	
Gabriel	
Vezci quoy : se vous voulez, sire,	155c
Present vous, a li parleray;	
Il sara bien que je diray,	
Si feray je ce qu'il dira,	
Et ainsi faire se pourra	
Vostre besongne.	1 5 5 5
Anne	
Mon ami, soit fait sanz eslongne:	
Vous en parlez en bon endroit;	
Mais un point oultre convendroit	

Qu'avecques nous vous venissiez Et nostre latinier fussiez

Pour nous conduire.

1560

XXXAH

233 a

233 b

GARRIEL

A ce qu'ame ne vous puist nuire, Voulentiers avec vous iray Partout et vous conseilleray Et vous serviray bonnement,

1565 Je le vous promet loyaument, Puis que je voy que Dieu amez Et que sa mére reclamez Souvent aussi.

Usérr

1570 Il dit bien : alon men de ci Touz ensemble parler au maistre, Puis que nous le veons la estre-Tout quoy estant.

YSABEL

Amis, alez devant batant. 1575 Faire le devez, se me semble; Demandez conment touz ensemble Serons passez.

GABRIEL

Bien le feray : or vous cessez. Magister, bona requies Sit vobis et bona dies.

ı 580 Vultis vos mare transsire? Cupimus Greciam ire. Si per vos mare transimus, Mercedem vobis dabimus 1585

Competentem.

LE MAISTRE

Video vos esse gentem Status tam honorabilis Quod sum desiderabilis Velle vestrum faciendi In omnibus et complendi:

Si parati omnes estis In navem meam intretis

Je voy la port.

Sus, descendez.

GABRIEL

Mais tout en l'eure sanz deport,

Dont mercier Dieu bien devez,

A terre sommes, ce veez.

1620

1645

LA FILLE

Combien doit avoir entendez Le maistre, amis.

GARRIET.

Je croy s'en la main me sont mis

Trente florins pour li paier, 1625 Je le pourray bien apaier, Tant pour vivres conme pour nage, Et si ne sera pas oultrage, Je vous dy bien.

ANNE

1630 Je tien qu'estes homme de bien Et que vous dites voir sanz faille. Sire, voulez vous que les baille,

Puis qu'il l'a dit?

YSABEL

Oil, ja n'en sera desdit:

Baillez les ly.

ANNE .

Voulentiers; tenez, vez les ci : Sire, comptez.

GABRIEL

Ne fault ja; mettez ci, mettez: De li paier sui voulentis.

Magister, me audiatis:

r640 Domini mei se laudant De vobis et ideo dant Vobis hoc aurum precii

Loco boni servicii Quod eis exibuistis

Et diligenter fecistis Per pluries.

LE MAISTRE

Grates dico millesies. Amice, renuncietis

Pro me et eis dicatis 165a

233 d

Quod amodo paratus sum
Et promptus ad velle suum
Adimplendum.

GABRIEL

Dimitamus hoc. Ad Deum

Hic morate!

1655

YSABEL

Amis, dites moy verité:
Se tient il bien pour satisfait
De tout ce qu'il a pour nous fait?
Dites me voir.

GABRIEL

Si qu'il est, ce vous fas savoir, Tout en vostre conmandement; Ne vous scé plus dire; alons ment. En un bon hostel vous menray Ou herberge pour vous prenray Et vous feray bien hosteller,

1665

1660

Et de la dame et du seigneur Et de la partie greigneur De la mesnie.

. Et s'entenderez le parler

YSABEL.

Soit; ce ne refuse je mie :
Alez devant.

1670

GABRIEL

Belle hostesse, venez avant.
Je vous amaine ces gens cy.
Je vous pri, herbergiez nous si
Qu'i aiez prouffit et honneur,
Car il sont hommes de valeur

1675

Et de puissance.

L'OSTESSE

Si feray j', amis, sanz doubtance; Je croy bien qu'il sont vaillans gens. 16g0

1705

234 a

1680 Seigneurs, bien veigniez, entrez ens.

Reposez vous un po vous troys; Une chambre aprester vous voys:

Tost revenray.

YSABEL

Alez tantost; cy m'asserray:

1685 . Un po me dueil.

ANNE

Lez vous aussi seoir me vueil Un tantinet.

L'EMPEREUR DE CONSTANTINOBLE
Entens moy; vas savoir ou est
Messire Testu, dit Gobaille,
Et son compaignon Grain de paille;
Si les m'amaine.

L'ESCUIER

Mon treschier seigneur, quelque paine Que g'y aie, ne fineray Tant que, se puis, les trouveray;

1695 Au mains j'en feray mon devoir.
Chiez belle hostesse vois savoir,
Ou souvent prennent leur pasture,
S'il y seroient d'aventure.

D'avancier moy vueil estre prest.

1700 Seigneurs, me direz vous ou est L'ostesse de ceens alée? Ne me soit, je vous pri, celée, Se le savez.

ANNE

Mon chier ami, bien dit avez.

Je croy qu'elle soit la derriére:

Ici doit revenir arriére

A nous en l'eure.

L'ESCUIER

Se gaires fas ci de demeure, De mon seigneur blasmé seray. Nonpourquant je l'attenderay Tant que venra.

1710

1730

ANNE

Faites en ce qui vous plaira, Mon ami doulx.

L'escuire

234 b

Je vous demant dont estes vous

Et que venez ci endroit querre.

Ne semblez point de ceste terre

Ny a l'abit ny su parler;

C'est pour quoy de le demander

Sui desirans.

YSABEL.

Nous sommes sodoiers errans
Par pais, qui maistre querons.
S'il vous plaist, aussi nous sarons,
Sire, qui estes.

L'escuier

Pour ce qu'en vous voy gens honnestes,
Je vous diray voir sanz erreur: 1725
Escuier sui a l'empereur
Que l'en dit de Constentinoble,
Qui est, ce tien je, le plus noble
Des autres hommes.

YSABEL.

De si grant gent mie ne sommes,
Sire, ne de si hault lignage,
Ja soit ce que, selon l'usage
Et le pays dont nous venons,
Honnestement nous maintenens
Com gens de guerre.

1735

L'OSTESSE

Ça! que vient cel escuier querre,

Pour Dieu mercy?

L'ESCUIER

Mon seigneur m'a envoié ci Savoir s'i estoit Grain de paille Ne mes sire Testu Gobaille:

1740 Sont il lassus?

L'OSTESSE

Quant a ore ne sus ne jus N'a ceens fors ce que veés; Ne vous seroient pas veez,

S'il y estoient. 1745

L'ESCUIER

Or leur dites, se ci venoient, Belle hostesse, a l'un ou aux deux, Mon seigneur a a faire d'eulx Bien grandement.

234 C

L'OSTRSSE

1750 Si feray je certainement, Mon ami chier.

L'ESCUIER

Sire, n'ay finé de cerchier Et de querir ça et la, puis Que le me distes, mais ne puis Trouver ces deux qu'avez mandé; Si les ay j'assez demandé, Mais ou sont ne me scet on dire.

Mais j'ay trop bien trouvé, chier sire, Un homme de si bel arroy

1760 Qu'il semble que se soit un roy, Tant est bel et de bel maintien, Et ses gens, ce vous di je bien; Et dient que sodoiers sont Qui par le pais querant vont

A avoir maistre. 1765

234 d

LE MESSAGIER

Treschier sire, le roy celestre Santé vous doint, honneur et joye! Vostre chastellain ci'm'envoye, Qui me fait dire et ennorter Que se brief, sanz vous deporter, 1770 Ne li aidez a li deffendre, Vostre chastel li convient rendre. Et si perderés vostre terre, Car en verité trop fort guerre Y fait l'empereur de Turquie: 1775 Cinq roys a en sa compagnie Sarrazins et toutes leurs gens; Si vous plaise con diligens Reméde y mettre.

L'EMPEREUR

J'en ay esté seigneur et maistre

Et seray encor, se Dieu plaist.

Entens, vaz li dire a court plait,
S'on li demande qu'il se rende,
N'en face rien, mais se deffende;
Tandis mon ost assembleray

1785
Et briefment secourre l'iray,

Soit en certain.

LE MESSAGIER
Chier sire, je vous acertain
Bien li diray ce que me dites.
A Dieu, sire! j'en seray quittes
Encore ennuit.

PREMIER CHEVALIER

Mon chier seigneur, ne vous ennuit
S'avons demouré un petit,
Car si tost conme on nous a dit
Que nous demandez, venus sommes.
Or nous dites devant ces hommes
Qu'il vous plaist, sire.

1790

1795

T. VII

1820

235 a

L'EMPEREUR

N'a guères c'on m'est venu dire . Que l'empereur si me fait guerre De Turquie et gaste ma terre;

1800 Si me convient sanz eslongnier Pour la deffendre embesongnier,

Ou j'aray honte

DEUXIESME CHEVALIER

Conmandez, chier sire; a brief compte

Vostre voulenté sera faite. . 1805 N'a ci nul a qui bien ne haitte Faire voz grez.

L'EMPEREUR

Je vous tien touz pour mes secrez: Qu'est bon a faire?

LE CONTE

Sire, vous ne pouez meffaire 1810 En secourre tost et deffendre Vostre pais sanz point attendre. Quant est de moy je m'armeray, De mil hommes vous aideray

Touz combatans.

L'EMPEREUR

Et vous serez conté par tans Au butin, de ce ne doubtez, Se Dieu le donne; or escoutez:

Mon escuier m'a fait savoir

Qu'en ceste ville doit avoir Sodoiers qui y sont venuz; Je vueil qu'il soient retenuz.

Vous deux, sanz vous plus ci tenir,

Alez les me faire venir :

1825 Veoir les vueil.

PREMIER CHEVALIER Sire, nous ferons vostre vueil; Mais ou est ce?

L'ESCUIER

Herbergiez sont chiez belle hostesse, Et sont telz que, quant les verrez, Au maintien les congnoistrerez

1830

Et a l'estat.

DEUXIESME CHEVALIER
Alone y sanz plus de restat.

Regardez, mes sire Gobaille: Je croy ce sont ceulx la sanz faille

1835

Qui la se siéent.

PREMIER CHEVALIER
En tel habit qu'ilz ont bien siéent,
Et si semblent bien gens honnestes.
Seigneurs, dites nous qui vous estes,
S'il vous agrée.

YSABEL

Sire, n'est pas chose secrée; 1840 Voulentiers; sachiez nous quatre hommes Soudoiers d'estrange lieu sommes

Ouerans service.

DEUXIESME CHEVALIER
Puis qu'estes gens de tel office
Et d'armes porter escolez, 1845
Vous arez maistre, se voulez,

Dès maintenant.

GABRIEL

Sire, qui est il? bien venant Dites le nous.

Premier Chevalier

L'emperière, mon ami doulx, 1850

Que l'en dit de Constantinoble.

235 b Ne pouez maistre avoir plus noble

Ne plus vaillant.

YSABEL

N'est nulz de nous qui bien veillant

1855 Ne soit de faire son plaisir Et qui n'en ait tresgrant desir,

N'en doubtez point.

DEUXIESME CHEVALIER
Puis que nous sommes a ce point,
A li serez de nous menez.

1860 Avecques nous vous en venez Sanz plus ci estre.

ANNE

Or alez devant nous dont, maistre, Et vous, sire, et nous adrescez, Car ne sarons, se nous laissez,

1865 Ou nous irons.

PREMIER CHEVALIER
Ne doubtez: bien vous conduirons.

Treschier sire, a vous revenons: Les soudoiers vous amenons Oue demandiez.

L'EMPEREUR

Seigneurs, je vueil que me diez Se me voulez servir ou non. Soudoiers estes de renom, Se m'a l'en dit.

YSABRL

Treschier sire, sanz contredit
Sommes prez et appareilliez
De faire, savoir le vueilliez,
Vostre vouloir.

L'EMPEREUR

S'en pourrez de tant miex valoir. Ore je vueil que vous sachiez De Sarrazins sui empeschiez Qui m'ardent et gastent ma terre Et me font par leur force guerre, Si que me fault, sanz plus attendre,

Contre eulz aler et la deffendre. Si que pour vostre biau maintien 1885 2.35 C Et pour le grant bien qu'en vous tien, Mareschal de mon ost serez. Or parra com vous porterez La loyaument. YSABEL. Sire, se Dieu plaist, telement 1890 -Le feray que vous y arez Honneur et que gré m'en sarez, Se j'onques puis. L'EMPERÉRE C'est sagement dit. Ore puis Qu'a accort d'aler sur eulz sommes, 1895 Alez vous armer et voz hommes Et revenez ici bonne erre Sanz vous plus faire envoier querre, Je vous en pri. Usére. Nous revenrons sanz lonc detri 0001 Faire, chier sire. L'EMPERÉRE Seigneurs, aussi vous vueil je dire: Alons nous armer touz ensemble. C'est bon afaire, ce me semble, Puis qu'a ce vient. 1905 LE CONTE Aussi faire le nous convient. Alez: en mon hostel iray Et mes gens touz armer feray, Et si tost conme armez serons, En l'eure a vous retournerons. 1910 Attendez nous. L'EMPEREUR

> Si feray je, mais hastez vous Tant que pourrez.

LE CONTE

En armes prest me trouverez

1915

Au revenir.

L'EMPEREUR

Sanz nous plus ci endroit tenir, Venez vous en, venez, seigneurs, Avec moy, sanz aller ailleurs,

Pour estre armez.

2.35 d

LE CHEVALIER

1920

Pour nous garder d'estre blamez Vostre conmandement ferons. Alez devant, et nous irons Après vous, sire.

L'EMPEREUR DE TURQUIE Seigneurs, mon penser vous vueil dire:

1925 ·

Depuis que sommes descendu Cy aval, n'avons combatu Ne fait encore nul assault; Dès ore mais penser nous fault De prendre villes et chastiaux,

1930

Ceulx que nous verrons les plus biaux Et les àutres que ne doubtons, Et es plains lieux le feu boutons Et tout ardons.

LE ROY DE HONGRIE Or soit fait, et plus n'atendons.

1935

Monstrons en gaignant touzjours terre Que voulons par force conquerre

Ce pais cy.

LE ROY DE TARTRES Il est bon de le faire ainsi; Et qui ainsi ne le fera, Nostre vilennie sera

1940

Et nostre honte.

236 a

1970

	•
LE ROY DE CERCES	
Voire, en tant que sommes par compte	
Cinq roys avec nostre barnage,	
Qui pouons porter grant damage	
Noz ennemis.	1945
LE ROY DE ARABIZ	
Aussi pour nient nous serions mis	
A estre jusques ci venuz	,
Et pour couars failliz tenuz,	
Puis qu'empris avons cest affaire,	
Se nous en ralions sanz riens faire	1950
Et sanz combatre.	
L'EMPEREUR DE TURQUIE	
Or entendez sanz plus debatre:	
En celle place la irons	
Et si nous y arresterons	
Et regarderons par quel tour	1955
Nous irons avant sanz retour	
Nulement faire.	
YSABEL	
Or sus, alons nous en parfaire,	
Mes amis, ce qu'avons empris,	
Si que puissons acquerre pris	1960
Aucunement.	-
Gabriel	
Si ferez, vous savez conment;	
De ci droit a l'eglise irons,	
La de cuer Dieu deprierons,	
Qui nous soit aide et confort.	1965
S'ainsi est fait, je me fas fort	-
Que Dieux si nous aidera	
Que nostre emprise a bien venra,	
Je n'en doubt pas.	
Anne	

C'est bien dit; alons y bon pas,

Puis qu'i sommes, ne detrions : De cuer devost a Dieu prions Ou'il nous soit hui misericors Et noz ames vueille et noz corps Sauver a touz.

1975

LA FILLE

Ici me vueil mettre a genouz. Or avant: ne vous detriez, Avec moy Dieu de cuer priez Tout bassement.

L'EMPEREUR

1980

Puis qu'armez sommes, alons ment; Devant me vueil a chemin mettre. Noz soudoiers voy ja la estre

Ou nous attendent.

1985

DEUXIESME CHEVALIER A Dieu prier, ce m'est vis, tendent : Il font bien; quant il nous verront, Je tien qu'a nous tost revendront.

Alons touziours.

LE PREMIER CHEVALIER

236 b

1990

Alons, que preuz n'est li sejours, Ains nous peut bien tourner a grief. Pour c'est bon delivrer soy brief, Quant il fault faire.

Usére

· Vezla, sire, ne m'en vueil taire, L'empereur qui tout armé vient, Et ses gens; partir nous convient

De ci endroit.

1995

YSABEL

Sus, seigneurs, alons men tout droit Contre l'empereur nostre maistre.

Ne pouons par honneur plus estre Yci maishuy.

ANNE

Non, qu'il ne nous tourne a annuy. Avançons nous d'estre au devant Pour s'amour acquerre; or avant:

2000

Il le nous fault.

Usére

Maishui ne serons en deffault:

2005

YSABEL

Treschier sire, moy et mes hommes Vous avons la piéce attendu, Tant qu'ay veu et entendu Oue vous veniez.

L'EMPEREUR

Ne fauldra pas que vous faingniez, Mareschal, s'il vient au combatre, De ces paiens par terre abatre Ou mors ou vis.

20 I-O

YSABEL

Je ne le feray mie envis, Sire, a brief compte.

2015

PREMIER CHEVALIER

Mon chier seigneur, vezla le conte Venir tout prest.

L'EMPEREUR

Or le laissiez venir; bien est.

Nous serons maishuy gent assez, Se sommes ensemble amassez,

2020

Pour bien combatre.

LE CONTE

Je me vien avec vous esbatre, Mon chier seigneur.

236 C

2035

2040

L'EMPEREUR

Je fas de vous compte greigneur 2025 Assez que ne pensez, Duriaume; Puis qu'avez mis vostre heaume Et armé estez.

LE CONTE

Chier sire, maishui savoir faittes Ou voz ennemis trouverons, Afin qu'assaillir les irons

Afin qú'assaillir les irons Non pas eulz nous.

L'EMPEREUR

C'est bien dit. Usére, amis doulx, Alez savoir, se Dieu vous gart, Se de ces paiens nulle part

Nouvelle orrez.

Usére

Chier sire, ja mains n'en arez.
Obeir vueil a vo conmans;
G'y vois. A Dieu touz vous conmans,
Seigneurs. N'y a plus, je revien.
Trouvé les ay, je vous dy bien,
Ou viennent droit ca sanz faillir.

Ou viennent droit ca sanz faillir Et tien c'est pour vous assaillir Selon m'entente.

L'EMPEREUR

Or tost, mareschal, sanz attente,
D'aler encontre eulx vous oultrez
Et vostre pouoir leur monstrez,
Et nous vous suiverons après.
Je les pense a tenir de près
Et si court qu'il n'eschapperont
De mort ou il se renderont
Mes prisonniers.

YSABEI.

Mon treschier seigneur, voulentiers:
Sus eulz me vois bouter sanz faille. 236 d

Je les voy la. A mort, chiennaille, A mort, a mort!	2055
Turquir	
Avez vous jetté vostre sort	
Que vous nous doiez a mort mettre?	
Ainçois vous y mettrons nous, maistre,	
Par Mahommet.	
LE CONTE	
Chascun main a l'espée met,	2060
Sire, pour conmencier la guerre.	
Alons nous y ferir bonne erre	
Et la presce derompre et fendre	
Et vostre mareschal deffendre	
Et li aidier.	2065
L'empereur	
Alons, que selon mon cuidier	
De guerre est duit et bien apris,	
Au tour que je voy qu'il a pris	
Et conmencié.	
Le roy	
Fil a putain, bien m'as blecié	2070
Du cop qu'as sur moy estendu,	•
Mais il te sera chier vendu	
Trestout en l'eure.	
La pille	,
N'arez ja qui si vous sequeure	
Que touz ne soiez a mort mis.	2075
Ferez sus eulz fort, mes amis,	•
Sanz espargnier.	
L'empereur	
Vous estes venuz barguignier	
Ce que mie n'emporterez;	
Nient moins si chier l'acheterez	2080
Com de la vie.	
Turquie	
De moy combatre ay grant envie	

LA FILLE D'UN ROY . 75

NVXXX

237 a

A toy qui te portes si noble. Le roy es de Constantinoble, Bien te congnoys.

2085

L'EMPERRUR

'Je ne te crain pas une nois.

Qui es tu, di?

LE ROY DE TURQUIE
Se te dy voir, je sui celui
Qui sui seigneur des Turs et maistre,
Qui te pense en ma merci mettre,
Puis que ci es.

2090

L'EMPEREUR

Tu saras avant de quelx mès Je sers ceulx a qui me combaz. Sur li, seigneurs! mettons au bas

2095

Ceste chiennaille.

N'en eschappera pié sanz faille. Sus eulx touz ensemble ferons, Ainsi d'eulx au dessus serons, Vueillent ou non.

2100

LE ROY DES ARABIZ

Ne puis plus durer. A! Mahon,
Com ta puissance ici bien fault!
Onques mais ne fu en assault
Ou veisse tel combatant.
Baron, baron, cessez atant:

2105

À vous me rens.

LE ROY DE TARTRES
Onques mais ne vi rompre rens
En la guise que cestui fait.
Sire, aussi je me rens de fait:

Tenez m'espée.

YSABEL.

2110

Usére, or tost sanz demourée, Et toy, vallet, vous deux prenez

out et m'en fuy. La fille

Tais toy: encore tout sain sui; N'yra pas ainsi que tu cuides. Tien ce cop; de devant moy vuides,

2135

Je le te lo.

TURQUIE
Chevalier, sanz plus ferir, ho!
Onques mais ne vi ton pareil.
Mon corps t'offre; rendre me vueil
Du tout a toy.

2165

237 c

			_	
æ	DOV	D.W.	Т	DTDBC

2140 Sire, sire, si fas je moy
Sanz plus combatre.

LE ROY DE CERCES

Dont ne me vault riens plus debatre:

Je me rens, sire.

LE CONTE

Empereur, je ne scé miex dire,

De la guerre l'onneur avons. Loez soit Diex! Or en alons

Du repos prendre.

L'empereur

Alons, et a Dieu graces rendre. Mareschal, voz prisons prenez,

2150 Ou vous voulrez les enmenez : Je les vous laisse.

YSABEL

Devant moy les feray en laisse Mener conme chiens acouplez.

Seigneurs, deux et deux m'acouplez

2155 Ces Sarrazins; si en irons, Et prisonniers les en menrons

Anne

Usére, or tost : delivrez vous

De tost ce faire.

Avecques nous.

Usére

2160 Si feray je si qu'a refaire

Ne sera pas, ce vous recors.

C'est fait: liez sont par les corps.

Si sont bien, si le m'acordez,

YSABEL

Aussi sont ces deux encordez

Qu'en garde avoie.

D'aler ent prenons tost la voie, Car je le vueil.

GABRIEL

Faites le bien, je le conseil, Sire, que vous vous consentez Que touz ces cinq vous presentez A la fille de l'emperière, Et s'il est en ceste manière,

2170

Honneur arez.

YSABEL.

Certainement creuz serez.

Tout droit de cy les y menray

Et si les y presenteray.

2175

Chiére dame, il est verité
Qu'avons hui par la Dieu bonté
De la guerre l'onneur eu,
Et, Dieu mercy, m'est escheu
Que j'ay ces cinq prisonniers pris,
Qui sont touz hommes de hault pris.
Vez les ci touz cinq en present:
Je les vous doing, dame, et present
A bonne estraine.

2180

LA FILLE A L'EMPEREUR

2185

Sire, la vierge souveraine
De ce present vous sache gré
Et vous mette en si hault degré
Que deveignez ou conte ou roy,
Car bien le valez a l'arroy
Qu'en vous voy estre.

2190

YSABEL

Dame, je lo le roy celestre
Des biens qu'il me fait, c'est raison.
A Dieu vous dy; jusque en maison
Despoullier mes armes m'en vois.
Je vous verray une autre foiz

2195

Plus a loisir.

237 d

2205

2210

2215

2220

La fille a l'empereur Quant il vous venra a plaisir, Sire, voulentiers vous verray Et bonne chiére vous feray, Sire, par m'ame.

YSABEL

Grans merciz. A Dieu, chiére dame! Alons men touz.

L'AMPEREUR

Biaux seigneurs, que me dites vous
De mon mareschal? Vous savez
Conment et bien veu avez
Il s'est porté en la bataille,
Et pouons bien dire sanz faille,
Se ne fust Dieu et sa prudence
Et la paine et la diligence
Et le grant sens qui l'a meu,
La victoire qu'avons eu
Fust certes a noz ennemis;
Et puis qu'en honneur nous a mis,
Par droit le devons honnourer:
Si me dites sanz demourer

Qu'est bon a faire. Le conte

Se j'estoie de vostre affaire, Chier sire, et de vostre valeur, Je li feroye tel honneur Qu'a mariage li donrroye

Une fille, se je l'avoie Com vous avez.

238 a

LE PREMIER CHEVALIER
Et j'aussi; que savoir devez,
Quoy qu'il se soit cy aval trait,
Je tien qu'il soit de sanc estrait
Royal et noble.

DEUXIESME CHEVALIER Diex! con toute Contentinoble Seroit noblement reparée, Se faire y vouloit demourée 2230 Et femme prendre! L'emperére Je voy bien a quoy voulez tendre, Et tien que c'est bien, non pas mal. Vaz me dire a mon mareschal. Entens, Lothart, ce te conmans, 2235 Que ci viengne et que je li mans Sanz detrier. PREMIER SERGENT Je ne m'en feray pas prier, Mon chier seigneur, je li vois dire, Honneur vous croisse et joie, sire! 2240 L'empereur vous envoie querre, Si vous plaise venir bonne erre Parler a li. YSABEL LA FILLE Mon chier ami, je sui celui Qui voulentiers a li iray 2245 Et de cuer li obeiray. Sus! ici plus ne vous tenez: Avecques moy trestouz venez A l'empereur. GABRIEL Je croy qu'il nous veult faire honneur 2250 Par quelque voye. Anne

Mon chier ami, Dieu vous en oye Par son plaisir.

Usére

Amen! si con je le desir, Le nous ottroit.

2255

238 b

L'emperére

Mes amis, je voy la endroit Nostre bon chevalier venir.

Veez: se scet il maintenir Bien com noble homme?

LE CONTE

Je ne croy pas de cy a Rome
Soit nul de plus belle manière,
Et n'a point orgueilleuse chière,

Mais gracieuse.

YSABEL LA FILLE

Treschier sire, la glorieuse

2265 Vierge qui le filz Dieu porta,
Qui des anges le desport a,
Vous soit amie.

L'EMPEREUR

Amen! si que ne faille mie Aux biens perdurables avoir.

2270 Mon chier ami, dites me voir,
Par la foy que vous me devez,
De quelles gens estes vous nez,
Ne s'espousastes onques femme.

Ne me mentés pas, par vostre ame :

2275 Ce vueil savoir.

YSABEL

Chier sire, je vous diray voir: Ne doubtez point, noble homme suy, Mais de quel lieu me tais maishuy, Ne de quelx gens plus ne sarez.

De l'autre point response arez : Sachiez onc femme n'espousay,

N'onques a femme n'adesay,

Non, charnelment.

L'EMPEREUR
N'en valez pas mains vraiement;

238 с

Quant a ce que ne voulez dire Dont estes, ne vueil contredire, Mais pour l'onneur que m'avez fait, Vous vueil satisfier de fait. Premiérement par le conseil	2285
De mes barons donner vous vueil	2290
La moitié de mon heritage,	-
Et ma fille par mariage.	
Ainsi serez en honneur mis.	
Or ne refusez pas, amis,	
Ce que vous offre.	2295
YSABRL	
Mon treschier seigneur, de cest offre	
Par cent mille foiz vous mercy	
Et vostre baronnie aussi;	
Et se courcer ne vous cuidasse,	
Encore un temps me deportasse	2300
De marier.	
Le conte	
Ne devez mie varier	
Sa voulenté.	
YSABEL	
Non fas je, sire, en verité;	
Mais il m'est fort, soiez en fis,	2305
Emprendre ce qu'onques ne fis	
En mon aage.	
PREMIER CHEVALIER	
Tantdis qu'est ci vostre bernage,	
Chier sire, je tien bon seroit	
Qui les espousailles feroit	2310
Trestout en l'eure.	
L'EMPEREUR	
Si seront elles sanz demeure.	
Aubert, alez me sanz attente	
Dire a ma fille que s'entente	- 2 - 5
Mette a ce que tost soit parée,	2315

2325

2330

2335

2340

238 d

Qu'au jour d'ui sera espousée
De celi qui nous a de l'ost
Delivré, ou tant de peine ot
Que des bien faisans ot le pris
Et par li furent cinq roys pris,
Desquelx il li a fait present,
Si que face en tant qu'en present
Soit toute preste.

DEUXIESME SERGENT
Sire, d'aler a li m'apreste
Tant com je puis. A Dieu vous dy:
Vostre vouloir point ne desdy.

Ma dame, l'empereur vous mande Et vous requiert et vous conmande Que vous aprestez et parez, Qu'en l'eure espousée serez

D'un vaillant homme. La fille de l'empereur

Savez vous conment l'en le nomme?
Dites, amis.

DEUXIESME SERGENT

C'est celui qui la guerre a mis

A fin, qui par sa hardiesce

Cinq roys paiens de grant noblesce

Y prist et les en amena

Et par amour les vous donna,

Ce me dit on.

LA FILLE DE L'EMPEREUR Aubert, voir dites, ce fist mon. Alez dire que tant feray Qu'en l'eure parée seray Et mise a point.

DEUXIESME SERGENT
Mon chier seigneur, de point en point

239 a

Vien de faire vostre message.	2345
Ma dame, qui est bonne et sage,	
A vous, sire, se reconmande	
Et dit qu'en l'eure, ce vous mande,	
Sera parée.	
L'empereur	
Or tost, conte, sanz demourée	2350
Nostre espousé convoierez	
Jusqu'au moustier: la vous tenrez	
Jusques a tant qu'a vous iray,	
Que ma fille vous y menray.	
Delivrez vous.	2355
LE CONTE	
Espousé, sire, et vous gens touz,	
Passez: avecques vous iray	
Et compagnie vous feray	
Jusqu'au moustier.	
YSABEL	
D'escondire vous n'est mestier:	2360
Je vois, chier sire.	
L'empereur	
Seigneurs, aussi vous vueil je dire:	
Alons men touz de ci bonne erre	
Ma fille pour espouser querre	
Isnellement.	2365
PREMIER CHEVALIER	
Sire, nous ferons bonnement	
Vostre plaisir.	,
DEUXIESME CHEVALIER	
Faire le devons par desir	
De bon courage.	
L'enpereur	•
Belle fille, a pou de langage,	2370
Cy endroit plus ne vous tenez,	
Mais faites, si vous en venez	

Avecques moy.

LA FILLE L'EMPEREUR
Treschier sire, a faire m'ottroy
Quanque direz.

2375

L'EMPEREUR

Espousée au jour d'ui serez, Par le gré de toutes mes gens, De celi qui tant diligens

A esté de finer ma guerre.

Alez devant, seigneurs, vostre erre.

Après vous ma fille menray

Conme espouse, et l'adestreray

Conme pucelle.

PREMIER SERGENT

Tantdis qu'il sont en la chappelle,
Les menestrez feray venir.
Seigneurs, sanz vous plus ci tenir.
Venez faire, il en est mestier,
Devant nostre espousé mestier
Qui ja s'en vient de la chappelle,

2390 Et si veult aussi faire celle Qu'espousé a.

PREMIER MENESTRÉ
Alons, sire, je le voy la
Ou il est hors.

LE CONTE

Mener vous vueil, belle de corps, 2395 Vostre pére enchargié le m'a, A vostre mari que voy la Emprès li estre.

L'EMPEREUR

Ore entre vous vueille Dieu mettre Paiz et amour.

YSABEL

2400 Sanz plus ci faire de demour, Sire, un po me fault hors aler. 239 b

Tost revenray a brief parler. Avec moy, amie, venez Et compagnie me tenez Un po d'espace. 2405 ANNE Voulentiers : n'est riens que ne face, Sire, pour vous. YSABRI. Chiére dame, que ferons nous? Je voy qu'a perdre sui venue M'onneur, et que seray tenue 2410 Pour mauvaise et aray diffame Quant on sara que seray femme. Escuser ne m'en puis jamais, Dont honte aray a touz jours mais, Car mon fait me fault descouvrir 2415 A ma femme et ennuit ouvrir. Qui m'est moult fort. ANNE Dame, prenons en Dieu confort Et devotement le prions A genoulz et ne detrions, 2420 Et je tien qu'il nous aydera Et grace et secours nous fera En cest affaire. YSABEL Sire Diex, qui sanz point meffaire A ta deité eternelle 2425 Voulsis de vierge maternelle Naistre pour nostre sauvement, Sire, regarde et voy conment Sui de cuer en affliccion,

Et me fais consolacion

Telle, sire, ce te requier,

Conme a avoir par honneur quier,

239 c

Ce te suppli.

~	

Celle ne vueil mettre en oubli Oue voy la en celle chappelle, 2435 Qui si devotement m'appelle. Or sus, Michiel, a elle iras Et de par moy tu li diras Oue plus ne s'esmaie ne doubte, Mais dedans sa chambre se boute 2440 Et se cousche avec s'espousée, Pour qui elle est si doulousée, Et son cuer de touz poins li euvre Et tout son estat li descuevre 2445

Hardiement.

MICHIEL Sire, je feray bonnement Ce que me dites, c'est raison. A li vois sanz arrestoison.

Femme, qui ci te desconfortes; Diex te mande que te deportes 2450 Et de joie ton cuer envoises Et que hardiement t'en voises Avec t'espousée jesir : C'est le Dieu vouloir et plaisir. 2455 Tout ton estat li compteras

Et par li celée seras ; Ne t'ara ja pour ce mains chiére, Mais d'elle touzjours bonne chiére Aras, m'amie.

YSABEL

2460 Ha! chier sire, qui ne m'as mie Oubliée en m'afliccion, Mais vostre consolacion

xxxvii	LA FILLE D'UN ROY	89
	M'avez par vostre ange envoié	
	Et mon cuer en joie avoié,	
•	Qui triste estoit et paoureux,	2465
	Filz de vierge, roy glorieux,	
	Je vous mercy de ce bienfait	
	Et des autres que m'avez fait:	
	C'est bien droiz, sire.	
2 39 d	Anne	
	Dame, qu'est ce? je vous voy rire:	2470
	Dites qu'avez.	• • •
	YSABEL	
	Ha! m'amie, vous ne savez:	
	Le benoit Jhesus, de sa grace,	
	Ne cuidez pas que soit falace,	
	Des cieulx m'a son ange transmis	2475
	Qui m'a moult en leesce mis	
	Et m'a fait dire et enorter	
	Que m'en voise sanz deporter	
	Jesir avecques m'espousée	
	Sanz estre de riens doulousée,	2480
	Et que mon estat tout li compte	•
	Et quele sui, sanz avoir honte,	
	Que ja mains ne m'en amera	
	Et avec ce me celera	
	Sus toute riens.	2485
	Anne	
	Dame, de Dieu et de ses biens	
	Vous devez loer grandement.	
	Jo lo qu'a court appartement	
	Nous retournens.	
	YSABEL	
	Soit, et ci plus ne sejournons,	2490
	Amie et mére.	

L'EMPERBUR Venez avant, venez, biau pére.

2515

2520

240 a

Je vous tien pour homme acensé, Si vous vueil dire mon pensé.

Je vous pri conme ami feal
Qu'en la chambre ennuit vous boutez
De ma fille et si escoutez
Quanque elle et son mari diront

Et que me rapportez demain
Ce qu'arez oy le plus main
Que vous pourrez.

LE RELIGIEUX

Sire, sachiez que vous orrez Nouvellez de moy bien matin, Et du premier jusqu'en la fin De leur parler, n'en doubtez point, Sarez le voir de point en point,

Zie von de point en pe Telle est m'entente.

L'empereur

2510 Or alez, amis: sanz attente
Pensez de vous en tel lieu mettre
C'on ne sache qu'ame y puist estre.

Je vous em pri.

Le religibux

Mon seigneur, je vois sanz detri, Puis qu'il vous plaist.

YSABEL.

Se j'ay trop, mon seigneur, s'ou plait, Demouré, pardonnez le moy: Je n'ay peu en bonne foy

Plus tost venir.

L'EMPEREUR

Fille, sanz vous plus ci tenir, Je vueil qu'ailliez couchier huimais, Si fera vostre mari, mais Vous irés devant, c'est raison.

	Or avant, car il est saison:	
	Alez couchier.	2525
La	FILLE DE L'EMPEREUR DE CONSTANTINOBLE	
	Puis qu'il vous plaist, mon seigneur ch	ier,
	G'y vois : a Dieu !	
	L'empereur	
	Moy et vous ici en ce lieu	
	Un po, fil, nous esbaterons	
	Jusqu'a tant que nous penserons	2530
	Que soit couchiée.	
	L'espousé	
	Se n'est d'autre chose empeschiée,	
	Tost le sera.	
	L'empereur	
	Je croy qu'il vous ennuiera	
	Tant qu'avec li couchié serez.	2535
	Or par temps, beaus fils, le serez:	
	Ne vous ennuit.	
240 b	YSABEL	
	Pleust a Dieu que ceste nuit,	
	Mon chier seigneur, fust ja passée,	
	Si que maishuy de m'espousée	2540
	Me deportasse.	
	L'empereur	
	Il convient qu'autrement se face;	
	Ne me dites plus tel raison.	: .
	Alez couchier, il est saison,	
	Et vous trestouz.	2545
	ANNE	
	Treschier sire, si ferons nous,	
	Mais un po le convoieray.	
	Ho! plus avant de cy n'iray.	
	Gardez pour chose qui aviengne	2550
•	Ne laissiez qu'il ne vous souviengne	
	De ce qui vous a esté dit,	

240 C

Et le faites sans contredit, A Dieu! sanz plus ci detrier. Je m'en vois pour vous Dieu prier Ça d'autre part.

2555

2575

YSABEL

Alez, Anne. Diex! qu'il m'est tart Que j'aie ceste nuit passée! Nient moins, quoy que soie enlassée De pensées grans et diverses

Et d'oppignions moult perverses, 2560 Pour le miex je me coucheray. Doulce mére Dieu, que feray? Quoy que je me couche en ce lit, En moy n'a n'esbat ne deslit,

Ains suis d'onneur perdre en doubtance 2565 Et d'avoir honte et mesestance Sui a ce cop en aventure, Se par vous, doulce vierge pure, Je n'ay secours.

LA FILLE

Sire, dites moy, par amours, 2570 La cause pour quoy et l'affaire Je vous voy si grant douleur faire. J'en ay le cuer tout esmaié. Estes vous navré ne plaié,

Ou qu'est ce que pouez avoir?

Faites le moy, sire, savoir, Et se c'est que celer conviengne, Je vous jur pour riens qui aviengne Par moy revellé ne sera,

2580 Mais seray qui le celera,

Je vous promet.

YSABEL

Dame, en vostre mercy me met. Pour le confort que m'avez fait, Vous vueil descouvrir tout mon fait

De m'en raler.

LA PILLE

C'est que vous ne m'encusez pas; Donnez m'avant congié bon pas

241 d

De ce ne convient plus parler.
Or vous mettez hors de soussi,
Car tout ce que m'avez dit cy
Je vous promet bien celeray,
Et tel honneur vous porteray
Con doit faire a son mari femme
En touz cas, ce vous jur par m'ame,
Ne ne vous aray ja mains chier.

2615

2610

241 a

2620 Maishuy dormir sanz plus preschier
Nous esconvient.

YSABEL

Puis que voulenté vous en vient, Or dormons, dame.

Le religieux

J'ay merveille oy, qu'une femme
Une autre a pris par mariage,
Qui est assez chose sauvage.
Cy endroit plus ne me tenray,
A l'empereur dire l'iray.

Treschier sire, bon jour aiez.

Je vien, ne vous en esmaiez, De la ou hersoir m'envoiastes, S'ay fait ce que me conmandastes

Au miex que puis.

L'EMPEREUR

Or me dy: qu'ont il fait depuis Qu'il furent ensemble couchié? A point l'un a l'autre touchié, Amis, de fait?

iis, de fait? Le religieux

Vezci, sire, ce qu'il ont fait. Quant nostre espousé se coucha,

2640 De sa femme pas n'aproucha,
Ains se mist de son lit au bort
Et se prist a plourer moult fort
Et en ce pleur fu lamentant
Grant piéce de la nuit, et tant

2645 Que vostre fille li dist : « Sire,

« Je vous pri que me vueilliez dire « Pour quoy vous plourez et qu'avez.

« Dès ores mais ne me devez

« Celer chose qu'aiez a faire.

2650 « S'essoine avez qu'il faille taire

LA FILLE D'UN ROY

« Et celer, je vous jur par m'ame	
« Je vous garderay de diffame	
Et vous celeray, n'en doubtez.	
Lors li a dit : « Dame, escoutez,	
« Vers vous plus ne me celeray,	2655
a Mais tout mon estat vous diray.	
« Je sui femme aussi que vous estes,	
« Née de nobles gens honnestes,	
• Fille de royne et de roy,	
« Mais touz jours l'estat et l'arroy	266 0
a De chevalier ay maintenu,	
• Tant que sui jusques cy venu. •	•
Si que je vous puis faire entendre	
Pour voir, sire, que vostre gendre	
C'est une femme.	266
L'empereur	
Or suy j'esbahiz moult, par m'ame,	•
Car onques nulz ne s'aperçut	
De li que droit homme ne fut.	
Ne scé se c'est une mençonge	
Qui de li t'est venue en songe,	2670
Puis la me dis.	
Le religieux	
Chier sire, entendez a mes diz.	
~	

Ce que je dy vray trouverez: Vezci conment l'approuverez. Faittes en une chambre mettre Vostre fille et avec elle estre Une quantité de pucelles Ou autres femmes damoiselles: La les menez sanz deporter, Puis y faictes du fruict porter Qu'aval la chambre on jettera, Et, s'il est femme, il y courra

Et se penera d'en avoir. Oultre encore pourrez savoir 2680

2685 S'il est femme par ceste voie: Faites qu'avec femmes se voie Estre tout seul privéement, Et vous verrez certainement Se femme est, tout coy se tenra; S'il est homme, a eulz se prenra 2690 241 b Et ne se tenra point en paiz Qu'il ne les taste et pince mais. Encore un tiers point vous diray, Et a tant je me cesseray: 2695 Se tout nu, sanz riens espargnier, Avec vostre fille bagnier Le faites, la vous apperra Clérement que femme sera, Je n'en doubt point. L'EMPEREUR J'ay bien oy de point en point 2700 Ce que m'as dit; si sera fait. Mais je te di bien que de fait Avant en prison mis seras Et sur toy bonne garde aras. Se femme est, tu seras delivre; 2705 Se non, ne doubtes que ne livre Ton corps a mort. LE RELIGIEUX Treschier sire, j'en sui d'accort Et m'i assens. L'EMPEREUR Lothart, assez sage te sens : 2710 En prison cest homme mettras, Et boire et mengier li querras;

> Je le te conmet a garder. Or y vueillez si regarder

Que par convoitise ou envie Pour li ne perdez pas la vie, Se fais que sage. 241 C

PREMIER SERGENT

Mon seigneur, je n'en ay courage: A mon pouoir m'en garderay. De ci endroit l'en enmenray.

2720

Alons men, sire.

LE RELIGIEUX

Ne vous vueil en rien contredire. Alons, Lothart.

L'EMPEREUR

Sainte Marie, qu'il m'est tart Que j'aye mon gendre esprouvé,

2725

2730

Savoir mon s'il sera trouvé

Estre tel conme on me divise!
Trop bien m'a divisé la guise

Conment esprouver le pourray, Mais certes je ne fineray

Tant que voie nu son corsage; C'est ce qui plus m'en fera sage,

Car je congnoistray sanz devin

S'il ara sexe feminin

Ou s'en son piz mamelles porte:

Il faudra que je me deporte Et que croie sanz contredit Ce que le prisonnier m'a dit, Si que, doie perdre ou gangnier,

Certes nu le verray baignier Ains demain prime. 2740

2735

Anne

Et conment, par le roy haultisme? Gisez vous encore a ceste heure? Levez sus, levez sanz demeure,

2745

YSABEL

S'irons a messe.

Egar! qu'il est tart! Haro! qu'est ce? Je croy que j'ay dormi trop aise.

T. VII

2770

Anne, pour Dieu, ne vous desplaise: J'aray en l'eure fait. Amis,

C'est falt; je n'ay mie trop mis
A moy vestir.

Anne

Non, a voir dire sanz mentir. Or avant il nous fault aler A l'empereurs: a brief parler,

2755 Trop demourons.

YSABEL

Alons y donc; tost y serons. Egardez! la le voi seoir.

Chier sire, d'onneur pourveoir Vous vueille Dieux.

L'EMPEREUR

2760 Si face il vous, biau filz, et miex
Que n'avez divisé encore
Vous vueille Diex ottroier ore.
Il vous convient, n'en rechinez,
Qu'au jour d'uy tout nu vous bagniez

241 d

En un vergier, mon ami doulx,

Et vostre femme avecques vous:

C'est la guise de ce pais,

Si que n'en soiez esbahiz.

Le bain est prest en ce vergier

Le bain est prest en ce vergier Ou serez serviz sanz dangier.

Ma fille querre envoieray Et entrer li conmanderay Tantost ou bain.

YSABEL

Chier sire, ce soit en bon gain,
2775
Puis que c'est de ci l'ordenance.
Je vueil faire sanz detriance
Ce que direz.

LA FILLE D'UN ROI	99
L'EMPEREUR	
Aubert, dire a ma fille irez	
Que viengne a moy.	
DEUXIESME SERGENT	
Sire, g'y vois donques, par foy.	2780
L'empereur vous envoie querre,	
Chiére dame: faites bonne erre,	
Venez a li.	
La fille	
Voulentiers, Aubert mon ami,	
Puis qu'il nous mande.	2785
	·
L'empereur	
Or ça, fille, je vous demande	
Ce qu'a fille onques mais ne fis.	
Puis je vostre mari mon filz	
Nommer et dire?	
La fille	
Oil, s'il vous plaist, treschier sire,	2790
Puis qu'avez fain de le savoir.	
Vostre filz est il, c'est tout voir,	
Et je sa femme.	
L'empereur	
Or est bien. Savez qu'il est, dame?	
Je vous comans que sanz songier	2795
Vous en alez en ce vergier:	• • •
Despoulliez vous et si entrez	
En un bain que prest trouverez.	
Vostre mari aussi ira,	
Qui avec vous se baingnera:	2800
Je l'i menray.	
· •	

242 a

La fille Pére, vostre vouloir feray. Donques g'i vois.

L'EMPEREUR

Or alez. Assez tost nous trois Après vous, belle fille, irons 2805 Et si nous y esbaterons,

Que je le vueil.

YSABEL.

Par foy, sire, je me merveil De cest usage, qu'il conviengne

Qu'avecques ma femme me baingne. 2810

Que fu ç'a faire?

L'EMPEREUR

Ce fu pour plus l'amour parfaire Qui par mariage s'est mise En homme et en femme et assise.

2815 De ce ne nous fault ja debatre: Alons men ou vergier esbatre Touz trois ensemble.

YSABEL

Soit, sire: puis que bon vous semble Et qu'il vous plaist, je m'y accors.

2820 Ore Dieu gart ce gentil corps Que la voy estre!

LA FILLE

En bon an vous vuèille touz mettre Le roy des cieulx!

Dieu

Or tost, Michiel, tost pour le miex 2825 La fourme d'un cerf blanc vas prendre, Et puis si t'en vas, sanz attendre, Devant ce vergier toy monstrer Et d'ilec en passant oultrer Et courre fort, se l'en te chace; 2830 Se ceulx qui suiveront ta trace

Voiz qu'il se vueillent desvoier, Je te conmans les renvoier, 242 b Et je scé bien qu'il le feront

Pour cause que doubteux seront

Qu'ilz n'aient honte.

2835

MICHIEL.

Sire Diex, je vois, sanz plus compte, Pour faire vo conmandement Et l'acompliray bonnement Ains que je fine.

L'EMPEREUR

Puis que nous sommes ci, biau sire, Mon conmant entendre vueilliez. Faites tost, si vous despoulliez Et si entrez dedans ce bain: Je le vueil, soit perte ou soit gain,

Ou'ainsi soit fait.

2845

2855

2840

YSABEL

Voulentiers, chier sire, et de fait Tout maintenant.

ANNE

Sire, sire, la voi venant Un cerf blanc; chacier le nous fault. Ce sera nostre grant deffault **2850** Se soudainement l'abatons Avant que nous nous esbatons A li chacier.

L'EMPEREUR C'est voir. Ce bain vous fault laissier,

Biau filz. Or tost, alons après Et si le suivons de si près

Oue nous l'aions.

YSABRI.

De ce point ne nous esmaions.

Suivre le pense tellement. Qu'il n'eschappera nullement Qu'il ne soit pris.

Afin que ne soie repris De vous, sire, par negligence, D'ensuivre vous vueil diligence

2865

Et paine mettre.

L'EMPEREUR

242 C

Egar! ou peuent si tost estre Mes gens alez? Ne les voy mais. Retourner ou vergier huymais M'en vueil; c'est le miex que g'i voie.

2870

Ne saroie ci tenir voye; Pour ç'a ma fille m'en iray Et compagnie li feray Tant qu'il retournent.

YSABEL.

Ne voy nulles gens qui s'aournent, 2875 Anne, de ci venir a nous, Et si regars qu'a moy et vous Honte, dommage et annuy vient Se retournons et il convient Que nue dedans le bain entre. 2880 Car on verra dessoubz mon ventre Que n'aray pas d'omme le membre Et en mon piz, bien m'en remembre, Mes mamelles si apperront, Qui femme jugier me feront, Dont l'empereur n'ara pas joie; 2885 Si lo que prenons ceste voie Et pensons de nous destourner Sanz a l'empereur retourner N'a son pais.

ANNE

Quoy que n'y soions pas hais

Ne du commun ne du bernage,
Si arons nous honte et damage,
Quant on sara que femmes sommes;
Noz vies ne prise deux pommes.
C'est le miex: partons nous de cy
Pour noz corps et la vie aussi

or noz corps et la vie aussi

De mort rescourre.

YSABEL

C'est mon. Dieu nous vueille secourre
De touz maux et soit deffendant!
Prenons ce chemin ci fendant, 2900
Anne m'amie.

ANNE

De marchier ne nous faingnons mie 242 d Isnellement.

LE CERF

Alez, alez tout bellement, Vous deux femmes qui la passez; 2905 Gardez qu'oultre ne trespassez : Dieu vous mande ne sejournez Ou'a l'empereur ne retournez. Pour ce qu'avez en Dieu fiance, Sur vous fera de sa puissance 2910 Telle vertu, ce vous promez, Que toy qui fille et mari es, Quant nu despoulié te seras Et qu'entrer ou bain deveras C'on a fait pour toy adviser, 29 t 5 Ne sera nul qui diviser Puist de toy, tant y prende garde, Qu'omme ne soies. Or regarde Se Diex t'aime bien et t'a chiére. Mais gardes bien qu'a liée chiére 2920 Tantost te vestes et aprestes,

Et ou baing qu'un seul po n'arrestes,
Mais t'en va l'omme delivrer
Que pense a mort faire livrer
L'empereur sanz nul contredit
Pour verité qu'il li a dit,
Qu'il apprint de toy conme sage.
Ange sui de Dieu et message,
Qui m'en revoys.

YSABEL

2930 Sire Dieu, de cuer et de vois
Vous mercy et vous glorifi,
Tant com je puis, et magnifi:
Le cuer m'avez, sire, esjouy.
Anne, avez vous, m'amie, ouy
2935 Ce que Dieu par le cerf nous mande,
Mais par ange qui nous conmande
A retourner?

ANNE

Oil. Il nous fault atourner
De raler ent appertement,
Quant avons eu mandement
Oue Dieu le vieult.

YSABEL.

243 a

Mon seigneur, tout le corps me deult Du cerf qu'a prendre avoie empris, Et si ne le puis avoir pris Par nulle voye.

2945

2950

2940

L'EMPEREUR

Biau filz, il fault que je vous voie Bagnier avecques vostre femme; Ce n'est a vous point de diffame: Ici n'a que privées gens. Despoulliez vous, si entrez ens, Puis que le vueil.

YSABEL.

En l'eure feray vostre vueil, Mon chier seigneur, et de cuer lié. C'est fait; vez me ci despoullié. Faites moy place, dame; or ça, Je vueil estre en ce bout de ça Contre vous, dame.

2955

LA FILLE A L'EMPEREUR
Il me plaist bien, sire, par m'ame,
Et c'est raison.

L'EMPEREUR

Or pert que par abusion
On m'a menti par grant malice;
Mais j'en pense a faire justice
Telle, et guaires ne demourra,
Qu'après ceste on se gardera
C'on ne me die ne propose
Rien qui soit fors que vraie chose.
Ore, biau filz, ne vous desplaise,
Soiez entre vous deux tout aise,
N'aiez de rien qui soit deffault;
Jusqu'en ma chambre aler me fault
Sanz plus demeure.

2960

2965

2970

YSABEL.

Le religieux

Chier sire, alez donc en bonne heure, Puis qu'il vous haite.

Sire Diex, en qui est parfaitte Gloire, joye et beneurté, Moy, qui sui cy en obscurté, Prisonnier moult desconfortez, De vostre grace confortez, Car pour voir dire sui ci mis, Et voy que petit ont d'amis Ceulx que prison tient en ses laz.

2975

2980

243 b

N'y deusse pas estre, elaz! Quant je n'ay dit que verité. Ha! sire Dieu, par ta bonté Jette m'en hors.

2985

DIRU

Mére, aler vueil a ce bon corps Que je voy la estre en prison Et qui y est mis sanz raison, Qui de moy confort avoir quiert; Et puis qu'il m'en prie et requiert, Aler le vueil reconforter. Or tost, venez sanz deporter

Avecques moy.

NOSTRE DAME

Mon Dieu, je vueil faire, et le doy, Vostre plaisir.

2995

2990

DIEU

Et vous touz, sus : sanz alentir Descendre vous convient a terre Pour venir avec moy bonne erre:

C'est mon vouloir.

PREMIER ANGE

3000

Si le ferons sanz remanoir, C'est fait, puis que nous sommes jus. Dites nous, amoureux Jhesus, Ou nous irons.

DIEU

Mes amis, ce chemin tenrons:

Alez touz dis.

NOSTRE DAME

Voire, mais en alant tantdis Chantez tellement c'on vous ove, Par quoy toutes ces gens en joye Soient meuz.

3005

DEUXIESME ANGE

Nous n'en serons pas recreuz. 243 C Avant: disons a haulte alaine. 3010

BONDEL.

Royne des cieulx souveraine. En qui Dieu prist humanité Pour ta parfaicte humilité, Qui de servir ton filz se peine Et qui te loe en verité, Royne des cieulx souveraine, En qui Dieu prist humanité, Il ara des cieulx le demaine Et gloire en pardurableté Et bien pour bien oultre equité, Royne des cieulx souveraine, En qui Dieu prist humanité Pour ta parfaicte humilité.

3015

3020

DIRTI Amis, qui ore es despité Et qui n'as de nullui confort, Ne te lamentes plus si fort. J'ay-tes regrez assez veu, J'ay ta bonne foy perceu, J'ay veu ta devocion, Si te vien par dileccion Visiter entre moy et celle Qui mére est et vierge et pucelle, Dont tu te doiz moult esjoir. Or entens et vueilles oir Ce que dira.

3025

3030

3035

NOSTRE DAME

Amis, gaires ne demourra Que delivré seras de ci. Et si aras l'emour aussi De l'empereur, com tu soloies. Garde que plus ne te marvoles,

3040

3060

3065

Pren confort en nostre presence, Et en joieuse pacience Porte ce qu'avenir te peut. Or sus : raler nous en esteut,

3045 Or sus : raler nous en Il en est temps.

DEUXIESME ANGE

Dame, nous ferons sanz contens Vostre vouloir. Seigneurs, alons Et nostre rondel pardisons. 243 d

LA FIN DU RONDEL

3050 Il ara des cieulx le demaine
Et gloire en pardurableté
Et bien pour bien oultre equité,
Royne des cieulx souveraine,
En qui Dieu prist humanité

Pour ta parfaicte humilité.

LE RELIGIEUX

Ha! glorieuse trinité, Un Dieu, une essance, une amour, Combien je doy bien nuit et jour Penser a ceste grant bonté, Que m'as fait, qui m'as visité, Non pas toy seul en ta personne,

Mais ta mére avec! Or me donne Grace que si t'aie servy Qu'en la fin j'aie deservy

Qu'en ta gloire me vueilles mettre. De droit, helas! c'est fort a estre, Si con me semble.

L'EMPEREUR

Seigneurs, puis que vous truis ensemble, Je vous requier que me vengiez D'un faux homme et que le jugiez

3070

Selon ce qu'il ara meffait. Ly meismes vous dira son fait, Que recongnoistre li feray, Presens vous touz; le manderay Maintenant, ains que soit plus tart. Aubert, alez dire a Lothart Qu'il m'amaine le prisonnier Que li fis mettre en prison hier. Or tost, amis.

3075

DEUXIESME SERGENT

Vez me la, sire, a voie mis.

308a

Tost revenray.

YSABRI.

M'amie, ci plus ne seray. Aler me fault, bien m'en remort, Un homme garantir de mort

C'on y veult mettre.

3085

LA FILLE

Alez, de par le roy celestre! Ce vueil je bien.

DRUXIESME SERGENT

A vous conme message vien, Lothart; cy plus ne vous tenez:

Le prisonnier tost amenez

A l'emperiére.

3090

PREMIER SERGENT

Voulentiers, Diex! en la manière Qu'il le me mande, amis Aubert. Yssez, sire, l'uis est ouvert;

Si en venez.

30q5

LE RELIGIEUX

Voulentiers. Ça! ou me menrez? Je sui yssuz.

244 a

PARKMER SERGENT
A l'emperière, sire. Or sus:
Vous menray jusques son demaine.

3100 Mon chier seigneur, je vous amaine Cest homme ci.

L'EMPEREUR

Vien avant. Tu m'as dit ainsi Cil qui ma fille a espousée, Ne soit pas verité cellée,

3105 Est une femme.

LE RELIGIEUX

Non pas pour ce que le diffame Le vous ay je dit, treschier sire, Mais a li mesmes l'oy dire, Pour ce je le vous rapportay.

3110 Ne scé se de ce rapport ay Gaires gaingnié.

L'EMPEREUR

Plus que devant m'a engaignié. Seigneurs, jamais ne soit creu, Car mon gendre ay tout nu veu,

3115 Qui a, ce vous puis dire en somme,

Touz les membres qu'avoir doit homme 244 b

Et hault et bas.

YSABEL

Seigneurs, je scé bien voz debaz : Mettez les un po en detri

3120 Et m'escoutez, je vous em pri.

Mon chier seigneur, vous avez tort,
Se voulez cestui mettre a mort;
Car il vous a voir rapporté,
Si qu'il doit estre deporté.

Vostre fille si manderez,
Et puis après, seigneurs, orrez
Que je diray.

L'EMPERRUR

En l'eure la vous manderay. Or tost, Aubert, vaz la me querre

Et qu'elle amaine Anne bonne erre Avecques li.

3130

DEUXIESME SERGENT

Mon chier seigneur, je sui celui
Qui tost iray, puis qu'empris l'ay.

A vostre pére, sanz delay, Ma treschiére dame, venez,

3 t 35

Et Anne avec vous amenez :

Il le vous mande.

LA FILLE

Je feray ce qu'il me comande, Et c'est raison, amis, en l'eure.

Anne, avecques moy sanz demeure

3140

ANNE

Je seroie trop mal senez Se je disoie: Non feray. Alez touzjours, lez vous seray,

Vous en venez.

N'en doubtez mie.

3145

3150

LA FILLE

Ore Diex gart la compagnie Que je ci voy!

LE CONTE

Bien veigniez, ma dame, par foy!

Ça, seez ci.

244 c LA FILLE

Sire quens, la vostre mercy,

Mais ci seray.

YSABEL

Ore, seigneurs, je vous diray, Mais qu'entendre vous me vueilliez,

	Chose dont serez merveilliez;
3155	Toutes foiz ce sera tout voir.
	Premier vous vueil faire savoir
	Et vous dy ainsi: Je sui femme,
	Qui d'omme n'oy onques diffame
	Par charnel copulacion;
3160	Après de mon estracion
	Vous vueil dire et de mon arroy.
	Sachiez je sui fille de roy
	Et ma mére aussi fu royne,
	Mais par la voulenté divine
3165	Ot ma mére de paine tant
	Que morut en moy enfantant.
	Ore ceci ester lairons:
	Par le conseil de ses barons
	Mon pére avoir me voult a femme,
3170	Et je, qui doubtay cest diffame,
	Ne me voulz a ce consentir,
	Mais pour moy du pais partir
	Prins conseil a ma damoiselle
	Anne, qui est et bonne et belle
3175	Et qui est femme com je suy,
	Qui m'a, depuis que née suy,
	Norri, conseillié et gardé;
	Et quant elle ot bien regardé
	En ce fait ou elle veilla,
3180	Si me dist et me conseilla
	Que me departisse bonne erre
	Hors de mon pére et de sa terre
	Et qu'elle point ne me lairoit,
	Mais partout avec moy venroit.
3185	Lors abit de femme laissames,
	Conme hommes nous habituasmes,
	Si partismes de nostre lieu;
	Et sachiez, par vertus de Dieu
	Et de sa mére a qui donnames

244 d

Cuer et corps et nous conmandasmes, Ne nous a depuis advisé Personne, tant y ait visé, Qui nous puist avoir congneu Que soions femmes ne sceu, Ne vous, chier sire, ne feistes 3195 Quant ou bain entrer me veistes, Car Dieu ne voult, c'est chose voire Oultre sachiez que la victoire Qu'avons eu de la bataille Qu'avons fait aux cinq roys sanz faille 3200 N'a pas seule esté par mon fait, Mais par miracle Dieu l'a fait, De sa liberal courtoisie. Qui a volu qu'autorisie En aie esté. 3205

L'EMPEREUR

Dame, quant Diex si grant bonté
Et tant de grace vous a fait,
M'entente vous diray de fait:
A vostre pére vous menray,
Ma fille a femme li donray,
Par si que vous m'acorderez
Que vous ma femme aussi serez;
Et quant accordé nous serons,
Noz noces ensemble ferons
Tout pour le miex.
3215

LE CONTE

Vous dites bien, si m'aist Diex, Chier sire. Or nous mettons a voie. N'i a nul qui n'ait d'aler joie Avecques vous.

PREMIER CHEVALIER

Non voir; mais, sire, dites nous
Par ou irons.

3220

T. VII

ANNE

Mes amis, ce chemin tenrons Touz jours avant.

DEUXIESME CHEVALIER
Bien est. Seigneurs, alez devant

3225 Et le chemin nous despeschiez Qui de ces gens est empeschiez

245 a

Trop malement.

DEUXIESME SERGENT
Nous le vous ferons vistement.
Sus, ci devant!

YSABEL.

3230 Ho! seigneurs, n'alez en avant.
Treschier sire, vezla mon pére.
Voulez vous bien qu'a li m'appére?

Que m'en direz?

L'emperére

Mais première a li parlerez.

3235 Alez tost: ne le laissiez mie.
Saluez l'a genoulz, m'amie:
Il appartient.

YSABEL

Celi Dieu de qui tout bien vient Et qui souffri de mort l'angoisse

3240 En croiz pour nous honneur vous croisse, Roy de vaillance.

LE ROY

Et il te doint par sa puissance, Amis, venir a sa mercy. Qui es tu, ne que quiers tu cy,

Qui avecques mes gens t'assembles?
Par le corps de moy, tu me sembles
Un homme bel.

YSABEL.

Je sui vostre fille Ysabel,

245 b

Qu'espouser a force voulsites, Pour quoy departir me feistes De ce pais. LE ROY Fille, je sui touz esbahiz Coment habit d'ome portez, Qui femme estes : ou enortez Vous fu ce faire? YSABEL Pére, or oiez de mon affaire. Depuis que ce pais lessay, Habit de femme n'endossay, Ains ay porté d'omme l'abit. Ore la paine et le labit Qu'ay depuis eu vous diray, Quant a plus grant loisir seray. Je vous amaine un homme noble, L'empereur de Constantinoble : De vostre siége vous levez Tantost et si le recevez Honnourablemeut et de fait, Car en son pais il m'a fait Honneur moult grant. LE ROY Je le feray de cuer engrant. Chier sire, bien venu soiez, Et vous touz qui l'aconvoiez; Venez seoir.

L'EMPEREUR

Sire, se je vous vien veoir, Ne vous desplaise.

LE ROY

Mais est bien raison qu'il me plaise, 3275 Et si fait il certainement. Or vous seez premiérement Pour reposer.

L'EMPEREUR

Sanz seoir vous vueil exposer

3280 La cause qui m'amaine ci.
Une fille avez, et j'aussi
En ay une que je bien aime
Et pour fille la tien et claime:
La vostre a femme me donrrez,

3285 Et vous la moie espouserez;
Si sera noble mariage,
Sanz ce qu'a nul tourt a damage
N'a villenie.

LE ROY

Sire, de ceste courtoisie

3290 Que vous m'offrez je vous mercy.

Est vostre fille avec vous cy?

Dites, chier sire.

L'emperére

Oil, ce vous puis je bien dire:

LE ROY

3295 Je vous pri, ne me deveez
Ce qu'en diray. Nous en irons
La derriére et espouserons
Chascun sa femme, au Dieu plaisir,
Et après a plus grant loisir

Vez la ci, veez.

3300 Ferons de noz noces la feste Et le diner noble et honneste

A toute gent.

L'empereur

Sire, vous dites conme gent:
Je m'y accors.

LE CONTE

3305 Sire, entendez a mes recors,
Puis qu'aler espouser voulez.
Vous, sergens, deux et deux alez
Devant et l'un de l'autre près;

245 c

LA	FILLE	D UN	ROY

XXXVII

117

Les chevaliers iront après,

Et vous, mes seigneurs, qui serez 3310

Espousez, après eulz irez;

Je qui derrière demourray

Voz espousées conduiray

Par ordenance.

PREMIER CHEVALIER

Bien; mais il fault sanz detriance 3315

Bien; mais il fault sanz detriance

Devant les menestrez avoir

Pour faire en alant leur devoir.

Bien est: ça je les voy venir.

Seigneurs, sanz vous plus cy tenir,

Alez devant faisant mestier;


Il en est saison et mestier.

De bien jouer ne vous faingniez,

Cy endroit voz robes gaingniez:

Marchiez bon pas.

Explicit.



XXXVIII

MIRACLE

DE

SAINT LORENS

PERSONNAGES

LE PAPE, SIXTE LE PREMIER CARDINAL

DEUXIESME CARDINAL, AUFFROY

SAINT LORENS

SAINT VINCENT PHILIPPE L'EMPEREUR

PREMIER SERGENT, GRAIN D'OR

DACIEN, CHEVALIER

PREMIER ESCUIER DACIEN, GENÇON

DEUXIESME ESCUIER DACIEN

TROISIESME ESCUIER DACIEN

LE MESSAGIER

DEUXIESME SERGENT, MAUDUIT

LES MENESTREZ

PREMIER CHEVALIER

DEUXIESME CHEVALIER

LE CONTE NAUTIER

LE SEIGNEUR DE LISIÉRE

LE CONTE DE L'ARBRE SEC

LE SIRE DU GROING

LE FIL PHILIPPE

GODEFFROY, ESCUIER LE FIL PHI-

PREMIER POVRE, GUILLAUNE

YPOLITE, LE PREVOST

LUCIEN

DEUXIESME POVRE

DIEG MICHIEL

ROMAIN, CHEVALIER

Cy conmence un miracle de Nostre Dame de saint Lorens que Dacien fist morir et Philippe l'empereur fist il morir pour estre emperière. 246 a

LE PAPE

Mes fréres : puis que nostre sire
Nous a des corps a sauveté
Admenez en ceste cité,
Oui est d'Espaigne une des grant

5

10

t 5

Qui est d'Espaigne une des grans,
Estre vueil songneux et engrans
De preschièr aval ceste terre
Pour ce pais a Dieu acquerre,
O u il n'a fors que mescreans,
Et je tien et si sui creans
Que tellement y ouvrera
Dieu que maint s'en convertira
A croire en li.

LE PREMIER CARDINAL
Dieu vueille qu'il n'ait cy celi
De touz ceulx qui sont mescreans

Qui ne soit en Jhesu creans Et sa loy tiengne.

246 b

DEUXIESME CARDINAL

Amen! si qu'en la fin parviengne Des cieulx ou regne.

LE PAPE

Sanz plus tenir ci plait ne rene,
Je vueil le sermon conmencier
Pour ce peuple ci adrescier,
Se je puis, a devocion.
Donnez moy sanz dilacion

25 Beneiçon.

PREMIER CARDINAL

Du quel vous semble il estre bon Avoir la, sire?

LE PAPE

Ne m'en chaut du quel : sanz plus dire, Delivrez moy.

PREMIER CARDINAL

30 Donnez li, donnez, maistre Auffroy:
Il appartient.

DEUXIESME CARDINAL
Puis que faire le me convient,
En l'eure le vous feray, ho!
Dominus sit in corde tuo

et in labiis tuis ad bene predicandum evangelium pacis populo Dei. In nomine patris et filii et spiritus sancti. Amen,

Icy parle saint Lorens a saint Vincent et dit:

Je ne voulroye pas avoir
Un marc d'argent en verité
Et je n'eusse ici esté

A ce sermon.

SAINT VINCENT
Aussi ne feroie je mon,
Se Dieu gart m'ame de pechié.
Cousin, conment a il preschié
Tresnoblement!

XXXVIII	SAINT LORENS	123
	SAINT LORENS	
	Voire, et monstré appertement	
	Conment par la Dieu courtoisie	45
	Est nostre loy auttorisie	•
246 c	Plus que nulle autre et gracieuse,	
•	Plus excellent, plus vertueuse	
	Et plus parfaitte.	
	Vincent	
	C'est droiz, car elle a esté faite	50
	De celui qui en rien ne fault,	,,,
	De celi qui tout peut et vault,	
	En qui le tresor de science	
	Est repost et de sapience	
	Tout plainement.	55
	LE PAPE	
	Dites moy, se Diex vous ament,	
	Biaux seigneurs, quelle loy tenez	
	Ne s'estes de ce pais nez,	
	• · · · · · · · · · · · · · · · · · · ·	
	Je vous em pri.	
	Lorens	_
	Sire, voulentiers sanz detri.	60
	Deux crestiens sommes au mains,	
	Et si sommes cousins germains,	
	Ne scé pour quoy le demandez,	
	Et sommes de ce pays nez,	
	Ce sachiez, sire.	65
	Le pape	
	Vezci pour quoy, le vous vueil dire.	
	Il me semble que je vous voy	
	D'assez bel maintien: s'avec moy	
	Vouliez demourer, qui sui homme,	
	Voire, qui sui pape de Romme,	70
	Je tien vostre prouffit seroit	•
	Et bien venir vous en pourroit	
	D'ame et de corps.	

80

85

VINCENT

Saint pére, trop bien je m'acors A estre vostre cler dès ci, Et de ceste offre vous mercy

Que m'avez fait.

Lorens

Tressaint pére, et j'aussi de fait Me soubzmett a vostre vouloir, Car je n'en puis que miex valoir, Ce voy je bien.

LE PAPE

246 d

Se vous pensez de faire bien,
Bien vous venra, n'en doubtez mie.
Ore il convient qu'en Romenie
Avecques moy vous en venez
Et compagnie me tenez
Avec les autres gens que j'ay,
Car sanz plus faire de delay
Aler m'en fault.

VINCENT

VINCEN

90 Nous sommes touz prestz sanz deffault D'aler, saint pére, avecques vous Ou vous plaira, sire: ne nous Espargniez point.

LE PAPE

Puis que nous sommes a ce point,

Nanil: alons nous en de ci.

Esgardez, mes fréres, vezci

Deux cousins qui nous serviront

Et avecques nous s'en venront

Jusques a Romme.

PREMIER CARDINAL

100 Se chascun veult estre preudomme,
Mal ne leur en peut avenir,
Mais sont eureux d'y venir
En verité

DRUXIESME CARDINAL

Je croy qu'il n'ont pas voulenté Que de mener honneste vie : Au mains a leur philosomie

105

Le m'est avis.

LE PAPE

Sanz plus faire cy de devis.

Mettez vous tost, que je le voye,

A chemin, qu'il y a grant voye

Amis, a faire.

110

LE PREMIER CARDINAL

Alons: que Dieu de nous mal faire Nous vueille deffendre et garder. Ne pensons que de regarder Le chemin droit.

115

247 a

Philippe L'Empereur Sanz arrester plus cy endroit,

Vaz moy tantost Dacien querre: Dy li qu'a moy viengne bonne erre,

Que je li mans.

PREMIER SERGENT

Sire, acomplir vueil voz conmans: Dire li vois sanz plus ci estre. 120

Mahom, sire, vous vueille mettre En puissance et en honneur grande! L'empereur par moy vous mande

Qu'a li venez.

125

DACIEN, CHEVALIER
Grain d'or, un petit vous tenez:
En l'eure m'en vois avec vous.
C'est fait; alons men, ami doulx:

Je sui tout prest.

r 35

PREMIER SERGENT

130 Soit.

Vezci Dacien qui est
A vostre mant venuz, chier sire,
Si tost conme il m'a oy dire
Que le mandiés.

PHILIPPE L'EMPEREUR

Grain d'or, un po de cy vuidiez:
Nous voulons de conseil parler.
Il vous en fault de cy aler
Appertement.

Premier sergent Sire, je feray bonnement Vostre plaisir.

PHILIPPE L'EMPEREUR

Descouvrir vous vueil mon desir,
Dacien, puis qu'ensemble sommes.
François, qui sont mes subgiez hommes,
Se rebellent par desverie
Contre moy et ma seigneurie.

Vous savez assez fait de guerre,
Et pour ce je vous vueil requerre
Que de mon ost vous soiez maistre
Et des gens que je vueil conmettre
Et sur les François envoier,

Car faire les vueil ravoier
Et retourner a ma mercy.
Or me dites que de cecy
Faire voulez.

247 b

DACIEN

Sire, de moi servi serez

155 Bonnement, et de cuer feray
Quanque pour vous faire pourray
Jusqu'au morir.

PHILIPPE

Je ne vous puis plus requerir, Ne ne vueil, amis: c'est assez. Or vous pri je que vous pensez 160 De ceste besoingne avancier: Ce n'est mie chose a laissier, Mon ami chier.

DACIEN

Sire, pour moy plus despeschier, Dès ci congié de vous prendray, 165 Mon harnoys aprester yray Et feray assembler mes gens; Et vous d'autre part diligens Soiez des gens d'armes avoir Oue vous faciez tantost mouvoir 170 Et venir a moy droit en France, Et je les pense en ordenance Telle mettre dedans un mois Que vous orez dire Françoys Sont desconfit. 175

PHILIPPE.

Ce que vous dites me souffit: Il vous sera fait, or alez, A vostre vueil, plus n'en parlez. Mais je vous pri, mon ami doulx, Tant com je puis, avancez vous 180 De tost mouvoir.

DACIEN

Chier sire, tenez tout pour voir Qu'ains demain nonne partiray A tout ce que de gens aray. Ne puis plus brief que vous denonce; 185 Mais gardez que vostre semonce Soit a toutes voz gens si faicte Que chascun s'apreste et s'affaicte De tost venir.

247 C

215

PHILIPPE

190 Il est bien en mon souvenir, Mon ami doulx.

DACIEN

Je pren a tant congié de vous Et m'en vois aprester mon erre. Mahon me doint de ceste guerre Venir a chief!

195 Venir a chief!

PHILIPPE

Vostre corps gart Diex de meschief! Or alez, Dacien amis, Pensez que François soient mis En ma mercy.

DACIEN

200 Seigneurs, sanz vous plus tenir cy,
Jusqu'aux champs avec moy venez.
Aux varlez d'estable ferez
Savoir que d'esveillier se painent
Noz chevaulx et les nous amainnent
205 Aux champs ou tout a pié irons,
Et la dessus nous monterons
Trestouz ensemble.

PREMIER ESCUIER

Mon seigneur, puis que bon vous semble, Faire leur vois savoir, c'est drois. Alez vous en devant vous trois Et je tandis a eulx iray Et aussi tost aux champs seray,

Com vous serez.

DEUXIESME ESCUIER

Il dit bien. Or ne demourez,
Gençon, après nous tant ne quant;
Et je me prendray garde quant
A nous venrez.

TROISIESME ESCUIER

Pour li ci point ne demourez,

Sire, mais alons men le pas.

Je tien qu'il ne demourra pas

Que tost ne viengne.

220

247 d

DACIEN

Alons, et aviengne qu'aviengne, Mais qu'il ait son message fait. S'il veut si viengne, s'il veult lait:

Riens n'y aconte.

225

LE PAPE

Seigneurs, je fas ainsi mon compte:
Puis que Diex tant misericors
Nous a esté que sains des cors
Nous a d'Espaigne ramené
Et nous a empereur donné
Catholique et bon crestien,
C'est pour nous grant grace et grant bien,

Quant a voir dire.

DEUXIESME CARDINAL

Je m'acors que dites voir, sire;

Et puis qu'en si bon estat sommes,
Ordener vous convient deux hommes,
Dont l'un ferez vostre dyacre
Et l'autre vostre soubsdiacre,
Car ilz vous faillent.

LE PAPE

Or m'en nommez deux qui le vaillent, 240
Qui ne soient pas soz ne nices,
Mais qui soient a ce propices

Et convenables.

Premier cardinal
Sire, si vous sont agreables,
De deux vous en feray divis, 245

260

270

275

248 a

Qui sont de bons muers, ce m'est vis ; C'est Vincent et si est Lorens. S'a ses deux mettez vostre assens, Ne poez miex.

DEUXIESME CARDINAL

250 Sire, vous dites voir, se Diex Me doint sa grace.

LR PAPE

Puis qu'a gré vous vient que les face, Aussi me plaisent il, par foy. Sa, mes filz, ça, touz deux a moy, Vincent et vous I crops quesi

Vincent et vous Lorens aussi. Dès maintenant vueil et dès cy,

Lorens, que soiez mon dyacre Et vous, Vincent, mon soubzdiacre: C'est quant messe dire voulray

Sanz vous point ne celebreray, Si que soiez touz jours si faiz Qu'avecques moy puissiez le fais Porter et vous a Dieu monstrer Dignes de li amenistrer

A son autel.

SAINT LORENS
Saint pére, Dieu vueille que tel
Me face conme avez cy dit!
Et combien que ne contredit
Point mon vouloir a ce que dites
Et que n'aie si grans merites
Deservy, je, povre Lorens,
De ceste honneur grace vous rens

Que vous m'offrez.

VINCENT
Saint pére, de moy vous souffrez
A present, par vostre benigne
Grace, sanz m'avoir en haine,
Ny en desdaing, ny en engaigne

248 b

Tant que je reviengne d'Espaigne, Car c'est m'entente, a brief parler,	
Mais qu'il vous plaise, d'y aler	280
Sanz demourée.	200
Le pape	
Biau filz, par la vierge honnourée,	
Puis qu'avez d'aler y desir,	
Il me vient assez a plaisir	
Et congié de cuer vous en doing,	285
Car j'espoire qu'aucun besoing	203
Si vous y maine.	
Vincent	
C'est voir, sire, et amour humaine	
Qu'ay selon Dieu a creature,	
Ou Dieu si veult par aventure	290
Que doie ce voiage faire	290
Conme cil qui scet quel affaire	
Il en venra.	
Le pape	
Or mouvez quant il vous plaira,	
Huy ou demain, biau filz Vincent;	295
Mon vouloir trop bien s'i assent,	- 90
Soiez ent fiz.	
VINCENT	
Or vueilliez, pére, a vostre filz	
Donner vostre beneiçon,	
Qui par humble devocion	300
La vous demande.	
LB PAPE	
Encliner vueil a ta demande.	
De Dieu qui est en trinité	
Une essence, une deité,	
Et de saint Pol et de saint Pére	305
Soiez tu beneiz, biau frére,	

Et je beneiçon te doing; Ou que tu voises, près ou loing,

320

325

33o

Dieu te sequeure.

VINCENT

310 Amen! Sanz ce que plus demeure, Saint pére, je m'en vois batant. Ne fineray mais d'errer tant Qu'Espaigne voie.

LE MESSAGIER

Mon chier seigneur, honneur et joie Aiez et longue et bonne vie, Ne sur vostre estat n'ait envie Quelque personne.

PHILIPPR

Ton salut emporte et si sonne Assez de bien, messagier, voir. Et tu bon jour puisses avoir. Quel vent te porte?

LE MESSAGIER Nouvelles que je vous apporte

Et lettres aussi de creance.
Dacien, homme de vaillance
Et chevalier plain de noblesce,
Qui sage est et de grant prouesce,
Premier a vous se reconmande
Et conme bon subgiet vous mande
Et le plus grant de voz amis
Qu'il a tant peu qu'il a mis
Francois en la subjeccion

De vostre dominacion:
Toute France est a vous, c'est nient,
Et a tant fait qu'il s'en revient
A grant honneur de touz prisiez.
Tenez, mon chier seigneur, lisiez:

Vezci sa lettre.

248 €

248 d

n					
r	н	LI	PI	РΚ	

De l'ouvrir me vueil entremettre Et verray qu'il y a escript. Ore loé soit Jhesu Crist 340 De ce qu'en ceste lettre voy. Biaux seigneurs, chascuns endroit soy S'apreste d'avec moy venir, Sanz plus ci endroit soi tenir, Ou aler vueil. 345 Premier Chevalier Sire, nous ferons vostre vueil, C'est raison, et ce que voulrez, Et s'il vous plaist, vous nous direz Ou'avez a faire. PHILIPPE Je vous diray tout mon affaire. 35 o Vous savez assez conment France Par orgueil et oultrecuidance A esté contre moy rebelle Et contredisant, conme celle Qui tendoit a ce point venir 355 Que de moy ne deust tenir. Après, seigneurs, vous savez bien Qu'envoié y ay Dacien Qui d'armes est preuz et subtis, Qui n'a mie conme faintis 360 Les gens de France guerroyé, Ainçois les a si asproyé Et contre eulx s'est si deffenduz Qu'a li pour moy se sont renduz, Et les a mis en tel parti 365 Qu'a son honneur s'est d'eulx parti Et s'en revient devers nous, voire; Et pour l'amour de la victoire Qu'il a eu, a brief parler,

Je vueil encontre li aler

38o

385

3**90**

395

Et li faire honneur, c'est raison. Si vueil que sanz arrestoison Touz ensemble avec moy veigniez Et compagnie me teigniez,

375 Ce vous requier.

DEUXIESME CHEVALIER

Nous sommes touz prestz, sire chier,
De faire, sanz plus demander,
Quanqu'il vous plaist a conmander:

Ainsi le tien.

DEUXIESME SERGENT D'ARMES C'est raison, et vous dites bien, Sire. Nous touz par diligence Li devons faire obedience:

C'est de raison.

PREMIER SERGENT

Mon chier seigneur, s'il est saison

De mouvoir, ne le fault que dire;

N'en voy ci nul qui ne soit, sire,

Prest de mouvoir.

PHILIPPE

Alons men; mais je vueil avoir Les menestrez ains que plus erre. L'un de vous deux, alez les querre, Cy endroit plus ne vous tenez, Et après nous les amenez:

Faites briefment.

DEUXIESME SERGENT
G'y vois, sire, certainement.
Alez touz jours; ne fineray
Jusqu'a tant que les enmanray
Avecques moy.

PHILIPPE
Tant avons erré que la voy
Dacien, seigneurs, qui la vient.

XXXVIII	SAINT LORENS	135
249 a	Avancer un po nous convient D'aler. Or sus!	400
	Dacien	
	Mon chier seigneur, celui Jhesus	
	Qui regne sanz conmencement,	
	Com vous creez, et sanz finement	•
**	Vous soit amis.	405
	Ришрр	
	Dacien, et il vous ait mis	
	En santé et misericors	
	Vous soit. Conment le fait ce corps,	
	Dites me voir?	
	Dacien	
	Chier sire, je vous fas savoir	410
	Je sui du corps sain et alégre,	
	Combien que vous me veez maigre,	
	Et ay esté depuis touz jours;	
	Mais il a esté mains biaux jours	
	Que ne me puis estre passez	415
	Que n'aye eu de paine assez	
	Et de rioz a ces Françoys	
	Et de batailles, sire, ainçois	
	Qu'a ce je puisse estre venuz	
	Que j'en soie au dessus venuz.	420
	Toutes voies en la parfin,	
	La mercy mon Dieu Apolin	
	Et Mahommet, ay je tant fait	
	Que je les ay conquis de fait	
	Et a ce mis et estenduz	425
	Qu'il se sont com subgiez renduz	
	Tout plainement.	
	Ришрре	
	Vous l'avez fait si vaillenment	
	Que sachiez je ne fineray	
	Tant que le vous desserviray.	430
	Avant! sanz nous plus ci tenir,	•

450

455

Faites ces menestrez venir, Qui devant nous mestier feront Et ainsi faisant nous menront

435 En mon manoir.

Deuxiesme sergent

Avant, seigneurs, sanz remanoir: Cy endroit plus ne vous tenez, Mais faisans mestier nous menez Au grant palais de l'emperière. Mouvez devant et nous derrière

2**4**9 b

440 Mouvez devant et no Vous suiverons.

LES MENESTREZ

Sanz refuser tout ce ferons Qu'il vous plaist dire.

DACIEN

Puis qu'en vostre palais, chier sire, Estes, je vous pri qu'il vous plaise, Sanz estre de moy a mal aise, Que jusques en mon hostel aille; Car je vous puis dire sanz faille On m'y attent et pour grant fait Qui ne peut sanz moy estre fait

Ny a fin mis.

PHILIPPE

Puis qu'il est ainsi, chiers amis, Ce que voulez je vueil a plain; Mais nient mains je vueil que demain Dynons ensemble.

DACIEN

Soit, sire: puis que bon vous semble Et puis qu'il vous plaist, je venray; Mais par vostre gré m'en iray

Pour maintenant.

PHILIPPE

460 Or alez, mais de convenant Ne me failliez.

-		
	400	122
w	AL.	

Je seroie mal conseilliez
Du faire. Biaux seigneurs, avant!
Delivrez vous; alez devant
Moy que vous voie.

465

PREMIER ESCUIER

Sire, nous nous mettons a voye D'aler y droit.

DEUXIESME ESCUIER

Alons nous ent par cy endroit, C'est nostre miex.

249 C

TROISIESME ESCUIER
Vous dites voir, par touz les diex
De nostre loy.

470

DACIEN

Seigneurs, esté avez ou moy Grant temps, pour quoy je tien ainsi Que vous devez tout sanz nul si M'onneur vouloir.

475

PREMIER ESCUIKR

Mon seigneur, vous avez dit voir, Et je tien qu'il n'est nul de nous Qui de l'acroistre ne fust touz Joyeux et liez. 4/-

DACIEN

Or fault donc que me conseilliez Sur ce que vous vueil descouvrir. Ma voulenté vous vueil ouvrir Et vous dire tout mon secré, Dont vous me devez savoir gré

480

Tresgrandement.

485

DEUXIESME ESCUIER
C'est voir, sire, et certainement
Je croy qu'il n'y a nul de nous
Qui ne voulsist mettre pour vous

249 d

Et vie et corps.

DACIEN

A vostre dit assez m'acors,

Mais plus vraiement le verray
Parmy ce que je vous diray.
Il me semble en ceste maniére:
Se nous n'avions point d'emperiére
Et qu'il en fausist un eslire.

Ne scé baron en tout l'empire
Qui le deust estre avant moy,
Et vous diray raison pour quoy:
Je n'y scé baron en la terre

Qui sache autant du fait de guerre Com je scé, ne qui l'ait apris, Ne qui ait nulz telz faiz empris Conme j'ay et com je feroye, S'il le failloit, ou je seroye.

For Pour tant le dy que se peusse,
Voulentiers mon estat creusse,
Et s'il croissoit, je vous dy bien
L'estat de vous touz com le mien
Croistroit aussi.

Troisiesme escuier

510 Mon seigneur, la vostre mercy.
Vous estes vous point appensé,
Qui estes un homme assensé,
Conment vous pourriez avenir
A un plus grant estat venir

515 Qu'orendroit n'estes?

DACIEN

Ceste demande pour nient faites: G'y ay bien pensé voirement, Mais je ne voy pas bien conment Mon estat en bonne manière Tant conme vive l'emperière

520 Tant conme vive l'emperiére Puisse avancier.

250 a

PREMIER ESCUIER Seigneurs, pour la chose adressier, Nous troys d'accort nous conmettons Qu'a mort l'emperiére mettons Une nuit quant il dormira 525 En son lit, si c'on ne sara Oui c'ara fait. DEUXIESME ESCUIER Trop bien vueil estre de ce fait Compaignon, voir. TROISIESME ESCUIER Aussi nous vault il miex avoir 53a Emperiére, je vous dy bien, D'un paien que d'un crestien, Ce n'est pas doubte. PREMIER ESCUIER Nous savons l'ordenance toute De sa chambre et par ou aler 535 Nous y pourrons, a brief parler. Se je dy bien, ne vous ennuit: Alons y ja quant sera nuit Et en un destour nous muçons, Et nostre fait acomplissons 540 Quant il iert point. DEUXIESME ESCUIER C'est sagement dit et a point. Se vous estes de cest accort. Par Mahommet je m'y accort Estre en aussi. 545 TROISIESME ESCUIER Oil. Paiz. Or nous tenons cy Jusqu'a tant que nous en irons. Pour vous, chier sire, un fait ferons Ennuit bien grant. DACIEN Ce que pour moy serez engrant 550

560

575

De faire et qui vous donra paine, Ne doubtez aussi que ne paine De le vous rendre.

PHILIPPE EMPEREUR

Biaux seigneurs, il me convient prendre Un po de repos; dormir vueil. J'ay trop malement grant sommeil En verité.

PREMIER CHEVALIER

Mon chier seigneur, soit en santé.
Je lo donc en ceste manière
Qu'en vostre chambre la derrière
Venez reposer, sire doulx.
Et nous irons avecques vous

Nous deux, chier sire.

DEUXIESME CHEVALIER

Aussi le vouloie je dire,

565 Pour vous couvrir et mettre a point.

Seul aler ne vous lairons point,

N'est pas raison.

PHILIPPE

Or alons sanz arrestoison, Je vous en pri.

PREMIER CHEVALIER

570 Alez devant, et sanz detri Nous vous suivrons.

PREMIER SERGENT

Mauduit, nous deux d'acort ouvrons. 250 b

Alons men chiez Colin Hallé,

Puis que dormir s'en est alé

L'empereur, sanz plus cy preschier. Il vent tel vin, mon ami chier,

Que c'est merveille.

DEUXIESME SERGENT
Tu ne dis rien que bien ne vueille:

DACIEN

Avecques nous.

Il me plaist. Alez, seigneurs doulx, Puis qu'il vous haitte.

lcy viennent les deux chevaliers en sale et dit le second :

DEUXIESME CHEVALIER
Ottroiez moy ceste requeste,
Sire, que nous deux par accort,
Tandis que l'emperiére dort,
Alons des espices mengier,
Et boire en un joli vergier
Ou vous menray.

595

Premier chevalier
Puis que m'en requerez, g'iray

620

625

605 Tresvoulentiers.

250 C

DEUXIESME CHEVALIER
Or alons tost, endemantiers
Que n'avons de destourbier point.
Nous revenrons ci tout a point
Ainçois qu'il liéve.

PREMIER CHEVALIER

Ne m'en chaut, mais qu'il ne li griéve S'avant que nous venons s'esveille Et aucune chose avoir vueille

Par l'un de nous.

DEUXIESME CHEVALIER
Conment que soit, mon ami doulx,

En chevirons.

lci viennent les escuiers Dacien en sale.

PREMIER ESCUIER

Or, seigneurs, et quel le ferons? Ouvré avons si bien a point Que d'emperière n'avons point:

Par nous mors est.

DEUXIESME ESCUIER
A mettre en terre en est plus prest.

Sueffre: de ci nous en irons,
A Dacien dire l'irons

Nostre seigneur.

Troisiesme escuier

Il en ara joie greigneur Que de cinq cens livrées de terre

Ly donner. Alons li bonne erre'
Nostre fait dire.

PREMIER ESCUIER

Alons touz ensemble.

Chier sire,

Pensez de faire bonne chiére:

630 Pour certain mors est l'emperiére,

Occis l'avons.

DEUXIESME ESCUIER
Fait en avons ce que devons
Pour vostre amour.

DACIEN

Bien est. Or faites ci demour Et me vueilliez dire le voir Conment est mort : ce vueil savoir,

635

Je vous em pri.

250 d

TROISIBSHE ESCUISE

Je le vous diray sanz detri.

Si a point en sa chambre entrasmes

Qu'omme ne femme n'y trouvasmes

Que lui, qui nui mot ne disoit,

Car en son lit dormant gisoit.

Lors feismes tant touz de quoy

640

Il est demouré mort tout coy, C'est a brief dire.

645

DACTEN

De sa mort n'ay je pas grant ire. Laissons ester; cy vous serrez Decoste moy, s'attenderez Oue l'en dira.

PREMIER ESCUIER

65o

Nous ferons ce qui vous plaira Sanz refuser.

DEURIESME SERGENT
Grain d'or, sanz plus ici ruser
Retourner nous fault a la court :
Il en est maishui temps, a court
Et a brief dire.

655

PREMIER SERGENT
Je ne vous vueil mie desdire,
Mauduit, je voy bien qu'avez droit.
Or y alons de ci endroit,

670

675

68o

685

251 a

Je le conseil.

DEUXIESME SERGENT

660 Puis que le voulez, je le vueil :
Alons, amis.

PREMIER CHEVALIER

Sire, il m'est avis qu'avons mis

Grant piéce a revenir ici.

Alons nous ent, pour Dieu merci,

Vers l'emperiére.

DEUXIESME CHEVALIER
Alons, qu'il est d'une manière,
Se ses gens n'a touz jours a temps,

Se ses gens n'a touz jours a temps Il est vers eulx trop mal contens Et si qu'a eulx ne veult parler, Si qu'avançons nous d'y aler

Pour pais avoir.

PREMIER CHEVALIER

Alons; ce n'est a dire voir Que bien a faire.

PREMIER SERGENT
A ce que je voy, nostre affaire,
Mauduit, encore biau se porte.
Personne n'a a ceste porte

Qu'entre nous deux.

DEUXIESME SERGENT
C'est pour nous joie, non pas deulx.
Au mains quant l'empereur venra,
Yci touz prestz nous trouvera,
S'ert nostre honneur.

DEUXIESME CHEVALIER
Helas! bien devons de douleur,
Sire, en lermes fondre et remettre,
Quant nostre vray seigneur et maistre,
Qui tant estoit bon emperiére,

Nous fault veoir jesir en biére. Faussement a esté assis. Ouant en son lit on l'a ocis Et en dormant. PREMIER CHEVALIER Ce n'a fait Breton ne Normant, 6go Sire, pour voir, a qui souviengne De Dieu, ne qui l'ayme ne criengne, Mais est, a dire verité, Qui c'a fait sanz humanité. Plain de fausse et mauvaise envie, 695 D'avoir ainsi tolu la vie A un si noble et vaillant corps. Ha! tresdoulx Dieu misericors, Que sera ce? DEUXIESME CHEVALIER Je ne scé, mais sanz plus d'espace, 700 Je lo que le façons de fait Savoir ainsi comme il est fait Pour y remedier bonne erre Et pour le mettre aussi en terre. Et vous que dites? 705 PREMIER CHEVALIER

251 b

Et j'aussi, que par ainsi quittes Serons tenuz, a dire voir, Qu'en arons fait nostre devoir. Alons nous deux de ci maishuit Dire a Grain d'or et a Mauduit Que par tout facent leur devoir De le faire aux seigneurs savoir

710

De ceste terre.

DEUXIESME CHEVALIER

Vous dites bien: alons bonne erre.

Vez les la, c'est trop bien a point.

Seigneurs, d'empereur n'avons point;

Mors est, a dire verité.

715

735

740

En son lit occis a esté, Et si ne scet on de quelx gens.

Si vous fault estre diligens 720 D'aler les nobles hommes querre De ce pais et leur requerre Que sanz mettre en dilacion Viengnent pour faire eleccion

725 Qui regnera.

> PREMIER SERGENT Je sui celui qui le fera Benignement.

DEUXIESME SERGENT Aussi feray je vraiement Et dès maintenant mouveray: Alez par la, Grain d'or, g'iray Par ceste vove.

PREMIER SERGENT Je vois, amis, se Dieu me voie, Et si metteray cure et paine A assembler de gent romaine

Briefment foison.

PREMIER CHEVALIER Sire, is nous convient, c'est raison, Ici tenir sanz deffaillir Pour honnestement recueillir Ceulx qui venront.

DEUXIESME CHEVALIER Puis qu'il le fault, il le seront Au miex que faire le saray; D'avecques vous ne partiray De ceste place.

251 C

DEUXIESME SERGENT Tantdis que j'ay temps et espace, Au seigneur m'en vois de Lisiére 745 Et a celui de Fosse fiére

XXXVIII

Et au conte de l'Arbre sec Et au seigneur du Groing avec Et au conte d'Ermal Hermin Et a touz ceulx qu'en mon chemin Je trouveray.	750
Un conte Nautier	
Seigneurs, dites moy se seray	
D'avoir trop demouré repris,	
Qu'a mon pouoir certes j'ay pris	
Le plus court chemin qu'ay peu	755
Et de cuer apte et non recreu	
Sui venuz ci.	
PREMIER CHEVALIER	
Chier sire, la vostre mercy:	
Vous estes venuz bien a point.	
Pour Dieu ne vous desplaise point	760
S'encore un petit attendez	
Que ceulx qu'avons tramis mandez	
Soient venuz.	
CONTE NAUTIER	
Nanil: viengnent gros et menuz	
Tout a loisir.	765
Le seigneur de Lisiére	
Le benoit Dieu par son plaisir	
Soit avec ceste compagnie	
Que je voy ci acompagnie	
En ceste place.	
DEUXIESME CHEVALIER	
Amen, chier sire, et il vous face	779
IA AA CIIAT BIIIC AIIA BAIIC BA CAMMAC	

Lié de cuer plus que nous ne sommes, Car pieça ne perdirent hommes Autant que nous deux avons fait. Dieu vueille punir ce messait En brief tempoire.

775

251 d

PREMIER CHEVALIER

Si fera il, c'est chose voire,

N'en fas pas doubte.

LE CONTE DE L'ARBRE SEC Dieu gart de mal ceste gent toute Que je cy voy.

DEUXIESME CHEVALIER

780 Sire, bien veigniez vous, par foy, Et vous qui avec li venez.

Or avant: place ici prenez

Pour reposer.

LE SIRE DU GROING
Il nous feroit bon proposer
Maizhui (nous sommes assez d'ommes)
La cause pour quoy mandez sommes

A cy venir.

PREMIER CHEVALIER
Pour vous mains longuement tenir,
Je la vous diray, c'est raison.

790 Sanz cause, mais par traison,
 Trop vilain fait est advenu :
 A l'emperiére sont venu
 Gent par nuit, voire en larrecin,

Qui l'ont occis et mis a fin

795 En son lit ou il se gisoit.
Elas! a nul mal ne faisoit.
Si que brief, pour conclusion,
Par vostre bonne eleccion
Un nouvel en convient eslire

800 Qui sache bien garder l'empire Et gouverner.

Le sire de Lisyére C'est fort de bien y assener

Ne savoir si sodainement. Il y convient bien autrement

805 Avoir regart.

	LE CONTE DE L'ARBRE SEC Vous dites voir, se Dieu me gart; Nonpourquant a ce je m'assens Que tant de testes, tant de sens, Ce dit on souvent en conmun.	
252 a	Par aventure a cy aucun	810
	Qui nous en pourra de ligier	
	Un nommer, pour nous abregier,	
	Souffisant homme.	
	CONTE NAUTIER	
	Vous desplaira il, se j'en nomme	
	Un qui bien souffisant me semble?	815
	Or arez avis touz ensemble	
	Que m'en direz.	
	Le sire de Lisiére	
	S'il vous plaist, vous le nommerez	
	Premier; vous estes homme sage,	0
	Si nous ferez grant avantage.	820
	Or dites, sire. Le conte Nautter	
	Volentiers je le vous vueil dire :	
	Mes sire Cassedacien;	
	Il n'est ne joune, n'encien,	
	Mais de bon aage.	825
	Le conte de l'Arbre sec	
	C'est un homme de grant parage	
	Et a qui l'onneur bien serroit,	
	Mais je croy que qui le feroit	
	De Dacien il feroit miex.	
	Il est preuz, hardiz et soubtiex.	830
	De meilleur homme ne scé point	
	Pour l'estre, se ne fust un point,	
	Qu'il est paien.	
	LE SIRE DU GROING	
	En ce n'aconte un pois baien,	
	Mais qu'autre dyffame n'y ait:	835

845

850

855

252 b

Il a esté en maint bon fait Ou il s'est vaillanment porté Et dont l'onneur a rapporté Par dessus touz.

LE CONTE NAUTIER

C'est voir, et si doubt, sire doulx,
Qui empereur ne le fera

Grant guerre venir en pourra,

S'il bée a ce.

PREMIER CHEVALIER

Par m'ame, bien m'y accordasse

Qu'il le fust, ne fust une chose,

Que je me doubt et si suppose

Que de ses gens, par ses accors,

Nostre bon seigneur ne soit mors

A grief martire.

LE SIRE DE LISIÉRE Ne le savez de certain dire, Mais que par supposicion; Si n'en faites plus mencion, Je le vous lo.

DEUXIESME CHEVALIER
Puis qu'il s'en convient taire, ho!
C'est grant meschief et grant douleur
Quant sera mis en tele honneur,
Non pas de raison, mais par crainte,
Et si dira personne mainte

Que c'est oultrage.

Le conte Nautier

860 Encor sera plus grant damage
Que pour l'estre a nous se debate;
Car s'il avient c'on s'en combate,
Touz les plus preuz et plus hardiz
Fera brief estre acouardiz
865 Ains que de son vouloir decline.
Si di qu'il vault miex c'on s'encline

252 C

A le faire a fin c'on l'acoise	
Que ce qu'il nous esmeuve noise,	
Riot ne guerre.	
LE SIRE DE LISIÉRE	
C'est voir. Je conseil que bonne erre	870
Li alons faire mencion	•
Conment par grant election	
Emperiére est.	
LE CONTE DE L'ARBRE SEC	
Alons: chascun de nous est prest.	
Sire, nous touz vous enortons	875
Que nouvelles vous apportons	•
Dont faire devez bonne chiére.	
Esleus estes emperiére	
De Romenie.	
DACIEN	
A vous et a la compagnie	880
Qui ces nouvelles m'apportez	
Dy ainsi: Ne vous deportez	
Qu'avec moy dès ci ne vegniez	
Et compagnie me tegniez,	
Puis qu'ainsi est que c'est m'entente	885
Que dès maintenant sanz attente	
De Romme ou suis a Franquefort	
Et a Ays a tout mon afort	
M'en aille faire couronner	
Et nom d'emperiére donner	890
Publiquement.	
Le sire du Groing	
Touz prestz sommes, sire. Alons ment:	
Mouvez si tost qu'il vous plaira;	
Chascun de nous vous suivera	
A brief parler.	895
Dacien	
Par ce chemin cy vueil aler:	

925

Tournez y touz. CONTE NAUTIER

Puis qu'il vous plaist, sy ferons nous Voulentiers, sire.

LE FILZ

900 Seigneurs, s'a vous me vien plain d'ire Complaindre, las! je n'en puis mais. J'ay bien cause dès ore mais D'estre dolent et esperdu, Quant j'ay mon bon pére perdu Par la maniére que savez 905

Et que tout mort veu l'avez. Ha! c'est un trop merveilleux fait, Quant dire on ne scet qui ç'a fait,

Homme ne femme.

PREMIER CHEVALIER

Ore, sire, Diex en ait l'ame! 910 Ne le pouons ore amender, Mais vous avons a demander De l'enterrer quant vous plaira Et quant son service on fera, 915

Car il le fault.

252 d

LE FILZ

Pour Dieu, seigneurs, n'y ait deffaut Que par vous et sanz detriance Ne soit faitte son ordenance De tout ce qu'il li appartient Et telle conme il li convient Et que ce soit fait sanz eslongne, Et qu'en l'eglise de Coulongne

Soit mis son corps.

DEUXIESME CHEVALIER A ce que vous dites m'acors, Sire, c'est dit de bon avis. Si le ferons, sanz lonc devis,

q35

945

950

Si con le dittes.

PREMIER CHEVALIER

Alons faire qu'en soions quittes.

Sanz plus ci estre.

LE FILZ

Or alez; pensez de tout mettre '

Bien et a point.

DACIEN

Puis que je me voy a ce point,

Seigneurs, que Mahon m'a donné Grace qu'ay esté couronné

De l'empire que desiroie Sur toute riens, or menons joye.

Vienguent ces menestrez huimais, Qui nous menront en mon palais

Faisant mestier.

PREMIER ESCUIER

Il le feront de cuer entier. 940

Avant, seigneurs: convoiez nous Faisant mestier, delivrez vous,

Jusqu'au palais.

UN MENESTREL

Voulentiers, si que clers et lais

Joie en feront.

DEUXIESME ESCUIRE

Or puis je dire que pourront

Esperer voz gens, mon seigneur, Qu'en meilleur estat et greigneur

Seront dès or mais voz amis

Qu'esté n'ont puis que Mahom mis

En estat si noble et si gent

Vous a, que regnez sur la gent

Conme emperiére.

DACIEN

Pour monstrer conment la loy chiére

253 a

955	J'ay de Mahom et des paiens,
•	Destruire vueil les crestiens;
	Car j'ordrene c'on voit crier
	Par ma terre sanz destrier
	Que touz crestiens tire a tire
960	Soient pris et mis a martire.
3	Vaz me faire ou marchié ce cri
	Et d'ilec si va sanz destri
	A touz les juges de ma terre
	Dire qu'il se penent d'enquerre
965	Ou crestiens pourront savoir,
9	Que leur ostent tout leur avoir
	Et puis mettent a mort les corps
	Sanz estre a nul misericors.
	Or va briefment.
	Т

970 Sire, vostre conmandement
Vois faire sanz point de delay.

Or escoutez, et clerc et lay:
De par mon seigneur l'emperière
Vous denonce en ceste manière
C'on mette a mort touz crestiens,
Et aussi c'on prengne leurs biens
Et a justice les bailliez;
Et vous touz, juges, ne failliez
Pas a ce faire.

LORENS

980 Saint pére, mal va nostre affaire.
L'emperière se veult aherdre
A crestienté du tout perdre,
Car a touz ses juges par cri
A mandé que, sanz nul detry,
985 Ou ilz saront nulz crestiens,
Il prengnent leurs corps et leurs biens, 253 b

De les mettre a fin point ne tardent, Les biens meubles devers eulx gardent; C'est dure chose.

LE PAPE

Lorens, biau filz, se dire t'ose,
On dit souvent que les honneurs
A quoy on vient muent les meurs.
Puis qu'il est a ce point venu
Qu'il est emperière tenu,
Les crestiens un pois baien
Ne prise, li qui est paien.
Si nous fault ainsi le temps prendre
Et la mercy de Dieu attendre
En bien faisant.

LORENS

Pitié m'en fait le cuer cuisant 1000 Et plain de lermes.

LE FIL PHILIPPE
Or voy je qu'est venu li termes
Que laissier me convendra Romme.
Au pape, qui est un saint homme,
M'en vois parler sanz plus ci estre. 1005

Saint pére, le doulx roy celestre Vous gart de mal.

LE PAPE

Bien viengne nostre filz loyal Et nostre amé.

LE FILZ PHILIPPE

Pour ce que vous m'avez amé, 1010

Pére saint, et amez encore,

Ma pensée vous vien desclore

Et mon fait par vous adresser:

Je voy que me convient laisser

De touz poins ce propre pais, 1015

Qui est mon lieu, dont esbahis

1040

1045

Suis moult et dont le cuer me serre; Car je ne pourroie la guerre Contre Dacien soustenir Ne de l'emprise a chief venir; Si n'est mie m'entencion Que face plus cy mansion, Mais en autruy lieu m'en yray. Toutes voies je vous diray:

253 c

Le tresor que mon pére avoit
A l'eure et au jour qu'il vivoit
Ne vueil pas que Dacien l'ait,
Mais, saint pére, ne vous soit lait,
Je le vous feray apporter,
Afin que, sanz vous deporter,
Le departez aux povres gens
Par vostre dyacre Lorens.
Je le vois querre.

LE PAPE

Biau filz, et je feray enquerre
1035 Tantdis, pour le bien emploier,
Ou le pourray miex desploier.
Or alez donques.

LE FILZ PHILIPPE
Godeffroy mon escuier, s'onques
Feis chose nulle pour moy,
Vaz t'en au pape sanz convoy
Et si li porte ce sac cy
De par moy et li di ainsy:

Sire, ne vous esloingnés pas,
Je revenray isnel le pas. >
Puis t'en reviens cest autre querre.
Or vas, amis, et fais bonne erre
Ce que devis.

GODEFFROY ESCUIER - Je ne le feray mie envis,

253 d

Sire, mais voulentiers sanz noise.

Aidiez m', aidiez! Marie! il poise

Dessus mon col.

1050

1075

LE FILZ PHILIPPE
Vaz t'en par derrière saint Pol,
C'est a ton miex.

GODEFFROY

G'iray bien.

Ça! ceens soit Diex!

Saint pére, longue et bonne vie 1055

Vous doint Diex, qui vous gart d'envie.

J'apport ce sac de par mon maistre:

Faites le, saint pére, en sauf mettre;

J'en revois querre un autre autel,

Ne fineray tant qu'a l'ostel 1060

Venuz seray.

LR PAPE

Vaz: en sauf mettre le feray.
Venez avant, Lorens, venez:
Ce sac que veez cy prenez
Et le me portez en sauf lieu, 1065
Que c'est tout a donner pour Dieu,
Mon ami chier.

LORENS

De ci sanz plus, sire, preschier,
La derriére le porteray
Et bien en sauf le metteray,
N'en doubtez ja.

GODEFFROY
Je revien, mon seigneur. Or ça,
Ou est ce sac que doy porter?
Troussez le moy sanz deporter,
Si m'en iray.

1100

LE FILZ PHILIPPE

Voulentiers, amis, le feray.
Voiz le ci. Sus! devant t'en vas,
Et je te suiveray le pas
Tout bellement.

GODEFFROY

Je le vous feray bonnement:
Ne suis pas encor recreu

D'aler. Vez me la esmeu : Venez tout a vostre deport.

Saint pére, vezci que j'apport Ce sac encore.

Le pape

Bien puisses venir, amis. Ore,

Ou est ton maistre?

Godeffroy

En l'eure le verrez ci estre; Après moy vient.

LR FIL

rogo Saint pére, puis qu'il esconvient Que de ce pais cy me parte

Se mon corps ne vueil mettre a perte, 254 a Je vous pri soiez diligens

De tout donner aux povres gens

1095 L'avoir que vous ay envoié,
Afin que plus tost avoié
Soit d'estre hors de purgatoire

Mon pére et translaté en gloire. C'est tout quanque je vous demans, Et a tant a Dieu vous conmans:

Priez pour moy.

LE PAPE

Ou que tu voises, en sa foy Te vueille Dieu, biau filz, tenir, Si qu'en gloire puisses venir En la parfin.

1 **1 0**5

LORENS

Amen! Je l'en pri de cuer fin, Qui l'en doint grace.

DACIEN

Seigneurs, il convient c'on me face Par declarracion savoir Qu'est devenu l'or et l'avoir Et le tresor que pot laissier, Après sa mort, mon devancier,

1110

Car a moy duisent.

PREMIER ESCUIER
Par aventure s'en deduisent
Et font riches ceulx qui les ont,
Mais je ne scé s'il leur nuiront

1115

Au paraler.

DEUXIESME ESCUIER

Sire, se m'escoutez parler,

Vous ourrez tout ce qu'en savray.

Le filz Philippe, c'est tout vray,

Dolent de cuer et esbahiz,

S'en va en estrange pais,

Dès lors que vostre cri fu fait.

Mais, sire, savez qu'il a fait?

Le tresor a pris tout a plain

De son pére, et mis en la main

Du pape Sixte.

1120

1125

254 b

1

DACIEN

Il n'en sera pas ainsi quitte,
Par Mahom, se tu me diz voir;
Mais pour le voir miex en savoir
Conment il va de ce tresor,
Mauduit me vas querre et Grain d'or.
De les trouver touz deux te paines,
Et fay que tu cy les m'amaines:

1130

254 C

1135

1140

1145

1160

Or vas bonne erre.

DEUXIESME ESCUIER

Voulentiers : je les vous vois querre; Je pense qu'il soient ensemble.

Egar! la les voy, ce me semble. Grain d'or, Grain d'or, et vous, Mauduit, Je vueil, mais qu'il ne vous ennuit,

Parler a vous.

PREMIER SERGENT
Venez avant. Ça, dites nous
De quoy, amis.

DEUXIESME ESCUIER

A vous trouver ay paine mis. Seigneurs, le nouvel emperière Si vous mande en ceste manière Qu'a li veigniez.

DEUXIESME SERGENT
Ne sommes pas embesongniez
Si que tost n'y aillons sanz faille.

1150 Alons oir, vaille que vaille, Ou'il nous dira.

PREMIER SERGENT
Pour moy mie ne demourra:
Alons, Mauduit.

DEUXIESME RSCUIER

Mon chier seigneur, a mon conduit

1155 Sont venuz ces deux hommes cy,
Si tost que je leur dis ainsy

Oue les mandiés.

DEUXIESME SERGENT
Ne fault fors que vous conmandiés:
Nous ferons, sire.

DACIEN

Vezci ce que je vous vueil dire:

Mais que me soiez bonnes gens,	
Je vueil que soiez mes sergens	
Aussi conme a mon devancier;	
Ailleurs ne vous vueil pas laissier	
Aler servir.	1165
Premier sergent	
Pour vostre grace desservir,	
Sire, et nous paine metterons	
De faire quanque nous pourrons	
Vostre plaisir.	
DACIEN	
Seigneurs, de savoir ay desir	1170
Que le tresor est devenu	•
N'a qui il peut estre venu	
Qu'avoit Philippe.	
DEUXIESME SERGENT	
Chier sire, son filz en mancipe	
Partie, qui de ce pais	1175
S'en est alé touz esbahiz,	-
Je ne scé qui l'a conseillié;	,
Le residu il a baillié	
Au saint pére, ç'ay je oy dire,	
Mais on ne me dit pas, chier sire,	1180
Cause pour quoy.	
DACIEN	
Est il ainsi? Or paiz tout coy!	
Vous deux, qui mes escuiers estes,	
Et vous deux, sergens, or tost faites,	
Alez me querre ce saint pére;	1 1 8 5
Il fault que son meffait compére :	
Puis c'on le tient a detenteur	
Des tresors, conme recepteur	
Puny sera.	

PREMIER ESCUIER

Nous ferons ce qu'il vous plaira,

Treschier sire, c'est bien raison.

T. VII

1190

1200

1205

1210

254 d

Alons men sanz arrestoison Faire besoingne.

PREMIER SERGENT

Alez devant et sanz eslongne;

Je vous suivray.

DEUXIESME ESCURER
Puis qu'ainsi est, devant iray.
Suivez, suivez sanz plus attendre.

Je le voy la; alons le prendre Trestouz ensemble.

PREMIER ESCUIER
Compains, bien dites, ce me semble.
La main y mettray voulentiers.
Saisir le vois endemantiers
Que je le voy la tout a plain.

Sire, je mect a vous la main; Cy endroit plus ne demourez, Il l'esconvient.

LE PAPE

Seigneurs, g'iray, puis qu'a ce vient, Partout ou mener me voulrez.

Le pis que faire me pourrez Pas ne me faictes.

Lorens
Saint pére, qui d'aler t'affaictes
Avec ceste paienne gent,
Conment t'est il ne bel ne gent

Que tu voises pour Dieu souffrir,
N'en sacrefice toy offrir
Sanz menistre ne presenter?
Pére, vueilles moy raconter
Quelle chose en dit ou en fait

1220 Ay je contre ton vouloir fait,
Qui sacrefice conmencier
Veulz tout seul et moy delaissier?

XXXVIII	ŞAIN'I' LORENS	163
	Maintenant est temps d'esprouver Quel tu pourras celui trouver, Qui t'a, ou temps qui est oultré, Du saint autel admenistré Le sacrement.	1225
	Le pape	
	Reconfortes toy doulcement, Biau filz; laissier ne te vueil pas,	
255 a	Mais de cy vaz ysnel le pas Donner aus Dieu povres, amis,	1230
	Le tresor qu'en sauf tu as mis,	
	Et ne doubtes pas que te laisse; Car combien que soie en viellesce,	
	Je conmenceray la bataille	1235
	Contre Dacien, mais sanz faille.	
	Tu qui es cecy regardant,	
	Jeunes, en l'amour Dieu ardant,	
	Ceste bataille achieveras	
	Et du tirant victoire aras	1240
	Glorieuse, ce te puis dire,	
	Le tiers jour après mon martire,	
	Et adonques m'ensuiveras	
	Quant consumée tu l'aras.	•
	Or vas, et tellement labeure	1245
	Que du tresor rien ne demeure Qu'aus povres, biau filz, departi	
	Ne soit tretout, voire, et parti.	
	A tant me tais.	
	Lorens	
	Saint pére, ne fineray mais	1250
	Tant que vostre conmandement	1200
	Aie acompli tout plainement.	
	Je le vois faire.	
	DEURIESME ESCUIER	
	Seigneurs, gardons nous de meffaire	
	Contre l'empereur nostre maistre.	1255

Nous pourrons bien ici trop estre; Pensons de nous en retourner. Sa! sire, je vous vueil mener De ce costé.

PREMIER ESCUIER

Il ne nous sera pas osté,
Car je d'autre part le tenray
Et aussi que vous le menray
Tant que serons venuz a fin.
Alez devant par ce chemin,
Vous deux, sergens.

Deuxiesme sergent De faire serons diligens

Ce que vous dites.

LORENS

255 b

Penser vois conment soie quittes
D'acomplir le vouloir mon maistre.

Cy voy plusieurs povres gens estre:
Bien a point sont de moy trouvez.
Bonne gent, or ne vous mouvez,
Mais attendez moy ci trestouz:
Je revenray en l'eure a vous.

Tenez, ne soiez engaignié

1275 Tenez, ne soiez engaignié
De prier pour qui l'a gaignié
Et par qui en voz mains est mis,
Et pour l'eglise et ses amis,
Et que Dieu la gart et soustiengne
Et en vraie foy la maintiengne

280 Et en vraie foy la maintiengne Jusqu'a la fin.

PREMIER POVRE
Sire, je pri Dieu de cuer fin
Qu'il vous doint s'amour et sa grace,
Et l'estat acroisse et parface

1285 De sainte eglise.

255 c

LORENS

Sanz vous faire plus de devise,
Alez, priez ent souvent Dieu,
Et je m'en vois en autre lieu
Visiter povres menagiers
Qui leur vivre ont a grans dangiers,
Car trop petite gangne font
Et du demander honteux sont;
Et tien que bien emploieray
L'aumosne que je leur donrray
De cest avoir.

DEUXIESME ESCUIER

Sixte, qu'avez desir d'avoir, Mon chier seigneur, vous amenons : Tant avons fait que nous l'avons Cy admené.

DACIEN Or ca, maistre, l'en m'a donné

A entendre que detenteur

Estes et conme recepteur

Des tresors qui sont de l'empire;
Si fault que vous me sachiez dire

Que fait en avez et après 1305

Qu'apareilliez soiez et prez

De sacrefier a noz diex,

Qui valent du vostre trop miex,

Ce n'est pas doubte.

LK PAPE

M'entente n'est pas que me boute 1310
Ne face a voz diex sacrefice:
Sire, je seroie trop nice
Que laissasse mon sauvement
Et que face mon dampnement.
Certainement rien n'en feray, 1315
Ne des tresors ne vous diray.

Ne bien ne mal.

DACTEN

Dis que tu parles a cheval. Ou les tresors m'enseigneras

Et aux diex sacrefieras, 1320 Ou ton corps tourmenter feray, Si que de toy vengiez seray, N'en doubtes point.

LE PAPE

Je sui affermez a ce point Que pour paine ne pour tourment 1325 Souffrir des tresors nullement Ou'il sont devenuz ne diray.

N'aux diex ne sacrefieray Par quelque voie.

DACIEN

Afin que je plus ne le voie, 133o Seigneurs, de lui me despechiez. Alez, la teste li trenchiez

La hors aux champs.

PREMIER ESCUIRE

Mon fauchon est il bien trenchans?

1335 Tantost copée li ara. Sergens, mener le vous faura Et crier, c'est de vostre office, C'on viengne veoir la justice; Ainsi le fault.

PREMIER SERGENT

255 d

Mouvez; après vous sanz deffaut 1340 L'en enmenrons.

> DEUXIESME SERGENT Alons men, et si crierons Ce qui nous est enjoint de dire.

Venez veoir mettre a martire, Touz et toutes, le detenteur

256 a

Des tresors conme un recepteur Faux ypocrite.

LORENS

Ha! com j'oy parole mal dite Et com c'est de pechié grant somme De mettre a mort un si preudomme 135o Conme il est, et n'a nul secours! Parler a li vois tost le cours: Je ne m'en pourroye tenir. Saint pére, dont peut ce venir Que vous me laissiez en la fin ı 355 Après vous conme un orfelin? Et si ay en dit et en fait Touz jours vostre voulenté fait, Ne ne me suis point deffenduz Que touz les tresors despenduz 1360 N'aie et aux povres departi, Puis que de vous me departi, Et touz donnez. PREMIER SERGENT Avez oy? prenez, prenez, Et soit menez a Dacien, 1365 Et je croy que nous ferons bien : Puis que des tresors a parlé, Aucune chose en est alé Parmy ses mains. DEUXIESME ESCUIRE Par Mahom, n'en ara ja mains. 1370

Se vous voulez.

Sa! maistre, vous me demourrez, Et vostre ami mourir verrez.

DEUXIESME SERGENT

Mais a l'empereur le menez

Entre vous deux et li livrez, 1375

Et tantdis par nous delivrez

Cesti sera.

13go

1395

1405

DEUXIESME ESCUIER Je m'y accors : fait vous sera. Alons, cy plus ne nous tenons

138o Chier sire, nous vous amenons Celui qui les tresors depos A d'un lieu en autre repos, Si conme il dit.

DACIEN

Dy me voir, dy sanz contredit: Ou as tu ces tresors muciez, Ne qui est celi qui laissiez Les t'a, di voir?

LORENS

Qu'appellez vous tresors n'avoir? Je ne scé que c'est que vous dites. Tresor, vien dire ou tu habites Cest emperiére.

DACIEN

Respons tu en ceste manière? Il semble que de moy te moques. Acertes di, ou adevoques Saras, par Mahommet, tantost. A Ypolite mon prevost,

Sanz plus ci estre, le menez, Et li dites qu'emprisonnez Soit a destroit.

DEUXIESME SERGENT Mon chier seigneur, soit tort soit droit, 1400 Nous li menrons, puis que le dites. Alons men.

> Ça, sire Ypolites, Estroitement emprisonnez Cest homme, et si ne li donnez. Ne que boire ne que mangier.

x	x	ĸ	v	11	1	

256 b

SAINT LORENS

169

L'emperière de li vangier Se veult a plain.

YPOLITE

Laissiez le moy: puis qu'en ma main Est alez, il y sera mis,

Ainsi com de vous m'est conmis, Certainement

1410

1415

1420

1425

1430

DEUXIESME ESCUIER

Il souffist. Mauduit, alons ment Dont venuz sommes.

YPOLITE

Sa, passez illec; vous deux hommes Serez ensemble.

Lucien

Helas! qui est ce c'on assemble

Avecques moy?

LORENS

Je sui un homme conme toy, Mais tant y a crestien sui,

Qui ay pitié de ton annuy,

Qui me semble que ne voiz point; Mais se vouloies faire un point,

C'est que baptisier te feisses,

Ne doubte pas que ne veisses Et que ta veue ne reusses

Pour tant qu'en Jhesu Crist creusses

Qui pour nous morut en la croiz.

Si te dy bien, se tu me croiz, Je te promet la veue rendre,

Se par moy veulz baptesme prendre

Et Crist orer.

LUCIEN

Dont ne vueil je plus demourer Ainsi, mais vueil crestien estre Et par baptesme en la foy estre

Des crestiens.

256 C

LORENS

Dont ce que te diray retiens : Il te fault de neccessité Croire qu'en une deité Sont trois personnes simplement

Sanz fin et sanz conmancement: 1440 Il y a le pére et li filz Et la tierce, soiez en fiz, Sains esperiz; et par creance

Tenir qu'il ne sont qu'une essance, Et qu'en celle divinité

Est une seule voulenté Touz jours manant.

LUCIEN

Ce croy je bien. Au remanant Alez et pour Dieu, sanz detri, Crestiennez moy, je vous pri,

1450 Si que puisse par bien ouvrer Gloire et le veoir recouvrer Que j'ay perdu.

Lorens

Or n'aiez pas cuer esperdu, Mais dy que Diex t'ayme de fait. 1455 Tantost seras crestien fait. Or avant, sa! mon ami doulx, Met toy icy a nuz genoulx Et jointes mains.

LUCIEN

1460 Sire, vous n'en arez ja mains: Vez m'y la mis.

LORENS

Ore, Lucien, biaux amis, Entens de baptisier la guise. A tout ton nom je te baptise

De ceste yaue que truis cy preste, 1465 Que je t'espanz dessus la teste :

In nomine patris et filit et spiritu sancti. Amen.

LUCIEN

Or sui j'en bon predicamen, Que, par ceste nouvelle foy Que j'ay pris, aussi bien je voy

1470

Que je sis onques.

LORENS

Lucien, or mercie donques Jhesu Crist qui ce bien t'a fait, Et si l'ayme de cuer parfait Tant conme en ce siecle seras; Et tu sa gloire après aras

1475

En la parfin.

u ia paimii.

YPOLITE
256 d Lorens, ie vous pri de

Lorens, je vous pri de cuer fin : Ou ces tresor et cel avoir Avez mucié? dites me voir,

1480

Par amour, sire.

LORENS

Se vous me voulez ainsi dire
Qu'en Jhesu Grist, sire, croirez
Et que baptesme prenderez,
Je vous promet en loyauté
Dire vous en la verité;
Et, qui plus est, quant serez mors,
Vous promet du ciel les tresors

1485

Et les richesses.

YPOLITE

Et je, Lorens, pour voz promesses Me consens estre crestien
Dès maintenant, et vous dy bien
Que me baptisez, c'est m'entente,
Tantost. Alons men sanz attente
Au lieu ou baptisé seray.
Toute ma gent aussi feray

1495

Crestienner.

LORENS

A ce me vueil je bien pener.

Alons: cy plus ne demourons.

1500 Lucien avec nous menrons.

Je le conseil.

YPOLITE

Puis que le voulez, je le vueil.

Or soions d'aler diligens; Monstrer pense a toutes mes gens

Conment perdu la vue avoit

Lucien, qui maintenant voit,

Afin de les plus esmouvoir

A crestienté recevoir. Alons bonne erre.

DACIEN

Seigneurs, je vueil c'on me voit querre 1510 Ce hault tondu maleureux.

Alez le querre entre vous deux :

Veoir le vueil.

PREMIER SERGENT

257 a

Sire, nous ferons vostre vueil.

1515 Alons, Mauduit.

> DRUXIESME SERGENT Grain d'or, alons, mais par deduit Alons, je te pri de cuer fin,

Avant une foiz de bon vin

Ou que soit boire.

PREMIER SERGENT

1520 Alons men a la teste noire: Il y a vin de Saint Poursain

Tresbon, et qui est net et sain

A boire, amis.

DEUXIRSME SERGENT Voiz me la donc a voie mis

MAXX	SAINT LORENS	173
	Sanz cesser tant qu'en l'ostel entre. Sui moy; je vueil emplir mon ventre De ce bon vin.	1525
	Lorens	
	Puis qu'a la loy de Sarrazin,	
	Biaux seigneurs, avez renoncé,	
		· r53o
	A amer Jhesu Crist autant	
	Conme il fait vous et qu'il fist quant	•
	Il se laissa en la croiz pendre	
	Et son precieux costé fendre	
	Pour nous s'amistié descouvrir	1535
	Et pour nous paradis ouvrir,	
	Car a ce fait, je vous dy bien,	
	Doit mettre tout bon crestien	
	Cuer et entente.	
	YPOLITE	
	Je lo, sire, que sanz attente	1540
	En la prison nous en ralons	
	Et illeucques de ce parlons	
	Qui touche notre sauvement.	
	C'est le meilleur. Sus, allons ment	
	Touz trois ensemble.	1545
	Lucibn	
	Vous dites moult bien, ce me semble:	
	La pourrons parler de la foy	
	Plus largement. Egar! je voy	
257 b	Grain d'or et Mauduit ça grant erre	
	Venir. Ne scé s'ilz viennent querre	1550

Nul d'entre nous.

Ypolite, delivrez vous:

PREMIER SERGENT

1555

En noz mains Lorens delivrez. Il fault qu'a l'empereur livrez Soit tout en l'eure.

LORENS

Ypolite amis, sanz demeure Faire icy ne plus de demour Alons men, et soit nostre amour Fermée en Dieu, joyeuse et liée,

1560 Car au jour d'uy appareilliée
Nous est la gloire qui ne fine;
Mais je te pri par amour fine
Que de ton cuer ne parte point
Le nom de Dieu, mais si a point

1565 Le garde et si seléement
C'on ne congnoisse nullement
Que crestiens es devenuz
Jusqu'a tant que le doulx Jhesus
T'appellera.

YPOLITE

1570 Je feray ce qui vous plaira, Chier pére en Dieu.

Lorens

Seigneurs, sus, partons de ce lieu; Vez me cy tout appareillié D'aler avec vous de cuer lié

1575 A vostre maistre.

DEUXIESME SERGENT Or alons: sanz main a vous mettre Vous lairons venir après nous.

Sire, vezci celui que vous Avez mandé.

DACIEN

Vien avant. Je t'ay demandé
Autre foiz amiablement,
Encors te demande conment
Il est, a dire verité,
Des tresors, ou sont il bouté,

1585 Qu'a avoir quier.

257 C

LORENS

Sire empereur, je vous requier Que me donnez trois jours de terme, Et pour certain je vous afferme, Sanz vous decevoir n'engignier, A les vous dire et enseignier

1590

De bonne foy.

DACIEN

Je n'estriveray pas a toy
Pour trois jours; va, je le t'acors;
Mais garde bien que cil accors
Ne mue goute.

1595

LORENS

Non fera il, sire, sanz doubte: Ce que vous promet vous tenray. S'il vous plaist, de cy m'en iray Pour maintenant.

DACIEN

Or vaz, mais tien moy convenant Et ce que m'as promis acquitte. Et vous vos prisons, Ypolite, Alez garder.

1600

YPOLITE

Sire, je vois sanz plus tarder, Puis que le dites.

1605

LORENS

Penser me convient d'estre quittes A l'empereur du convenant Que li ay fait. Dès maintenant Vois, Ypolite, chiers amis, Ordener que ce qu'ay promis Puisse acomplir.

1610

YPOLITE

Dieu le vous doint si bien amplir Que vous en soiez honnourez.

1625

Au revenir me trouverez Dessus ma garde.

LORENS

A Dieu. G'y vois ains que plus tarde. Je tien que j'aray bien a traire, Ains que les povres puisse attraire N'assembler, a qui j'ay donné

257 d

Le tresor qui habandonné
M'a esté pour eulz departir,
Ou l'empereur cuide partir,
Mais n'en ara ne ce ne quoy.
Bien me va; des povres la voy

Une grant congregacion.

Ne scé s'il font colacion,

Mais a eulx de cy m'en iray.

Seigneurs, ce que je vous diray

Le ferez vous?

PREMIER POVRE

1630 Je croy qu'il n'a cy nul de nous Qui ne face benignement, Sire, vostre conmandement Sanz contredit.

DEUXIESME POVRE

Guillaume, vous avez voir dit

Et nous y sommes bien tenuz.

Sire, bien soiez vous venuz :

Conmandez, et en verité

Nous ferons vostre voulenté

Tout plainement.

Lorens

Je ne vous requier seulement
Que d'une chose assez legiére,
D'avec moy jusqu'a l'emperiére
Venir: c'est tout.

Troisiesme povre
Nous serions tuit folz et estout,

XXXVIII	SAINT LORENS	177
ARAVIII	SAINI LORENS	177
	Sire, de dire : « Non ferons. »	1645
	Tenez que touz ensemble irons	·
	Tresvoulentiers.	
	Lorens	
	Or m'atendez endementiers	
	Que je vois jusques la derriére;	
	Cy revenray a vous arriére	1650
	Trestout en l'eure.	
	Premier povre	
	Or alez sanz faire demeure.	
258 a	De cy endroit ne partirons,	
	Sire, mais vous attenderons,	
	Je vous di bien.	1655
	Lorens	
	Or ça, biaux seigneurs, je revien	
	Et s'amaine ses autres cy,	
	Qui venront avec vous aussi.	
	Avant: mouvons.	
	Deuxiesme povre	
	Alez devant; nous vous suivons	1660
	Pié a pié, sire.	
	Lorens	
	Emperiére, je te vien dire,	
	Pour ce que soie veritables:	
	Vezci les tresors pardurables	
	Qui touz jours sanz amenuiser	1665
	Croissent, ce te dy sanz ruser.	
	Par ceulx ci sont ja pour le miex	
	Les tresors presentez es cieulx	
	Que me requiers.	
	DACIEN	
	Est il ainsi? Bien voy tu quiers	1670
	Grant meschance, que tu aras,	
	Ou aux diex sacrifieras	

Presentement.

LORENS

Empereur, saches nullement
1675

L'euvre des homes n'apartient
A aourer, et qui ce tient
Il péche et en enfer se met;
Mais celui qui dessus touz est
Vray ouvrier doit on aourer,

1680 Craindre, servir et honnourer Tant seulement.

DACIEN

Avant, seigneurs! appertement
Prenez moy ce gloton bonne erre,
Et si le jettez contre terre
Et d'escourgies le batez
Tant que le sanc de touz costez
Ysse de ly.

PREMIER SERGENT

Mon chier seigneur, n'y a celui De nous qui vostre vueil ne face. Maistre, sanz vous de ceste place Partir, cy vous despoulerez Et puis après liez serez

Par piez et mains.

DEUXIESME SERGENT
Tu diz voir, ce sera du mains :
Qu'après ce que lié sera
Que nous sarons faire sara,

Voire a ses coux.

Lorens
Prest sui de souffrir plus que vous

Ne me pourrez faire endurer, Et en paine endurant durer Frès et nouvel.

PREMIER SERGENT Ça, lions le de ce hardel, Puis qu'il est despoullié tout nu. 258 b

1695

1690

t 685

1093

IIIVXXX	SAINT LORENS	179
	C'est fait; or fault qu'il soit batu	
	Sanz plus attendre.	1 <i>7</i> 05
	Deuxiesme sergent	•
	Je vueil mes escourgies prendre	
	Et ferir dessus ly a hye.	
	Avant, Grain d'or, ne te fains mie	
	De faire aussi.	
	PREMIER SERGENT	
·	Se j'en ay pitié ne mercy,	1710
	Mauduit, la passion me fiére!	•
	Requier, meschant, a l'emperière	
	Qu'il te pardonne tes meffaiz,	
	Et sacrefie a noz diex : faiz,	
	Euvre com sage.	1715
	Lorens	•
	Certes, je n'en ay nul courage;	
	N'ay pas encore tant souffert,	
	Mais a mon Dieu seul estre offert	
	Vueil par martire.	
	Dacien	
	Par Mahon te jur et vueil dire	1720
258 c	Que de mes mains n'eschaperas	•
	Tant que si tourmenté seras	
	Que n'en pourras porter le fais,	
	S'a mes diex, present moy, ne fais	
	Tost sacrefice.	1725
	Lorens	•
	0 D	

O Dacien, con tu es nice! C'est toute mon affeccion, Le dyner, la refeccion Que je convoite et plus desir, Et qui plus me vient a plaisir,

Ce puis respondre.

DACIEN

1730

Meschant, a tel disner cemondre Devroies tes meilleurs amis

1745

1750

258 d

Pour estre en si grant aise mis Com tu es ore. Lorens

Je te respons et dy encore
Qu'au pardurable diner sont
Ja semons ou ciel la amont:
La sont en gloire qui ne fine.

De ce diner n'es tu point digne, Tirant pervers.

DACIEN

Seigneurs, par un tourment divers Que vous diray le tourmentez. De plateines vous dementez

Avoir de fer toutes ardans, Qui au lonc des costez pendans Par tel manière li seront Que la char il lui arderont,

Et de ce faire vous hastez; Et avecques ce le batez De vettez de beuf tellement

Qu'il puist mourir soudainement Entre voz mains.

DEUXIESME SERGENT Chier sire, n'en ara ja mains.

1755 Grain d'or, de le garder te paines, Et je vois querre des plateines Telles conme il nous fault avoir. Le croy i'ay bien fait mon devoir.

Je croy j'ay bien fait mon devoir De revenir ysnellement.

760 Ça! pendons ly premiérement Au long du costé ceste cy Et ceste autre deça aussi Sanz plus d'attente.

PREMIER SERGENT
Par foy, Mauduit, c'est bien m'entente:

1765 Mett ci, j'en feray mon devoir.

Mes mains me fault garder d'ardoir. Par cy endroit la prenderay, Sur l'espaule li lieray Si qu'au lonc du costé li pende, Qui la char li arde et li fende Jusques aux os.

1770

LORENS

Doulx Jhesu, pour honneur et los A ton saint nom donner et gloire, Du tourment que je pors victoire Me donne, et regarde en pitié, 1775 Car cruelment pour t'amistié Sui par tout le corps tourmenté; Et nient moins, sire, en verité Je t'ay touz jours en cuer eu Et confessé et cogneu Seul vray Dieu estre.

1780

DACIEN

Seigneurs, je cuit qu'il nous fait paistre: En touz ces tourmens rien n'aconte, Par enchantement les surmonte Et mes paroles tient a foles. 1785 Mès, par touz mes dieux, s'aux ydoles Ne sacrifie, il peut bien dire Ou'il morra de vilain martire. Puis qu'il ne les prise un festu, De plommées soit tant batu 1790 Que le corps tellement li dueille Qu'il muire, ou sacrefier vueille Sanz plus preschier. DRUXIESME SERGENT

259 a

Il vous sera fait, sire chier, Sanz plus debatre.

1795

PREMIER SERGENT Conment te laisses tu tant batre, Meschant, que tu ne sacrefies

A Mahom, ne conment te fies
Tant en ton Dieu que despecier
Tu sueffres miex que li laissier

Ne sa creance?

Lorens

Sire Diex, par vostre puissance Vueillez de moy mercy avoir Et mon esperit recepvoir Avec vous. Dieu misericors

1805 Avec vous, Dieu misericors,
Quant venra l'eure que du corps
Devra partir.

DIBU

Michiel, il te fault appartir.
Va t'en tantost par my ces rens
Conforter mon ami Lorens,
Et li dy pas ne le lairay,
Mais a porter li ayderay
Quanque on li fera endurer
Et oultre les peines durer
Qu'avoir pourra.

1815

1810

MICHIEL

Je sui celui qui bien fera,
Glorieux Dieu, vostre message.
Sanz faire plus cy d'arrestage.

Glorieux Dieu, vostre message Sanz faire plus cy d'arrestage, Ly vois nuncier vostre voloir.

Or garde que cuer ne te faille,

Ami Dieu, je te fas savoir
Que doulcement te reconfortes
Et liement les paines portes
C'on te fait et c'on te fera,
Que saches Dieu t'aydera
A les porters de ce ne doubtes,
Et si les surmonteras toutes.

259 b

Car encor en ceste bataille Aras pour Dieu moult a souffrir. Si pense de toy lié offrir, 1830 Et endurer pour le Dieu nom, Et saches ne te lais pas, non, Ne ne m'en vois. kcy l'essuie d'un drap linge.

DACIEN

Seigneurs, avez oy la voiz De l'ennemi qui si enorte 1835 Cest enchanteur et reconforte Qu'a noz menaces il depute Et noz parolles il repute Sotes et vaines?

ROMAIN, CHEVALIER Or te plaise que tu te paines, 1840 Ami de Dieu, noble martir, A ce que je puisse partir A tes biens fais non pas humains, Que me baptises de tes mains; Car un ange de Dieu voy bel 1845 En la fourme d'un jouvencel Qui doulcement te reconforte Et d'un blanc drap linge qu'il porte Les plaies de ton corps tarist Et la douleur toute en garist 1850

Par essuer.

DACIEN

Seigneurs, trop me peut annuier Que je voy et me doubte aussi Que par cest anchanteur icy Nous ne soions touz surmontez 1855 Et conme vaincuz ahontez. Gardez que sanz arrestoison Soit mis en une orde prison, Et tantdis je m'aviseray

1885

259 C

1860 Conment morir je le feray Plus cruelment.

PREMIER SERGENT

Sire, vostre conmandement Ferons en l'eure.

DEUXIESME SERGENT

Or l'en enmenons, sanz demeure Faire, mettre en une sobite.

De par l'empereur, Ypolite, Vous baillons cest homme prison, Et dit qu'en la pire prison

Qu'arez soit enserrez et mis.

Ainsi je le vous laisse, amis, 1870 Et m'en descharge.

> PREMIER SERGENT Ainsi fas j', et si vous en charge,

> > Sire Ypolite.

YPOLITE

Laissiez le, je vous en acquitte, 1875 Seigneurs: alez.

ROMAIN, CHEVALIER Sire, qui tant vers Dieu valez, Humblement vous requier et pri Avoir baptesme sanz detri

De vostre main.

Lorens

1880 En l'eure, mon ami Romain, Se tu croiz qu'en la trinité N'a qu'une seule deité Et si sont en personnes troys:

Je te demans s'ainsi le croys

Estre une essance.

ROMAIN

Je croy qu'il est et sanz doubtance En telle guyse.

259 d

LORENS

Et en ceste foy te baptise En nom du pére et Jhesu Crist Son fil et du saint esperit. 1890 Or vas, soies fort chevalier, Quant ce venra au bataillier Pour ceste foy.

ROMAIN

Ce n'est pas l'entente de moy, Sire, que je ne la soustiengne 1895 Pour paine nulle qui m'en viengne Com bon crestien.

YPOLITE

E! ami Dieu, or voy je bien Que grant peine avez enduré. Helas! conment avez duré 1900 Encontre ce cruel tirant? Voir, j'ay esté moult desirant D'aler moy crestien offrir A aussi conme vous souffrir. Tant ay esté troublé en cuer 1905 Que ne vous puis dire a nul feur Conment j'ay esté esmeu De la paine qu'avez eu; Et ne fust pour vous faire offense, J'eusse rompu la deffence 1910 Que m'avez fait que ne passe oultre, Que crestien estre ne moustre, Mais qu'en mon cuer le nom Dieu garde Celéement tant qu'il regarde L'eure et le jour qui li plaira 1915 Qu'avecques li m'appellera

Par vostre dit. LORENS

Chier ami, vous avez voir dit. Puis qu'ainsi estes enortez,

Je vueil qu'en Dieu vous confortez, Et de la paine qu'ay eu Ne soiez en riens mal meu, Que c'est, ce vous fas mencion, A ma glorificacion

1925

Plus souveraine.

DACIEN

Avant! il fault que l'en m'amaine Ce Laurens devant moy bonne erre. Entre vous deux alez le querre:

Avoir le vueil.

DEUXIESME SERGENT
1930 Sire, nous ferons vostre vueil.

Grain d'or, alons.
PREMIER SERGENT

Bien.

Ypolite, a vous parlons.
Lorens tantost nous delivrez:
En l'eure a l'empereur livrez
Par nous sera.

1935

YPOLITE
Puis qu'il le demande, il l'ara:
Ne ly vueil mie contredire.
Ha! pére en Dieu, je vous vien dire
L'empereur vous envoie querre;

260 a

1940

Bien a pris encontre vous guerre

Et grant atayne.

LORENS

Ja pour sa puissance haultaine Ne pour quanque faire pourra, Sacrifier ne me fera

1945

Mais qu'en mon bon Dieu seulement. Vez me ci, seigneurs : alons ment A vostre maistre.

1965

1970

260 b

DEUXIESME SERGENT
Alons, sire, sanz plus cy estre,
Car il vous mande.

DACIEN
Vien avant, vien. Je te conmande 1950
Que tu a noz diex sacrefies
E ton Dieu laisse ou tant te fies,
Ou en toy toute ceste nuit
Tourmenter, combien qu'il t'ennuit,
Emploieray. 1955
LORENS

Emperière, je te diray:
Fay selon ce que te plaira.
Ma nuit point d'obscurté n'ara,
Ainçois sera pour verité
L'obscurté muée en clarté;
Et pour ç'acomplis ton voloir:
Je n'en pourray que miex valoir,

Non, et toy pis.

DACIEN
Puis qu'ainsi est que me despis,
Je te menray par autre dance.
Vaz me querre sanz detriance
Or tost, Grain d'or, le greil de fer :
Aussi que s'il fust en enfer
Yci le feray tourmenter;
Et tu voises faire apporter,
Mauduit, du feu et du charbon
Largement et a grant foison.

Alez bonne erre.

Et j' aussi vois sanz contredit

PREMIER SERGENT
Sire, je vois le greil querre
Que m'avez dit. 1975
DEUXIESME SERGENT

Charbon et feu, chier sire, querre Qu'aporter feray cy bonne erre Pour vostre amour.

PREMIER SERGENT

1980 Je n'ay pas fait trop long demour : Vezci le greil que demandez, Mon chier seigneur: or conmandez C'on en fera.

DACIEN

Ouant Mauduit revenu sera A tout du feu et du charbon, 1985 Ainsi qu'il me semblera bon En sera fait.

> DEUXIESME SERGENT Vezci charbon et feu de fait, Sire, que je fas apporter. Or en dites sanz deporter

Vostre plaisir.

C'est mon vouloir et mon desir Que ce gloton ci m'estendez Sur ce greyl, point n'atendez:

DACIEN

Conment? c'est m'entente, tout nu; Et quant vous l'arez estendu, Liez le par piez et par mains Au greil, puis ne plus ne mains C'on rostist char, c'est mes accors,

Vueil je que roustissiez son corps 2000 Tant qu'ainsi fine.

> PREMIER SERGENT Chier sire, de voulenté fine A vostre vueil obeirons. En l'eure l'assemillerons Com devisez.

DEUXIESME SERGENT Or nous dy: es tu advisez

2005

1990

XXXVIII	SAINT LORENS	189
	GENT TORDING	.09
260 C	Qu'a noz diex sacrefieras	
	Ou sur ce gril rosti seras?	
	Respons, amis.	
	Lorens	
	Sur ce gril vueil miex estre mis	2010
	Pour rostir que sacrefier	
	A vos diex: n'y puis affier	
	Nul bien avoir.	
	Deuxiesme sergent	
	Sa donc! faisons nostre devoir.	
	Despoullons le, Grain d'or amis,	2015
	Et sur ce gril par nous soit mis	
	Et lié ferme.	
	Premier sergent	
	Il n'ara plus heure ne terme.	
	Sa, nous vous despoullerons, maistre;	
	Or sus: sur ce gril vous fault mettre	2020
	Envers gisant.	
	Lorens	
	Ce ne vous suy point refusant:	
	Vez m'y la mis.	
	Deuxiesme sergent	
	Grain d'or, or le lyons, amis,	
	Si qu'il ne puist n'avant n'arrière	2025
	Soy mouvoir en nulle maniére	
	Au feu sentir.	
	Dameson annonem	

PREMIER SERGENT

Soit : a ce me vueil apartir. C'est fait, lié ne peut miex estre.

Il le nous fault dessoubz li mettre

2030

2035

De touz costez.

DACIEN

Or tost a voz forches boutez Charbon et feu soubz ce rostier, Si qu'ainsi soit cuit tout entier Son corps et ars.

DEUXIESME SERGENT

Sire, assez tost de toutes pars Verrez le feu si fort espris Que jusqu'a son corps sera pris Et embrasé.

DACIEN

260 d

2040 De li soit si près arrasé
Que le dos tout au lonc li arde.
Ne me dit rien que par rafarde
Et moquerie.

PREMIER SERGENT

Qui de mengier par lecherie De li talent ne fain aroit, Assez tost mengier en pourroit,

Tant sera cuit.

DEUXIESME SERGENT Ce ne sera, si com je cuit, Nul de nous deux.

LORENS

2050 Tirant cruel et dolereux

Qui si me martires sanz cause,

Voiz qu'en moy ce feu cy ne cause

Chaleur nulle desordenée,

Mais est en moy conme rousée


2055 Causant doulceur et tout delit;
Mais il t'appareille ton lit
En enfer, ou aras tourment,
Tirant cruel, sanz finement;
La seras des maufez es laz,

La sera ta chançon: helaz!

La n'aras point de belle chiére,
La sanz fin acheteras chiére
La paine que me fais porter.

Ore pour toy plus deporter

2065 Voiz que de moy une partie Est ja toute cuite et rostie, Si que tu bien mengier en peuz.
Retourne l'autre, se tu veulz,
Ou fais retourner sanz restat,
Et la fais mettre en tel estat.
2070
Or avant: soies en songnieux.
Je te rens graces, sire Diex,
Qui en touz mes maux me confortes;
Sire, plaise toy que les portes
De ton saint paradis a moy,
Qui cy sui pour l'amour de toy



XXXIX

MIRACLE

DE

CLOVIS

T. VII

PERSONNAGES

~~~~~

AURELIAN

LE ROY CLOVIS

PREMIER CHEVALIER

DEUXIESME CHEVALIER

TROISIESME CHEVALIER
HUCHON PASSE PORTE, ESCUIER

GIEFFROY, PREMIER POVRE

RENIER, DEUXIESME POVRE

CLOTILDE

YSABEL, LA DAMOISELLE

LIENART, TROISIESME POVRE

GONDEBAUT, ROY

PREMIER CONSEILLIER GONDE-

BAUT

DEUXIESME CONSEILLIER

YTIER, CHAMBERLANT

PREMIER SERGENT

DEUXIESME SERGENT

Les menestrez

ROBERT, ESCUIER
KATHERINE, VENTRIERE

DIEU

NOSTRE DAME

GABRIEL

MICHIEL

SAINT JEHAN

Un prevost

LE ROY DES ALEMANS

PREMIER CHEVALIER ALEMANT

L'ESCUIER AURELIAN

DEUXIESME CHEVALIER ALEMANT

TROISIESME CHEVALIER ALEMANT

QUATRIESME ALEMANT

REMI, ARCEVESQUE

PREMIER CLERC

DEUXIESME CLERC

Cy comence un miracle de Nostre Dame conment le roy Clovis se fist crestienner a la requeste de Clotilde, sa femme, pour une bataille que il avoit contre Alemans et Senes, dont il ot la victoire; et en le crestiennent envoia Diex la sainte ampole.

262 a

#### AURELIAN

y on treschier seigneur redoubté, Mahon, par laquelle bonté Vous tenez le regne de France,

5

0 1

ı 5

Vous maintiengne en ceste puissance, Et aussi qu'il fait les biens croistre, Vous vueille il en honneur accroistre Et en bonne vie tenir Et de voz emprises venir,

Sire, a bon chief!

#### LE ROY

Et il vous vueille de meschief, Amis Aurelian, deffendre! Quoy qui soit me faictes entendre: Coment se porte la besongne De nouvel, amis, de Bourgongne? Vous n'estes pas si mal senez Que ne sachez, puis qu'en venez, De l'estat du roy Gondebaut;

25

3о

35

45

50

262b

| Quelque chose savoir m'en fault        |
|----------------------------------------|
| Ysnel le pas.                          |
| Aurelian                               |
| Sire, ne vous mentiray pas,            |
| Et je croy bien que le savez.          |
| Selon ce qu'escript li avez,           |
| Vezci qu'il vous rescript, chier sire. |
| Toutes voies vous vueil je dire        |
| Une chose que j'ay veu:                |
| J'ay tant enquis que j'ay sceu         |
| Que Gondebaut a une niéce,             |
| Et si vous jur qu'il a grant piéce     |
| Ne vi si sage damoiselle               |
| Ne si gracieuse pucelle:               |
| Biau maintien a en son aler,           |
| S'est tant courtoise en son parler     |
| Que le monde s'en esmerveille;         |

Et monstre bien qu'elle fu née
De royal gent et de sanc hault.
Combien que le roy Gondebault
Occeist Chilperic son pére,
Non obstant que il fussent frére,
Vous affermé je tout pour voir

De lis et de rose vermeille Porte couleur entremeslée,

Qu'elle est digne d'un roy avoir Par mariage.

## CLOVIS

Seigneurs, je vous vueil mon courage Descouvrir. Touz a moy tendez, Et ce que diray entendez,

Je vous em pry.

PREMIER CHEVALIER
Chier sire, dites nous sanz detri
Vostre vouloir secretement.
Nous vous orrons touz bonnement,

Tout au plus tost que vous pourrez.

Se Gondebaut vous veult sa niéce Donner a femme, et qu'il li siesse,

95

001

105

262 d

Prenez la, je le vous ennorte,
Pour le bon renom c'on li porte

Et pour le grant bien c'on en dit;
Et s'a ce faire contredit,
Il en fauldra une autre querre
Bonne pour vous, en autre terre,
De sanc royal.

DRUXIESME CHEVALIER
Ce conseil est bon et loyal
En verité.

PREMIER CHEVALIER
Par m'ame, il s'est bien acquitté.
Chier sire, sanz autre recort,
Nous sommes touz de son accort,

Je vous di bien.

CLOVIS
Or vien avant, Aurelian.
Il faut que voises en Bourgongne
Encore pour ceste besongne;
N'y scé, pour la bien avoier,

Meilleur legat y envoier.
Si te diray que tu feras:
Tu diligence metteras
De parler a la damoiselle
Dont m'as apporté la nouvelle,
En secré; garde que ne failles.

Ces vestemens pour espousailles, Qui sont d'or, li presenteras; Cest annel aussi li donras De par moy, ce n'est nul diffame Par si qu'elle sera ma femme:

110 Par si qu'elle sera ma femme Avoir la vueil.

AURELIAN
Sire, je feray vostre vueil
Au miex et au plus sagement
Que faire pourray, vraiement.

PREMIER POVRE
Attens m', attens, Rénier, Renier!

Arreste, que je parle a toy.

Ou vas tu si tost, par ta foy?

Ne me mens pas.

145

155

DEUXIESME POVRE
Quanque puis j'avance mon pas
Et me paine com diligens
D'estre avecques les autres gens

A la donnée.

PREMIER POVRE

Pour qui sera elle donnée
Ne quelle part?

DEUXIESME POVRE

Ne scez tu pas bien, di, coquart, Que Clotilde, la niéce au roy, Aus povres qui sont devant soy, Qu'elle voit qui en ont mestier, Si tost conme elle ist du moustie

Si tost conme elle ist du moustier, Donne s'ausmosne de ses mains, Aux uns plus et aus autres mains, Selon ce que s'affeccion

160 Y est et sa devocion?
Si vois savoir, c'est ma parclose,
Se d'elle aray aucune chose
Par charité.

Premier povre

Renier, saches pour verité

Que nulle part huy ne verti

Ne de son hostel ne parti,

Je l'ay sceu certainement;

Si qu'alons men tout bellement

Devant le moustier pour l'attendre,

Et aux autres gens noz mains tendre

Pour demander.

DEUXIESME POVRE
C'est bien dit: n'y voy qu'amender.
Alons, amis.

263 b

| CLOTILDE                              |      |
|---------------------------------------|------|
| De la ou mon livre avez mis,          |      |
| Ysabel, tantost le prenez,            | 175  |
| Et au moustier vous en venez          | •    |
| Avecques moy.                         |      |
| La danoiselle                         |      |
| Voulentiers, ma dame, par foy!        |      |
| Prendre le vois, je vous di bien.     |      |
| S'il vous plaist, mouvez; je le tien: | 180  |
| Vez le ci, dame.                      |      |
| CLOTILDE                              |      |
| Alons men. Que Diex soit a m'ame      |      |
| Debonnaire et misericors!             |      |
| Avant que je passe plus hors          |      |
| De ci endroit me seigneray            | 185  |
| Et a Dieu me conmanderay              |      |
| Qui m'aist si com j'ay mestier.       |      |
| Damoiselle, puis qu'au moustier       |      |
| Sui, sa mon livre!                    |      |
| La damoisele                          |      |
| Tenez, dame, je le vous livre;        | 190  |
| La bource aray.                       | - 3- |
| CLOTILDE                              |      |
| Gardez la tant que m'en voulray       |      |
| Raler de cy.                          |      |
| La damoiselle                         |      |
| Si feray je, dame, et aussi           |      |
| Derriére vous si m'asserray           | 195  |
| Et mes patenostres diray              | - 3- |
| A basse vois.                         |      |

263 c

TROISIESME POVRE Je ne scé se trop tart je vois Au moustier, que la belle née

225

| 200 | Clotilde n'ait fait sa donnée;        |
|-----|---------------------------------------|
|     | Avancier me convient mes pas.         |
|     | E! je croy qu'encore n'est pas        |
|     | Departie, puis que la voy             |
|     | En estant Renier et Gieffroy:         |
| 205 | J'ay esperance qu'il l'attendent.     |
|     | Puis que je voy que les mains tendent |
|     | Ne font pas de prendre dangier.       |
|     | Seigneurs, lez vous me vien rengier.  |
|     | Dites me voir, s'il vous agrée :      |
| 210 | A Clotilde fait sa donnée,            |
|     | Se Dieu vous gart?                    |
|     | Premier povre                         |
|     | Nanil, nous l'attendons, Lienart;     |
|     | Bien veigniez vous!                   |
|     | TROISIESME POVRE                      |
|     | Et Dieu vous soit piteux et doulx,    |
| 215 | Qui vous doint bien!                  |
|     | DEUXIESME POVRE                       |
|     | En renc con nous te mez; ça vien,     |
|     | Lienart amis.                         |
|     | Troisiesme povre                      |
|     |                                       |

Voulentiers. Ça! vez m'i ci mis. Avez vous maille ne denier?

Encore en dites voir, Renier,

Se Dieu vous voie. DEUXIESME POVRE

Par foy, huy fourme de monnoie Ne teing, Lienart.

PREMIER POVRE

Non fis je moy, se Dieu me gart, C'om m'ait donné.

TROISIESME POVRE E! depuis que nous fusmes né, Diex nous a si bien pourveu Que noz vies avons eu,

| Conment que soit, jusques a ore;<br>Et si nous pourverra encore:<br>Laissons en paix. | 230 |
|---------------------------------------------------------------------------------------|-----|
| Aurelian                                                                              |     |
| Huchon, mettre me vueil huymais                                                       |     |
| Et vestir d'un habit tel conme                                                        |     |
| Il me fault pour sembler povre homme.                                                 |     |
| Sanz de ceste place partir,                                                           | 235 |
| Sa! aide moy a devestir,                                                              |     |
| Affn que j'aye plus tost fait;                                                        |     |
| Aviser me fault que mon fait                                                          |     |
| Caultement face et sagement.                                                          |     |
| Ici vest un povre habit.                                                              |     |
| Or me dy voir, se Diex t'ament:                                                       | 240 |
| Semble je ore homme, sanz ruser,                                                      |     |
| A qui aumosne refuser                                                                 |     |
| Point on ne doie?                                                                     |     |
| L'escuier                                                                             |     |
| Sire, oil, se Mahon me voie,                                                          |     |
| Vous semblez bien un povre corps.                                                     | 245 |
| Conment! voulez vous aler hors                                                        | -   |
| Donques ainsi?                                                                        |     |
| Aurelian                                                                              |     |
| Oil; tu m'atenderas ci                                                                |     |
| Jusqu'a tant que je revenray.                                                         |     |
| Dessoubz m'essaille emporteray                                                        | 250 |
| Ce sachet, j'en aray a faire;                                                         |     |
| Mais garde bien qu'a mon repaire                                                      |     |
| Ici te treuve.                                                                        |     |
| L'escuier                                                                             |     |
| Ne doubtés que de ci me meuve                                                         |     |
| Si revenrez.                                                                          | 255 |
| CLOTILDE                                                                              |     |
| Ysabel, vous que me direz?                                                            |     |

CLOVIS

XXXXX

263 d

270

275

280

285

Avis m'est temps est de raler; Assez avons, a brief parler, Yci esté.

LA DAMOISELLE

260 Dame, vous dites verité.

Avant qu'aiez vostre donnée
Faicte, midi sera sonnée,
Ja n'en doubtez.

CLOTILDE

Tenez, mon livre en sauf mettez; Je vueil attaindre de l'argent Que donrray celle povre gent

264 a

Quant passeray.

Aurelian
De tost aler ne fineray

Tant que je soie la venuz
Entre ces gens povres et nuz.
Je voy Clotilde qu'il attendent
Venir a eulx; et ilz li tendent

Les mains touz pour l'aumosne avoir. Je vois faire aussi pour savoir S'achoison aray ne querelle

Que je puisse parler a elle Secretement.

CLOTILDE

Tenez, priez Dieu bonnement Qu'en gré, seigneurs, ce que fas prengne, Et en s'amour touz jours me tiengne Et en sa foy.

PREMIER POVRE

Amen! Dame, de cuer l'en proy Treshumblement.

DEUXIESME POVRE

Dame, par ce conmencement Vous soit Dieux amis si afin Qu'en sa gloire, qui est sanz fin,

LA DAMOISELLE

Ma dame, je vois sanz detri.

Amis, ci plus ne vous tenez;

A ma dame parler venez:

Clotilde par moy le vous mande.

Bien devez, puis que vous demande,

Venir a elle.

310

335

#### AURELIAN

Et g'iray voulentiers, ma bele; Devant alez.

LA DAMOISELLE

Je vois. Chiére dame, or parlez A cest homme que vous amaine;

320 Venuz est en vostre demaine
Par vostre mant.

CLOTILDE

Sa, sire, traiez vous avant. Ysabel, alez un po hors: De conseil vueil a ce bon corps Un po parler.

On po parier.

LA DAMOISELLE
Donques m'en vueil de ci aler,
Sanz plus estre y.

AURELIAN

Ce sac derrier cest huis ici Vueil jus laissier.

CLOTILDE

330 Dites me voir, mon ami chier,
Quelle cause vous a fait mettre
En estat que semblez povre estre,
Ne pour quoy, voir m'en soit retrait,
Mon mantel arriére avez trait?

264 C

Dites le moy.

AURELIAN

Se vous voulez savoir pour quoy, Chiére dame, en un lieu secré Nous mettez, ou par vostre gré

Parlons ensemble.

CLOTILDE

340 Vous pouez bien ci, ce me semble,
Seurement a moy parler:
N'y verrez venir ny aler
Homs qui soit vis.

# 264 d

Ici, ma dame, vraiement
Avoie laissié un sachet;
Et sachiez, pour voir, dedans est
Ce que presenter vous cuidoie
Et que mon seigneur vous envoie
Par grant amour.

#### CLOTILDE

Venez ça, venez sanz demour, Ysabel: avez vous osté De ci le sac, en verité, De ce bon homme?

395

400

#### LA DAMOISELLE

Dame, oil; ore sachiez conme: De vostre chambre me parti, 375 Car je doubtay, quant je le vi, C'on n'en feist torchon a piez, Pour ce qu'il est et sale et viez.

L'iray je querre?

#### AURELIAN

38o Oil, m'amie. Helas! quant j'erre, Je boute ens, ce sachiez, pour voir, Ce que puis pour ma vie avoir. Que je le raie.

# LA DAMOISELLE

Si aras tu, ne t'en esmaie, 385 Amis: querre le voie en l'eure. Tenez, je n'ay pas fait demeure De l'apporter.

#### AURELIAN

De courroux me vueil deporter, Puis que j'ay mon sac. Grans merciz, Dame: en paix est mon cuer rassis,

Par vous, m'amie.

# CLOTILDE

Isabel, icy ne vueil mie Que plus soiez : pensez d'aler. Encore a cest homme parler

Un petit vueil.

# La damoiselle

Dame, je feray vostre vueil; De cy me part.

#### AURELIAN

Tenez et mettez d'une part, Chiére dame, ces vestemens:

Ce seront voz aournemens Le jour que serez mariée; Au roi plaist ainsi et agrée

265 a

### CLOVIS

209

# Que le faciez.

#### CLOTILDE

En ce sac, amis tout laissiez; Je sçay bien conment j'en feray. Mais, biau sire, je vous diray: Au roy Clovis vous en irez Et si le me saluerez.

405

Et après li dites ce point :

« Clotilde dit qu'il ne loist point Crestienne estre a paien femme, Pour quoy c'est une chose infame. » Nient moins gardez que ceste chose A nul homme ne soit desclose, Car ce qu'a mon seigneur plaira

410

Mon oncle faire fait sera, A brief parler.

415

#### AURELIAN

De vous a tant pour m'en raler, Chiére dame, congié prendray. Mon seigneur vous salueray, Et si li conteray de fait Tout ce qu'avons ci dit et fait.

420

J'en vois huymais.

#### CLOTILDE

Vostre chemin aler en pais Puissiez, amis!

425

### AURELIAN

Grant piéce et longue a faire ay mis La besongne a quoy je tentoye; Or est faite, dont j'ay grant joye.

Huchon, de ci nous fault partir. Cest habit ci vueil desvetir Et moy remettre en mon estat; De ma robe autre sanz restat

430

Vestir me fault.

T. IV

265 b

#### L'ESCUIER

Vez la ci, sire, sanz deffault;

435 Tenez, vestez.

#### AURELIAN

Or ça! puis que suis aprestez, Pren cest habit de pelerin, Et si nous mettons a chemin D'aler en France.

e peterin,

#### L'ESCUIER

440 Pour moy ne faites detriance;
Mouvez: tout cecy prenderay
Et soubz mon bras l'emporteray
Avecques nous.

#### AURELIAN

Mon chier seigneur, de noz diex touz Aiez si l'amour et la grace Que tout le monde honneur vousface, Qu'a roy vous tiengne.

#### CLOVIS

Aurelian amis, aviengne Ce qui en pourra avenir.

Je ne puis pas roy devenir

De tout le monde n'estre sire:

Laissons ester; vueillez me dire,

Puis que vous venez de Bourgongne,

Qu'avez vous fait de ma besongne?

455 Dites le moy.

#### AURELIAN

Voulentiers, chier sire, par foy. A Clotilde m'en sui alé Conme un povre, et si ay parlé A elle assez de vostre fait,

460 Et si li ay le present fait

De l'annel et des draps de pris,

Et vous di, sire, elle a tout pris;

265 C

| CLOVIS | • |  |
|--------|---|--|
|--------|---|--|

211

480

Mais elle m'a dit une chose Qu'il convient que je vous expose, Mais secré soit. Vezci le point : 465 Elle m'a dit qu'il ne loist point (Combien que c'est chose possible, Toute voie n'est pas loysible) Que crestienne se varie Tant qu'a un paien se marie; 470 Nient moins m'a dit ce que voulra Son oncle faire elle fera, Qui est homme de grant value. Oultre, sire, elle vous salue Moult de foiz, la bonne et la belle; 475 Et certainement je croy qu'elle Vous a bien chier. CLOVIS Aurelian, sanz plus preschier,

Huymais de ceci me tairay. Seons ci : je m'aviseray

Qu'en pourray faire.

CLOTILDE Doulx Jhesu Crist, roy debonnaire, Sire, qui congnoys les pensées, Les presentes et les passées, Quoy qu'a marier me consente 485 A Clovis, si est c'en l'entente Que je le puisse a ce mener Qu'il se face crestienner. Ha! sire qui es touz parfaiz, Je te pri, mon desir parfaiz. 490 S'il est ainsi qu'il esconviengne Que le mariage s'aviengne, Sire, par qui les choses bonnes Se font, ceste grace me donnes

#### CLOVIS

XXXIX

265 d

Aurelian, trop mal me fait

Ce que sui tant en cest estat.
Encore, sanz plus de restat,
Te convient en Bourgongne aler
A Gondebaut le roy parler
Et sa niepce pour moy requerre;
Si te pri qu'aprestes ton erre,
Sanz plus ci estre.

515

520

#### AURELIAN

Par les diex qui me firent naistre, Sire, voulentiers le feray, Et dès maintenant mouveray, Puis qu'il vous haitte.

#### CLOVIS

Vas et pense conment soit faicte La chose sanz point de delay; Que je tien, s'espousée l'ay, J'en seray miex.

#### AURELIAN

Je vous conmant a touz noz diex; Ne vous quier cy plus tenir resne. Huchon, nous fault raler ou regne, Voir, de Bourgongne.

De vouloir fin.

DEUXIESME CHEVALIER
Alons men. Vezci le chemin
Qu'i nous fault tenir sans cesser.
Ne nous est mestier du laisser;

550

Marchons, or sus!

Troisiesme chevalier Avis m'est que le voy lassus

| 555 | Devant nous, ou ne se faint pas D'aler: avançons nostre pas Pour estre a li. DEURISSNE CHEVALIER |       |
|-----|--------------------------------------------------------------------------------------------------|-------|
|     | C'est bien dit, et je sui celui                                                                  |       |
|     | Qui voulentiers m'avanceray.                                                                     |       |
|     | lci vont un po.                                                                                  |       |
|     | . Ho, sire! arrester le feray,                                                                   |       |
|     | Puis que de li sommes si près.                                                                   |       |
| 56o | Ne soiez d'aler si engrès,                                                                       |       |
|     | Aurelian, arrestez vous,                                                                         |       |
|     | Biau sire, et si parlez a nous,                                                                  |       |
|     | Mais qu'il vous plaise.                                                                          |       |
|     | AURELIAN                                                                                         |       |
|     | E! mes amis, je suis bien aise,                                                                  |       |
| 565 | Voire, et bien liez quant je vous voy.                                                           |       |
|     | Ou alez vous? dites le moy,                                                                      |       |
|     | Je vous en pri.                                                                                  |       |
|     | Troisiesme chevalier                                                                             |       |
|     | Je le vous diray sanz detri;                                                                     |       |
|     | Alons men touz jours nostre voie.                                                                |       |
| 570 | Le roy avec vous nous envoie                                                                     |       |
|     | Et veult que nous aillons ensemble;                                                              |       |
|     | Et la cause est car il li semble,                                                                |       |
|     | Quoy qu'il vous ait son fait commis,                                                             |       |
|     | Qu'a trop po gent vous estes mis                                                                 |       |
| 575 | En ce voiage.                                                                                    |       |
|     | DEUXIESME CHEVALIER                                                                              |       |
|     | Il a fait com vaillant et sage;                                                                  |       |
|     | Laissons en pais.                                                                                |       |
|     | Aurelian                                                                                         |       |
|     | Voire, nous approuchon huymais                                                                   |       |
| - 4 | De la ou nous devons aler,                                                                       | 266 b |
| 58o | Seigneurs, et si me fault parler                                                                 |       |
|     | A tel homme qu'est Gondebaut,                                                                    |       |
|     | Le roy, qui est et sage et caut,                                                                 |       |

# Je vous dy bien.

TROISIESME CHEVALIER Aurelian sire, je tien Que vous le sarez moult bien faire Et sanz riens en parlant meffaire

585

Vostre raison.

DRUXIESME CHEVALIER Paix maishui! vez la sa maison: Alons nous y de fait bouter Sans nous de li de riens doubter D'avoir desroy.

590

### AURELIAN

Soit! je voys devant. Sire roy, Mahon qu'avez com Dieu servi Vous ottroit qu'aiez deservi

S'amour avoir!

GONDEBAUT ROY

Bien veignes tu. Fais me savoir: Qui es tu ne de quelle terre, Ne que viens tu ci endroit querre? Ne me mens pas.

600

#### AURELIAN

Ce vous diray j'isnel le pas. Sire, Clovis, le roy de France, Qui est un roy de grant puissance, Vous demande sanz point d'oultrage Clotilde avoir par mariage,

605

# Ou'est vostre niepce.

De nous courir sus a envie,

GONDEBAUT Seigneurs, se ja ne vous meschiéce, 610 Considerez l'entencion Et regardez l'occasion Que Clovis encontre moy quiert, Qui ma niéce a femme requiert, C'onques ne cognut en sa vie.

625

53o

635

640

266 c

Ce puis je pour voir affier;
Et tu es venuz espier
Quel pais j'ay, je te dy voir,
Soubz l'ombre que demande avoir
Clovis femme c'onques ne vit.
Ne scé de quele vie il vit;
Mais va t'en, et si li denonces
Que quanque me diz et ennonces
Je repute et tiens a frivoles,
Et ne sont toutes que paroles
De tricherie.

AURELIAN

Sire, ne vous celeray mie,
Mon chier seigneur, Clovis le roy
Si vous mande ainsi de par moy,
S'ainsi est que vous li vueilliez
Donner, un lieu appareilliez
Ou Clotilde a espouse prengne;
Se vous ne voulez qu'il aviengne,
De par li vous dy que bien tost
L'arez ici, li et son ost,
Pour vous combatre.

GONDEBAUT

Et je le saray bien debatre, S'il vient ici, et tant feray Que le sanc de ceulx vengeray Qui par li ont esté occis. Malement est son cuer assis En grant orgueil.

PREMIER CONSEILLIER GONDEBAUT Chier sire, un mot dire ici vueil; Mais, seigneurs, traiez vous arriére Un petit jusques la derriére. S'il vous plaist, vous m'escouterez: A voz menistres enquerrez Et a voz chamberlans aussy

| XXXIX | CLOVIS                                                                                                                                                                                  | 217         |
|-------|-----------------------------------------------------------------------------------------------------------------------------------------------------------------------------------------|-------------|
|       | S'il scévent riens qu'il soit ainsi<br>Que Clovis ait par dedeça<br>Envoié dons ore ou pieça<br>Par ses legaz et par engin,<br>Qu'il ait pensé qu'a ceste fin                           | 650         |
| 266 d | Il ait sur vous occasion  De venir a s'entencion: C'est que son subjet doiez estre Et vostre regne a li soubzmettre; Je vous di voir. Deuxiesme conseillier                             | 655         |
|       | Voire, que vous devez savoir, Sire, que quant Clovis s'aire Il forcene, ce vous puis dire, Conme un lion bien attené; N'il n'est homme de mére né                                       | 660         |
|       | Qui ne le doubte.  GONDEBAUT  Ytier, vien avant et m'escoute.  Longuement as a moy esté:  Scez tu point, par ta verité,                                                                 | 665         |
|       | Qu'envoié m'ait nul don Clovis? Se tu me mens, il est touz viz: Bien le saray. CHAMBERLANC Mon chier seigneur, voir vous diray De ce que vous me demandez,                              | 670         |
|       | Puis que vous le me conmandez. Je vous jur par Mahon, mon dieu, C'onques en place ny en lieu Ne fu ou riens vous envoyast Clovis ne chose ne vous donnast Qui vaulsist un povre harenc; | 675         |
|       | S'ay j'esté vostre chamberlenc, Il a ja des ans plus de vint, Que l'office premier me vint                                                                                              | 68 <b>o</b> |

# De vostre grace.

#### GONDEBAUT

Biaux seigneurs, or tost sanz espace 685 Alez en mes tresors savoir Se du sien y puet riens avoir Qui par quelque voie y soit mis, Et m'en rapportez, mes amis, Ce qu'en sarez.

#### PREMIER CONSEILLIER

Chier sire, ja mains n'en arez. 690 Alons men faire son vouloir; De riens n'en pouons pis valoir, Mais de tant miex.

### LE CHAMBERLANC

267 a

Vous dites voir, par touz noz diex! Alons men ceste foiz premiére 695 Garder ou tresor la derriére Nous touz ensemble.

DEUXIESME CONSEILLIER

Alons, c'est le miex, ce me semble, Isnellement.

#### PREMIER SERGENT

Mon chier seigneur, trop malement 700 Vous voy, ce me semble, pensis Depuis que vous fustes assis Illeuc, chier sire.

#### GONDEBAUT

Je pense a ce qu'ay oy dire, Que Clovis veult venir sur moy; Mais, s'il vient, mal sera pour soy, Je te dy bien.

> DEUXIESME SERGENT Certes, mon chier seigneur, je tien Qu'il n'y venra, pas n'en doubtez; Et s'il y venoit, escoutez,

710 Ne l'ara il pas d'avantage;

| CLOVIS                                                                                                                                                       | 219              |
|--------------------------------------------------------------------------------------------------------------------------------------------------------------|------------------|
| Car vous arez tant de barnage Et de sodoiers compaignons Et Alemans et Bourguignons, Que je tien tout biau li sera Quant retourner il s'en pourra A sauveté. | 715              |
| GONDEBAUT                                                                                                                                                    |                  |
| Par Mahon, tu dis verité.<br>Ester laissons.                                                                                                                 |                  |
| PREMIER CONSEILLIER                                                                                                                                          | 720              |
| Chier sire, a vous nous radressons.  Nous venons de vostre tresor  Cerchier: sachiez q'un anel d'or  Ou est escript le nom Clovis,                           | ••               |
| Et son corps pourtrait et son vis                                                                                                                            |                  |
| Y est moult bien taillié aussi, Y avons trouvé; vez le cy: Regardez, sire.                                                                                   | 725              |
| GONDEBAUT                                                                                                                                                    |                  |
| Or entendez que je vueil dire :<br>Je suppose qu'en verité                                                                                                   |                  |
| Ma niéce ne l'i ait bouté. Si vous diray que nous ferons: Cy devant nous la manderons Et sarons s'elle nous dira                                             | 7 <sup>3</sup> 0 |
| Que mis ou non elle l'ara Ou pris l'avez.                                                                                                                    | 735              |
| Chamberlanc                                                                                                                                                  |                  |
| Mon chier seigneur, bien dit avez : Ainsi soit fait. Gondebaut                                                                                               |                  |
| Vaz la me querre, vaz de fait;                                                                                                                               |                  |
| Dy que la mande.                                                                                                                                             |                  |
| PREMIER SERGENT                                                                                                                                              |                  |
| Je vois.                                                                                                                                                     |                  |

XIXX

267 b

755

Vostre oncle vous demande, 740 Dame, qui querre vous envoie; Faites que devant li vous voie

Appertement.

CLOTILDE

Je sui toute preste : alons ment.

Chier oncle, qui me demandez, 745 Vez me cy preste: conmandez Vostre plaisir.

GONDEBAUT

La verité savoir desir Qui ç'a fait qui en mon tresor A mis un annel qui est d'or Ou est l'image de Clovis Et son nom, si com m'est avis. Scez tu qui ce peut avoir fait? Touz esbahiz sui de ce fait

Et trespensez.

CLOTILDE

Mon chier seigneur, j'en scé assez Que vous diray, mentir n'en quier. Il a ja plus d'un an entier Que roy Clovis, sanz guerredon, Drapz d'or vous donna en pur don,

760 Qu'envoia par certains messages, Qui me semblérent hommes sages; Cel annel ou doy me boutérent Et de par li le me donnérent. 765

Cel annel, pour ce qu'estoit d'or, Je le mis en vostre tresor

Certainement.

GONDEBAUT

Ce fu fait assez nicement Et sans conseil, que tu deusses

Avoir pris, se nul bien sceusses; 770

267 €

|       | Mais, puis que, sanz-moy appeller,                        |             |
|-------|-----------------------------------------------------------|-------------|
|       | La chose fault ainsi aler,<br>Aviengne qu'en peut avenir. |             |
|       | • • •                                                     |             |
|       | Faites ces messages venir,                                | 775         |
|       | Que je la voy.                                            | 773         |
|       | DEUXIESME CONSEILLIER                                     |             |
|       | Voulentiers, sire, en bonne foy.                          |             |
|       | Seigneurs, or tost! venez bonne erre                      |             |
|       | Au roy, qui vous envoie querre;                           |             |
|       | Delivrez vous.                                            |             |
|       | DEUXIESME CHEVALIER DE CLOVIS                             | _           |
|       | Puis qu'il li plaist, si ferons nous                      | 780         |
|       | Sanz point attendre.                                      |             |
|       | Troisiesme chevalier                                      |             |
|       | Sire, en desdain ne vueillez prendre                      |             |
|       | Nostre demeure.                                           |             |
|       | GONDEBAUT                                                 |             |
|       | Nanil, assez venez a heure;                               |             |
|       | Mais ce que vueil dire entendez:                          | 785         |
|       | Ma niéce a avoir demandez                                 |             |
|       | A femme pour Clovis le roy,                               |             |
|       | Qui secretement par desroy                                | •           |
|       | Ly a envoié par ses gens                                  |             |
|       | Son annel et vestemens gens                               | 790         |
|       | De drap d'or et sanz mon sceu,                            | • •         |
|       | Par quoy la fille a deceu :                               |             |
|       | Pour ce, seigneurs, je la vous livre                      |             |
|       | Et d'elle du tout me delivre.                             |             |
|       | Amenez l'en ysnel le pas,                                 | 79 <b>5</b> |
|       | Et si ne vous attendez pas                                | 7,3         |
| -6- A | Oue je li face compagnie                                  |             |
| 267 d | Ne gent nule de ma mesnie;                                |             |
|       | Nanil, sanz faille.                                       |             |
|       | Aurelian                                                  |             |
|       | Que nulz, sire, aussi s'en traveille                      | 800         |
|       | N'est ja mestier, s'il ne vous haite;                     |             |
|       | 17 Cat ja mestier, an ne vous mates,                      |             |
|       |                                                           |             |

S'en soit vostre voulenté faite. Et, s'il vous plaist, nous en irons Et la damoiselle en menrons

8o5

Au roy de France.

GONDEBAUT

Faites ent a vostre ordenance: D'elle ne me quier plus mesler. Voit ou elle pourra aler,

Riens n'y aconte.

DEUXIESME CHEVALIER

Sire, sanz plus faire ici compte,
De vous prenons congié, c'est fin;
A Mahon et a Appolin

Vous conmandons.

TROISIESME CHEVALIER

Puis qu'avons ce que demandons, Ne nous fault penser que d'aler. Alons monter, sanz plus parler, Nostre espousée.

AURELIAN

Vostre monture est ordenée, Dame; ne vous soussiez mie, Et s'arez bonne compagnie

De nous trestouz.

CLOTILDE

Vostre merci, mes amis doulx; Et j'espoir que le temps venra Que guerredonné vous sera,

825

815

820

Se j'onques puis.

Aurelian
Seigneurs, escoutez moy: depuis
Deux jours pour certain j'ay sceu
Que le roy Clovis est meu
De Paris et va a Soissons:

830 Si fault que le chemin laissons
De Paris, quant serons monté,

268 a

| CLOVIS                                                                | 223 |
|-----------------------------------------------------------------------|-----|
| Et qu'a Soissons droit la cité                                        | '   |
| Aillons a li.                                                         |     |
| DEUXIESME CHEVALIER                                                   |     |
| Bien est; n'y a de nous celi                                          |     |
| Qui ne le face voulentiers.                                           | 835 |
| Alons monter endementiers                                             |     |
| Qu'avons espace.                                                      |     |
| TROISIESME CHEVALIER                                                  |     |
| Et n'est il pas bon c'on li face                                      |     |
| Savoir, afin qu'il ne s'eslongne,<br>Ce qu'avons fait de sa besongne? | 0.0 |
| Qu'en dites vous?                                                     | 840 |
| Augulian                                                              |     |
| Si est, par foy. Mon ami doulx,                                       |     |
| Je vous suppli, s'il vous agrée,                                      |     |
| Sanz faire autre lettre secrée,                                       |     |
| Que devant nous vous en ailliez                                       | 845 |
| Et l'estat dire li vueilliez                                          | 043 |
| De nostre fait.                                                       |     |
| Troisiesme chevalier                                                  |     |
| Voulez vous? il vous sera fait,                                       |     |
| Et me peneray d'avancier;                                             |     |
| Pensez de vous y adressier                                            | 85o |
| Plus que pourrez.                                                     |     |
| DEUXIESME CHEVALIER                                                   |     |
| Tant ferons que nouvelle ourrez                                       |     |
| De nous, sire, et de nostre arroy,                                    | •   |
| Ains qu'avoir puissiez fait au roy                                    |     |
| Vostre message.                                                       | 855 |
| Troisiesme chevalier                                                  |     |
| Bien est. Sachiez, com fol ou sage,                                   |     |
| Je vous dy, je ne fineray                                             |     |
| D'aler tant qu'a li parleray.                                         |     |
| Ici vous lais.                                                        |     |
| AURELIAN                                                              | 2.4 |
| Avant! alons penser huimais                                           | 860 |

XXXIX

268 b

De nous monter et de le suivre, Si que le puissons aconsuívre Brief et trouver.

Troisiesme chevalier Mahon, bien vous doy aourer Quant venu sui par telle voie 865 Que le roy voy, dont j'ay grant joie, Qui en sa majesté se siet. A! que cel estat bien li siet! D'aler parler a li me vent. Sire, Mahon et Tervagant 870 Vous facent lié!

CLOVIS

Bien vegnant! Qui t'a conseillié, Qu'ainsi seul viens?

Troisiesme chevalier Aurelian, sire, et les siens Qui devant m'ont fait avancer Pour vous compter et annoncer Ce qu'avons fait.

CLOVIS

Vous ont rien Bourgongnons messait Ne bas ne hault?

Troisiesme chevalier Nanil, sire; mais Gondebaut 880 Vi courroucié et mal meu, Et dist c'on avoit deceu Sa niéce par son annel d'or, Qu'elle avoit mis en son tresor. D'autres choses voir vous dira 885 Assez, quant ci venu sera,

Aurelian; mais tant vous di La fille amaine avecques li

Qu'avoir devez.

| Crosié                             | 225 |
|------------------------------------|-----|
| Clovis                             |     |
| Or me dites, se vous savez,        | 890 |
| Quant ilz venront.                 |     |
| TROISIESME CHEVALIER               |     |
| En ceste ville annuit seront,      |     |
| Ou demain, sire, a la disnée;      |     |
| Si que, s'il vous plaist et agrée, |     |
| En l'ostel ou doivent descendre    | 895 |
| Iray veoir, sanz plus attendre,    |     |
| Qu'il en peut estre.               |     |
| Crovis                             |     |
| Oil, va t'en en paine mettre,      |     |
| Sanz toy plus ci endroit tenir,    |     |
| Et les fay touz a moy venir,       | 900 |
| S'ilz sont venuz.                  |     |
| Troisiesme chevalier.              |     |
| A voz grez faire suis tenuz,       |     |
| Sire: je vois.                     |     |
|                                    |     |
| Aurelian                           |     |
| Dame, je tien que puis deus mois   |     |
| Et plus qu'avons ensemble esté,    | 905 |
| Ne devez joie, en verité,          |     |
| Tele conme huy avoir eu.           |     |
| Et la raison qui m'a meu           | •   |
| De le vous dire, la vezci:         |     |
| Je voy qu'en ceste ville ci        | 910 |
| Nous alons, ou vous trouverez      |     |
| Celui a qui femme serez,           |     |
| Et qui tant vous honnourera        |     |
| <b>a</b>                           |     |

Que royne estre vous fera

De tel royaume conme est France,

Qui est, ce tien je sanz doubtance, Plus renommée qu'autre terre : Si qu'avançons, damme, nostre erre

XXXIX

268 c

930

935

268 c

# D'aler ensemble.

CLOTILDE

920 Aurelian sire, il me semble
Que je voy la celui que vous
Aviez conmis d'aler pour nous

Devers le roy.

DRUXIESME CHEVALIER

Dame, voirement est, par foy:
ll a bien avancé son erre.

Je pense qu'il nous viengne querre.

Quel le ferons?

AURBLIAN

Souffrez: venir ci le lairons; Et quant avecques nous sera, Ce qu'ara trouvé nous dira

De point en point.

TROISIESME CHEVALIER
Egar! je vous truis bien a point:
De devers le roy vien tout droit,
Qui m'a envoié ça endroit

Pour dire vous et annuncier Que vous ne vueilliez pas laissier, Puis qu'estes venuz en sa terre, Que ne veigniez a li bonne erre

En son palais.

AURELIAN

940 D'aler a li a grant eslais,
Sire, nous estions ordenez:
Il fault qu'avec nous retournez

Sanz plus parler.

Troisiesme chevalier

Ne pensez que de tost aler:

945 Je vous suivray.

Aurelian

De Mahon qui nostre dieu vray

969 a

| Est, mon seigneur, et qui valu          |     |
|-----------------------------------------|-----|
| Vous a en mains lieux vous salu:        |     |
| C'est de raison.                        |     |
| Clovis                                  |     |
| Bien soiez en nostre maison             | 950 |
| Venuz, et vous touz que cy voy          |     |
| Assemblez. Or ça! dites moy,            |     |
| Je vous em pri, mais qu'il vous siesse, |     |
| Est ce de Gondebaut la niéce            |     |
| Que ci voy estre?                       | 955 |
| DEUXIESME CHEVALIER                     |     |
| Sire, sanz plus debat y mettre,         |     |
| Oil, c'est elle.                        |     |
| CLOVIS                                  |     |
| Bien puissez venir, damoiselle!         |     |
| De vostre venue ay grant joie.          |     |
| Puis que vous devez estre moie          | 960 |
| Et que vostre mari seray,               |     |
| De France vous ordonneray               |     |
| Royne et dame.                          |     |
| CLOTILDE                                |     |
| Chier sire, au sauvement de l'ame       |     |
| De vous, premier, et puis de moy        | 965 |
| Soit fait ce que dire vous oy,          | •   |
| Non autrement!                          |     |
| CLOVIS                                  |     |
| Or tost, seigneurs, appertement:        |     |
| Faites qu'en sa chambre menée           |     |
| Soit la derriére et ordenée             | 970 |
| Conme une espousée doit estre,          |     |
| Car de l'espouser entremettre           |     |
| Me vueil en l'eure.                     |     |
| Aurelian                                |     |
| Sire, nous ferons sanz demeure          |     |
| Ce qui vous plaist a demander.          | 975 |
| Dame, venez ent sanz tarder             |     |

990

995

0001

En vostre chambre, ou vous menrons, Et puis nous en retournerons Arrière ici.

CLOTILDE

980 Mes chiers amis, soit fait ainsi
Plainement com vous divisez.
Ysabel, et vous me suivez,
M'amie chiére.

La damoiselle

Voulentiers, dame, a lie chiére.

Alez devant, après iray;
A atourner vous aideray:

C'est de raison.

CLOVIS

Seigneurs, j'ay de dire achoison Que mon bien et mon honneur croist,

Dont en mon cuer joie s'acroist, Puis que j'aray ceste pucelle, Qui m'a semblé merveilles belle

En son visage.

DEUXIESME CHEVALIER
Depuis qu'emprismes le voyage,
Sire, de la vous amener,
Ne me puis pas garde donner
Qu'aie en li veu contenance,
Parole, fait ny ordenance
Ne maintien, ce vous jur par m'ame,
Fors que de bonne et sage dame

Fors que de bonne et sage dame Et treshonneste.

AURELIAN

Mon chier seigneur, ma dame est preste, 269b Ce vous puis je bien annoncier; D'espouser vous faut avancier,

1005 Car temps en est.

CLOVIS

Puis qu'est preste, aussi suis je prest.

Alons sanz nous plus ci tenir. Faites les menestrelz venir Ci devant nous.

· PREMIER SERGENT

Tantost sire. Delivrez vous, Seigneurs, mettez vous en arroy De mener espouser le roy;

N'atent que vous.

LES MENESTREZ Nous y alons, mon ami doulx,

Quanque pouons.

1015 TROISIESME CHEALIER

Vez lez cy : sus! or en alons. Sire, il est heure.

CLOVIS

Alons men sanz plus de demeure; Je vois devant.

DRUXIESME CHEVALIER

Et nous touz vous irons suivant 1020 Par compagnie.

Ici s'en va hors de sa place, et, une petite intervalle faite, s'en revient en la sale; et Aurelian li maine l'espousée et dit :

#### AURELIAN

Sire, vez ci vostre partie Que vous amaine et que vous lais. Vostre femme est dès ore mais. Nul autre n'y peut droit clamer: 1025 Or pensez de vous entre amer, Oue c'est un fait tresnoble et sage De vivre en paiz en mariage Et en amour.

CLOVIS

Sanz faire cy plus de demour, 1030 Je vueil qu'entre vous trois ailliez Au Louvre, et la m'appareilliez

269 c

Ce qui fault pour faire ma feste: Il y a bon lieu et honneste, Et si est près.

1035

TROISIESME CHEVALIER
Chier sire, nous sommes touz prestz
D'aler ordener la besongne.
Alons men touz trois sanz eslongue,

AURRIJAN

1040 Alons de ci; muser aussi N'est temps huismais.

Partons de cy.

CLOTILDE

Mon chier seigneur, dès ore mais Me tien pour vostre chamberière. Je vous pri ceste foiz première, Chier sire, q'un don m'octroiez

Chier sire, q'un don m'octroiez
Et ce que je demande oiez
Et me soit fait de vostre grace
Avant que service vous face
Tel conme est tenue de faire
Femme a son mari, sanz meffaire,

Quant il leur plaist.

CLOVIS

Demandez, Clotilde: a court plait,

Je le feray.

CLOTILDE

Vray Dieu, fil de Dieu le pére estre,

Ma requeste donc vous diray,

Sire. De vostre or point ne quier;

Mais premiérement vous requier

Qu'en Dieu le pére vueilliez croire,

Qui sanz fin regne ou ciel en gloire,

Qui vous crea et qui tout fist

Et qui onques rien ne meffist.

Après, sire, pas ne laissez

Jhesu Crist; mais le confessez

269 d

| Qui ça jus voult de vierge naistre   |      |
|--------------------------------------|------|
| Et y fu du pére envoiez              | 1065 |
| Pour nous estre a Dieu ravoiez,      |      |
| Et qui nous a, c'est verité,         |      |
| Par sa sainte mort racheté.          |      |
| Oultre, je vous requier ainsi,       |      |
| Saint Esperit creez aussi,           | 1070 |
| Qui touz les justes enlumine         |      |
| Et conferme en grace divine;         |      |
| Et que ces trois, péres et filz      |      |
| Et saint esperit, soiez fiz,         |      |
| Sont une seule majesté,              | 1075 |
| Une essance, une deité,              |      |
| Une pardurable puissance:            |      |
| Ce tenez par ferme creance,          |      |
| Et vos ydoles delaissez              |      |
| Et d'aourer les vous cessez,         | 1080 |
| Car vanitez sont et faintises;       |      |
| Mais, sire, les saintes eglises      |      |
| Qu'avez ars et fait destablir        |      |
| Faites refaire et restablir,         |      |
| Et soiez de Dieu filz et membre.     | 1085 |
| Après vous requier qu'il vous membre |      |
| De demander ma porcion               |      |
| Qu'avoir de la succession            |      |
| Doi par droit de pére et de mére,    |      |
| Que fist morir de mort amére         | 1090 |
| Mon oncle, qui tant desvoya          |      |
| Que mon pére occisí, et noya         |      |
| Ma mére pour le regne avoir          |      |
| De Bourgongne, je vous dy voir;      |      |
| Et Diex vueille que l'eure voie      | 1095 |
| Que de leur mort vengée soie,        |      |
| Et briefment, sire.                  |      |
| CLOVIS                               |      |
| Clotilde, entendez que vueil dire:   |      |

1115

270 A

D'une chose ci me touchiez
Trop fort a faire, ce sachiez,
Que j'aoure con crestien
Vostre Dieu. Je n'en feray rien;
Mais l'autre chose vous feray:
De Gondebaut vous vengeray
Briefment, et le vous menray si

Gu'il venra requerre mercy,

Vueille ou ne vueille.

CLOTILDE

Tout avant, ce que vous conseille, Vous pri, chier sire, que faciez: A voz ydoles renonciez

Et vueilliez Dieu croire et amer Qui le ciel fit, air, terre et mer, Femmes et hommes.

CLOVIS

Je n'y aconte pas deux pommes En ce que dites.

DEUXIESME CHEVALIER
Tenir nous devez bien pour quittes,
Chier sire, de vostre appareil:
Tel l'avons fait c'onques pareil
Je ne vi faire.

CLOVIS

Laissons en pais, il m'en fault taire;
Tendre a autre chose me fault.
Entre vous trois a Gondebaut
Vueil qu'ailliez tost sanz contredire,
Et de par moy li direz: « Sire,
De par Clovis, de qui tenons,
Terres et fiez, ici venons,
Et vous dirons pour quoy bonne erre:
Demander venons et requerre

Le tresor Clotilde qu'avez,

Aurelian
Sire, nous vous venons requerre
Que la porcion delivrez
Des tresors et la nous livrez
Qu'a Clotilde sont et partiennent,
Et de la succession viennent
Tant de son pére com de mére;
Voulenté ne devez amére
Du faire avoir.

270 C

#### GONDEBAUD

Conment! mon regne et mon avoir 1160 Cuide avoir donc ainsi Clovis? Nanil, tant com je soie vis. Ne scez tu pas, Orelian, Que deffendu t'ay dès ouan

A plus venir en ceste terre 1165 Pour le mien demander ne querre? Je te jur, se ne t'en retournes Et d'aler t'en bien tost t'aournes De devant moy, je t'occirray;

Ja autre n'y attenderay. 1170 Vuide, va t'en.

#### AURELIAN

Roy, je vous dis bien dès anten Que tant com mon chier seigneur vive, Clovis le roy pour qui j'estrive, De rien voz menaces ne crieng,

1175 Car je fas mon devoir, ce tieng. Par moy le tresor vous demande De sa femme avoir, et vous mande Quant voulrez dire qu'il l'ara.

Ordenez lieu, et il venra T 180 Ou vous direz.

PREMIER CONSEILLIER

Sire, s'il vous plaist, vous ferez Ce que diray.

GONDEBAUT

Or dites, et je vous orray :

Ou'en voulez dire?

PREMIER CONSEILLIER

Aurelian, traiez vous, sire, Un po en sus.

AURELIAN

Sire, moult voulentiers. Or sus, Parlez ensemble.

#### PREMIER CONSEILLIER

Chier sire, vezci qui me semble:
Que Clovis raison vous requiert,
Se, pour sa femme, a avoir quiert
Ce qu'elle avoir peut de tresor;
De vostre argent et de vostre or
Li soit par son legat tramis
Tant que vous soiez bons amis
Et que Clovis en ceste terre
Ne viengne pour nous faire guerre,
Car François sont cruex forment
Et le font touz jours vaillamment,
Vous le savez.

1195

1200

# DRUXIESME CONSEILLIER

Certes, sire, voir dit avez:
De guerre sont sages et fors,
Et ont gangnié par leurs effors
Mainte ville et maint bon chastel,
Si que c'est pour vous le plus bel
Que de ce qui li appartient
Ly envoiez, il esconvient,
Le satisfait.

1205

## GONDEBAUT

Or avant : il vous sera fait, Puis que vous me le conseilliez. Aurelian ici vueilliez

1210

Faire venir.

DEUXIESME CONSEILLIER
En l'eure, sanz plus plait tenir,
Sera ci, de voir le tenez.
Aurelian amis, venez

1215

# 270 d

### AURKLIAN

Alons, je feray de cuer baut Quanque direz.

A. Gondebaut.

#### DEUXIESME CONSEILLIER

Vostre ami, que ci vous amaine,
Et lo que du vostre demaine
Li soit livré conme a message
De Clovis, vous ferez que sage,

Tant que content Clovis se tiengne, Et que guerroier ne vous viengne: Je le conseil.

#### GONDEBAUT

· Puis que le dites, je le vueil. En l'eure, amis, serez delivre.

Tenez, premiérement vous livre
Ces draps d'or et ceste vaisselle
D'argent, qui est et bonne et belle;
Après, cest or sanz deporter
Ferez monnoié emporter,

Ces poz aussi, ces coulpes d'or;
N'y a mais riens en mon tresor.
A tant de moy vous deportez;
Car a vostre seigneur portez
Et joiaux et biens plus assez
Qu'il n'a ne gangniez n'amassez,

Ce vous puis dire.

#### AURELIAN

Clovis est com vostre filz, sire: Pour ce voz biens communs seront, Ainsi par pais le diront

Gens de raison.

1245

Troisiesme chevalier
Paiz! il est de raler saison:
Sire, de vous congié prendrons
Et d'aler en France tendrons;
Il en est temps.

PREMIER CONSEILLIÉR

1250 Mon seigneur n'i met nul contens: 271 a

Alez vous ent quant vous plaira; Il ne vous y contredira,

Sachiez, de rien.

DEUXIESME CHEVALIER
Certes, sire, je le croy bien.
Or ça, sanz nous plus deporter,
Ces joiaulx nous fault emporter,
Et quant en nostre hostel venrons,
Sur deux sommiers les trousserons

Jusques en France.

AURELIAN

Or le faisons sanz delaiance 1260 Et n'y ait plus dit ne songié. Chier sire, par vostre congié

Nous en alon.
Gondebaut

Alez. J'ay plus chier le talon

Que les visages. 1265

AURELIAN

Biaux seigneurs, faisons conme sages:
Alons nous maishui reposer
Et ces joiaus en sauf poser,
Et demain matin les ferons

Trousser, tant qu'a Paris serons, 1270

Au roy Clovis.

TROISIESME CHEVALIER
Alons; que, selon mon avis,
Vous dites bien.

CLOTILDE

Mon treschier seigneur, e! combien
Que vous aie requis souvent
Qu'eussiez talent et convent
A Dieu du ciel de devenir
Crestien et sa foy tenir.

1295

1300

Bt de ce ne voulez rien faire,
Pour ce que vous doubtez meffaire,
Je vous di, se ne l'aprenez
Et que soiez crestiennez,
Venir ne pourrez en la gloire
Des cieulx, ceci est chose voire,
Mais vous mettez en aventure

27 I b

Mals vous mettez en aventure
D'estre sanz fin en paine dure:
Si vous pri, sire, aussi que möy
Prenez la crestienne loy,
Je le vous lo.

CLOVIS

Dame, ne m'en parlez plus, ho! Rien n'en feray.

CLOTILDE

Non, sire? Donques me tairay Pour maintenant, vaille que vaille. Han! certes, il fault que m'en aille De ci en ma chambre, chier sire. Par les reins sanz tant de martire Que trop. Faites tost, Ysabel; Or en alons ensemble isnel:

Ne puis plus ci.

La damoiselle

Alons, dame; ne vous desdy
De chose que faire vueilliez.
Certainement vous traveilliez
De mal d'enffant, si con je pens.
Vezci vostre chambre: entrez ens

1305 En la bonne heure.

AURELIAN

Seigneurs, sanz plus faire demeure Soit a Clovis l'avoir porté Qu'avons de Bourgongne apporté,

| XXXXX | CLOVIS                               | 239  |
|-------|--------------------------------------|------|
| 1     | Car raison est.                      |      |
|       | DRUXIESME CHEVALIER                  |      |
|       | C'est mon: d'aler y sui tout prest,  | 1310 |
|       | Si estes vous.                       |      |
|       | TROINESME CHEVALIER                  |      |
|       | Vous dites voir, mon ami doulx;      |      |
|       | Mais se, sanz porter li l'avoir,     |      |
|       | Nous li alons faire savoir,          |      |
|       | Je croy, certes, qu'il souffira;     | 1315 |
|       | Et puis querre l'envoiera,           |      |
|       | Se bon li semble.                    |      |
|       | DEUXIESNE CHEVALIER                  |      |
|       | C'est voir; alons men touz ensemble  |      |
| 271 C | Par devers li.                       |      |
| •     | Aurelian                             |      |
|       | Alons, seigneurs; je suis celi       | 1320 |
|       | Qui a vostre dit me consens.         |      |
| •     | Chier sire, honneur et grace et sens |      |
|       | Acroisse en vous par sa bonté        |      |
|       | Mahon, qui est en deité              |      |
|       | Regnant sanz fin!                    | 1325 |
|       | CLOVIS                               |      |
|       | Bien veigniez touz, vous mi affin.   |      |
|       | Or ça! conment va la besomme?        |      |
|       | Que dit Gondebaut de Bourgongne?     |      |
|       | Dites le moy.                        |      |
|       | Aurelian                             |      |
|       | Sire, il ne dit que bien, par foy,   | 133o |
|       | Et s'est a raison avoié,             |      |
|       | Car il vous a, sire, envoié,         |      |
|       | Ce tieng, le plus de son tresor      |      |
|       | En vaisselle d'argent et d'or,       |      |
|       | Et en grans sas plains de florins    | 1335 |
|       | Et en poilles riches et fins         |      |
|       | D'or et de soie.                     |      |

1365

DEUXIESME CHEVALIER Mais que de vous escoutez soie, Sire, je vous diray tout voir: De ce tresor et cel avoir 1340 Ne nous sommes pas deporté Que tout ne l'aions apporté Avecques nous. TROISIESME CHEVALIER Chier sire, il dit voir, et a vous 1345 Entiérement rendu sera Toutes les foiz qu'il vous plaira Le demander. ` CLOVIS Bien. Je le vueil sempres mander Privéement. AURELIAN 1350 Baillié sera certainement A ceulx que vous envoierez. Gardez qui vous ordenerez A venir y. 271 d CLOVIS N'en doubtez, si feray je, si. Ore je vueil, sanz plus debatre, 1355 Qu'alez souper et vous esbatre Jusqu'a la nuit. DEUXIESME CHEVALIER Alons men, qu'il ne li annuit Nous trop ci estre.

LA DAMOISELLE
Robert, il vous fault entremettre,
Je vous truis ici bien a point,
D'aler au roy, ne tardez point;
Dites li soit seur et fis
Que ma dame a eu un filz,
Qu'elle a volu si ordener

Qu'elle l'a fait crestienner, Et est appellé Nigomire; Et ne le prengne pas en ire, Ce li prie elle. ROBERT, ESCUIER M'amie, de ceste nouvelle 1370 Feray voulentiers le message. G'v vois. Vous et vostre bernage Tiengne Mahon en honneur, sire! De par ma dame vous vieng dire, Qui a vous moult se reconmande, 1375 Q'un filz a eu, ce vous mande, Qu'a son Dieu a voulu donner Pour le faire crestienner : Et est nommé, ce vous puis dire, En son baptesme Nigomire, 1380 Si conme on dit. CLOVIS Je n'y puis mettre contredit. Puis que c'est fait. A li riras, Et de par moy tu li diras Qu'a l'enfant quiére telle garde 1385 Oui le norisse et bien le garde Songneusement. L'ESCUIER Sire, vostre conmandement Vois mettre a fin. CLOVIS Vous deux, je vous pri de cuer fin 1390 Ou'a Aurelian a delivre Alez dire que ce vous livre

Qu'il m'a apporté de Bourgongne, Et revenez ci sanz eslongne; Or faites brief.

T. VII

272 a

LE PREMIER SERGENT CLOVIS Treschier sire, qui qu'il soit grief. Ce que vous conmandez ferons En l'eure; plus n'attenderons Pas ne demi.

DEUXIESME SERGENT

Vous dites voir, mon chier ami, Mais qu'il le nous vueille livrer. Alons savoir se delivrer

Le nous voulra.

PREMIER SERGENT Je pense bien que si fera, Puis que le roy nous y envoie.

Egar! je le voy la en voie Et deux chevaliers; n'est pas seulx: Avançons nous d'aler a eulx. Sire, Mahon vous soit amis!

Le roy nous a a vous tramis Et vous mande que vous bailliez Pour li porter, et ne failliez, Mais nous delivrez sanz eslongne Ce qui est venu de Bourgongne

Par my voz mains.

AURELIAN

Mes amis, n'en arez ja mains. Seigneurs, alons livrer bonne erre A ces deux ce qu'ilz viennent querre, Que Gondebaut baillié nous a.

Je vois devant. Mes amis, ça! Tenez, troucez, portez au roy; Nous nous metterons en arroy

D'aler après.

PREMIER SERGENT

272 b

Alons men, puis que sommes prestz; Je n'y voy miex.

1405

1400

1410

1415

1420

DRUXIESME SERGENT
Tenez, sire; par touz noz dieux,
Je ne fu onques mais portant
Chose qui me pesast autant
Com ceste a fait.

PREMIER SERGENT
Ce fais aussi: suer me fait
Et ens et hors.

1430

DEUXIESME SERGENT

Chier sire, de touz les tresors Gondebaut je vueil que sachiez Touz les avez auques sachiez

Par devers vous.

1435

Troisiesme chevalier
Mahon scet la pene que nous
Y avons mis a l'apporter;
Vous vous avez biau deporter
Jusqu'a grant temps.

CLOVIS

Biaux seigneurs, escoutez : j'entens

Que la ville de Meleun

Et la duchié et le conmun

De tout le pais et des elles

Veulent a moy estre rebelles;

Si vous y vueil touz envoier : 1445

Pensez de vous tost avoier

Pour les sousprendre.

CLOTILDE

Mon chier seigneur, je vous vien rendre Graces de ce que vous m'avez Mandé. Ne scé se le savez: 1450 Nostre hoir qu'amoie de cuer fin, Nigomire, est alé a fin Et mis en terre.

### CLOVIS

De ceste nouvelle me serre

Vous avez trop hestive mére
Esté de le crestienner,
Et tien de vray, se dedier

272 C

L'eussiez fait, dame, quoy c'on die, 1460 A mes diex, encor fust en vie; Mais pour ce qu'a baptesme eu, Je voy plus vivre n'a peu:

Dont mal me fait.

## CLOTILDE

Chier sire, je rens de ce fait

Qui sui sa petite meschine,
Qu'en sa gloire mon premier hoir
A deigné prendre et recevoir;
Et c'est la cause, ce sachiez,

Pour quoy de dueil mon cuer touchiez N'en est en rien.

## CLOVIS

Puis que le dites, or est bien; A tant me tais.

#### AURRIJAN

Sire, congié prenons huimais

1475 De vous, et sanz nul contredit
Faire ce que nous avez dit,
Chier sire, alons.

#### CLOVIS

Alez: monstrez leur que valons Et quelles gens sommes en guerre;

Et s'ilz veulent la paiz requerre
Et noz bons subjez devenir,
Si faites la guerre fenir
Par contrat et par ordenance
Qu'ilz seront touz soubz ma puissance

| XXXXX | CLOVIS                                                                                                                              | <b>2</b> 45 |
|-------|-------------------------------------------------------------------------------------------------------------------------------------|-------------|
|       | Dès ore mais.  DEUXIESME CHEVALIER  Bien, chier sire; alons men huymais  Sanz plus debatre.  CLOVIS  Ainçois que me voise combatre, | · 1485      |
| 272 d | Dame, a Ville Juive iray, Et la mes gens ordeneray Et d'ilec m'en iray en l'ost; Quant je revenray, tart ou tost, Souffise vous.    | 1490        |
|       | CLOTILDE  Si fera il, mon seigneur doulx,  Quoy que vostre demour m'ennuye.  Je pri a Dieu qu'il vous conduye                       | 1495        |
|       | Et vous ramaint par sa bonté,<br>Com je desir, a sauveté<br>D'ame et de corps.<br>Clovis                                            |             |
|       | Mahon, mon Dieu, misericors Me soit! Biaux seigneurs, or avant! Pour voie faire alez devant Moy, que le voie.                       | 1500        |
|       | Premier sergent Vuidiez de ci, faites nous voie, Que ne vous fiére. Deuxesme sergent                                                | 1505        |
|       | Sus, devant! traiez vous arriére, Donnez nous cy d'aler espace, Ou je vous donray de ma mace Certainement.                          |             |
|       | LA DAMOISELLE Chiére dame, trop malement Vous voy souvent muer couleur: Aucun mal avez ou doleur, Si com je pens.                   | 1510        |
|       |                                                                                                                                     |             |

#### CLOTILDE

Ysabel, m'amie, je sens Par les rains, sachiez, tel angoisse Qu'il m'est avis c'on les me froisse Et que le dos par my me fent;

Et que le dos par my me fent; Ausi de mon premier enfent M'avint, m'amie.

## LA DAMOISELLE

Dame, ne vous decevez mie:

La ventriére mander vueilliez,

Que je tien que vous traveilliez

D'enfant, sanz doubte.

## CLOTILDE

Je ne scé se ce seroit goute; 1525 Mais, voir, je suis mal atournée. Ha! mére Dieu, vierge honnourée, Secourez moy!

#### LA DAMOISELLE

Pour certain, ma dame, bien voy
Que traveilliez: je vois bonne erre
1530 Envoier la ventriére querre.
Puis que je vous truis ci, Robert,
D'aler querre soiez appert
Katherine, la sage femme;
Et que tantost viengne a ma dame,
1535 Ceci li dites.

#### ROBERT

Ne cesseray s'en seray quittes, Et la vous menray ains que fine.

La la voy aler. Katherine, Parlez a moy.

## KATHERINE

1540 Voulentiers, biau sire, par foy:

Que me voulez?

## ROBERT

Il fault qu'a la royne alez: Je vous vien querre a grant besoing. Venez vous en : ce n'est pas loing, Ma suer, jusques la vous menray. Entrez leens; cy vous lairay,

1545

M'amie chiére.

## La ventriére

Diex y soit! Qu'est ce? quelle chiére, Ma chiére dame?

## CLOTILDE

Je sens de paine assez, par m'ame! 1550 M'amie, en moy n'a ris ne jeu. Aidiez moy, doulce mere Dieu,

Par vostre grace!

### La ventriére

Ma chiére dame, en po d'espace
Serez de vos griefs maux delivre.

Ne dites pas que je soie yvre;
Souffrir encore un po vous fault:
Je voy que serez sanz deffault

273 b

## Delivre en l'eure.

#### CLOTILDE

Diex! quant sera ce? trop demeure 1560 Ceste alejance a moy venir. Vueille vous de moy souvenir,

Vierge Marie!

## La ventriére

Maishui ne vous debatez mie, Dame: voz grans maux sont passez. Demandez quel enfant avez,

1565

Si ferez miex.

#### CLOTILDE

Puis qu'enfant ay, loué soit Diex, Quoy que j'aye eu grant destresce.

| 2 | 4  | 8 |
|---|----|---|
| _ | ٠. | • |

#### MIRACLE DE

#### XHIL

1570 M'amie, dites me voir, est ce Ou fille ou filz?

## La ventriére

Seur soit vostre cuer et fiz Que c'est un fiz, ma chiére dame. Diex li octroit de corps et d'ame

1575 Amendement!

#### CLOTILDE

Faites, couchiez m'appertement; Et puis ce filz emporterez Et crestienner le ferez, Que je le vueil.

## LA DAMOISELLE

Nous ferons du tout vostre vueil
En l'eure et de voulenté fine.
Prenez contre moy, Katherine,
Et dedans son lit la mettons.
D'elle maishuy ne nous doubtons,
Puis que couchiée est et couverte.
Pensons chascune d'estre apperte

De faire a cest enfant donner Baptesme et li crestienner: Il est raison.

## La ventriére

Nous deux alons men au moustier.

Porter le vueil : c'est mon mestier

Et mon office.

273 C

#### LA DAMOISELLE

Tantdis que ma dame repose,
Delivrons nous de ceste chose
Faire briefment.

La VENTRIÉRE Dame, je l'accors : alons ment Au moustier droit.

Yci vont derriére, et puis viennent en sale.

LA DAMOISELLE

Ralons nous en de cy endroit, 1600 Katherine, j'en sui d'accort.

C'est bien a point : ma dame dort,

Et sue aussi.

La ventriére

C'est bien. Or la laissons ainsi,.

Tant que s'esveille. 1605

LA DAMOISELLE

Je ne dy pas que ne le vueille De vouloir fin.

CLOTILDE

E! sire Diex qui es sanz fin, Quant d'enfant m'avez delivré,

Quelle paine qu'il m'ait livré, 1610

De cuer humblement vous mercy

1615

De l'enfant et du mal aussy

Que j'ay souffert.

LA VENTRIÉRE

Chiére dame, lez vous couvert

Dort vostre filz le crestien;

Et est nommez, je vous di bien, Clodomire.

CLOTILDE

Ore loez soit nostre sire De ce qu'il a crestienté;

Mais que Dieu le tiengne en santé, 1620

Il me souffist.

LA DAMOISELLE

Ma dame, celi qui le fist Le laist bien vivre!

La ventriére

273 d Ma dame, puis qu'estes delivre

Et que je n'ay cy plus que faire, 1625

1645

Mais qu'il ne vous veuille desplaire, Je m'en iray.

CLOTILDE

Bien soit! Alez; je penseray D'envoier vous, m'amie chiére, Une de mes robes entiére

1630 Une de mes robes entiére Pour vostre paine.

LA VENTRIÉRE

Chière dame, en bonne sepmaine Vous mette la vierge Marie! Plus me ferez de courtoisie,

r 635 Et plus pour vous Dieu prieray. Chiére dame, a Dieu vous diray Pour maintenant.

### CLOVIS

Sanz moy plus estre cy tenant,
Raler vueil, ains que mès je fine,
Savoir conment fait la royne.
Par ceste voie aler nous fault:
Gardez que n'aie pas deffault
De large voie.

PREMIER SERGENT

Non, non, que, se Mahon me voie,
Ou vous ferez devant nous place,
Ou vous sentirez se ma mace
Sera ligiére.

DEUXIESME SERGENT
Ne desservez pas c'on vous fiére:
Alez en sus.

#### CLOVIS

1650 Puis qu'en mon palais suis, or sus!
Que je sache, par amour fine,
En quel estat est la royné

Alez devant.

DRUXIESME SERGENT Vostre vueil après et avant, Sire, ferons.

PREMIER SERGENT Et ce qui vous plaira dirons,

1705

274 b

## Chier sire, aussi.

#### CLOVIS

Dame, je vous vien veoir cy
Pour savoir de vostre portée
Conment vous estes deportée
Et quel enfant avez eu,
Et s'il est taillié ne meu

De vivre, dame.

CLOTILDE

Chier sire, je ne say, par m'ame. Je say bien j'ay eu un filz, De ce, sire, vous fas je fis, Qui a esté crestienné,

Et li a on le non donné

De Clodomire.

CLOVIS

Que je le voie, sanz plus dire, Par amour, dame.

CLOTILDE

Voulentiers, chier sire, par m'ame:

1695 Ysabel, tost alez le querre, Et l'apportez ici bonne erre Enmailloté.

LA DAMOISELLE

Je vois, ma dame, en verité.

'Vez le ci, mon seigneur, gardez:

1700 Par foy, se bien le regardez, Il vous ressemble.

CLOVIS

Je vous diray ce qui m'en semble :
Je le voy malade forment;
De li ne peut estre autrement,
Puis qu'il a receu baptesme
Ou nom vostre Dieu, c'est mon esme,
Qu'il ne s'en voit a mort le cours,

XXXIX

La danoiselle

1735

Ysabel, tost, sanz plus preschier, Reportez cest enfant couchier Ysnellement.

Dame, vostre conmandement Du tout feray.

274 d

## CLOTILDE

Or alez, et tantdis g'izay A tout mon livre Dieu prier. Venez a moy sanz detrier,

1740 Venez a moy sanz detric Quant arez fait.

LA DAMOISELLE
Dame, vostre voloir de fait
Vueil acomplir.

## CLOTILDE

Sire Diex, qui, pour raemplir Les siéges de ton paradis, 1745 Desquelx trebuchiérent jadis Les mauvais anges par orgueil, Puis fu d'omme fourmer ton vueil Tel que les siéges possessast Et sanz fin de ta gloire usast; 1750 Tu qui es sire, vie et voie, A mon enfant santé renvoie Tele qu'il soit sanz maladie Par quoy le pére plus ne die 1755 Que pour ce s'il est crestien, Que ne li puissiez aussi bien

Donner la vie com la mort,

Et qu'en ce cas faille son sort.

Ha! dame des cieulx, en ce cas

Vueilliez estre mon advocas

Et ma petticion entendre;

Et ma petticion entendre;
Et je sui celle qui vueil tendre
A dire, ains que de ci me parte,
Voz heures, soit ou gaing ou perte,

1765 Devotement.

Digu Mére, et vous, Jehans, alons ment;

275 a

Descendez jus, sanz plus ci estre. Je voy la Clotilde soy mettre En tele lamentacion Et en telle contriccion 1770 Oue de lermes mouille sa face. Il convient que grace li face: Or sus, trestouz! NOSTRE DANE Mon Dieu, mon pére, mon filz doulz, Nous ferons vostre voulenté; 1775 Sus, anges! soiez apresté De tost descendre. GABRIEL Dame, qui peustes comprendre Ce que ne peuent pas les cieulx, Chascun de nous est ententiex 1780 De voz grez faire. MICHIEL En ce ne pouons nous meffaire. Jehan, aussi qu'en esbatant, Alons devant nous trois chantant: Je le conseil. 1785 SAINT JEHAN Il me plaist trés bien et le vueil. Sus! conmençons, mes amis doulx. RONDEL Royne des cieulx, qui en vous Servir met son entencion.

Moult fait bonne opperacion: 1790 Il acquiert vertus et de touz Ses vices a remission, Royne des cieulx, qui en vous Servir met son entencion; Et Dieu treuve en la fin si doulx 1795 Que de gloire a reffecccion, Ou est toute perfeccion.

1805

Digg

N'est pas d'aler m'entencion, Mére, a Clotilde la endroit,

Mais ou son filz gist irons droit.

Tenez vous ci en ceste voie:

Il souffist assez que le voie

Et vous, Marie.

NOSTRE DAME

Je ne contredi ne varie, Chier filz, a vostre voulenté;

> Ouvrez de vostre poosté Com vous plaira.

> > DIEU

De ma presence te sera

Si bien, filz, que tu es gueriz

1810 Et que ton mal est touz tariz Par humble et devote priére

> De Clotilde, ta mére chiére, Oui en a fait si son devoir

Qu'elle doit bien ce don avoir :

Pour ce l'en est fait li ottrois. Or tost, mére, faites ces trois

Aler devant.

NOSTRE DAME

Mon Dieu, voulentiers. Or avant,

Anges, alez si com venistes;

1820 Et, en alant, le chant pardistes Qu'avez empris.

GABRIEL

Excellente vierge de pris,

Puis qu'il vous plaist, si ferons nous.

RONDEL

Et Dieu treuve en la fin si doulx

1825 Que de gloire a refeccion,
Ou est toute perfeccion.

Royne des cieulx, qui en vous

Servir met son entencion Moult fait bonne opperacion.

# 275 b

LA DAMOISELLE Sanz plus ci faire mension, 183o Aler a ma dame me fault: Mais avant verray que deffault N'ait de riens son filz Clodomire. Egar! conme il se prent a rire! Dieu mercy, il est en bon point. 1835 Dire li vois, sanz tarder point, Ains que mais siesse.

## CLOTILDE

Ysabel, vous avez grant piéce Mis a venir.

## LA DAMOISELLE

Dame, ce qui m'a fait tenir En la chambre un poy longuement, Ç'a fait vostre filz vraiement, Qui m'a tant ris, c'est chose voire, Que vous ne le pourriés croire,

Et d'un ris sade.

#### CTOTILDE

Donques n'est il mie malade. Ysabel, sanz plus ci seoir, Alons men; je le vueil veoir Tout avant euvre.

#### LA DAMOISELLE

Soit! Or veez conment il euvre. Doulcement, ma dame, la bouche En riant. N'a mal qui li touche, Ce tiens je, dame.

#### CLOTILDE

Aourée soi nostre dame!

T. VII 17

1850

1840

188a

1855 Au mains, quant le roy ci venra. Et en santé le trouvera. N'ara il de dire raison Que pour baptesme ait achoison Que mourir doie.

AURELIAN

1860 Mon chier seigneur, honneur et joye Vous vueillent noz diex envoier, Et vous en puissance avoier Noble et haultaine!

CLOVIS

275 c

Voir, j'ay oppinion certaine 1865 Que vous me voulriez bien assez. Bien veigniez touz; avant: passez

Cy delez moy.

DEUXIESME CHEVALIER Mon chier seigneur, quant je vous voy, Certainement j'ay le cuer lié

De ce que gay et esveillié Je vous voy si.

CLOVIS

Que me direz de nouvel cy? Qu'avez fait? ou esté avez? Aucune chose m'en devez

1875 Vous rapporter.

DEUXIESME CHEVALIER Vous vous avez biau depporter Con se vous fussiez le roy Daire; Car jusqu'a la riviére d'Aire. Sire, vostre regne s'estent, Et tout le plat pais si tent

A soubz vous estre.

AURRLIAN

Sire, j'ai fait gens d'armes mettre

| <b>XXX</b> IX | CLOVIS                               | 259  |
|---------------|--------------------------------------|------|
|               | Aux fors garder et du conmun ;       |      |
|               | S'avez le chastel de Meleun          |      |
|               | Sur Saine, que moult lo et pris,     | 1885 |
|               | Que de nouvel je vous ay pris        |      |
|               | Et conquesté,                        |      |
|               | CLOVIS                               |      |
|               | Aurelian, en verité,                 |      |
|               | Je tien que partout ou pouriez       |      |
|               | Mon bien et mon honneur voulriez;    | 1890 |
|               | Et aussi j'ay plus de fiance         | •    |
|               | En vous, ce sachiez sanz doubtance,  |      |
|               | Qu'en homme qui hante ma court       |      |
|               | Et plus d'amitié : c'est a court     |      |
|               | Que je dit l'ay.                     | 1895 |
|               | Un prevost                           |      |
|               | Chier sire, entendez sanz delay      |      |
|               | Les nouvelles que vous vueil dire:   |      |
| 275 d         | Senes et Alemans, chier sire,        |      |
| •             | Sont venuz en vostre pais.           |      |
|               | Pour eulz sommes touz esbahis;       | 1900 |
|               | Car ilz sont trop grant multitude,   |      |
|               | Et il ne mettent leur estude         |      |
|               | Chascun jour qu'a nous faire guerre, |      |
|               | Prandre les gens, piller la terre;   |      |
|               | Et, se brief ne nous secourez,       | 1905 |
|               | Vous verrez que vous perderez        |      |
|               | Pais et gens.                        |      |
|               | CLOVIS                               |      |

Seigneurs, il nous fault diligens
Estre de secourre ma terre;
De ci nous fault partir bonne erre.

Mon ami, devant t'en iras,
Et partout tu conmenderas
Qu'avant qu'il soient embatuz
Es villes soient combatuz
Bien et forment.

276 a

PREVOST

Sire, vostre conmandement

Vois faire en l'eure.

CLOVIS

Alons men sanz plus de demeure, N'estre plus cy.

DEUXIESME CHEVALIER

Sire, se bon vous semble ainsi.

Par ma dame nous en irons;

Ne savons se la reverrons

Ja mès journée.

CLOVIS

Soit y vostre voie tournée:

II me plaist bien.

AURELIAN

Alons donc par ci, que je tien C'est nostre miex.

CLOVIS

Or ça, dame, que fait ce fiex?

Dites le nous.

CLOTILDE

1930 Mon chier seigneur, bien veigniez vous!

Il est en bon point, Dieu mercy.

Dites, ou alez vous ainsi

Et ces gens touz?

CLOVIS

Nous alons pour combatre nous

1935 A Alemens et pour eulz nuire,

Qui mon pais viennent destruire

Et essillier.

CLOTILDE

Ore ne vous puis conseillier;

Mais, certes, se me creussiez,

1940 Conme moy crestien fussiez Et eussiez receu baptesme

276 b

| Et pieça d'uille et du saint cresme   |      |
|---------------------------------------|------|
| Fussiez enoint.                       |      |
| CLOVIS                                | . :  |
| Souffrez : je ne vous en vueil point; |      |
| En vain gastez vostre langage.        | 1945 |
| Vous estes en ce cas trop sage;       | 1945 |
| Deportez vous a ceste foiz.           |      |
| A Mahon vous dy! je m'en vois,        |      |
| Sanz plus ci estre.                   |      |
| CLOTILDE                              | •    |
| Chier sire, Dieu vous vueille mettre  | 1950 |
| En vouloir de tenir sa foy,           | 1930 |
| Par quoy nous soions, vous et moy,    |      |
| D'une creance!                        |      |
| Deuxiesme chevalier                   |      |
| Le dieu en qui avez fiance,           |      |
| Chiére dame, par son plaisir          | 1955 |
| Acomplisse vostre desir               | 1900 |
| En bon affaire!                       |      |
| CLOTILDE                              |      |
| Telle besongne puissiez faire         |      |
| La où vous alez, mes amis,            |      |
| Qu'en honneur en soit chascun mis     | 1960 |
| De corps et d'ame!                    | 1900 |
| DEUXIESME CHEVALIER                   |      |
| A Mahon vous conmans, ma dame,        |      |
| Qui si vous vueille regarder          |      |
| Que touz jours vous vueille garder    |      |
| En son conduit!                       | 1965 |
| CLOTILDE                              | - 5  |
| De toute rien qui vous ennuit,        |      |
| Biaux seigneurs, vous dessende Diex,  |      |
| Et vostre fait de bien en miex        |      |
| THE LODGED TRUE OF DIGHT AN INVAN     |      |

Touz jours adresce!

## LE ROY DES ALEMANS

1970 Seigneurs, trop sommes oiseux; qu'est ce?
Entre nous qui tant de gens sommes,
Courir nous convient sur aux hommes
De ce pais et les pillier,
Femmes et enfans essillier;

1975 Et se nul contre nous rebelle, D'une espée ait, soit il, soit elle, Par mi le corps.

PREMIER CHEVALIER ALEMANT
Chier sire, a ce trop bien m'acors;
Mais or avisons tout a trait

1980 Ou nous ferons nostre retrait:
C'est neccessaire.

DEUXIESME CHEVALIER ALEMANT
En celle place l'alons faire,
Et considerons par quel tour
Nous pourrons touz jours, sans retour,

1985 Avant aler.

1990

LE ROY ALEMANT
Bien est. Alons sanz plus parler:
Je m'y assens.

#### CLOVIS

Seigneurs, a ce que voy et sens,
Combatre nous convient sanz faille.
Autre foiz avons en bataille
Esté sanz estre mors ne pris:
Or nous fault pour acquerre pris,
Contre noz ennemis rengier
Et d'eulx nostre pais vengier

1995 Qu'a tort assaillent.

Aurelian
Sire, je tien, pour ce que faillent,

XXXXX 263 **CLOVIS** Qu'il decherront de leur affaire. Donner nous pourront bien affaire; 276 c Mais vous verrez que tant feront Ou'en la fin desconfiz seront. 2000 Envoiez savoir, bien ferez, Quelle part vous les trouverez, Afin que ne puissons faillir De les en sursault assaillir, Non pas eulz nous. 2005 CLOVIS C'est bien dit. Huchon, ami doulx, Or sachiez, se Mahon vous gart, De ces Alemans quelle part Nouvelle ourrez. L'escuier Aurelian Chier sire, ja mains n'en arez: 2010 Obeir vueil a voz conmans. G'y vois; a Mahon vous conmans. Seigneurs, n'y a plus, je revien. Trouvé les ay, je vous dy bien, Ou viennent droit ça sanz faillir 2015 Pour vous combatre et assaillir: C'est leur entente. CLOVIS Or tost, rengeons nous sanz attente, Et puis irons sur eulx après. Je les pense a tenir si près 2020 Et si court que n'eschaperont De mort, ou ilz se renderont En ma mercy.

DETIXIESMON CHRVALIER CLOVIS

2025

Chier sire, venir les voy ci : Rengeons nous serrez tellement

Que ne se puissent nullement En nous embatre.

TROISIESME CHEVALIER ALEMANT Rendez vous, rendez sanz combatre: C'est vostre miex, a verité;

2030 Car de gens si grant quantité
Sommes c'on ne nous peut nombrer,
Ne de nous jamais descombrer

Ne vous pourrez.

TROISIESME CHEVALIER CLOVIS

Non, non: au jour d'ui touz mourrez. 276 d

Ferons sur eulx sanz espargnier:

Il sont ci venuz barguignier

Ce que mie n'emporteront;

Nient moins si chier l'acheteront

Com de la vie.

LE ROY ALEMANT

2040 De toy occire ay grant envie,
Et si feray j'ains que je cesse.
Tien, va, ta veue felonnesse
Changier feray.

## AURELIAN

Mon chier seigneur, je vous diray: S'en noz forces nous aerdons, 2045 Je ne voy pas que ne perdons. Ces gens ne sont en riens lassez, Et sont trop plus que nous d'assez. Je ne voy qu'en ceste bataille Soit force humaine qui nous vaille, 2050 Que n'aions le pis de la guerre. Je vous conseil, vueilliez requerre D'umble cuer la vertu divine, Je dy le Dieu que la royne Ma dame si souvent vous presche 2055 Que de ceste gent vous depesche;

Et li promettez a delivre

En li croirez.

Que, s'a honneur vous en delivre,

| CLOVIS Aurelian, et que ferez? 2060 Dites le moy. AURELIAN Et je feray com vous, par foy, Se je tant vif. CLOVIS Jhesu Crist, filz de Dieu le vif, |
|----------------------------------------------------------------------------------------------------------------------------------------------------|
| Dites le moy.  AURELIAN  Et je feray com vous, par foy,  Se je tant vif.  CLOVIS  Jhesu Crist, filz de Dieu le vif,                                |
| AURELIAN Et je feray com vous, par foy, Se je tant vif. CLOVIS Jhesu Crist, filz de Dieu le vif,                                                   |
| Et je feray com vous, par foy,<br>Se je tant vif.<br>CLOVIS<br>Jhesu Crist, filz de Dieu le vif,                                                   |
| Se je tant vif.<br>Clovis<br>Jhesu Crist, filz de Dieu le vif,                                                                                     |
| Clovis<br>Jhesu Crist, filz de Dieu le vif,                                                                                                        |
| Jhesu Crist, filz de Dieu le vif,                                                                                                                  |
| ·                                                                                                                                                  |
| 0 1 1 2 1 1 1 1 2 2 2 2 2 2 2 2 2 2 2 2                                                                                                            |
| Qui mez de tribulacion 2065                                                                                                                        |
| Les cuers en consolacion,                                                                                                                          |
| Et a ceulx qui leur esperance                                                                                                                      |
| Mettent en toy et ont fiance                                                                                                                       |
| Sequeurs et leur donnes t'ayde,                                                                                                                    |
| 277 a Ce me dit ma femme Clotilde, 2070                                                                                                            |
| Sire, humblement te requier, voire,                                                                                                                |
| Que me vueilles donner victoire                                                                                                                    |
| De mes ennemis qui sont cy;                                                                                                                        |
| Et se je voy qu'il soit ainsi,                                                                                                                     |
| Je te promet que me feray 2075                                                                                                                     |
| Babtizer et en toy croiray.                                                                                                                        |
| J'ay trop bien appellé mes diex;                                                                                                                   |
| Mais ne voy qu'il n'en soit riens miex,                                                                                                            |
| Ains se sont eslongié de moy;                                                                                                                      |
| Et pour ce dy, quant ceci voy, 2080                                                                                                                |
| Ce sont diex de nulle puissance,                                                                                                                   |
| Ou nul ne doit avoir creance,                                                                                                                      |
| Puis qu'ilz n'aident ne sequeurent                                                                                                                 |
| Au besoing ceulx qui les aeurent.                                                                                                                  |
| Pour ce de toy croire ay desir, 2085                                                                                                               |
| Mais qu'il te soit, sire, a plaisir                                                                                                                |
| Que mes adversaires tu livres,                                                                                                                     |
| Si qu'a mon honneur m'en delivres                                                                                                                  |
| Pour touz jours mais.                                                                                                                              |

DEUXIESME CHEVALIER CLOVIS
Avant, seigneurs, avant! huymais
Pensons de fort combatre: or sus!

Je voy d'eulx sommes au dessus: Le plus bel avens de la guerre, Car je voy la leur roy par terre Tout mort gisant.

2095

2105

QUATRIBSME ALEMANT
Ne scé que voise plus disant:
De ceste guerre avons le pis.
Elas! que nous serons despis!
Voir, je m'en fui.

CLOVIS

Avant, biaux seigneurs! au jour d'uy
Pensez tous de si bien ouvrer
Que puissons honneur recouvrer,

Et moy et vous.

PREMIER ALEMANT

Sanz plus combatre escoutez nous, Sire roys, com doulx et propice: Nous vous supplions ne perisse Par guerre plus nulz de noz hommes; 277 b A vous nous rendons, vostres sommes,

Chier sire, a plain.
CLOVIS

2110 Ho! seigneurs.

Ho! seigneurs, je met en ma main Ces gens cy: ne vous debatez Plus a eulx ne ne combatez; Puis qu'a ma voulenté se rendent Et pais et mercy me demandent,

2115 Je vueil qu'ilz l'aient.

DRUXIESME CHEVALIER CLOVIS-Si aront il, ne s'en esmaient, Quant le voulez.

CLOVIS

Seigneurs, maishuy vous en alez; Par mon conseil ordeneray Quel treu sur vous prenderay Com mes subgiez.

DEUXIESMR ALBMANT Tel, sire, qu'il sera jugiez, Dès ore mais vous paierons Chascun an; n'i contredirons

En rien, pour voir.

2125

2130

#### AURRLIAN

Alez: il vous fera savoir Ce qu'il voulra que li faciez. Sire, il est bon que vous lessiez Ce pais et que retournons En France: trop miex i serons

Assez que cy.

DEUXIESME CHEALIER CLOVIS C'est voir, c'est nostre avis aussi: Avecques noz parens serons, Pour quoy souvent nous viverons Des cuers plus liez.

2135

#### CLOVIS

Ore, puis que le conseilliez, Je vueil qu'il soit a vostre dit : Alons men tost sans contredit Par ceste voie.

TROISIESME CHEVALIER

Alons. Certes, mais que vous voie, La royne grant joie ara, Quant la victoire dire orra

Qu'avez eu.

CLOVIS

N'en doubtez, bien ramenteu Li sera, mais qu'a elle viengne.

2145

2140

Dame royne, Dieu vous tiengne En s'amitié!

CLOTILDE

Chier sire, pour la Dieu pitié, Qui vous a ce salut apris,

277 C

| 2170 | ive ou avez vous vouloir pris       |       |
|------|-------------------------------------|-------|
|      | De le me dire?                      |       |
|      | Clovis                              |       |
|      | Ç'a fait Jhesu Crist, nostre sire,  |       |
|      | M'amie, qu'a vray Dieu je tieng.    |       |
|      | Savez pour quoy? D'un pais vieng    |       |
| 2155 | Ou guerres ay fait si grevaines     |       |
|      | Contre Alemans et contre Senes      |       |
|      | Que c'est merveille a raconter.     |       |
|      | Telle heure ay veu, sanz doubter,   |       |
|      | Que rangiez fumes pour combatre;    |       |
| 2160 | Mais ilz estoient plus de quatre    |       |
|      | Hommes contre un que j'en avoie.    |       |
|      | Alors que faire ne savoie,          |       |
|      | Toutes voies ne detriay:            |       |
|      | Mes diex devotement priay           |       |
| 2165 | Que par eulx fusse secoruz;         |       |
|      | Mais, quoy qu'a eulx fusse coruz,   |       |
|      | Ne me firent ne chaut ne froit.     |       |
|      | Quant je me vy a ce destroit        |       |
|      | Et qu'il m'ocioient mes gens,       |       |
| 2170 | Aurelian, li preuz et gens,         |       |
|      | S'en vint a moy, qui me vint dire:  |       |
|      | « Requerez l'aide, chier sire,      |       |
|      | De Jhesu Crist qui vous sequeure. » |       |
|      | Dame, je le fis, et en l'eure       |       |
| 2175 | De mes ennemis s'en fouirent        |       |
|      | Les uns, les autres se rendirent.   |       |
|      | Ainsi les conquis a ce pas;         |       |
|      | Et, puis qu'oblié ne m'a pas        | 277 d |
|      | Jhesus, pas ne l'oblieray:          |       |
| 2180 | Pour s'amour baptizé seray,         |       |
|      | Et bien brief, dame.                |       |
|      | CIOTILDE                            |       |

Par ce point sauverez vostre ame, Chier sire, et arez Dieu ami.

| Souffrez, je manderai Remi,           |      |
|---------------------------------------|------|
| Qui de Reins est dit arcevesque,      | 2185 |
| Qui vous enseignera, mais que         |      |
| Il le vous plaise a escouter,         |      |
| Conment ne devez point doubter,       |      |
| Mais seur devez estre et fis,         |      |
| Que Dieu le pére et Dieu le filz      | 2190 |
| Et Dieu sains esperiz aussi           |      |
| Sont trois personnes, mais icy,       |      |
| En ceste haulte trinité,              |      |
| N'a qu'une seule deité:               |      |
| Or m'entendez?                        | 2195 |
| CLOVIS                                |      |
| Dame, pour Dieu, tost le mandez,      |      |
| Que je le voie.                       |      |
| CLOTILDE                              |      |
| Qui voulez vous que g'y envoie,       |      |
| Mon seigneur chier?                   |      |
| CLOVIS                                |      |
| Envoiez y ce chevalier,               | 2200 |
| Sanz nul detri.                       |      |
| CLOTILDE                              |      |
| Voulentiers. Sire, je vous pri        |      |
| Que m'ailliez l'arcevesque querre     |      |
| De Reins, et qu'il viengne bonne erre |      |
| Yci a moy.                            | 2205 |
| PREMIER CHEVALIER                     |      |
| Voulentiers, dame, par ma foy.        |      |
| G'y vois: sachiez ne fineray          |      |
| Jusqu'a ce que ci l'amenray.          |      |
| Je le voy la, c'est bien a point.     |      |
| Sire, ne vous demourez point :        | 2210 |
| Je vien cy de par la royne,           |      |
| Qui vous mande par amour fine         |      |
| Qu'a li veigniez.                     |      |

278 a

L'ARCEVESQUE

Sire, d'aler ne vous faingniez, Et je toutes choses lairay

Pour vous suivre, La ou g'iray.

Vous deux, venez.

PREMIER CLERC

Sire, pour verité tenez Si ferons nous.

DEUXIESME CLERC

2220 Mais nous alons avecques vous Dès maintenant.

PREMIER CHEVALIER
Vezci l'arcevesque venant,
Chiére dame, que vous amain;
N'a pas de venir a demain

2225 Mis n'atendu.

CLOTILDE

Ore il soit le tresbien venu. Sa! sa! arcevesque Remi, Seez vous et decoste mi Sanz plus debatre.

L'arcevesque

De moy en si hault siège embatre,
Dame, ne me requerez pas;
De me seoir ici em bas
Me doit souffire.

CLOTILDE

Marie! vous serrez ci, sire:
2235 Dignité avez conme j'ay.

Vezci pour quoy mandé vous ay :

Mon seigneur a fain de venir

A baptesme et veult devenir

Crestien; mais il ne scet pas

Des articles quelx sont les pas
Qu'il convient c'on croie et c'on tiengne;

Pour ce vous pri qu'il vous souviengne, Quant devers li serez entrez, Que de son salut li monstrez

La droite voie.

2245

2250

2255

L'ARCEVESQUE

278 b Certes, dame, j'aray grant joie,
S'il li plaist a moy escouter:

S'il li plaist a moy escouter; Et si vous dy bien, sanz doubter,

A tele ne le lairay pas;

Mais m'en vois devers li le pas

Dire li ce qu'ay empensé,

Puis que dit m'avez son pensé

Et son courage.

CLOTILDE

Sire, vous estes homme sage: Monstrez li par tele maniére

Qu'il ne retourne pas arriére

A ces faux diex.

L'ARCEVESQUE

Dame, a Dieu! j'en feray le miex Que pourray, foy que doy saint Pére.

Jhesu Crist, filz de Dieu le pére, 2260 Qui pour nous voult de mort l'angoisse Souffrir en croiz, honneur vous croisse,

Roy de puissance!

CLOVIS

En ce salut preng grant plaisance Que vous m'avez fait de Jhesu, Sire, car il m'a moult valu, Dont jam ne l'oblieray:

Autre foiz pour quoy vous diray

Plus à loisir.

L'ARCEVESQUE

Vous venroit il, sire, a plaisir Qu'a vous un petit cy parlasse.

Et avant que je m'en alasse Moy escouter? CLOVIS Sire, oil; dites sanz doubter: Voulentiers vous escouteray, 2275 Et après je vous parleray D'une autre chose: L'ARCEVESQUE Sire, vezci que vous propose : Il est un Dieu sanz finement, Qui onques n'ot conmencement; 2280 De cesti est venuz un filz, 278 C De ces deux un sains esperiz; Et ces trois, je vous di pour voir, Ne sont c'un Dieu et c'un vouloir. 2285 Par ces trois fu creé le monde Et tout ce qui es cieulx habonde. Voir est que de terre fu fait Homme, qui par son grief meffait En si grief servage se mist Que de paradis se desmist; 2290 De telle debte s'endebta C'onques puis ne s'en acquitta, Ne depuis aussi ne fu homme Souffisant d'acquitter la somme, Jusqu'a tant qu'en la vierge vint 2295 Le filz Dieu, qui homme y devint, Qui par sa sainte passion Fist d'omme la redempcion, Quant a mourir offrit son corps. Ha! c'est li doulx misericors, 2300 Qui nul temps ne fault au besoing, Mais qui sequeurt et près et loing Ceulx qui l'aiment et qui ne l'aiment,

Puis que de bon cuer le reclaiment,

Ce n'est pas doubte.

CXXIX

Remi, sanz plus attendre, huymais De moy baptiser vous penez Et crestienté me donnez

Appertement.

Sire, je feray bonnement Vostre plaisir et loing et près. Or ça! vezci les sains fons près:

Depoulliez vous.

· CLOVIS

Tout en l'eure, mon ami doulx, 2330 Me devestiray de cuer lié. Or ca! vez me ci despoullié:

Qu'ay plus a faire?

L'ARCEVESOUE

Pour vous nouvel homme refaire, Faut que vous mettez ci dedans

A genoulz, et non pas adens, A jointes mains.

CLOVIS

Sire, vous n'en arez ja mains: Vez m'y la mis.

Ici vient un coulon atout une fiole.

## L'ARCEVESQUE

Ha! doulx Jhesu Crist, vraiz amis, 2340 Conme de bien en miex avoies Tes euvres! Sire, bien savoies Et as veu du ciel la hault Ce de quoy j'avoie deffault :

2345 C'est de cresme, teue mercy, Sire, que tu m'envoies cy Par ce coulon.

## CLOVIS

Qu'est ce que je flaire si bon, Sire, qu'entre voz mains tenez?

Onques mais puis que je fu nez 2350 Je ne senti si noble odeur; Le cuer m'a mis en grant baudeur. Certes, je tien c'est sainte chose : N'est violete, lis ne rose,

Basme, ciprès, terebentine, Fleur de canelle, tant soit fine,

N'autre espice que je nommasse, Que ceste odeur toute ne passe

# Et ne surmonte.

L'ARCEVESQUE Dites que Dieu, sire, a brief conte, 2360 Vous aime, ne mentirez point, Quant il veult que soiez enoint De si precieuse liqueur Et de qui vient si noble odeur

Com yous sentez. 2365

279 a

De moy baptiser vous hastez,
Je vous em pri.
L'ARCEVESQUE

Delivre en l'eure sanz detri Serez, chier sire; or vous cessez.

Dites moy se vous renoncez

2370

2375

2380

2385

Au Sathenas.

Clovis

G'y renonce, n'en doubtez pas,

Sire, pour voir.
L'ARCEVESOUE

Il me convient aussi savoir

S'a ses pompes et a ses faiz,

Conme bon crestien parfaiz,

Vous renoncez.

CLOVIS

Oil: mes accors est assez

Que g'y renonce.

L'ARCEVESQUE Seigneurs, il fault, ce vous denonce,

Changier li son nom de Clovis:

Conment ara il non?

DEUXIESME CHEVALIER

Loys:

C'est biau nom, sire.

L'ARCEVESQUE Loys, crois tu en nostre sire,

Dieu le pére, di le bonne erre, Qui crea le ciel et la terre

Et toy et moy?

279 b

CLOVIS

Oil, voir, sire: je le croy Certainement.

L'ARCEVESQUE

Et que Jhesu Crist seulement 2390

Si est son fils naturel, qui De la vierge homme et Dieu nasqui, Et pour nostre redempcion Souffry de mort la passion

2395

En croiz avoir?

CLOVIS

Sire, je tien que c'est tout voir, Et si le croy.

L'ARCEVESQUE

Et que saint esperit, di moy, Est Diex? le croiz tu en tel guise?

2400

Et en la catholique eglise, Et des sains la communion, Des pechiez la remission, Et que touz resusciteront, Et adonques les bons seront

2405

Mis en corps et en ame en gloire, Et les mauvais en tourment, voire,

Touz jours durable?

CLOVIS

Tout ce croy j'estre veritable, Et n'en doubt point.

L'ARCEVESQUE

2410

Que me requiers tu sur ce point? Di m'en ton esme.

CLOVIS

Je requier avoir le baptesme De sainte eglise.

L'arcevesque

Sy l'aras. Ça, je te baptize

2415

Con crestien, soies en fis, Ou non Dieu, le pére et le filz Et le saint esperit aussi.

Un po d'intervale.

Dieu le tout puissant, qui t'a cy Par ceste yaue regeneré,

279 C

| Et par saint esperit donné De tes pechiez remission Par mi ceste sainte unccion                                                                                                                                   | 2420 |
|-------------------------------------------------------------------------------------------------------------------------------------------------------------------------------------------------------------------|------|
| Que me sens faire et ton chief oindre, Te vueille en gloire avec lui joindre Sanz finement! CLOVIS  Amen! Je l'em pri bonnement De cuer entier.                                                                   | 2425 |
| L'ARCEVESQUE  Seigneurs, d'un drap linge a mestier  Pour sa teste, ce vous recors,  Enveloper et tout son corps  Jusques a terre.  DEUXIESME CHEVALIER  Je l'ay, n'en fault point aler querre,  Sire, tout prest. | 2430 |
| L'ARCEVESQUE Bailliez le moy, bailliez : bien est. Sire, de ce drap ci vous fault Estre envelopé dès le hault De la teste jusques a terre. Seigneurs, entre vous touz bonne erre                                  | 2435 |
| Le levez hault entre voz braz.<br>L'un de mes clers prengne ses draps,<br>Dont autre foiz vestu sera,<br>Quant le jour d'ui passé sera.                                                                           | 2440 |
| Or avant: ne vous deportez Qu'en son palais ne l'emportez. Mes clers et moy vous suiverons Et en louant Dieu chanterons, Qui de sa grace a si ouvré                                                               | 2445 |
| Que sainte eglise a recouvré Si noble champion. Or sus! Chantons Te Deum laudamus. Explicit.                                                                                                                      | 2450 |



# ΧL

# **MIRACLE**

DE

# SAINT ALEXIS

#### PERSONNAGES

EUFEMIAN AGLAIS

ROUSSELET
CONNESTABLE

PREMIER POVRE

DEUXIESME POVRE
TROISIESME POVRE

Honoires

ARCHADÈS
PREMIER SERGENT, ROGIER

DEUXIESME SERGENT, AUFROY

LIPAGE

Sabine Alexis

Menesterel Le secretain

PREMIER POVRE

DEUXIESME POVRE

TROISIESME POVRE

LE POVRE SEUL

Ниснои

MUSEHAULT

DIEU

NOSTRE DAME

Gabriel

MICHIEL

PREMIER BOURJOIS

DEUXIESME BOURJOIS

LE MARINIER

LE SERVITEUR, LORENS

GUIOT JOSCET LE PAPE

PREMIER CARDINAL

DEUXIESME CARDINAL

L'ANGE

Cy commence un miracle de Nostre Dame de saint Alexis qui laissa sa femme le jour qu'il l'ot espousée pour aler estre povre par le pais pour l'amour de Dieu et garder sa virginité, et depuis revint chez son pére et la morut soubz un degré et ne le cognut l'en devant qu'il fu mort. 280 a

#### EUFEMIAN

Il est saison et temps huymais
Que nous façons mettre les tables
Et que soions entremettables

5

10

15

Des povres gens faire asseoir Et eulx de diner pourveoir Ainsi qu'acoustumé avons; Car laissier mie ne devons

Nostre coustume.

#### AGLAIS

Voir, ce qui plus m'i acoustume, C'est, sire, que souvent recors Ce que Dieu si misericors Nous a volu par sa grace estre Qu'a nous a fait un biau filz naistre, Dont si grant joie au cuer me vient, Toutes les foiz qu'il m'en souvient,

25

30

35

40

45

280 b

Que taire ne la puis ne dire, Et aussi ce que je voy, sire, Qu'il est de si bonne doctrine Qu'en touz bons meurs son cuer doctrine,

Qui moult me plaist.

EUFEMIAN

Dame, laissier nous fault ce plait;

J'ay fiance Dieu le fera
Tel qu'un bon preudomme sera.
Et puis que l'avons, c'est assez,
Dame : cv me sui appensez

Dame: cy me sui appensez Que plus n'en vueil faire jamais, Mais vueil vivre dès ores mais Pour l'amour de li chastement,

Mais qu'il vous plaise bonnement, Ma chière amie.

AGLAIS

Sire, ne vous mentiray mie:
Certes, a dire verité,
J'ay aussi bien la voulenté
De vivre chaste comme vous.
Or sommes d'accort, sire doulx,
Mais qu'il vous haitte.

EUFEMIAN

Dame, or soit ceste chose faitte Sanz ce que nous plus en parlons. Mais noz deux varlez appellons. Roussellet, et toy, Connestable, Or avant: de mettre la table Soit chascun de vous diligens, Si dineront ces bonnes gens

Que je voy la.

ROUSSELET
Tantost, sire. Avant: vaz de la,
Connestable, et si ne pensons
Fors que brief la table dressons,

280 c

| SAINT ALEXIS                         | 285        |
|--------------------------------------|------------|
| Que temps en est.                    |            |
| CONNESTABLE                          |            |
| Voulentiers; ça, je suis tout prest: | 5 <b>o</b> |
| J'ay mis mon trestiau, met le tien.  |            |
| Avant : a la table! elle est bien.   |            |
| Or vas viande et puis pain querre,   |            |
| Et je m'en vois au vin bonne erre    |            |
| Ains que je fine.                    | 55         |
| ROUSSELET                            |            |
| Trop bien de pain et de cuisine      |            |
| Saray servir, n'en doubtes pas.      |            |
| G'y vois, et ne demourray pas        |            |
| Que n'en apporte.                    |            |
| Connestable                          |            |
| Ains que tu soies a la porte,        | 60         |
| Je tien que si m'avanceray           |            |
| Que du vin revenu seray.             |            |
| Revenuz suis bien tost. Avoy!        |            |
| Encore ici nappe ne voy              |            |
| ' Ne pain sur table.                 | 65         |
| Rousselet                            |            |
| Es tu ja venu, Connestable?          |            |
| Tu n'as pas musé trop grant piéce.   |            |
| Ore avant: afin c'on s'assiesse      |            |
| Plus tost, ceste nappe estendons     |            |
| Et ce pain sur table mettons,        | 79         |
| Hanaps et vin.                       |            |
| CONNESTABLE                          |            |
| Je le te feray de cuer fin :         |            |
| Vas a ce hout: fais com je fas       |            |

Je Vas a ce bout; fais com je fas. Bien est; ça! pains, vin et hanaps, Met tout sur table.

75

ROUSSELET

Voulentiers, amis Connestable. Egar! est ce fait sanz dangier? Sa! mon seigneur, venez mengier

90

95

280 d

Quant vous plaira.

EUFEMIAN

80 Ces gens, dame, appeller faulra;
Temps est de les faire diner:
Nous les faisons trop jeuner,

Si com je pens.

AGLAIS

Tantost, sire. Ça! bonnes gens, Venez diner.

PREMIER POVRE

Alons men sanz plus sermonner:

On nous appelle.

DEUXIESME POVRE

Alons: chascun bonne escuelle

Ara ja devant li, ce tieng.

D'autre chose je ne me crieng

Que de mengier.

EUFRMIAN

Or tost, sanz riot ne dangier, A la value que venez,

A table tost seoir alez:

Delivrez vous.

DEUXIESME POVRE

Puis qu'il vous plaist, mon seigneur doulx,

Fait iert en l'eure.

EUFEMIAN

Avant: a mangier sanz demeure Cy m'apportez.

**AGLAIS** 

Vous en arez tantost assez.

Jusqu'a moy, ça, vous deux passez.

Ca ca courez au remanant

Ça, ça, courez au remanant. Eufemian, ça, or avant:

105 Servez ces gens.

281 a

#### EUFEMIAN

Seigneurs, ne soiez negligens De ce que vous sers en gré prendre, Car Dieu le me peut trop bien rendre S'en gré l'avez.

#### PREMIER POVRE

Jhesu Crist sire, qui savez

Conment ces deux gens sont songneux
De repaistre les besongneux
Qui povres et mendians sont
Et conment chascun jour le font
Benignement par charité,
Ha! sire, par vostre bonté
Considerez leur bon fait si
Que vostre grace aient dès cy
Et gloire en fin.

DEUXIESME POVRE

Amen! Je l'en pri de cuer fin.

Amen! Je l'en pri de cuer fin,
Et pour ceste refeccion
Leur ottroit la fruicion

# De sa grant gloire. Troisiesme povre

Voire, et de touz pechiez victoire.

Il est temps de prendre congié, 125
Car beu avons et mengié
Souffisamment.

#### PREMIER POVRE

Vous dites voir, se Dieu m'ament.

Alons men: sus! A Dieu, chier sire,

Et vous, ma dame! Dieu vous mire

I 30

Et vous rende ce dyner cy

Et les autres que fait aussi

Nous avez, dame!

DEUXIESME POVRE
D'un chascun de vous vueille l'ame
Dieu en paradis recevoir, 135

145

150

155

160

165

281 b

Si que puissiez sa gloire avoir Et des siens estre!

#### AGLAIS

Alez. Que le doulx roy celestre Adresce noz faiz et noz diz Si que l'un l'autre en paradis Puissons veoir!

### EUFEMIAN

Sa! dame, venez vous seoir.
Temps est et saison de disner;
Je ne vueil ore plus jeuner.
Rousselet, vaz, ne te deportes,
Du pain et de l'iaue m'apportes
Tant seulement, si dyneray:
Autre chose ne mengeray,
Assez sera.

#### AGLAIS

Vous arez ce qui vous plaira, Mon seigneur, je vous en vois querre. Souffrez: je revenray bonne erre; Tenez, chier sire.

#### EUFEMIAN

Loé soit Diex! ça, je vueil dire:
Avant, dame: plus n'attendez
A mengier. Pour vous demandez
Isnellement.

#### AGLAIS

Mon seigneur, sachiez vraiement, Ce n'est mie m'entencion De prendre autre reffeccion Que je voy que vous vous donnez: Que pain et yaue ne prenez, Non feray j', et si me souffist. Que Dieu qui onques ne meffist Nous doint sa grace!

#### EUFEMIAN

Amen! et nostre filz tel face,
Qu'avons, dame, a l'escole mis,
Qu'a Dieu puist estre si amis
Et si sa loy et sa foy tiengne
Qu'en gloire avecques Dieu parviengne
Sanz finement!

#### AGLAIS

Ha! sire, qui savez conment C'est la chose que plus desir, Vueilliez acomplir mon desir Et vostre grace me donnez Si que jusqu'a ce point menez Mes oroisons.

175

#### EUFEMIAN

Ho! dame, de ce nous taisons Pour maintenant.

#### AGLA18

N'en vueil plus, sire, estre tenant Parole, puis qu'il ne vous plaist Et que de tenir ent plus plait Me deffendez.

180

# Honoires

Plaise vous que vous entendez, Archadès, a ce que vueil dire Et m'en dire vostre avis, sire, Quant dit l'aray.

185

190

#### ARCHADÈS

Sire, voulentiers le feray : Dites moy quoy.

## HONOIRES

Voulentiers. Or vous seez coy. Eufemian a un filz Qui est appellez Alexis

220

C'on tient a bon enfant et sage. Dès ores mais est en aage C'on le marie, et bien le vault, A femme de bon lieu et hault Et noble aussi.

281 ¢

#### **ARCHADÈS**

Pour quoy me dites vous cecy, Honoires sire?

HONOIRES Archadès, je le vous vueil dire. 200 Eufemian tant servi Nous a qu'il a bien desservi Que façons pour li quelque chose. Ores pour ce cecy propose Que je voy que sire Lipage, 205 Qui est un vaillant homme et sage Et qui est né de sanc royal Et vit com preudomme loyal, Ha une fille damoiselle Qui est et gracieuse et belle. 210 Se de ceci premiers parlons Et ce message li faisons, Je tien ne mesprendrons de rien, Car Eufemian vault bien Que façons pour li tant et plus. 215 Or me respondez du surplus Vostre vouloir.

### ARCHADÈS

Je tien que vous avez dit voir :
En nom de moy, c'est un preudons;
Je lo que nous ci le mandons,
Que tantost viengne a nous parler
Ains qu'il s'ordene ailleurs aler
Ne ça ne la.

Honoires

Je sui de vostre accort. Vezla

| L     | SAINT ALEXIS                                                                     | 289 |
|-------|----------------------------------------------------------------------------------|-----|
|       | Qui tantost le nous yra querre. Alez vous en dire bonne erre A Eusemian, Rogier, | 225 |
|       | Que s'il est levé de mengier                                                     |     |
|       | Qu'a nous deux viengne sanz demour<br>Et que l'en prions par amour.              | 230 |
|       | Or faites brief.                                                                 |     |
|       | PREMIER SERGENT                                                                  |     |
|       | Ce conmant ne tien point a grief,                                                |     |
|       | Puis que de vostre bouche l'ay.                                                  |     |
|       | Chier sire, g'y vois sanz delay                                                  |     |
| 281 d | Et ne pense a demourer point.                                                    | 235 |
|       | Dieu mercy, je vien bien a point;                                                |     |
|       | Si bien a point ne veing ouan.                                                   |     |
|       | Dieu vous saint, Eufemian!                                                       |     |
|       | Et a vous, dame!                                                                 |     |
|       | Eufemian                                                                         |     |
|       | Bien vegniez, Rogier, par vostre ame.                                            | 240 |
|       | Dinez vous cy?                                                                   |     |
|       | PREMIER SERGENT                                                                  |     |
|       | J'ay fait certes, vostre mercy;                                                  |     |
|       | Mais pour quoy vien cy vous diray:                                               |     |
|       | Long sermon pas ne vous feray.                                                   | _   |
|       | Noz empereur m'ont envoié                                                        | 245 |
|       | Dire vous soiez avoié                                                            |     |
|       | Qu'a'eulx vegniez isnel le pas,                                                  |     |
|       | Mais qu'aiez pris vostre repas,  Non autrement.                                  |     |
|       | Hon autrement.<br>Eufemian                                                       |     |
|       | Bien a point venez vraiement,                                                    | 250 |
|       | Que j'ay disné, mon ami doulx;                                                   | 230 |
|       | Alons men; suivez m'entre vous,                                                  |     |
|       | Mes escuiers.                                                                    |     |
|       | Rousselet                                                                        |     |
|       | Mon chier seigneur, tresvoulentiers,                                             |     |
|       | • ,                                                                              |     |

# Quant est de moy.

Aussi sui je tout prest, par foy, Mon seigneur, de vous compagnier. Je ne me vueil mie espargnier Qu'avec vous n'aille.

PREMIER SERGENT

260 Mes seigneurs, bien a point sanz faille
M'avez sire Eufemian
Envoié querre, mais oan
Ne le poy miex a point trouver,
Car de table vouloit lever.

265 Quant li ay dit, ne s'est tenuz

Quant li ay dit, ne s'est tenuz Qu'avec moy ne s'en soit venuz Ysnellement.

#### Honoires

Touz jours a nostre mandement
Com preudomme est prest d'obeir,
270
Et il ne s'en fait pas hair,
Ains s'en a fait de nous amer.
Sanz li plus loer ne blasmer,
Alez touz en sus, ce vueil dire,
Fors vous, Eufemian sire,

282 a

275 Ne vous en vueilliez pas aler : Nous deux voulons a vous parler Et de secré.

#### EUFEMIAN

Mes seigneurs, il me vient a gré Que me diez vostre plaisir; Je vous orray de grant desir Tresvoulentiers.

## Hongires

Puis qu'avec nous deux fait le tiers, Vous li direz nostre conseil, Archadès sire, je le vueil,

280

| XŁ    | SAINT ALEXIS                        | 291 |
|-------|-------------------------------------|-----|
|       | Et c'est raison.                    | 285 |
|       | Archadès                            |     |
|       | Je feroie grant mesprison           |     |
|       | Que m'avançasse de li dire          |     |
| •     | Par devant vous, Honoires sire,     |     |
|       | Si m'en tairay.                     |     |
|       | Honoires                            |     |
| •     | Puis qu'il vous plaist, je li diray | 290 |
|       | Donc soubz vostre correccion,       | _   |
|       | Archadès, c'est m'entencion,        |     |
|       | Autrement ja n'en parleroie.        |     |
|       | Eufemian, je voulroye               |     |
|       | Voulentiers, par Dieu qui me fist,  | 295 |
|       | Vostre honneur et vostre prouffit,  | ·   |
|       | Si feroit Archadès aussi.           |     |
|       | Vezci pour quoy vous di ceci:       |     |
|       | Vostre filz est assez d'aage        | ·   |
|       | Pour femme avoir par mariage,       | 300 |
|       | Et nous deux nous voulons pener     |     |
|       | De l'aidier a bien assener.         |     |
|       | Vous congnoissiez assez Lipage,     |     |
|       | Qui est homme de hault parage,      |     |
|       | Car de royal sanc est estrait,      | 305 |
| ,     | Si con pour voir nous est retrait   |     |
|       | Et il n'y fault ja varier:          |     |
|       | Une fille a a marier;               |     |
|       | Vous souffira il, dites voir,       |     |
|       | Se nous li pouons faire avoir       | 310 |
| 282 b | Par mariage?                        |     |
|       | Eufemian                            |     |
|       | Mes seigneurs, s'a sire Lipage      |     |
|       | Plaist et agrée cilz accors,        |     |
|       | Je sui celui qui m'i accors         |     |
|       | Aussi du tout.                      | 315 |
|       | A = 0.7. = 30                       |     |

Archadès Or ça, vous n'estes folz n'estout:

325

330

335

345

Je vous diray que vous ferez.
A vostre hostel vous en irez,
Et nous Lipage manderons
Et sa fille li requerrons
Pour vostre filz.

HONOTRES

Je ne doubte pas, ains suis fis, Combien qu'il soit grant et honneste, Qu'il n'encline a nostre requeste

Benignement.

EUFEMIAN

Mes seigneurs, vous orrez comment Il vous dira. De cy m'en vois. Nient moins vous merci toutes foiz De l'onneur que me faites cy

Et de la courtoisie aussy, Quant vous plaist pour mon filz mesler De son mariage et parler

Et vous en telle paine mettre Sanz de nulle ame requis estre;

C'est amours grant.

ARCHADÈS
Eufemian, plus engrant
Serons encore du parfaire,
Ce sachiez, mais qu'il se puist faire,

Je vous promet.

EUFEMIAN

340 En vostre voulenté m'en met
Du tout. A Dieu, mes chiers seigneurs!

Ja m'avez fait honneurs greigneurs
Et plusieurs que je ne sui digne,
Et ce vient de vostre benigne

Grace et amour.

HONOIRES

282 C

Je lo que mandons sanz demour A Lipage qu'il ne se tiengne

Me trouvera.

. Sabine, sa fille Mon chier pére, fait vous sera

XŁ

390

395

400

#### Si com vous dites.

DEUXIESME SERGENT Mes seigneurs, dites je sui quittes, Si direz voir, de mon message.

282 b

Vezci : je vous amain Lipage 38o Avecques moy.

HONOIRES

C'est moult bien besongnié, Aufroy; Mais en sus vous convient aler De nous, car nous voulons parler

Cy de conseil.

DEUXIESME SERGENT

Mon treschier seigneur, faire vueil Donc vostre gré.

ARCHADÈS

Sire Lipage, soit secré Quanque nous trois ici dirons. Une requeste vous ferons

Qu'Honoires vous prononcera, Qui plus sagement la sara Dire que moy.

HONOIRES

Mais dites li, par vostre foy, Sire Archadès.

ARCHADÈS

Je ne li diroie jamais Par devant vous.

HONOIRES

Je li diray donques pour nous Delivrer, sire, plus affait, Puis qu'ainsi convient que soit fait. Or entendez, sire Lipage: Une fille avez bien d'aage

Pour marier dès ore mais; Ne vous feismes onques mais XŁ.

283 a

Et eure aussi, sire Lipage, Conment soit brief ce mariage Fait et parfait.

LIPAGE

Vezci conment il sera fait

Et si sera bien, ce me semble:

Le jeune homme et son pére ensemble

Et touz ses amis manderez,

Et mardi venir les ferez

Ceens, et j'aussi y venray,
Ma fille et mes gens amenray;
Et quant nous assemblez serons,
La derrière espouser irons,
Et ferons ceens nostre feste;
Il y a bon lieu et honneste

Il y a bon lieu et honneste Et assez place. 283 b

ARCHADÈS

Je sui d'accort qu'ainsi se face. Com dit avez.

HONOIRES

Et j'aussi, Lipage. Or alez:
455
Pensez de vous assemillier
Et de vostre fille abillier
Si com doit estre.

LIPAGE

Mes seigneurs, g'i vois peine mettre Sanz riens plus dire.

ARCHADÈS

Mander nous fault, Honoires sire,
Eufemian sanz attendre,
Pour li ceste response rendre

Qu'a fait Lipage.

Honoires

Rogier nous fera ce message:

Autre foiz l'a il fait venir.

Rogier, sanz, yous plus cy tenir,

Bien puissiez vous venir. Passez
Avant, Eufemian sire.
Mandé vous avons pour vous dire
Ce qu'avons fait. 485
Honoires

490

495

Brief, je vous diray nestre fait:
Il fault que soiez cy mardi
Et vostre filz, je le vous di,
Et voz gens telz qu'il vous plaira,
Et Lipage aussi y venra,
S'amenra sa fille Sabine
Qui est gente pucelle et digne
D'avoir a mari plus grant homme
Qu'Alexis n'est, c'est tout en somme;
Mais le vaillant homme Lipage.
Accorde et veult ce mariage

Pour l'amour de cé qu'en parlons Nous deux et que nous en meslons, Si ques ci plus ne vous tenez, Mais alez, si vous ordenez Et ne soiez pas negligens Que vostre filz, vous et voz gens Ne soiez ceens sanz demeure Avant qu'il soit de prime l'eure

5o5

Pour vostre honneur.

EUFEMIAN

Si feray je, mon chier seigneur.
Par vostre congié, sanz plus dire,
M'en vois ordener mon fait, sire,
Et ma besongne.

ARCHADÈS

510 Alez: n'avez mestier d'eslongne Ne de muser.

LIPAGE
Sabine fille, sanz ruser,
Se je vous vueil donner mari,
En arez vous le cuer marri?
Dites le moy.

515

SABINE

Sire, je ne vueil ne ne doy Desdire vostre voulenté: Ce qui vous plaist en verité Me plaist aussi.

LIPAGE

Fille, pour ce vous di cecy
Que vous ailliez sanz demourée
Attourner vous comme espousée;
Car un bon fil vaillant et sage
Huy vous prenra par mariage:

Dame serez et li seigneur.

Certes ne vous peut bien greigneur

283 d

Soufraitteux de bien enorter Et eulz d'aumosnes conforter

555

Droituriéres.

284 a

L

#### EUFRMIAN

Ce sont euvres nobles et chiéres Et plaisans a Dieu sans doubter. Ore laissons ce ci ester Et n'en soit ici plus parlé.

560 Savez vous ou il est alé?

Avoir le fault.

AGLAIS

Sire, il est alé chiez Ruffault.

L'ira l'en querre? EUFRMIAN

Oil: avoir le vueil bonne erre.

Mandez le, dame.

565 AGLATS

> Voulentiers. Rousselet, par t'ame, Vas: qu'il s'en viengne li conmande; Dy li son pére le demande

> > A voir en haste.

ROUSSELET

Ne mengeray ne pain ne paste, 570 Ne ne buvray de vin aussi, Tant que l'aray amené cy,

Ce sachiez, dame.

#### **ALEXI8**

Rousselet, ou vas tu, par t'ame? Tu vas trop malement grant pas. 575 Dy me voir, et ne me mens pas, Ou est ton erre.

ROUSSELRT

Par foy, je vous aloye querre, Sire, savez ou? chiez Ruffault.

A mon seigneur venir vous fault 58o Sanz plus ci estre.

ALEXIS

A voie donques me vueil mettre:

| SAINT ALEXIS                                                     | 301                 |
|------------------------------------------------------------------|---------------------|
| Alons, amis.                                                     |                     |
| Rousselkt                                                        |                     |
| Sire, bien a point me suis mis                                   |                     |
| A voie: Alexis ay trouvé                                         | 585                 |
| Qui s'en venoit tout abrivé                                      |                     |
| Par de deça.                                                     |                     |
| Eufemian                                                         |                     |
| C'est bien fait. Alexis, or ça,                                  |                     |
| A vous vueil parler de conseil                                   |                     |
| Et m'entente dire vous vueil:                                    | 590                 |
| N'y vueilliez mie varier.                                        |                     |
| Biau filz, je vous vueil marier,                                 |                     |
| Non mie moy tant seulement,                                      |                     |
| Mais les empereurs vraiement                                     |                     |
| Ont fait qu'arez par mariage                                     | <b>5</b> 9 <b>5</b> |
| Qui? la fille sire Lipage,                                       |                     |
| Qui ne vous doit pas estre grief,                                |                     |
| Si que, biaux filx Alexis, brief<br>Ens avec moy vous en venrez, |                     |
| En la chappelle espouserez                                       | 600                 |
| Des empereurs la damoyselle,                                     | 000                 |
| Qui est fille plaisant et bele                                   |                     |
| Et bonne aussi.                                                  |                     |
| ALEXIS                                                           |                     |
| Mon chier pére, s'il est ainsi                                   |                     |
| Com vous me dites, je m'acors                                    | 605                 |
| A acomplir touz voz accors                                       |                     |
| De point en point.                                               |                     |
| Eufemian                                                         |                     |
| Bien. Sanz plus ici estre point,                                 |                     |
| La derriéres nous en alons.                                      |                     |
| Dame, suivez nous aux talons,                                    | 610                 |
| Et vous li faites compagnie,                                     |                     |
|                                                                  |                     |

Vous qui estes de ma mesnie, Sanz le plus dire.

#### CONNESTABLE

Nous le ferons voulentiers, sire;

615

Alez devant.

Alons donc nous deux. Or avant : Tenons nous l'un de l'autre près ; Ma mesnie et ma femme après Nous deux venront.

ALEXIS

620

Je tien que voirement feront. Alons touzjours.

284 c

LIPAGE

Sabine, longs est li sejours Que faisons de nous en aler. Estes vous preste? A brief parler,

625

Dites le moy.

Oil, chier sire, en bonne foy, Il a ja piéce.

LIPAGE

Sa donc, que ja ne vous meschiéce, Venez vous ent.

SABINE

63o

Sire, a vostre commandement, Mais de ma robe couverray Ma teste, tant que je venray En la chambre dont partiray A l'eure qu'espouser iray,

635

C'est mon entente.

LIPAGE

Bien soit. Alons men sanz attente; Je vous menray.

SABINE

Mon pére, faire vous lairay Vostre vouloir.

Certainement.

EUFEMIAN
Or sus; a ce conmencement

Faites nous aler tout le pas,

Seigneurs, et ne nous hastez pas

Trop tost d'aler.

ROUSSELET

N'appartient pas a brief parler Si tost d'assez.

LIPAGE

Je seray maishuy touz lassez

De dancer. Reposer me vueil;

De ceste jambe cy me dueil

Trop malement.

AGLAIS

Sabine, je vueil vraiement Que plus ici ne vous tegniez, Mais qu'en vostre chambre vegniez Vous reposer.

SABINE

Dame, je ne vueil opposer Riens qui soit contre vostre vueil, Mais tout ce que voulez je vueil Sanz contredit.

Sanz contredit

AGLAIS

Alons men, puis que je l'ay dit : En vostre chambre vous menray. 285 a

Ore, fille, je vous diray: Coiement ici vous tenrez. Je vois hors; mais ci me rarez

Tantost, m'amie.

SABINE

Je vous pri, ne demourez mie, Ma chiére dame.

AGLAIS

N'en doubtez : en l'eure, par m'ame, Revenray ci.

690

680

685

695

#### EUFRMIAN

Biau filz, je te vueil dire ainsi:
De plus ci danser ne t'envoises;
Je vueil qu'en ta chambre t'en voises
Reposer avecques ta femme;
Ce te loit faire sanz diffame,

700

Mais est raison.

#### ALEXIS

Chier pére, puis qu'il est saison D'aler couchier, com vous me dites, Obeir vueil pour estre en quittes.

705

A Dieu! g'y vois.

EUFRMIAN

Ne te fault ore nuls convois Avoir, n'aussi n'appartient pas. A Dieu! de ça m'en vois le pas En mon manoir. , . -

#### ALEXIS

Et je, sanz plus ci remanoir, Droit en ma chambre m'en iray Savoir mon que g'y trouveray: En ce ne cuit mesprenre point.

710

Esgar! estes vous en ce point Qu'avecques vous n'avez nulle amé, Mais estes toute seule, dame,

715

A ce que voy?

#### SABINE

Vostre mére estoit avec moy, Sire, qui va hors tout en l'eure, Mais ne fera point de demeure Oue ne reviengne.

720

# ALEXIS

Suer, plaise vous qu'il vous souviengne De ce que je vous vueil ci dire, Et ne le prenez mie a ire,

T. VII

285b

740

745

| 725 . | Ma chiére amie.                |
|-------|--------------------------------|
| •     | Sabine                         |
|       | Sire, de ce ne doubtez mie,    |
|       | Que ja ne m'en courrouceray,   |
|       | Car j'espoir telle chose orray |
|       | Qui a mon grant prouffit sera  |
| 730   | Si dites ce qui vous plaira    |
| , -   | Seurement.                     |

# ALEXIS Je vous doing cest enseignement

Qu'en la paour Dieu vous teigniez Et en touz voz faiz le craingniez. Par ce point vous fuirez les vices, Par ce point harrez les delices, Ne ne priserez riens le monde, Mais direz que quanque y habonde N'est que decepte et que falace Et qui l'ame en pechié enlace,

SABINE

Si direz voir.

Sire, j'espère que savoir
Me ferez par vostre bonté
Ce qui m'est de neccessité
A faire pour mon sauvement,
Et je vous promet loyaument
De bonne voulenté feray
Le bien que de vous apprenray
Toute ma vie.

#### ALREIS

750 Ha! suer, s'il vous pouoit envie
Prendre de vouloir regarder
Conment virginité garder
Peussez tant qu'avez a vivre,
Ne pourriez, voir, en plus biau livre
Lire, ne de plus grant merite,
Pour quoy virginitez est dite

SAINT ALEXIS

Æ

285 €

307

Loing de vous par quelque escheance, Que ces choses ci souvenance Et memoire de moy vous doingnent, Dont noz cuers en amours conjoingnent, Et Dieux, quant ainsi nous verra Entramer, avec nous sera. 285 d Couchiez vous, tandis que g'iray Un po la hors ou affaire ay. Pensez de vous desatourner,

800

795

Car m'entente est de retourner Tantost aussi.

SABINE

Mais qu'il me viengne ayde cy, J'aray tost fait.

#### ALEXIS

Doulx Jhesus; pour t'amour un fait Vueil emprendre, puis que suis hors 8o5 De m'espouse, c'est que mon corps Vueil matir conme penancier Et ce pais du tout laissier Et aler en estrange terre Conme pelerin, pour acquerre 810 T'amour, se je la puis avoir. Amis, parens, femme et avoir Dès maintenant tout laisseray. Cy endroit plus ne demourray; 815 Aler m'en vueil par ce chemin. Sire, qui es bontez sanz fin, Qui des pecheurs les justes fais, Qui des conmançans les bons fais Faiz prouffitans et si fenir 820 Que parfaiz les faiz devenir. Par ceste vie, sire, humaine Telement et si mon corps maine Que de nul cogneu ne soie,

|       | SAINT ALEKIS                                                                                  | 309 |
|-------|-----------------------------------------------------------------------------------------------|-----|
|       | Ja soit ce qu'assez on me voie<br>Et aussi c'on m'oie parler.<br>Certes de cy m'en vueil aler | 825 |
|       | Droit a la cité de Magine,                                                                    |     |
| . •   | Veoir le sepulcre si digne                                                                    |     |
| . : : | C'on tient et dit par toute Romme                                                             |     |
|       | Qu'onques ne fu fait de main d'omme,                                                          | 830 |
|       | Ainçois le donna Diex au roy                                                                  | •   |
|       | Gabaron pour son bon arroy.  La m'en vois, ne ne fineray                                      |     |
|       | Jusques a tant que g'i seray,                                                                 |     |
| 86 a  | Mais qu'a Dieu plaise.                                                                        | 835 |
| 00 a  | mais qu'a Dieu plaise.                                                                        | 033 |
|       | Aglais                                                                                        |     |
|       | Or ça, je vien, ne vous deplaise.                                                             |     |
|       | Fille, avez touzjours ici sis?                                                                |     |
|       | N'est point ci venuz Alexis                                                                   |     |
| •     | Vous visiter?                                                                                 |     |
|       | Sabine                                                                                        |     |
|       | Si est, ma dame, sanz doubter,                                                                | 840 |
|       | Mais sachiez tantost se parti                                                                 |     |
|       | Et d'avec moy se departi                                                                      | •   |
|       | Et s'en ala.                                                                                  |     |
|       | AGLAIS                                                                                        |     |
|       | Ne vous ne savez s'il parla                                                                   | 0.5 |
|       | Point a son pére?                                                                             | 845 |
|       | Sabine                                                                                        |     |
|       | Non, dame, foy que doy saint Pére,                                                            |     |
|       | Ce ne scé pas.<br>Aglais                                                                      |     |
|       | Je vois savoir ysnel le pas                                                                   |     |
|       | Se son pére l'a retenu,                                                                       |     |
|       | Ne qu'il peut estre devenu.                                                                   | 85o |
|       | 110 da it beat come actions.                                                                  |     |
|       | Dites, sire, se Dieu vous doint                                                               | ٠   |
| •     | Bonne joie, savez vous point                                                                  |     |
|       |                                                                                               |     |

860

865

875

286 b

Ou Alexis nostre filz est? A couchier maishui trop se met Avec sa femme. EUFRHIAN Conment! n'est il pas couchié, dame? Pour certain vous puis affichier Depuis que l'envoyay couchier Et qu'il y aloit, ce me dit, Je feusse alé sanz contredit Tout a loisir et a mon erre, Ce m'est vis, deux milles de terre, Ou l'avenant. AGLAIS Sire, j'en vien toute venant: N'y a ne vallet ne meschine En la chambre avecques Sabine Qu'elle sanz plus. EUFRMIAN N'aray pas les piez si emplus

Que je ne voise jusqu'a elle.

870 Belle fille, quelle nouvelle?
Pour Dieu, dites moy verité.
N'a point ci Alexis esté
Avecques vous?

Sabine Si a certes, mon seigneur doulx,

Esté y a. Eufenian

Et vous dist il, quant s'en ala, Ou il aloit?

Sabine
Non, mais me dist que revenroit
Tantost et que je me couchasse.

880 Ne parti puis de ceste place Pour li attendre.

890

8q5

900

905

### EUFEMIAN

Il pourra bien par temps mesprendre, Puis que tant demeure a venir. Sanz moy plus ci endroit tenir. Mes gons vois par tout envoier

Et de le querir avoier,

Ains que je fine.

#### AGLAIS

Je ne vous lairay pas, Sabine: Avecques vous cy demourray Jusques a ce que dire orray

De li nouvelle.

### EUFRMIAN

Or tost, seigneurs, a voie isnelle Vous mettez et sanz delaiance D'aler par tout ou congnoissance Savez que mon filz peut avoir, Et mettez paine de savoir Quelle part il est a ceste heure, Car je vous dy bien sa demeure Si me deplaist.

#### CONNESTABLE

# 286 c

Je vois faire, sire, s'ou plait, Ce qui vous plaist moy conmander Et en tans lieux le demander Que de li nouvelles orray, Ou certainement je diray

Que perduz est.

ROUSSELET

Connestable, a chemin te met Par cy; je de ça tourneray Et demander aussi l'iray

A ses amis.

#### EUFEMIAN

Ou se peut il ore estre mis?

910

920

925

930

935

940

286 d

Sanz doubte j'en ay grant merveille: N'ay pas apris que si tart veille. Ne say se revenuz est ore Vers sa femme. G'i vois encore Savoir mon ou tant s'est tenuz.

Je revien. Est il point venuz? Dites moy, femme.

- AGLAIS

Lasse! lasse! nanil, par m'ame. Onques mais n'o paour greigneur De li qu'ay ore, mon seigneur.

Que ferons nous?

EUFEMIAN
Par amour, dame, souffrez vous;

N'iert pas longuement que n'aviengne Qu'aucun de ma gent ci ne viengne, Qui l'ara espoir en esbat Trouvé, si sarons ou s'esbat, Ou espoir le ramenra ci,

Par quoy serons hors de soussi, Voire, et de doubte.

CONNESTABLE

Dieux gart la compagnie toute Que je ci voy!

EUFENIAN

Bien veignant! or ça, par ta foy, Qu'as tu trouvé?

CONNESTABLE

Je me sui d'aler esprouvé
Tant qu'ay esté, si m'aist Diex,
En plus, je croy, de trente lieux,
Si ay je de quarante et huit;
Mais trouvé n'ay un qui annuit
M'ait dit que vers li soit alé,
Ne qu'il ait point a li parlé

## Ne li ven.

## EUFERIAN .

Par foy, bien sommes deceu, Qui n'en pouons nouvelle oir. Tel courronz en ay qu'esjoir

Mon cuer ne puis.

945

950

955

970

## ROUSSELET

Mon seigneur, dites, vint il puis? A brief, il n'est personne, sire, Qui de li me sache riens dire Ne l'enseignier.

EUFEMIAN

E! Diex, je me doy bien seignier.
Esbahiz sui trop malement,
Quant de mon filz avenamment
Nouvelles n'oy.

SABINE

Savez qu'il est ? a ce que voy,
Et par le parler qu'il m'a dit,
Tenez de vray, sanz contredit,
Que plus au monde ne veult estre,
Mais s'en va en penance mettre
En lieu estrange.

AGLAIS

De plaindre Alexis mon enfant, Qui le cuer me part et me fent

Et encor plus mal me fera

Certes, ma joie en douleur change 960
Et en tristesce changera,
Et mon ris en pleurs muera,
S'il est ainsi que dites, fille.
Ma vie ne prise une quille;
Des yex pleureray sanz sejour; 965
Mes regrez seront nuit et jour
En amertume de penser,
Ne jamais ne voulray cesser

287 a

Con plus a venir demourra Dès ores mais.

## EUPEMIAN

Dame, deportez vous huimais,

Je vous pri, de tel marrement

Que sachiez ne puis nullement
Le dueil que faites endurer,
Ne je ne pourroie durer.
Je sui dolens et triste assez,

Si vous pri que vous vous cessez

Que plus faire dueil ne vous voie,
Car vostre dueil en dueil m'avoie

Trop grief et fort.

## AGLAIS

Lasse! ma joie et mon confort
Sont perduz. Conment me tenray
De plourer? Voir, je ne pourray,
C'est fort a faire.

# EUFENIAN.

Escontez: il le vous fault faire, Si fera il a moy aussi, Vueille ou non, puis qu'il est ainsi 990 Que ne le pouons amender. Je vous vueil ainsi demander: Avant ceste douleur amére. De vostre pére et vostre mére Ne vous passiez vous mie, 'dame? 995 Plus de vous qui estes ma femme Et vous de moy, ici pensez, Ne nous sommes nous pas passez De l'un avec l'autre jesir, Sanz faire des corps le plaisir, 1000 Depuis ce que de vous nasqui Alexis nostre filz, pour qui Maintenant ce courroux avons? Aussi mettre paine devons.

A nous l'un l'autre consbier. 1005 287 b Sanz nous si griefment doloser, Et je, sachiez, regarderay Conment miex faire le pourray. Et a tant paix! SABINE . Un mot vueil ici dire, mais 0101 Oue me vueilliez vous deux oir. N'ay mais cause de m'esjoir Ne que vous avez, ce me semble; Ottroiez moy vous deux ensemble Qu'avecques vous je demourray, 1015 Ne que jamais n'en partiray, Mais pére et mére me serez. Certes grant charité ferez, Que je vous jur je seray celle Qui seray com la turterelle 1020 Qui, quant a perdu son mari, Elle en a le cuer si marri Que depuis ne va ne ne ganche Ne ne s'assiet sur verte branche. Pour certain tout ainsi feray: 1025 Solaz mondain du tout lairay; Ne pense ailleurs mettre m'estude Qu'en mener vie en solitude, En pleurs, en veillier, et après En entrer en parfons regrez 1030 Pour celi qui ainsi me laisse. Que Dieu, par sa grace, l'adresse Et le conduie tellement Que ce soit a son sauvement Et que puissons par ses biens faiz 1035 Pardon avoir de noz meffaiz!

C'est a quoy tens.

AGLAIS

Ce qu'avez dit tresbien entens,

Et je vueil de voulenté fine
1040 Faire vostre voloir, Sabine.
D'avecques moy ne partirez
Jamais; com fille me serez,
Et je com mére vous seray
Et com fille vous garderay,
S'il vous plaist sire

S'il vous plaist, sire.

EUFEMIAN

287 C

Je ne vous vueil mie desdire, Mais m'i assens a brief et court. Ore il me fault aler a court; Entre vous deux tenez vous cy

Tant que je revienge, et aussy
De gens certains me pourverray
Qu'en plusieurs lieux envoieray
Savoir s'Alexis trouveront
Ne se nouvelles en orront.

1055 Seez vous, je m'en vois a tant; Or tost, devant moy pié battant, Vous deux, alez.

> Connestable ue dius, sire, en d

Sanz ce que plus, sire, en parlez, Si ferons nous.

#### ALEXIS

Jhesu Criz, qui est roys sur touz,
Sire, de cuer te glorify
Et de bouche te magnifi,
Qui m'as tant de grace donné
Qu'en la cité m'as amené
Dite de Magines a Romme
Et ens ou pais on la nomme

Et ens ou pais on la nomme

Et est ditte en conmun Edesse;

Et puis que g'y sui, en l'adresse

Me vueil mettre et vueil pourveoir

287 d

| D'aler le crucefiz veoir            | 1070 |
|-------------------------------------|------|
| Que Dieu fist de ses propres mains, | -    |
| Qui est, si ay sceu de mains,       |      |
| De celle abbaie ou tresor.          |      |
| Au secretain un florin d'or         |      |
| Donrray avant que je passe oultre   | 1075 |
| Et que le crucefiz me moustre.      | •    |
| Je vois savoir que pourray faire.   |      |
| Sire, ne vous vueille desplaire.    |      |
| Pourray j'a vous un mot parler      |      |
| Icy, sanz plus avant aler?          | 1080 |
| Q'en dites vous?                    |      |
| Le secretain                        |      |
| Oil, voulentiers, amis doulx:       |      |
| Que voulez dire?                    |      |
| ÁLEXIS                              |      |
| Je suis un homme estrange, sire,    |      |
| Qui vien ci par devocion.           | 1085 |
| J'ay de veoir affeccion             |      |
| Le saint crucefix que Diex fist     |      |
| Et qu'il donna, si conme on dit,    |      |
| A Gabaron pour verité;              |      |
| Si vous suppli, par charité,        | 1090 |
| Que je le voie.                     |      |
| Le secretain                        |      |
| Amis, se Diex en bien m'avoie,      |      |
| En l'eure vous le moustreray,       |      |
| Pour ç'aussi que hors a faire ay:   |      |
| Je ne vueil pas que vous tardez.    | 1095 |
| .Sa! mon chier ami, regardez.       | 3-   |
| Vez le ci tel com Dieu le fist,     |      |
| Qui onques en riens ne meffist,     |      |
| Ce puis je dire.                    |      |
| ALEXIS                              |      |
| Vezci tresnoble chose, sire,        | 1100 |
| Et plaine d'amiracion               |      |
| -                                   |      |

1115

1125

1130

288 a

Et de tresgrant devocion.

Ne me puis tenir de plourer.

Sire Diex, bien vous doy ourer,
Qui pour moy jetter hors de peine,
Endurantes mort si grevaine
Com represente ce drap cy.

Ha! sire, aiez de moy mercy,
Que par vostre peine fenie

I I I O A la gloire qu'est infenie Puisse venir.

LE SECRETAIN

Ne me puis plus ici tenir

Pour maintenant, soiez ent fis.

Amis, en sauf mon crucefiz

Vueil reporter.

ALEXIS

Sire, ne me vueil deporter

Que je ne face cy m'offrande;

Combien c'on ne la me demande,

Pour c'a faire ne la lairay:

1120 Ce fleurin ici offerray Sur cest autel.

LE SECRETAIN
Pieç'a ne vint ceens don tel,
Ce vous jur, d'omme ne de femme.
Sire, Dieu le vous rende a l'ame!
Si fera il.

ALEXIS

Ore est temps que m'en voise, oil. En voz biens faiz me reconmans, Chier sire, et a Dieu vous conmans. De ça m'en vois.

Le secretain
Ou que vous ailliez, Dieu convois,
Sire, vous soit.

| ATPY | • |
|------|---|
|      |   |

Vray Dieux, par vouloir que conçoit Mon cuer, mais a ja conceu Par ton ymage qu'ay veu, N'ay voulenté n'autre desir 1135 Mais que de faire ton plaisir; Si est mon vouloir et m'entente Que ie le face sanz attente. Conment aussi que fuz pour moy Povre, vueil povre estre pour toy, 1140 Et tout ce que j'ay departir Aux povres, afin que partir Puisse miex a t'amour avoir. Donner vueil tout ce qu'ay d'avoir A ces povres que voy ci estre. 1145 Tenez: pour Dieu le roy celestre Soit, mes amis! PREMIER POVRE Ceste aumosne que m'avez mis En la main, sire, voie Diex Et par ceste aumosne es sains cielx 1150 Mette vostre ame! DEUXIESME POVRE Celle qui royne est et dame

288 b

Sur les anges de paradis
Le parface en faiz et en dis
Conme le sien!

TROISIESME POVRE
Se voz dons sont telz com li mien,
Nous devons bien pour li prier
Devotement sanz detrier,

Chascun par soy.

PREMIER POVRE
C'est voir: pour ce, quant est de moy, 1160
Avant que nulle chose face,
Pour li me vueil en ceste place

1170

1190

288 c

Mettre a genouz.

DEUXIESME POVRE

Et j'aussi feray comme vous Certainement.

Troisiesme povre Je mesprendroie malement,

Puis que s'aumosne ay receu, Se n'en faisoie mon deu; Pour ç'a genouz me vueil ci mettre Et pour li Dieu le roy celestre De cuer prier.

ALEXIS

Encore vueil, sanz detrier, Ce povre que voy la seul estre De nouvelle aumosne repaistre,

Et vueil, pére de deité, 1175 Estre povre de voulenté, Sanz quelque chose possesser. De riens avoir me vueil cesser Ou il ait de chatel regart.

Biau frére et ami, Diex vous gart! 1180 Vous voulez vous habandonner, A moy vostre robe donner Et la moye vous donneray, Et si la vous despoulleray

Presentement? 1185

> LE POVRE SEUL Vous perderez trop malement, Sire, se vous ce change faictes: Voz draps sont et bons et honnestes Pour aler entre toute gent,

Les miens ne valent pas d'argent Nulz trois solz. Que voulez vous faire? Ne vous vueilliez pas si deffaire Com dit avez.

1215

1220

### ALREIS

Ne vous chaut, amis. Ne savez

Qui me meut que ce change passe:

N'ay de quoy certes bien vous face,

Se ne le fas par ceste voie,

Et pour ç'avant qu'ame nous voie,

Despoulliez vostre robe ci;

Je me despoulleray aussi

Sanz demourée.

LE POVRE SEUL

Puis qu'il vous plaist, sire, et agrée, Tantost me verrez despoullié. Par ce change me faites lié, Sire, de cuer.

ALEXIS

Amis, et je me jette puer
Par ce change de tout le monde,
Car je ne voy qu'il y habonde
Fors que vanité et malice,
Si que, pour eschiver tout vice,
De l'estat mondain me desmet
Et en l'estat povre me mett
Pour Dieu trouver.

LE POVRE SEUL
Sire, Diex vous y doint prouver
Tellement qu'en puissiez venir
Aux biens qui durront sanz fenir
Lassus en gloire!

## ALEXIS

Amis, je vous pri qu'en memoire
M'aiez et vueilliez Dieu requerre
Que je peusse s'amour acquerre.
Avec vous ci plus ne seray;
Quant a ore vous laisseray:
A Dieu, amis!

T. VII

LE POVRE SEUL

288 d

Le bon propos qu'en vous ha mis 1225 L'amoureux Jhesu de sa grace De bien en miex, sire, parface Par son plesir.

ALEXES

Aussi comme je ke desir Le m'acomplisse.

LE POVRE SEUL

De plus ci estre seray nice;
Maishui sanz doubte aler m'en vueil,
Et si ouverray par conseil
S'il est bon ou non que je vende
Ceste robe ou que m'en amende
De la vestir.

ALEXIS

Sire Diex, des or mais mattir Voulray par penance mon corps, Que quant par memoire recors Comment soustenis grant oultrage

1240 En croiz, si comme en ton ymage
Qu'a Gabaron donnas appert,
Le cuer me fent, mon sens se pert,
Si que je ne scé que je face.
Ha! sire Dieu, se de ta grace

Ne me confortes et repais,
Ne puis de conscience en pais
Contempler ta benignité,
Ne penser a t'umilité;
Mais, sire, j'ay ceste esperance

Que, puis que j'ay en toy fiance,
Tu m'acompliras mon desir;
Et je, pour faire ton plaisir,
Dès ores mais pe me quier mettre

Dès ores mais ne me quier mettre Ne herbergier ailleurs qu'en l'aittre

1255 De l'eglise sainte Marie.

1285

289 a

La vueil j'estre toute ma vie, Plus près que pourray de l'eglise Pour oir le divin servise. Je vois veoir ou miex pourray Place avoir. Ici me tenray 1260 Dès ores mais, biau sire Diex, Pour t'amour toy servant le miex Que pourray, mais que ne m'encombre Sathan, et me feray du nombre ' Des povres pour ma vie avoir, 1265 Ne quier amasser autre avoir; Et après, quant ma vie aray, Se j'ay plus, pour Dieu le donrray. Sire, a terre me vueil plessier Et a toy servir conmencier 1270

EUFEMIAN

Biaux seigneurs, or tost, ralons ment:

Il en est temps.

Devotement.

ROUSSELET
Sire, nous ferons sanz contens

Vostre plaisir.

CONNESTABLE

Qu'a vostre hostel soions desir,

Sire, par m'ame.

Eufemian

Je metteray que plourez, dame,
Pour ce que venir me veez.
Je vous pri que vous en tenez,
Que pour certain trop mal me faites.
Connestable, fay, si t'affaites:
Vas me querre Huchon le fort,
Et toy, Rousselet, sanz deport,

Vaz me tost, sanz toy plus tenir,

Musehault faire ci venir.

1300

Or faites brief.

CONNESTABLE

Ce conmant ne tieng point a grief,

Sire: g'i vois.

ROUSSELET

Se demourer devoie un mois, 1290 Cy endroit ne retourneray Jusqu'a tant que je l'amenray

Avecques moy.

CONNESTABLE

Bien a point te truis et te voy,

Huchon: fais, si t'en vien bonne erre; 289 b

Mon seigneur si t'envoie querre,

Je te dy bien.

Huchon

Pour certain, Connestable, tien Que g'y vois, puis qu'il me demande, Et si saray pour quoy me mande.

Amis, alons.

CONNESTABLE

Mon seigneur, j'ay tant des talons Alé que j'ay Huchon trouvé Et l'ay avec moy amené;

Vez le ci, sire.

1305 HUCHON

Sire, vous plaira il moy dire

Oue me voulez?

EUFEMIAN

Huchon, je sui si adolez Que je ne sçay que je feray.

1310 Oil, tantost le vous diray, Mais que Musehault soit ici

Venuz, que j'ay mandé aussi

Pour ceste chose.

289 c

## Huchon

N'est pas m'entente que propose Rien qui soit, sire, en verité Encontre vostre voulenté. Tant qu'il soit venuz vous passez; Je l'attenderay, sire, assez,

1315

N'en aiez doubte.

EUFEMIAN

Je tien qu'il ne demourra goute Que ci ne viengne. 1320

Huchon

Bien est, sire; aviengne qu'aviengne, Je l'attendray.

## ROUSSELET

Musehault, je ne vous perdray
Maishuy, puis que vous ay trouvé;
En tant de lieux vous ay rouvé
Que je ne savoie ou aler.
Venez a mon seigneur parler

1325

Venez a mon seigneur parler Isnellement.

MUSEHAULT

Voulentiers, amis, bonnement:

t 330

Me demande il?

ROUSSELET

S'il vous demande? voir, oil; Alons bonne erre.

# MUSEHAULT

Pour vostre amour et grace acquerre, Chier sire, qui me demandez, Suis je cy venu. Conmandez

1335

Ce qui vous plaist.

EUFEMIAN

Je le vous diray a court plait, Huchon amis: entendez ci.

| 1340 | Seigneurs, sachiez il m'est ainsi:      | •     |
|------|-----------------------------------------|-------|
|      | J'ay mon filz Alexis perdu,             |       |
|      | Dont le cuer ay si esperdu              |       |
|      | Que je ne scé que faire doie.           |       |
|      | De li grant joie avoir cuidoie;         |       |
| 1345 | Pour ce l'avoie marié,                  |       |
| ·    | Las! mais il s'est si varié             |       |
|      | Que parti s'est de ce pais,             |       |
|      | Dont je sui forment esbahis,            |       |
|      | Sanz ce qu'ait a ame parlé,             |       |
| 1350 | Ne nulz ne scet ou est alé.             |       |
|      | Je tien qu'il va pour Dieu povre estre. |       |
|      | Si vous pri touz deux de vous mettre    |       |
|      | A chemin et d'aler le querre            |       |
|      | Et demander de terre en terre;          |       |
| 1355 | Et enquerez touz jours des sages        |       |
|      | Ou les plus biaux pelerinages           |       |
|      | Seront et de plus grant renom,          |       |
|      | Et des lieux retenez le nom,            |       |
|      | Et puis, seigneurs, la le querez,       |       |
| 1360 | Et j'espoir que le trouverez            |       |
|      | Plus tost ainsi certainement            |       |
|      | Que de le querir autrement.             |       |
|      | Si vous pri que chascun s'en paine;     |       |
|      | N'en detenray pas vostre paine,         |       |
| 1365 | Ja n'en doubtez.                        |       |
|      | Huchon                                  | 289 d |
|      | Quant est de moy, sire, escoutez:       |       |
|      | Je vous jur je me peneray               |       |
|      | De le trouver quanque pourray;          |       |
|      | Ne puis plus dire.                      |       |
|      | MUSEHAULT                               |       |
| 1370 | Vraiement si feray je, sire:            |       |
|      | N'en doubtez point.                     | •     |
|      | Eufenian                                |       |
|      | Seigneurs, sanz plus cy estre point,    |       |
|      |                                         |       |

| delut writing                                                                                                                                       | J# /  |
|-----------------------------------------------------------------------------------------------------------------------------------------------------|-------|
| Je vous pri, mettez vous en voie Que tart m'est qu'aler vous en voye Et chemin prendre.  HUCHON Alons men par ci sanz attendre; Chier sire, a Dieu! | 1375  |
| Eufemian                                                                                                                                            |       |
| Aler puissiez vous en tel lieu                                                                                                                      |       |
| Et tenir tel chemin et voie                                                                                                                         |       |
| Qu'encore par vous mon filz voie<br>Cy revenu !                                                                                                     | 1380  |
| Parmier povae                                                                                                                                       |       |
| Grant piéce nous sommes tenu,                                                                                                                       |       |
| Seigneurs, d'estre en pourchaz alé.                                                                                                                 | -     |
| Nous avons assez ci parlé:                                                                                                                          |       |
| Alons nous arengier et mettre                                                                                                                       | 1 385 |
| Pour demander l'aumosne en l'aittre                                                                                                                 |       |
| De nostre dame.                                                                                                                                     |       |
| DEUXIESME POVRE                                                                                                                                     |       |
| Alons, qu'il en est temps, par m'ame,                                                                                                               |       |
| Mais est passé.                                                                                                                                     |       |
| Troisiesne poure                                                                                                                                    |       |
| Egar! ce bon homme cassé                                                                                                                            | 1390  |
| A pris place ici delez nous.                                                                                                                        | _     |
| Ses oroisons dit a genouz                                                                                                                           |       |
| Et le corps a couchié a terre.                                                                                                                      |       |
| Je croy que ci l'aumosne querre                                                                                                                     |       |
| Vient conme nous.                                                                                                                                   | 1395  |
| PREMIER POVRE                                                                                                                                       |       |
| Il peut estre, mon ami doulx,                                                                                                                       |       |
| Et le peut faire.                                                                                                                                   |       |
| DEUXIESME POVRE.                                                                                                                                    |       |
| Aussi vezci venir Hilaire                                                                                                                           |       |
| Qui de demander sa pratique                                                                                                                         |       |

XL

290 a

1400 Scet miex c'onques ne fist logique Aristote.

TROISIESME POVRE

Ly? Diex! il est ci tout encoste

Ou de travers si tost a point

Qu'a aumosne avoir ne fault point,

1405 Quiconque y faille.

PREMIER POVRE

Laissons l'ester, vaille que vaille; Place preng cy.

DEUXIESME POVRE

Et je delez vous vueil aussi, Mon ami, estre.

TROISIESME POVRE

Doulx Jhesu Crist, en grace mettre
Vueilliez qui nous estrenera
Et qui s'aumosne nous donra
A touz ensemble.

Ниснои

Muschault, certes, il me semble
Que noz pas gastons et perdons.
Nous avons en tant de pardons
Esté et passé tantes illes
Et braz de mer et bonnes villes
Oue ne les sarions raconter.

1420 Et si n'est homme qui compter Nous ait sceu ne ce ne quoy D'Alexis que querons; dy moy

Que nous ferons.

MUSEHAULT

Huchon amis, nous en irons, Se me creez, de ci endroit Au moustier nostre dame droit:

> Il y a, ce raconte l'en, Grant pardon plusieurs jours en l'an.

| Saint Albris                     | 329  |
|----------------------------------|------|
| Alons y noz offrandes faire:     |      |
| En ce ne pourrons nous meffaire, | 1430 |
| Et peut estre, quant la venrons, |      |
| Que ce que querons trouverons    |      |
| Ou en my voye.                   |      |
| Ниснон                           |      |
| E! Diex, que j'aroye grant joie! |      |
| Amis, Dieu vous en vueille oir!  | 1435 |
| Ceste parole resjoir             |      |
| Le cuer m'a fait.                |      |
| Musehault                        |      |
| Alons men au moustier de fait,   |      |
| Huchon, et soions diligens       |      |
| De regarder qu'entre les gens    | 1440 |
| Que verrons estans ou assis      |      |
| Ou alans ne soit Alexis,         |      |
| Je le conseil.                   |      |
| Ниснон                           |      |
| Je le pense ainsi et le vueil,   |      |
| Musehault, faire.                | 1445 |
| Museh ault                       |      |
| Il ne se sara si deffaire        |      |
| Que se son visage veons,         |      |
| Qu'en l'eure ne le congnoissons  |      |
| Et vous et moy.                  |      |
| Ниснон                           | _    |
| Vous dites verité, par soy.      | 1450 |
| Alons men, alons au moustier.    | •    |
| Que Dieu de ce dont plus mestier |      |
| Avons nous vueille pourveoir     |      |
| Et nous doint Alexis veoir,      |      |
| S'il vit encore!                 | 1455 |

. HL

290 b

MUSEHAULT
Puis que sommes au moustier, ore
A genoulz cy de cuer disons

1465

1480

1485

Devotement noz oroisons. J'ay fait. Pour le pardon gangnier Met a l'euvre cest gros denier Sur cest autel.

Нусном

Muschault, je vueil faire autel Com fait avez.

MUSEHAULT

290 C

Si ferez ce que vous devez, Et si le vous rendera Dieux A double, ce sachiez, mais miex Que sohaidier ne le sarez, Et quant plus mestier en arez; Ainsi le tien.

Ниснои

Ceste parole croy je bien: 1470 Il ne m'en fault ja plus parler. A ces povres gens vueil aler Et leur donray de mon argent. Tenez pour Dieu, ma bonne gent. A toy premier commenceray, 1475

Et puis de renc a vous yray; Ne vous mouvez.

PREMIER POVRE

Celi pour qui vous me donnez Et faittes, sire, ceste aumosne La vous vueille rendre en son throsne Lassus es cieulx.

DEUXIESME POVRE Jhesus, qui de la vierge est fiex, Qui d'espines fu coronné, Pour ce don que m'avez donné Vous doint de tout pechié victoire Et es cieulx couronne de gloire En la parfin.

290 d

| Troisiesne povré                     |       |
|--------------------------------------|-------|
| Amen! Je l'en pri de cuer fin        |       |
| Qu'il l'en souviengne.               |       |
| LE POVRE SEUL                        |       |
| Diex en sa grace vous maintiengne    | 1490  |
| Sire, touz jours et en touz lieux,   |       |
| Si que puissiez de bien en miex      |       |
| Touz jours monter.                   |       |
| Нисноп                               |       |
| Seigneurs, vueilliez me voir conter: |       |
| Cest homme qui leuc adent gist,      | 1495  |
| Qui est il, se Dieu vous aist?       |       |
| Est il comme vous mandiant,          |       |
| Ou est il homme peneant?             |       |
| Dites le moy.                        |       |
| Premier povre                        |       |
| Nous ne savons, sire, par foy:       | 1 500 |
| Nous l'avons en ce point trouvé,     |       |
| Quant sommes ici arrivé.             |       |
| S'il est povres, n'en savons rien,   |       |
| Car de nouvel, je vous dy bien,      |       |
| Icy s'est mis.                       | 1505  |
| Нисном                               |       |
| Parlez a moy, parlez, amis,          |       |
| Je vous en pri.                      |       |
| ALEXIS                               |       |
| Sire, voulentiers, sanz detri:       |       |
| Que voulez vous?                     | \$    |
| Нисном                               | -     |
| Dites me voir, mon ami doulx,        | 1510  |
| Se pour Dieu je vous vueil du mien   |       |
| Donner, le prenderez vous bien       |       |
| Com mendiant?                        |       |
| ALEXIS                               | •     |
| Sire, quoy que m'alez diant,         | 1515  |
| Povre sui et povre vueil estre       | 1313  |

1525

1530

Et pour l'amour du roy celestre Vueil je si povre devenir Qu'avoir ne vueil riens ne tenir Oultre ma vie, et quant j'aray Riens oultre, pour Dieu le donray, Je vous promet.

HUCHON

Puis que vostre vouloir tel est, Amis, c'est noble povreté; Je vous doing, c'est ma voulenté, Tout cest argent. Amis, tenez: Pour Dieu soit, et vous le prenez Pour Dieu aussi.

## ALEXIS

Celi pour qui me faites cy Ceste aumosne la vous merisse, Qui de tout pechié vous garisse Et vous mette en sa compagnie, Quoy que je ne l'aie gangnie, Ne n'en sui digne.

MUSEHAULT

Estre me semblés un benigne

1535 Homme et de grant devocion,
Amis, et d'umble affeccion.
Autre chose je n'en diray,
Et pour ç'aumosne vous feray.
Tenez pour Dieu ce que vous doing,
Et vous en aidiez au besoing,
Quant vous venra.

## ALEXIS

Sire, Diex qui nous jugera
Quant venra la fin de ce monde
Vous face si pur et si monde
De tout vice et si nett et quitte
Que vostre ame en sa gloire habite
Sanz finement.

2914

1545

291 b

## HUCHON

Or sus, Musehault, alons ment; Il en est temps par verité: Nous avons ci grant piéce esté.

1550

Amis, a Dieu!

#### ALEXIS

Alez. Dieu vous conduie au lieu Sains des corps ou vous voulriez estre. Biaux sire Diex, pére celestre, Debonnaire et misericors, ı 555 A toy loer est mes accors, Et je doy bien a ce fait tendre: Tu m'as souffert l'aumosne prendre De mes propres gens, qui veu M'ont bien et ne m'ont cogneu, 1560 Teue mercy.

## MUSRHAULT

Huchon, ou irons nous de cy? En tant de lieux avons esté Que je ne scé, par verité, Ou mais aillons.

1565

## HUCHON

Muschault, nous nous traveillons Et si grevons en vain noz corps. Sanz plus avant aler m'acors Qu'errière a Romme retournons Et par ce chemin ci tournons Oui est la voie.

1570

# MUSEHAULT

Il me plaist bien, se Dieu me voie. Puis que nous ne le trouvons pas, Alons men a Romme bon pas: C'est nostre miex.

t 57**5** 

# Huchon .

Vous dites voir, si m'aist Diex. Or avant donc, sanz plus parler,

Ne pensons que de tost aler Tant qu'i soions.

MUSEHAULT

1580 D'errer, tant que les murs voions, Ne fineray.

HUCHON

Compains, et j'aussi ne feray Certainement.

Alexis

De ce qu'ay plus habondanment

1585 D'aumosnes que je n'ay besoing,
Seigneurs, pour l'amour Dieu vous doing.
N'ayez point contre moy d'envie,
Car se j'ay plus que pour ma vie,
Certes pas ne le retenray:

1590 A vous ou autre le donray Sanz point d'atente.

DETRIBUTE POVRE
Dieu vous parface en ceste entente,
Sire, qui s'amour si vous doint
Que touz voz messaiz vous pardoint

Conme il peut faire.

ALEXIS

J'ay grant doubtance de meffaire,
Si m'en revois, seigneurs, arriére
En ma place illeuques derriére
Prier mon Dieu ains qu'ailleurs aille.

1600 Dame des cieulx, quoy que po vaille 291
Mon povre et las chetif de corps,
Recevez en gré les recors
Que mon cuer de voiz et de bouche
Vous presente ci, car reprouche
1605 De honte ne de vitupére
Ne peut venir a qui se pére
De vous amer, craindre et servir.
Dame, donnés moy desservir

291 d

| L'amour vostre filz vous servant |      |
|----------------------------------|------|
| Si qu'il me vueille pour servant | 1610 |
| Recongnoîstre en faiz et en diz  |      |
| Et recevoir en paradis           |      |
| Ou si haultement estes mise,     |      |
| Temple de foy, ou sainte eglise  |      |
| Prent pour repaistre humanité    | 1615 |
| Nourreture et solempnité         |      |
| D'amour qui onc ne varia,        |      |
| Fleur de foy, ave Maria,         | •    |
| Plaine de grace.                 |      |

# MUSEHAULT

Huchon, tant avons, la Dieu grace, Erré que nous entrons en Romme. Ains qu'a femme parlons n'a home, Alons nous ent de ci endroit A Eufemian tout droit

Premier parler. 1625

Musehault, soit. Pensons d'aler Sanz tarder point.

MUSEHAULT

Je le voy la, c'est bien a point. Devant li presenter me vois.

Sire Eufemian, li roys

Des cieulx, de terre et de nature,

Qui crea toute creature,

Vous esleesse.

## EUFEMIAN

Bien vegniez touz deux. Or ça, qu'est ce?

Me ferez vous de voir entendre

1635

De mon filz chose ou puisse prendre

Leesce aucune?

# Huchon

A brief, chier sire, il n'est nesune Nouvelle qu'en puissons avoir.

1640 Si avons nous, sachiez de voir, Esté, ce n'est pas moquerie, Jusqu'en la terre de Cirie, N'en doubtez pas.

MUSEHAULT

Certes, gasté avons de pas Moult grant quantité, ce scet Diex, 1645 Et l'avons a jounes et viex Demandé, mais c'est pour nient, sire; N'est nul qui nous ait sceu dire De li nouvelle.

## EUFRMIAN

1650 E! Diex, tant va pis ma querelle. Or voy je bien que c'est acertes. Toutes douleurs me sont appertes; Leesce me laisse et s'en fuit Et a mon cuer tristeur affuit 1655

Et pleurs et plains.

## AGLAIS

Sire, pour Dieu, se je me plains, Ne vous en alez merveillant, Car en dormant et en veillant Ne sera pour chose qu'aviengne

Que touz jours ne le pleure et plaingne; 1660 Pour quoy? c'estoit toute ma joie: Aussi tost com je le veoie, Mon cuer si joieux devenoit

> Que riens entour lui ne sentoit Fors que leesce.

1665

EUFEMIAN Or vous deportez, dame : qu'est ce? Souffrir vous en convient huimais. Seigneurs, ralons men au palais;

| ХĻ    | SAINT ALEXIS                         | 337  |
|-------|--------------------------------------|------|
|       | Estre m'y fault.                     |      |
|       | . Connestable                        |      |
|       | Sire, si irons sanz deffault         | 1670 |
| 292 a | Avecques vous.                       |      |
|       | Sabine                               |      |
|       | Sire, alez de par Dieu, et nous      |      |
|       | Deux femmes ici demourrons           |      |
|       | Ensemble et vous attenderons         |      |
|       | Jusqu'au retour.                     | 1675 |
|       | Secretain                            |      |
|       | J'ay fait un peu trop de demour,     |      |
|       | Que n'ay pas mes matines dites;      |      |
|       | Mais afin que j'en soie quittes,     |      |
|       | Pour les dire vueil ci mon livre     |      |
|       | Attaindre, afin que m'en delivre,    | 1680 |
|       | Et moy seoir.                        |      |
|       | Dieu                                 |      |
|       | A faire vous doit bien seoir,        |      |
|       | Non pas de voulenté amére,           |      |
|       | Ce que je vous vueil dire, mére.     |      |
|       | En cel angle la voy assis            | 1685 |
|       | Un nostre servant, Alexis,           |      |
|       | Qui la s'est tenuz si long temps     |      |
|       | Qu'esté y a dis et set ans,          |      |
|       | Pour nous servir plus humblement     |      |
|       | Et de cuer plus devotement;          | 1690 |
|       | Et combien que la soit venuz,        |      |
|       | Si s'est il encore tenuz,            |      |
|       | Et tient, tant est doulx et benigne, |      |
|       | Qu'il n'est pas souffisant ne digne  |      |
|       | Qu'en l'eglise doie entrer n'estre.  | 169  |
|       | Si vueil que pour li dedans mettre   |      |

1715

1720

Ailliez dire a ce secretain Qu'il l'i amaine par la main, Que je le vueil.

NOSTRE DAME

1700 Filz, je vueil faire vostre vueil.

Anges, faites moy compagnie

Et chantez de voulenté lie

Moy convoiant.

GABRIEL

Nous le ferons de cuer joiant,
1705 Puis qu'il vous plaist, dame des cieulx.
Avant, Michiel: disons le miex
Que nous sarons sanz faire oiseuse.

RONDEL

Servir, vierge glorieuse,
Vous doit on en loyauté
De benigne voulenté
Et de pensée joieuse
Esdrecée en verité;
Servir, vierge glorieuse,
Vous doit on en loyauté,
Car, dame, en vo precieuse
Char Dieu prist humanité
Qu'il conjoint a deité.

NOSTRE DAME

Secretain, il est verité
Qu'il a la dehors un saint homme
Qui est bien digne, c'est en somme,
Du royaume des cieulx avoir.
S'oroison est, sachiez de voir,
Oye es cieulx, ce te propose,
Et li sains esperiz repose

1725 En son cuer souvent et repaire.
Plus, la biauté de son viaire
En paradis aussi reluit
Com soleil qui sur terre luit.

| SAINT ALEXIS                        | 339  |
|-------------------------------------|------|
| Va, si le quier et si te paines     |      |
| Qu'en ceste eglise ci l'amaines;    | 1730 |
| Dieu le te mande.                   |      |
| Le secretain                        |      |
| Ne vous soit grief se je demande,   |      |
| Dame, conment le trouveray,         |      |
| Car congnoistre ne le saray         |      |
| Se n'ay de li aucune enseigne       | 1735 |
| Ou que qui que soit le m'enseigne;  | •    |
| Si vous pri, dame debonnaire,       |      |
| Vueilliez me ceste grace faire      |      |
| Que me vueilliez dire conment       |      |
| Le trouveray, car autrement         | 1740 |
| Ne saroie a qui assener             | • •  |
| N'en ce moustier qui amener         |      |
| Avecques moy.                       |      |
| Nostre Dame                         |      |
| Secretain, pour ce que je voy       |      |
| Que vouloir as d'obeissance,        | 1745 |
| Je t'en vueil donner congnoissance: | • •  |
| Le plus prouchain que trouveras     |      |
| De l'eglise, quant ysteras,         |      |
| C'est celi, ce te dy pour voir,     |      |
| Que tu demandes a savoir.           | 1750 |
| Quant nous serons de ci partiz,     | •    |
| D'aler le querre t'appartiz;        |      |
| Plus ne t'en diray. Ore a Dieu!     |      |
| Raions nous en en nostre lieu:      |      |
| Passez, Michiel.                    | 1755 |
| MICHIEL                             | •    |
| Glorieuse dame du ciel,             |      |
| Voulentiers. Avant, Gabriel:        |      |
| En alant soit nostre rondel         |      |
| Dit a voiz melodieuse.              |      |
| RONDEL                              |      |
| Car, dame, en vo precieuse          | 1760 |
| • • •                               | •    |

292 C

292 d

Char prist Diex humanité
Qu'il conjoint a deité.
Servir, vierge glorieuse,
Vous doit on en loyauté
De benigne voulenté.

1765

SECRETAIN
Estre me fault entalenté
D'aler ce saint preudomme querre.
Je croy que le voy luec a terre

Je croy que le voy luec a terre Ou il s'est en oroisons mis. Vostre main me bailliez, amis:

En l'eglise avec moy venrez. Vous plaira il que me direz Sire, puis que nous sommes ci, Ou vous fustes nez et aussi

1775

1785

1770

De quelle gent?
ALEXIS

De mon estre si diligent Enquerir, sire, ne vous chaille. Un povre pecheur sui sanz faille, A brief compter.

SECRETAIN

Non estes, amis, sanz doubter:
N'omme pecheur ne povre n'estes,
Mais un saint corps digne et honnestes

Que Diex a chier.

PREMIER BOURGOIS

Qu'est ce? Vous vient il empeschier

Ne destourber vostre service?

Je le tenroie a fol et nice,

S'il le faisoit.

DEUXIESME BOURGOIS

Je ne scé se rien vous disoit

Qui vous despleust, secretain;

Dites le nous et pour certain

Devant vous tant le baterons

Pére des cieulx, puis que me voy Estre seul ici sanz convoy

Et que j'oy dire c'on me nomme

1820

XL

293 a

Un saint homme et un saint preudomme, Ce nom ne vueil point acepter, Mais m'en vueil aler sanz doubter Si loin, que se je sui veuz, N'y seray je point cogneuz. Je ne vueil pas par moy aherdre A vanité ma bonté perdre; Pour ce m'en vueil en Tarce aler. A ce marinier vois parler,

1830 A ce marinier vois parler,
Savoir que du mien li donray
Et par li menez y seray.

Sire, Dieu vous gart de mal! Dites,
Dites moy, pour les Dieu merites,
Me voulrez vous en bonne foy,
Satisfier vous en voulroy,
Mener en Tarce la cité?
Je sui celui, par verité,
Qui vous en voulray bien paier,
1840 De ce ne vous fault esmaier,

Se m'y menez.

LE MARINIER
Amis, en ce batel venez;
Je vous meneray voulentiers;
Entrez ens, et endementiers

1845 Mon harnois a point metteray
Et mon voille aussi tenderay.
C'est fait: ne nous fault que mouvoir;
Nous avons assez bon vent, voir,
Ce vous puis dire.

ALEXIS

1850 Mouvons donc, de par nostre sire, Qui nous conduie.

LE MARINIER

Egar! ce temps se met en pluie Et le vent s'est tout au contraire 293b

Tourné, si que ne pouons traire Fors la ou mener nous vouldra. Se Dieu plaist, il ne durera

1855

Mie grantment.

ALEXIS

La voulenté premiérement De Dieu soit faitte.

LR MARINIER

Qu'est ce cy? Ce temps ne s'affaitte, Ne cest orage point ne moustre Qu'il doie encore passer oultre, Ne qu'il doie em piéce cesser, Ne nous ne pouons adresser A ce que nous puissons venir

1865

1860

A ce que nous puissons venir
Au chemin de Tarce tenir,
Mais alons ce devant derriére.
Vezci du Toivre la riviére;
Tenez pour certain, biau preudomme,
Descendre vous convient a Romme:
Cest orage est trop malement

1870

Cest orage est trop malement Divers et dure longuement, Vous le veés.

ALEXIS

Puis que le chemin deveez M'est, qu'en Tarse aler ne pourray, A Romme donc descenderay

Quant vous plaira.

LE MARINIER

Mon ami, maintenant sera,

Car le vent si nous y arive.

Descendez; nous sommes a rive

1880

1875

Venuz tout droit.

ALEXIS

Puis qu'il me fault ici endroit Descendre, je descenderay Et a Dieu vous conmanderay. 1885 Je voy bien que cy demouraez
Et vostre bastel garderez,
Mais je par ici tourneray,
Et sache Diex je n'enterray
En maison nulle qui m'appére
1890 Fors qu'en la maison de mon pére

293 c

Tant senlement.

# CONNESTABLE.

Maishuy ferons trop longuement, Mon seigneur, noz dames jeuner: D'aler ent nous convient pener

1895

Un po plus tost.

EUFEMIAN

Nous serons a l'ostel tantost; N'y a de voie que deux pas. Or sus, ne vous arrestez pas : Alez touz jours.

## ALEXIS

1900 Serf de Dieu, qui par mains biaux jours
Avez, si conme l'en recorde,
Fait a povres misericorde,
Sire, pour la Dieu amistié,
Aiez de moy povre pitié.

Povre sui je: ne m'estrangiez;
En vostre hostel me hebergiez,
Et me soiez si secourable
Que du relief de vostre table
Je puisse ma vie repaistre;

Que Dieu, qui de vierge volt naistre,
Vueille ta vie beneir
Et te doint encore veir
Un filz que tu as par pais
Pelerin, dont es esbahis,

1915 Et combien qu'il soit ore hors, Doulx li soit et misericors

# Le roy des cieulx! EUFEMIAN

Amis, pour l'amour de mon fieulx Que m'as ici ramenteu M'as de pitié le cuer meu. Pour s'amour te hebergeray Et en mon hostel t'enmenray. Vien t'en, vien après moy le pas :

1920

293 d

Aglais, je vien.

A heberge ne fauldras pas.

1925

AGLAIS

Je pense que vous faites bien, Sire, et est temps.

EUFEMIAN

Dites moy, dites sanz contens Lequel de vous se ventera Que cest estrange homme voulra Garder en son lit et servir? Et ie le voulray desservir Qu'il sera franc toute sa vie, Qui qu'en ait engaigne n'envie, Et avec ce li donray rente Assise en maison, c'est m'entente, Pour son salaire.

1930

1935

SERVITEUR

Sire, je n'ay pas moult a faire: S'il vous plaist, je le garderay Voulentiers et le serviray

1940

A son delit.

EUFEMIAN

Bien est. Or li vas faire un lit, Qui sera appellé grabat, Dessoubz ce degré, sanz debat, Si que quant en ma chambre iray Ou quant dehors m'en ysteray,

1945

1965

1970

1975

294 a

Que le voie tonz jours a l'ueil, Et si gardes bien, je le vueil, Que ne le courrouces en rien; Et encore te dy je bien Je vueil qu'il menjue a ma table Et que soies entremetable De li servir.

## SERVITEUR

Pour la vostre amour desservir
Quanque me conmandez feray.
Son lit en l'eure faire iray.
C'est fait; cy plus ne vous tenez,
Amis, mais couchier vous venez
Ou vous menray.

#### ALEXIS

1960 Sire, voulentiers le feray,
Car certes j'en ay grant mestier:
Ne ju plus a d'un an entier,
Sachiez, en lit.

#### SERVITRUR

Or vous couchiez cy par delit,
Amis, com voulrez, bas ou hault,
Et demandez se riens vous fault,
Et vous l'arez.

## ALEXIS

Sire, le bien que me ferez, Les suffrages et le service Et les humains faiz vous merisse Le roy de gloire.

# SERVITEUR

Se vous voulez mengier ne boire, Dites le moy.

## ALEXIS

Je ne vueil, amis, fors qu'un poy Prendre de somme.

1995

2000

### SERVITEUR

Dormez, et tantdis a un homme Vois parler a qui a faire ay: En l'eure a vous retourneray En ceste place.

ALEXIS

Allez, amis, que Diex nous face 1980 Tieulx que pour lui:

GIROT

Joscet, je te pri qu'a celui Qu'a fait mon seigneur herbergier, Alons dès ici sanz songier

Et regardons sa contenance;

1985 Car je te dy j'ay ma creance, Ce n'est q'un paillart affaittié, Qui deçoit de sa mauvaistié

Ainsi les gens par son parler.

Diligens de bien escouter Estre alons tout ce qu'il dira

Et de regarder qu'il fera Nous deux presens.

JOSCET

294 b

Tu ne diz mie quelz presens Ly porterons.

GUIOT

Raffardes que nous li dirons Et moqueries.

JOSCET

Alons men, mais que tu ne ries : Tu le verras ja tempester.

Amis, nous vous venons taster Le pous pour donner medicine. Se vous aviés une mechine, Vous sariez vous bien entremettre

De deux ventres sur un dos mettre?

2005 Oil, ce tien.

## GUIOT

Que cuides tu qu'il sceust bien Deux dez asseoir et jetter Et a un flavis mesconter Si que sa chance perderoit? Et cuides tu point qu'il saroit, 2010 S'il estoit entre gens la hors, Contrefaire le povre corps Et le cayment affaittié? Oil, si que de la pitié 2015 Qu'il feroit a la povre gent, Voulsissent ou non, leur argent Ly donroient, ce n'est pas truffe; Et si te promet qu'une buffe A une femme tost donroit Que seule ou que soit trouveroit, 2020 S'elle li estoit si rebelle Qu'il ne feist son vouloir d'elle : Je n'en doubt point.

#### JOSCET

Et ne scet il faire ce point,

Que quant en la taverne va,
S'il avient que point d'argent n'a
De quoy l'escot qu'il fera paie,
Que pour ce d'estre aise s'esmaie?
Nanil, mais boit et est tout aise,
Et puis, pour ce qu'a nul ne plaise,
Prent a rioter et debatre
Et se veult a chascuns combatre
Et crie la dedans a hors
A la fin qu'il soit bouté hors
De la taverne.

#### GUIOT

Ne doubtez qu'il ne se gouverne Bien a son eus. JOSCET

De meilleur pitence que d'euss Vous norricez, truent paillart. S'en moy en fust, par saint Lienart,

2040

Ou ce lit ici vuidissiez Ou par les costez eussiez

D'un gros baston.

GUIOT

Ici plus ne nous debaton. Alons men, car en verité

2045

Nous avons ci assez esté

Pour une foiz.

JOSCET

Ha! s'il osast, de grant bouffois Nous eust dit.

**ALEXIS** 

Sire Diex, de fait et de dit Vous glorifi en vostre throsne, Qui m'avez donné la ramposne, Le mal parler, la villenie Que m'ont dit ma propre mesnie, Sire, en pacience porter Et m'en en joie deporter; Car je congnois pour veritable

2050

2055

Ç'a esté euvre de dyable : Pour ce ligiérement m'en passe. Sire, donnez moi vostre grace

2060

Et vostre amour.

DIEU

Gabriel, va t'en sanz demour A Alexis faire savoir Qu'avecques moy le vueil avoir Et oster de ceste mondaine Vie ou il n'a eu que paine

2065

294 d

2075

2080

2085

Et si le vueil, c'est mon propos, Mettre en pardurable repos Et qu'il s'ordaine tellement C'on sache après sa mort conment Il a pour Dieu povre vesqui Et qui il est et ou nasqui Et son affaire.

GABRIEL

Pére de gloire, je vois faire Vostre vueil sanz arrestoison.

Alexis, enten ma raison: Dieu te mande que tu t'ordaines, Car en ces mesaises mondaines Ne te veult plus laissier y estre, Ains te veult en sa gloire mettre; Si soit ta vie par escript Mise, conment pour Jhesu Crist Tu t'es volu povre estre fait. Qui tu es et que tu as fait, Afin que ton renom en croisse Et que le monde te congnoisse, Qui pour toy loe Dieu aussi. Es cieulx m'en vois et te lais cy Sanz plus riens dire.

### SERVITEUR

Pour Dieu, s'ay trop demouré, sire, 2090 Qu'il me soit de vous pardonné. Acoustumé mie ne l'é, Vous le savez.

#### ALEXIS

Biau frére, ce que fait avez Je vous pardoing quant a present, 2095 Mais que me faciez un present D'une piéce de parchemin

295 a

Et d'une penne et d'enque fin : Je vueil escripre.

SERVITEUR

Et je vous en vois querre, sire:

Souffrez vous, je revien en l'eure.

Tenez, je n'ay pas fait demeure:

Versi pagne en grand et parthemis

Vezci penne, enque et parchemin Aussi blanc com ce fust vellin

Et bon et nett. 2105

ALEXIS

Mestier ay bien de tel varlet;
Encore vous vueil dire, frére,
Traiez vous un petit arrière.
Quant ceste lettre escript aray,
Tout a temps vous appelleray 2110

A ci venir.

Serviteur

Sanz moy plus ci endroit tenir Donques m'en vois.

ALEXIS

Conmencier vueil, si com la vois
M'a dit, a faire mon escript;
Et quant je l'aray tout escript,
Comme lettre le plieray
Et en ma main le retenray
Tant que Diex si ordenera
Personne a qui baillié sera.

2120
Icy escript.

Certes je l'ay fait a grant paine,
Car maladie trop me paine.
Ore c'est fait: loué soit Diex!
Mais pour le garder net et miex
Le vueil plier; miex l'en tenray.

Mon serviteur appelleray.
Venez a moy, venez, Lorens:

Vostre enque et la penne vous rens,

2145

2150

Mais ceste lettre garderay

Et ici me recoucheray 2130 Que plus n'en puis.

SERVITEUR

Je vous ayderay, sire, puis Oue vous vous sentez si grevé. Sanz raison vous estes levé:

Cavez mal fait.

2135

ALEXIS

Faire le me failloit de fait, Mon ami chier.

295 b

### HONOIRES

Sanz nous d'autre chose empeschier, Je lo que nous deux sanz sejour, Archadès sire, il est bon jour, Alons le Dieu service oir, Pour noz ames faire esjoir, Qui a saint Pierre se fera;

L'appostole aussi y sera,

C'ay je oy dire.

ARCHADÈS

Il me plaist bien, s'il vous plaist, sire; Alons bonne erre.

Honoires

Mais alons l'appostole querre Et compagnie li tenons:

Nous ferons, se nous l'i menons,

Nostre honneur grant.

ARCHADÈS

Soit donc, seigneur. Or tost, engrant Soiez entre vous deux d'aler Devant nous, a po de parler,

Jusques a l'ostel du saint pére, 2155 Et que le chemin nous appére Vuide de gens.

295C

PREMIER SERGENT De ce ferons con diligens Quanque pourrons. DEUXIESME SERGENT Il dit voir; voirement ferons. 2160 Alez arriére ! PREMIER SERGENT Se ne voulez que je vous fiére, Par amour traiez vous en sus. Vuidiez de ci, vuidiez : sus, sus! Faites nous voie. 2165 HONOIRES Saint pére, je vous desiroie Trouver ici de cuer entier. Dites, venrez vous au moustier? On dit qu'avez entencion D'y estre hui par devocion, 2170 Et nous, en l'umbre de bien faire, Vous venons compagnie faire, Mais que vueilliez. LE PAPE Je seroie mal conseilliez Se je de vous cure n'avoie: 2175 Vous me faites honneur et joie. Oil, avec vous m'en iray Maintenant, plus n'attenderay. Avant: soions d'aler ysniaux. Suivez moy, suivez, cardinaux; 2180 Ça, alons ment.

Archadès

Alez, sire, premiérement; Nous vous suivrons.

HONOIRES

L'onneur que faire vous devrons, Puis que nous sommes au moustier, Vous ferons de vouloir entier,

T. VII

2185

,2195

2200

295 d

### C'est de raison.

LE PAPE

Seigneurs, puis qu'en la Dieu maison.

Sommes, je pren ma place cy.

Vous, empereurs, faites aussi: 2190 Seez vous delez moy. Or ça,

Et vous, cardinaulx, par deça

Venez seoir.

PREMIER CARDINAL

Saint pére, de nous pourveoir

De place bien nous chevirons. Plus bas que vous cy nous serrons,

N'en doubtez pas.

DEUXIESME CARDINAL

Voire, et si los que disons bas

Noz heures tant que le dyacre,

Les cueriers et le soubzdiacre Voions cy devant l'autel estre

Venuz revestuz et le prestre;

Car par eulz se fera l'office

Solempnel et le Dieu service

Ici endroit. 2205

LE PAPE

C'est bien dit, et si avez droit De ce faire, ne vous desdy.

Ça, disons bas tierce et midy, C'est bon a faire.

L'ANGE qui dit a haulte vois :

Venez a moy pour vous reffaire, 2210 Vous qui en oroisons veilliez,

Qui estes griefment traveilliez

Et faites dure penitence, Et je vous donray alejance,

2215 Et si vous assouageray

De vos peines et vous feray.

# Avoir repos.

LE PAPE

Biau sire Diex, qu'est ce que j'os? Sire, pour ta misericorde, A nous t'apaise et te racorde.

Biaux seigneurs, avez vous oy Une voiz qui m'a esbahy

Trop malement?

ARCHADÈS

Oil, saint pére, vralement; Si tost conme je l'entendi

De paour a Dieu me rendi, Criant mercy.

HONOTRES

Certes, je m'esbahis aussi, Si qu'a po que ne me laissay Cheoir a terre, et conmençay Ma letanie lors a dire,

Mercy priant a nostre sire
D'umble courage.

PREMIER CARDINAL

Je croy qu'il n'est homme si sage Qui ne s'en doie esbahir, voir, Et grant paour au cuer avoir

S'il l'a oye.

DEUXIESME CARDINAL

296 a

Vraiement vous ne mentez mie. Je lo qu'a terre nous mettons Et par devocion jettons

Noz cuers a Dieu.

LE PAPE

Disons chascun ci en son lieu
Devotement la kyrielle,
Que c'est une oroisen moult belle

Et haulte a dire. 2245

2265

### L'ANGE

Encore de par nostre sire Vous dy que l'omme Dieu querez Et humblement li requerez Qu'il prist pour Romme.

### ARCHADÈS

2250 Saint pére, ou querrons nous cest homme?
Aidiez nous ent a conseillier,
Car ce ci fait a merveillier
Trop malement.

HONOIRES

Vous dites voir, se Diex m'ament.

2255 Saint pére, dites que ferons,
Conment, n'en quel lieu le querrons
Dès ores mais.

### LE PAPE

Alons men de cy touz huymais, Et demain nous rassemblerons Pour regarder que nous ferons De ce fait cy.

PREMIER SERGENT

C'est bien dit: alon men de cy. Nous irons le chemin faisant Devant vous touz en apaisant

Les bonnes gens.

DEUXIESME SERGENT
Estre nous en fault diligens.
Sus devant, sus, se Dieu vous voie!
Bonnes gens, faites nous cy voie:
Alez en sus.

### ALEXIS.

296 b

Je vous rens graces, doulz Jhesus,
Et loenges, c'est de raison,
Qui ci m'avez en la maison
De mon pére dis et set ans

Et parfait vous et moy, mére, ayme Et qui doulcement vous reclayme

Vueil donner confort sanz espace. Chascun de vous devant moy passe 2300

XL

**2**96 c

Ou vous menray.

Nostre Dame

Mon fil et mon Dieu, je seray

2305 De cuer quanque conmanderez.

Or sus, anges: vous chanterez

sus, anges : vous chanterez Devant nous deux.

GABRIEL

Si le fera de cuer joyeux Chascun de nous.

DIEU

2310 Or entendez: attournez vous
A aler la en ce mesnage,
Et en alant selon l'usage
De voiz angelique chantez

Chant qui de vous soit frequentez

23:5 Et bien sceu.

MICHIEL

Vraiz Diex, puis qu'il vous a pleu Le conmander, il sera fait. Gabriel, sus: disons de fait Si que n'en façons a blasmer.

RONDEL

Vray Dieu, en qui n'a point d'amer, Qui vous et vostre mére sert Pardurable gloire dessert. Pour ce vous doit chascun amer Voire en secré et en appert,

2325 Vray Diex ou il n'a point d'amer, Et dire et en terre et en mer Que nul son service ne pert Qui le met en vous, mais appert.

DIEN

Dès ore mais ce qu'a souffert

Cest homme cy mesconneu

Et les paines qu'il a eu

Et enduré pour m'amistié,

| SAINT ALEXIB                                                                                                                                                                                          | <b>35</b> 9  |
|-------------------------------------------------------------------------------------------------------------------------------------------------------------------------------------------------------|--------------|
| Au monde venront a clarté.  Anges, mettez vous en saisine De son ame, car le corps fine, Qui tellement a en ce monde Vesqu que l'ame est pure et monde Et qu'il a, tant m'a il servi,                 | 2335         |
| La gloire des cieulx desservi, Voire et vous, dame. Nostre Dame Pour ce, chier filz, en avra l'ame Repos es cieulx sanz finement Et gloire pardurablement                                             | 2340         |
| En hault degré.  GABRIEL  Vray Dieu, fait avons vostre gré: Vezcy l'ame que nous tenons, Que de ce corps querre venons; Que ferons plus?                                                              | 2345         |
| DIEU Es cieulx nous en irons, or sus, Et avec vous l'emporterez Et en alant parchanterez Vostre rondel. MICHIEL                                                                                       | 2350         |
| Nous le pardirons bien et bel. Compains, au retour nous mettons Et en alant d'accort chantons, Ce ne nous doit pas estre amer. RONDEL                                                                 | 2355         |
| Et dire et en terre et en mer<br>Que nulz son service ne pert<br>Qui le mett en vous, mais appert,<br>Vray Dieu en qui n'a point d'a<br>Qui vous et vostre mère sert<br>Pardurable gloire en dessert. | amer<br>2361 |

296 d

2380

297 a

### L'AMOR

Je vous dy a touz en appert Que cy voy estre en oroyson: Alez vous ent en la maison D'Eusemian; la querez Le saint corps, la le trouverez Certainement.

LE PAPE

Seigneurs, alons appertement
Chiez Eufemian savoir,
Qu'il ne nous cèle pas le voir
De ce saint corps.

ARCHADÈS

Saint pére, alons : je m'y accors Tresvoulentiers.

HONOIRES

2375 Si fas j': alons endementiers Qu'avons espace.

LE PAPE

Eufemian, Dieu vous face
Lié de cuer! un po nous grevez:
Le saint homme ceens avez
Que la voys nous a revelé,
Et si le nous avez celé
Sanz le nous dire.

EUFEMIAN

Je vous jur et ce scet Diex, sire,
Que je ne scé ceens personne

Qui la grace ait d'estre si bonne.
Dites moy, Lorens, le savez,
Par la foy que vous me devez,
S'il y a nul de ma mesnie
Qui ait, ne le me celez mie,

Tele grace, que Dieus tent sime.

2390 Tele grace, que Dieus tant aime, Que la voiz ami Dieu le claime

297 b

# Par toute Romme? LE SERVITEUR

Certes, sire, je ne scé homme De voz gens, ne n'ay point sceu 2395 Estre si saint. J'ay bien veu L'omme que vous me conmandastes A garder, puis que m'en chargeastes Faire ce que je vous diray, Ja de mot ne vous mentiray: Aux dimenches esconminchier. 2400 Après ne mengoit, sire chier, Le jour que deux onces de pain, Ne buvoit qu'yaue pour certain Et po la sepmaine en buvoit, Après jour ne nuit ne dormoit, 2405 Mais avoit coustume et manière Que touz jours estoit en priére : De c'estoit il moult diligens. Voir est que de voz jounes gens Plusieurs souvent si le gaboient 2410 Et de parolles l'assailloient, Mais onques ne s'en courrouçoit, N'en yre ne s'en esmouvoit, Ne n'avoit sur eulz pour c'envie. Trespassez est de ceste vie, 2415

Et n'a q'un poy.

EUFEMIAN

Ne vous deplaise, attendez moy, Mes seigneurs: en l'eure revien.

Icy va et puis revient.

Ça! j'ay trouvé, je vous dy bien, Ce que nous querons, mes seigneurs. 2420 Je vien de veoir les greigneurs Merveilles que vous pourrez croire. J'ay hebergié, c'est chose voire, En cest hostel un estrange homme;

| 2425         | Je croy n'avoit si povre a Romme<br>Comme il estoit pour celui temps,<br>Il a ja bien dis et set ans, |     |
|--------------|-------------------------------------------------------------------------------------------------------|-----|
|              | Et touz jours malade a esté;                                                                          |     |
| <b>2</b> 430 | Mors est, mais a la verité                                                                            |     |
| 3430         | Le visage a resplandissant                                                                            |     |
|              | Conme un ange et aussi luisant,                                                                       |     |
|              |                                                                                                       |     |
|              | Et si vous dy pour tout certain<br>Qu'une lettre tient en sa main                                     |     |
|              | •                                                                                                     |     |
| - 25         | Que je ne puis avoir eu                                                                               |     |
| 2435         | Pour rien que faire aie peu.                                                                          |     |
|              | De vie a esté si petite                                                                               |     |
|              | Qu'il est homme de grant merite,                                                                      |     |
|              | Je n'en doubt pas.                                                                                    |     |
|              | Archadès                                                                                              |     |
|              | Faites le mettre isnel le pas                                                                         |     |
| 2440         | En un lit qui soit attourné                                                                           |     |
|              | Richement et bien aourné;                                                                             |     |
|              | Et quant vous l'arez ainsi fait,                                                                      |     |
|              | Nous touz ensemble irons de fait                                                                      |     |
|              | Pour le veoir.                                                                                        |     |
|              | Eupemian                                                                                              |     |
| 2445         | D'un hault lit m'alez pourveoir,                                                                      |     |
|              | Rousselet, et toy, Connestable,                                                                       |     |
|              | Et si soiez entremettable                                                                             |     |
|              | De le parer miex c'on pourra;                                                                         | 297 |
|              | Et puis quant ainsi fait sera,                                                                        |     |
| 2450         | Vous coucherez ce corps dedens.                                                                       |     |
|              | Alez, si leur aidiez, Lorens,                                                                         |     |
|              | Isnellement.                                                                                          |     |
|              | Connestable                                                                                           |     |
|              | Mon seigneur, faire alons briefment                                                                   |     |
|              | Vostre plaisir.                                                                                       |     |
|              | Rousselet                                                                                             |     |
| 2455         | Quant de moy, j'en ay grant desir                                                                     |     |
| •            | Et voulenté.                                                                                          |     |

# SERVITEUR

En ce fait ci, par verité,
Devons bien chascun de cuer estre
Et a le faire la main mettre
Miex que pourrons.

2460

ROUSSBLET

Alons, alons: bien le ferons, Si com je pens. •

# CONNESTABLE

Sur son lit n'a nulz paremens:
Couvrons le de ces draps d'or cy.
Bien est; en my la sale ainsy
L'en emportons.

2465

SERVITEUR

Dit est: sus, et nous deportons En li porter.

# LE PAPE

Seigneurs, sanz nous plus deporter, Vez la le corps c'on a jus mis. Alons le veoir, mes amis, Trestouz ensemble.

2470

### HONORES

Alons: n'est que bien, ce me semble.
Sains homs, qui ci gis a honneur,
A nous deux, combien que pecheur
Soions aussi comme autres hommes,
Toutes voies empereurs sommes
Et l'appostole, vez le cy,
Y est present, qui est aussi
Pére de touz les crestiens,
Celle chartre qu'en ta main tiens,
De par Dieu nous laisses venir,
Sanz la plus si forment tenir,

2475

2480

297 d

Afin que nous puissons savoir
S'il y peut rien de toy avoir 2485

2500

Ne dont tu es, ne de quel estre. Paix, biaux seigneurs; vezci la lettre Qu'il tenoit si ferme en sa main, Qu'il m'a laissié venir a plain. Ceci n'est pas sanz grant mistére.

Dites: qui voulez vous, saint pére, Qui la vous lise?

LE PAPE

Ce cardinal, qui scet la guise De lire latin et romans.

Prenez la, je le vous commans, 2495 Si la lisiez.

> PREMIER CARDINAL Bonnes gens, je vous pri, taisiez, Et entendez, pour Jhesu Crist, Ce qu'en ceste lettre a escript. Ou nom de Dieu premiérement, Qui n'a fin ne commencement,

A ceux qui ces lettres verront Fas savoir, ou qui les orront Lire, soit ci ou autre lieu,

2505 Que j'Alexis, povre pour Dieu, Ou moustier de saint Boniface, Il a trente et quatre ans d'espace, Pris a femme par mariage Sabine, la fille Lipage,

2510 Et la propre nuit la laissay; N'onques d'errer je ne cessay, Ains pris mon chemin et m'adresse Jusqu'a la cité de Edesse. La conversay près du moustier

Nostre dame, il m'en fu mestier; 2515 La des gens l'aumosne prenoye Pour ce que mestier en avoie, Et la leur aumosne me firent Les gens mon pére qui me virent,

| 298 a | Et si croy bien qu'ilz me queroient,<br>Mais pour lors ne me congnoissoient,<br>Car Dieu sy ne le vouloit pas.<br>Je les cogneu isnel le pas, | 2520 |
|-------|-----------------------------------------------------------------------------------------------------------------------------------------------|------|
|       | Quoy que n'en feisse semblant,<br>Et pour ce m'alay d'eulx emblant.<br>Après, quant en celle cité<br>J'o par dis et set ans esté,             | 2525 |
|       | Je m'en parti, c'est chose voire, Pour la doubte de vaine gloire,                                                                             |      |
|       | Si m'en cuiday en Tarce aler;<br>Mais quant je me fu mis en mer,                                                                              | 2530 |
|       | Le vent tellement se tourna<br>Que de Tarse me destourna<br>Et m'apporta par la riviére                                                       | •    |
|       | Du Toivre cy a Romme arrière.<br>Ainsi que par la ville aloye,                                                                                | 2535 |
|       | Mon pére encontray en ma voye,<br>Si li requis, pour l'amistié                                                                                |      |
|       | De Dieu, qu'eust de moy pitié<br>Et qu'il me voulsist herbergier<br>Et de son relief a mengier                                                | 2540 |
|       | Me donnast, pour la Dieu amour,<br>Et il le me fist sanz demour.<br>Assez de foiz m'a puis veu,                                               |      |
|       | Sanz ce qu'il m'ait point cogneu.<br>Herbergié m'a dis et set ans.                                                                            | 2545 |
|       | Quant j'ay cogneu que le temps<br>Si est aprouchié de ma fin,                                                                                 | •    |
|       | J'ay enque pris et parchemin<br>Et ay tout ce fait escript, voire,<br>Pour ce que l'en en ait memoire.                                        | 2550 |
|       | Si pri qui lira ceste lettre,<br>En quoy ma vie ay sceu mettre,                                                                               |      |
|       | Qu'il prit Dieu qu'ait de moy mercy<br>Et ceulx qui l'orront dire aussi                                                                       | 2555 |

# Prient pour moy.

EUFEMIAN

E! mon tresdoulx enfant, pour quoy Avez m'ame ainsi courroucié, Ne pour quoy mon cuer adressié

Avez en si grant dueil et mis? 2560 Car je vueil que sachiez, amis, C'est a touz les jours de ma vie. Elas! je ne cuidoie mie Que de ce siecle trespassasses,

298 b

Ne que tellement t'en alasses 2565 Qu'avant ne parlasses a moy! Mais non feras; car je te voy Sanz ame en ce lit jesir mort. Filz, qui estoies le confort

Et le solaz de ma viellesce. Quelle doleur, quelle tristesce Mainray pour toy dès ore mais! Ne me puis sur piez tenir, mais

Pasmer me fault.

# AGLAIS

2575 E! bonne gent, s'en moy deffault Joie, ne vous en merveilliez. Pour Dieu, consentez et vueilliez Que je voise mon filz veoir; Car je vous puis dire pour voir, 2580

De ma vie estoit l'esperance: C'estoit m'amour et ma fiance. Pour ce, entre vous qui ci estes, Plorez avec moy et dueil faites; Car de plorer ay bien raison.

2585 Dis et set ans en ma maison. A esté et l'i ay veu, Et si ne l'ay point cogneu, Ne personne de mon hostel; Ne savoient a dire quel

298 c

Nom il avoit, ne dont venoit, 2590 Ne de quelle contrée estoit, Ne de quelx gens ne de quel estre. Ha! mon chier filz, comment peut c'estre Qu'en la maison ton propre pére, Que veoies et moy, ta mére, 2595 Chascun jour mener dueil pour toy, Tu t'es tant celé? ne pour quoy Ne nous as tu fait assavoir Ou'Alexis estoies nostre hoir? C'a esté petite amistié 2600 Qu'avoies a nous et pitié, Ce m'est avis. LE PAPE Dame, sanz faire long devis, Je voy baisié l'avez assez. Plus le baisiez, plus vous lassez: 2605 Depportez vous.

# AGLAIS

Souffrez vous, souffrez, pére doulx; Laissiez moy de plorer reffaire, Car j'ay bien cause de ce faire Certainement.

### SARINE

E! lasse, or puis je vraiement Dire que je sui povre veuve, Ne n'est mestier que je le preuve. N'ay mais mari que doye attendre, N'a riens s'a plorer non entendre. 2615 Je voy que ci trespassé gist Celui qui tant de bien me dist De l'estat de virginité. Ne cuiday pas en verité Que partir de moy se voulsist 2620 A celle heure, si conme il fist, Mais doulcement m'araisonna

|              | A celle heure et si me donna         |     |
|--------------|--------------------------------------|-----|
|              | Cest annel et ceste sainture,        |     |
| 2625         | Et me pria par tresgrant cure        |     |
|              | Que pour s'amistié les gardasse,     |     |
|              | Afin que quant les regardasse        |     |
|              | J'eusse de li remembrance,           |     |
|              | S'il n'y estoit, et souvenance.      |     |
| <b>263</b> 0 | Or est fait. La gist trespassé,      |     |
|              | Dont mon dueil n'ay mie passé,       |     |
|              | Mais touz les jours le ploreray,     |     |
|              | Et pour s'amour me garderay          |     |
| •            | Vierge touz les jours de ma vie.     |     |
| 2635         | Jamais ne quier avoir envie          |     |
|              | D'omme nul a mari avoir,             |     |
|              | Mais touz les jours pleureray, voir, |     |
|              | Le sien trespas.                     |     |
|              | Archadès                             | 290 |
|              | Seigneurs, je ne conseille pas       | •   |
| 2640         | Que maishuy plus ici soions,         |     |
| •            | Mais lo que ce saint corps levons    |     |
|              | Et le portons de plaine face         |     |
|              | En l'eglise saint Boniface           |     |
|              | Trestouz ensemble.                   |     |
|              | Le pape                              |     |
| 2645         | Vous dites le miex, ce me samble.    |     |
| -            | Or vous diray que vous ferez:        |     |
|              | Vous deux devers les piez irez       |     |
|              | Et si le porterez devant;            |     |
|              | Ces autres hommes en suivant         |     |
| 2650         | A le porter vous aideront;           |     |
|              | Je tien que de cuer le feront,       |     |
|              | Et si en avront tresgrant joie.      |     |
|              | Or avant, mettez vous a voie:        |     |
|              | Mes fréres et moy vous suivrons      |     |
| 2655         | Et de cuer a Dieu chanterons.        |     |

Vous, clers, vostre chant adrescez

Et de floreter ne cessez En alant, tant que soyons la : Regina celi, lettare, alleluia, etc.

Explicit. Deo gracias.

T. VII

.

١

# TABLE

| P                                      | ages. |
|----------------------------------------|-------|
| XXXVII. — Miracle de la fille d'un roy | 1     |
| XXXVIII.— Miracle de saint Lorens      | 119   |
| XXXIX. — Miracle de Clovis             | 193   |
| XI Miracle de saint Alexis             | 270   |

.

•

. 







